

OBSERVATIONVM
ET CVRATIONVM MEDI-
CINALIVM DE FEBRIBVS
EPHEMERIS ET CONTI-
NVIS LIBRI DVO.

*In quibus earum caussa, signa, prognoses,
curatio, graphice depinguntur:*

D. PETRO FORESTO ALCMA-
RIANO Medico auctore.



ANTVERPIÆ,
Apud Christophorum Plantinum.

M. D. LXXXIIII.



IN CLARISS. VIRI D. PETRI
FORESTI LIBROS OBSER-
VATIONVM IN CVRAN-
DIS FEBRIBVS.

Si digni quondam Podalirius atque Machaon
Maonio vati, qui canerentur, erant;
Vulneribus gnari Minyeia centaureia
Indere, & adducta vellere tela manu:
Qua noster non est dignandus laude Forestus,
Qui curat medica saucia corda manu?
Tela cutem ledunt, faciuntque opis indiga docta
Vulnera; mens iaculis inuiolata manet.
At febres quid sunt aliud, quàm vulnera cordis,
Quae facili non sunt arte leuabilia?
Quippe necant hominē, faciunt quoq; saepe furorē,
Ipsa morte magis perniciose malum.
Hac mala qui metuit, veneretur iure Forestum,
Qui vitare monet, quique leuare docet.

ἄλλο

Ὅς πυρετόντ' ὠθεῖν, πυρετῆτε ἔελδετ' ὀπαδ' ἔς,
Εὐρήσει πάντων ἐνθάδ' ἀνεσώρην.

P. T.

3
AMPLISS. PRVDENTISSIMIS.
QVE CONSVLIBVS. ET SENATVI
POPVLOQ. DELPHENSI PETRVS
FORESTVS MEDICVS. S. foret



OSTQVAM primæ ætatis
meæ non minimam partem,
viri præstantissimi, in huma-
nioribus litteris consumpsis-
sem, nec tum quidem vllum
vel vitæ, vel studiorum genus
certum delegissem: variæ cogitationes me diu
multumque retardarunt, cum præter alios Ior-
danus Forestus pater mihi charissimus ad le-
gum scientiam me adhortaretur, quæ cum mi-
hi difficillima videretur ob tãtam & auctorum
& opinionum varietatem, cumq. ipse reluctan-
te etiam natura à litibus, quibus disceptandis
dirimendisque iuris cognitio perpetuò est oc-
cupata, abhorrebam: ea spe protinus abiecta,
tandem medendi artem, ad quam naturæ quo-
dam genio propendebam, multis nominibus
mihi consecretandam proposui. Siue enim digni-
tatem eius, siue præstantiam, siue vtilitatem, si-
ue necessitatem considerarem, reliquis certè
omnibus artibus lógè superior mihi videbatur.
Nolui tamen hoc studiorum genus citra patris
còsensum amplecti. Proinde cum Petrus Nan-

4
nius Latinæ linguæ apud Louanienses profes-
sor, ciuis meus, & præceptor obseruandissimus,
literis patri hoc suasisset, factum est tandem vt
permitteret mihi pater, pro animi sententiâ me-
dicinæ operam nauare. Cùm itaq. animum ad
eam rem appulisset, & postea intellexissem ex
Galenî doctrinâ, omnes ingenuas artes, partim
ratione, partim experientia comparari: existi-
maui etiam mihi cùm doctissimis, exercitatis-
simisque medicis esse versandum, vt non modo
artis theoriâ, verû & tecum sin rectè possim
adipisci. Quamobrem cum Louanij quatuor
pluresue annos theoriâ insudassem sub Hiere-
mia Brachelio philosopho ac medico insigni, &
aliis haud contemnendis medicis, eo tempore
medicandi scientiam profitentibus: tandem
Italiam accessi, vt & praxim à doctoribus exper-
tissimis, tam Bononiæ & Patauî, quàm Ro-
mæ, aliisque in locis celebrioribus perdiscerem,
quò etiam illa, quæ apud eos circa ægrotos ob-
seruassem, aliquando in vsum quoque produ-
cerem. Inter præcipuos verò tum temporis Ro-
mæ erat Gissibertus Horstius Aemsteroda-
menfis magni nominis medicus, qui præerat
nosocomio Mariæ consolationis. Bononiæ ve-
rò celeberrimus ille Archiater Benedictus Fa-
uentinus, Iacobus Erigiûs, qui nosocomium
Mortis (quò vocant) curandum suscepit, &
inter

inter alios vel primo nominandus Elidæus, practicus insignis, nosocomij Vitæ, vt vulgo appellitant, medicus. Patauij verò Vesalius ille Anatomicus, quorum omnium animis propter diligentiam ac fidem acceptissimus eram. Cum igitur istis in locis apud hos præstantissimos medicos & præceptores meos, & alios non minus celebres (quorum mentio in nostris commentariis subinde fit) ad annos aliquot egissem, ægrotantes non paucos ab iisdem curatos vidissem, ac simul quæ ad praxim spectant studiosè obseruassem, tacitus apud me cogitare coepi, quàm laboriosum (nè dicam miserum) sit semper discurrere & incertis sedibus vagari. Itaque tandem mihi locum aliquem esse deligendum existimaui, in quo ætatis meæ reliquum transigerem, victumque ex arte medica honestè mihi quærerem. Quo factum est doctorum hominum consilio, vt relictà Italià Galliam accederem, ac Lutetiæ ad aliquot menses primo omnium praxim inter domesticos ac notos cœperim exercere, & humanissimè à Vido Vidio Florentino & Philosopho, & tunc temporis Regis Galliæ Physico, acceptus: ad quem literas commendaticias à præstantissimis medicis Italicis attuleram: non minus fui gratus Iacobo Syluio professori regio, cui tum temporis Galenum de facultatibus simplicium medicamētorum

6
mentorū prælegenti, aliqua simplicia atque
herbas subministraui, quas ipse partim cū viris
doctis, partim etiā cū Valerio Cordo iuuenē
doctissimo, quo cum Romæ coniunctissimē vi-
xi, cui ibidem & morietī anno 1544. oculos op-
pressi, magno labore diuersis Italiæ locis mihi
collegeram. Verū postea, eodem Syluio ad-
monitore, litterisq̃ue commendaticijs ab eo ac-
ceptis, Pythueras veni, qua vrbe per annū me-
dicinam feci. Tandem verò patre & amicis,
per literas, crebrò me reuocantibus, reuersus
sum Alcmariam, patriam mihi dulcissimam.
Vbi verò multis indicijs ab ineunte etiā ætate,
quadam naturæ propensione à Deo me ad hanc
professionem vocatum fuisse animaduertērem,
huic certē arti, humano generi adeò necessariæ,
totum me deinceps consecraui. Veniebat enim
sæpe mihi in mentem diuinissimum illud Py-
thagoræ philosophorū sapientissimi, nempe
duo longē omnium pulcherrimā, diuinisq̃ue
operibus confimilia, nobis à Deo fuisse conces-
sa, veritatem scilicet eloqui, & mortalibus be-
nignē facere. Id ego mecū propius animo re-
putans, viri clarissimi, verissimam tanti philoso-
phi sententiam esse cognoui. Deus namq. cum
res omnium summa perfectissima, verissimaq̃.
sit, omnis veritatis fons est vberimus. Idem
cū sit perquā beneficus & liberalis, in vni-
uersum

uersum terrarum orbem, munera sua longè lateque diffundit: & quicquid est, à Deo vitam & perfectionem, quantam eius natura capere potest, adipiscitur. Quapropter ego collatis in me Dei muneribus, aliquo pacto defungi cupiens, vt primùm per ætatem licuit, veritatem perdiscere, aliosque docere, atque humanum genus pro virili parte iuuare constitui. Inde factum est cum ad laudatissimam artem medicam perdiscendam (vt nunc diximus) me contulissem, in eaque annos multos elaborauissem, medicinam etiam apud exteros faciendo, tandem patria relictà, vbi duodecim quoque annis, qua potui diligentia, ciuibz meis curandis operam impendi, ad vestram urbem vocatus accessi, eo potissimum tempore, quo pestis vltra modum ita grassabatur, vt yehementior magisque mortifera nunquam apud vos visa fuerit, vsque adeò vt infiniti, etiam violentis per Empiricos purgationibus, præter rationem propinatis, (quæ in tam atroci malo minimè conueniunt) atque intempestiuis venæ sectionibus ad orcum demitterentur, multis tamen per me & Cornelium Heydium medicum insignem & collegam meum piæ memoriæ, Dei ope sanatis. Facturus itaque deinceps operæ pretium mihi videor (postquam vestræ Reipublicæ per viginti septem annos medicus publicus fidelissimis

finem inferuierim, & iam annum agens ætatis
 sexagesimum secundum, breui videar aliis cur-
 su lampada traditurus) si scriptis meis, vobis, ci-
 uibus vestris, atque aliis non minus, quàm ha-
 ctenus curationibus diligenter intentus, prodes-
 sem, & meas in re medica obseruationes in ma-
 nus hominum darem. Quas non solum vestris
 ciuibus atque ignotis vtilis fore confido, verum
 medicis ipsis, qui mihi succedent. Quoniam ex
 iis intelligent, quibus remediis pleriq. vestrum,
 vera methodo curati fuerint. Quæ certe scri-
 pta, sicut à morte mea ad memoriã posteritatis
 supererunt, ita meæ in vos beneuolentiæ atque
 fidei testimonium esse volui. Medici enim in-
 genui est, ac veri philosophi, officij sui memorẽ
 esse, omniaq. sua studia atque labores ad homi-
 num salutem referre. Et ita multas habeo caus-
 sas, viri ornatissimi, easque grauissimas, quibus
 impulsus, has laborum meorum primitias, sub
 vestri nominis auspiciis in lucem emittere, vo-
 bisq. potissimum dedicare constitui. Et si enim
 à natura me ad hoc posteritatis adiuuandæ stu-
 dium natum esse aliqua ex parte viderẽ, in eamq.
 rem toto animo, & studio omni incumberem,
 cogitationum deniq. mearum prima semper il-
 la esset & antiquissima, quo quàm plurimis mea
 opera prodesse (consilium secutus sum morum vi-
 rorum, & doctissimorum hominum) & iuuan-
 di stu-

di studio antecellere possem : hætenus tamen
semper quo minus id , quod auidissimè cupie-
bam, re ipsa præstarem, multa mihi impedi-
mento fuerunt. Nec ignoro longè difficilli-
mum esse vnicuique satisfacere, hac maximè
tempestate, sæculoque obtrectatorum feracis-
simo, in quo nemo est ferè, qui maleuolorum
dentes ac morsus prorsus euadat. Sunt etenim
varia hominum ingenia, quod vni placet, multis
displicere solet. Deinde & hoc accedit, quod his
peruersis hominum moribus, adeò quorūdam
delicatæ sunt aures, vt nihil nisi quod summo
studio elaboratum, & omnibus suis numeris
sit absolutum, audire velint, & si quid ab illa
summa perfectione absit, statim tanquàm in-
eptum, nullo prorsus adhibito iudicio, vel animi
æquitate, turpiter cauillentur non absq. summa
existimationis læsione, & bonarum litterarum
iactura, cum minimè animaduertant, nunquid
idem quoque vtile sit, quod adeò ornatum esse
volunt. Propterea patronis aliquot opus esse mi-
hi iudicabam, qui si forte labor meus in calum-
nias maleuolorum, quasi scopulum quēdam in-
currisset, vindicare me à crimine, velut naufra-
gio, possent. Etenim hæc ætas nescio quo fato
ad carpendū etiam ea, quæ à multis rectè scripta
sunt, quàm ad laudandum ac imitandum pro-
pensior est, adeò vt ne summis quidem scripto-

ribus parcat. Ad hanc igitur causam vos, utpote
 gubernatores reipublicæ, cuius stipendiis mili-
 to, defensores mihi ac vindices delegi. Nam illi,
 quibus respublica commissa est, teste Cicerone,
 non solum bonam causam tueri atq. defendere
 contra improbos atq. contumeliosos debent, ve-
 rum etiam facta & consulta fortium & sapien-
 tum cum improborum ignominia sempiternis
 monumentis laudare. Nolui itaque alios mihi
 Mæcenates quærere, quam eos, qui publico
 honorario me omnium primo decorarunt. Nec
 dubito, quin Observationes istæ meæ, quas ma-
 gna ex parte in urbe vestra annotavi, valde græ-
 vobis atq. ciuibus vestris vel hoc nomine futu-
 re sint, ut si qui alij sint, qui inde emolumētum
 capient, id vobis quoque adscribendum fuerit,
 quibus ut ego plurimum debeo; ita, ne ingratus
 videar, hanc scribendi prouinciam in utilitatem
 vestram suscepi. Non enim in edendo isto ope-
 re magnam ingenij aut industriæ laudem capto,
 sed amicorū postulatis satisfactorius, volui istos
 duos libros Observationum & curationum de
 febribus, tamquam aliorum antecambulones,
 veluti fructus exstare otij litterarij, quib. etiam
 ostenderem gratitudinem meam erga ciues ve-
 stros, qui in morbis suis meam opem implora-
 runt, ac diuina gratia opitulante sanati sunt, in
 quorum vsum atq. utilitatem hosce ingenij mei
 20011 2 A foetus

factus edere visum est. Quod si intellexerim
 primum hunc partum meum vobis gratum fore,
 ad alia egrotantibus non minus utilia parturienda
 & in lucem emittenda me accingam. Interim hos
 libros, quos nunc S. P. Q. R. dedico confectoque,
 pro vestra humanitate ac benevolentia hilari
 fronte excipiat velim. Scio leuidentem esse mu-
 nus: sed cum apud *Ælianum* legerim *Artaxer-*
xi, Persarum Regi cognomento *Mnamoni*, a-
 grestem quandam haustam è proximo flumine
 aquam caua manu obrulisse: neque ab eo reie-
 ctum, sed comiter acceptum, & phiala aurea,
 stola Persica, milleque daricis donatum abuisse:
 nihil addubito quin hæc nostra, qualiacun-
 que tandem sint, vobis non minus grata sint
 futura. Quæ nostri erga vos animi, veluti arra-
 bonem qualemcumque mittimus, deinceps & re-
 liquos ad febres pertinentes, & eos quos contra
 Empiricos circumforaneos, ac de incerto yrina-
 rum indicio, contra Vroscopos & Vromantes
 scriptos, etiamnum domi habeo, Deo volente
 in lucem daturus, modo hos non displicuisse
 vobis animaduverterim. Valete viri Amplissimi.

Lib. I.
 Var.
 hist.

Ex nostro museo, ipsis Calendis Ianuarij. anno nouissi-
mi temporis M. D. LXXXIIII.

Addictissimus vestræ Reipublicæ Cliens

PETRVS FORESTVS.

A D

AD CANDIDVM LECTOREM

P R Æ F A T I O.



AB eo tempore, lector candidissime, quò medicinam facere cæpi, multa & quædam selectiora, quæ in agris curandis obseruassem, atque in aliquot volumina, quamuis dispersa, collegissem; non eo quidem consilio ut ea in lucem aliquando prodirent, aut euulgarentur; sed potius mihi scripseram, ut memoriam fidelius confirmarem, tum ut obliuiosa senectuti consulerem, eamque labore aliqua ex parte leuarem. Caterum ubi ad iustam iam senectutem peruenissem, medici haud vulgares, qui hac nostra commentaria & vidissent, & diligenter perlegissent, me serio ad editionem hortati sunt, cum ea tironibus non solum utilia, verum & aliis medicis iam proxim exercentibus, etiam necessaria fore iudicarent: agrè tamen ut ea prælo committerem, mihi persuaderi passus sum. Mihi enim meæ ingenij tenuitatis satis conscius sum, in hac præsertim tanta scriptorum huius ætatis admiranda copia. A quibus tam solerter tamq̃ limatè elaborata in publicum emittuntur, ut maiorum plurima scripta obscurare, atq. adeò obtegere videantur. Quod me cunctabundum

bundum diutius retinuit, si quidem, non me fugit, quantum sit natura ingenijq, viribus ad scribendum feliciter opus. Quàmque eos multarum rerum scientia, usu, & exercitatione instructos esse oporteat, qui aliquid in lucem edunt, hoc maximè saculo, in quo doctissimorum viro- rum tot centuriæ florent, ac debitam retinent dignitatem. Ea verò quàm sint in me exigua, perspexi. Et quanquam hac in re fortasse medicinae studiosis atque tironibus, tum aliis quibusdam medicis, aliquid utilitatis adferre possum, innumeri tamen sunt primæ notæ viri, quorum alij superiore ætate, his iisdem de rebus, quibus aliqui curati sunt, & quibus rursus nulla remedia profuere, felicissimè & simul doctissimè scripserunt, inprimis verò venerandus ille senex Hippocrates, ut libri eiusdem Epidemiorum testantur. Quot historias curatorum nobis quæso reliquit Galenus ille post Hippocratem, si quis alius medicus eruditissimus & expertissimus? quarum historiarum campos, nuper Symphorianus Campegius, eques auratus, & illustrissimi Lotharingiæ ducis archiater in quattuor libros congeßit, atque eos commentariis luculentissimis illustravit. Taceo nunc alios celeberrimos medicos (etiam præter Amatium Lusitanum medicum doctissimum) qui nostro saculo non infelicitè superiores imitati sunt, idque non sine magna

magna utilitate egrotantium ac medicorum in
 eacura & labore versantium, cum ipsi animad-
 uerterent exemplis omnia non solum lucidiora
 & planiora fieri, verum etiam memoria melius
 commendari. Hi quidē adeò hanc spartam (quod
 aiunt) ornarunt, ut iam nihil nostris laboribus
 & industria reliquisse videantur. At amicus,
 virisq; doctissimis instantibus atque etiamnum
 urgentibus, ne hac commentaria, hætenus mihi
 ipsi reseruata, mecum commorerentur, tandem
 rationibus grauißimis eorum conuictus, non
 potui non iisdem morem gerere, ob tres præci-
 puas causas, à Galeno 7. methodi medendi sta-
 tum in ipso initio, ad Eugenianum amicum
 suum charissimum, hoc modo scriptas: Tu enim
 » mihi conscius es, neque hoc me opus, neque aliud
 » ullum popularis auræ studio fuisse aggressum,
 » sed quo vel amicis gratificarer, vel me ipsum si-
 » mul utilissimaratione ad rem propositam exer-
 » citarem, simul ad obliuionem (ut Plato inquit)
 » commentarios mihi reponerem. Sed quod ad li-
 brorum titulum attinet, iis quidem Obseruationes
 & curationes medicinales inscripsi, non qui-
 dem more Empiricorum, tanquam nuda tantum
 esset obseruatio, aut historia obseruatorum, cum
 obseruatio eadem sit cum experientia: interim
 tales obseruationes intelligimus, quibus & ra-
 tiones adiungantur. Et ideò nuda experientia,
 qua

qua Empirici solum innituntur, non fui contentus, cum me ubique rationalem medicum profitear, cum observatio Empiricorum in similibus accidentium concursibus, colligi nequeat, ut in libris nostris contra Empiricos ex mente Galeni aperte demonstrauimus. Ideo etiam curationibus nostris simul causas, signa, & prognoses adieci, similiter explicando partem affectam, & affectum ipsum ad maiorem horum omnium interpretationem scholiis quoque adiunctis, ut nihil ad veram methodum curandi omnium morborum desiderari posset. Cum enim aliquando cum Ophusio mathematico insigni praeceptore meo observationes Harlemi in calo perscrutarem, de quibus Iohannes Regiomontanus scripsit, quas & Iohannes Schonerus Caroloſtadius additionibus quoque auxit, atque Ophusius gloriaretur, se aliquot Mercurij planetae inconstantis observationes habere: ab eo quidem tempore cum debilis essem, nec iniurias aeris ferre possem, ut nocturnas stellas ita obseruarem, professionis meae, nempe medicinae memor (non quod Astronomiam ut praeclaram scientiam, una cum Astrologia negligendam omnino esse duxerim, cum has ipsas artes tamquam pedisequas medicinae, etiam medico utiles esse scripserim contra Empiricos huius nostri saeculi) potius in microcosmo, scilicet in homine ipso, si agrotaret, observationes

postea

postea instituere decreui, quam in ipso calo. Pro-
 uidi formulas in libris meis apud pharmacopaeos
 pro aegrotantibus descriptas, & quae ad hamum
 tanquam lacerae & puluere obductae propende-
 bant, rursus colligere caepi, curationibus adiectis
 atque in ordinem redactis; exordio sumpto ab
 ipsis febribus, nempe morbis uniuersalibus; ut sic
 paulatim ad particulares quoque deuenirem. Nam
 uniuersam febrium naturam cognoscere, non
 medico soli, sed reliquis quoque hominibus utile
 admodum est, ac etiam necessarium: illi ut certa
 methodo curet: his ut praecaveant, & febrem cu-
 ranti medico morem gerant. Quod febris ipsa
 morbus sit & frequentissimus, & saepe acutissi-
 mus, vel acutis propè omnibus morbis connexus,
 à qua maximum vitae periculum non raro impen-
 det. Adde quod reliquorum morborum plurimi
 unicam tantum actionem ledunt: animalem sci-
 licet, aut vitalem, aut naturalem: febris verò
 omnis, actiones has omnes ledit. Quin & belua
 ista tam furiosa febris, actiones istas ledit: non
 solum sua violentia & ferocitate ac malignita-
 te, sed etiam suorum symptomatum tam multi-
 tudine, quàm magnitudine. De quibus tum leui-
 bus, tum grauib. & vehementibus, ac vita pe-
 riculum intentantibus, fusius in istis observatio-
 nibus, agimus. Quapropter opinor, febrem cen-
 morborum omnium malignissimam & sauis-
 simam

mam luem, ne noceret, Romani coluisse dicuntur,
 tamquam Veiones. Ne igitur tirones, istis no-
 stris commentariis, quamvis in septem libros di-
 gestis, diutius frustrarentur, Plantinus Typo-
 graphus ille insignis, duos tantum libellos prio-
 res, nempe De ephemeris, Synochis & continuis
 febribus putridis, imprimendos suscepit, bello
 nunc undique hic tumultuante, & Marte ubiq.
 (cui nihil commune est cum Parnasso ac Musis)
 grassante, cum difficulter partim ad manus do-
 ctorum virorum perveniant, partim quod om-
 nia sint cariora, metuens nimirum ne exempla-
 ria minus distraherentur. Interim pollicitus est
 reliquos se impressurum non solum de febribus,
 sed & alios commentarios, qui apud nos adhuc
 latent, modo animadverterit hos tamquam alio-
 rum præcursores, aude à studiosis amplecti. De
 qua re non dubitamus, ita ut non opus sit, plura
 de utilitate horum librorum hic adiicere: cum
 omnis virtus, teste Aristotele, quem etiam Cice-
 ro sequitur, in actione consistat. Haud exigua e-
 nim illa utilitas videtur, quæ non solum obser-
 vatione per experientiam comprobata sit, verum
 etiam solida ratione confirmata, dum his exem-
 pla plurima ægrotantium referuntur, quibus
 quoque infiniti mortales ad necem usque decum-
 bentes, pristinae sanitati restituti sunt, & qui-
 bus modis alij quoque sanari possunt. In hac au-

tem nostra arte, hoc genus scribendi, aliis omnibus antecellit: quæcumque enim ad actionem referuntur, eadem semper optima esse oportet: nam ipsa ars medendi, de qua nunc agimus, absq. aliis medicine partibus nec dignosci, nec tractari commodè potest. Siue igitur sanitatis, morborum genera, differentias, causas, partes, effectus, signa, remedia, & reliqua materia medica vim, naturamq. per se quærimus, omnia hæc ipsa ad conservationem, curationem, & alias actiones, quas varia conditio corporis postulat, referimus. Quod ad stilum scribendi pertinet, simpliciter ac nudè historias, texui, potius medicè quàm oratoricè, & quamuis varius ille nonnunquam videtur, tam in Observationibus, quàm in scholiis ipsis, modò purior, modò etiam in oculis aliorum fortasse magis barbarus, minus Lectorem æquum offendet, qui etiam, uti spero, nasuti alicuius Momi, aut perspicacis hac in re Aristarchi reprehensionem, siue seueri Catonis censuram, à me auertet. Quamquam minimè ignoro multos desideraturos Romani sermonis emendatiorem structuram & nitorem, in dicendo copiam, atque orationis splendorem. Sed materia hæc subiecta isthæc lumina verborum non requirit. Medica enim est, ut & Manilius verè dixit:

Ornari res ipsa negat, contenta doceri.
Et ideo non veritus fui modò Græcos, modò Latinos,

tinos, modò Arabes, modò Barbaros etiã in me-
 dium adferre, ac subinde eosdem sequi. Perinde
 enim mihi sunt, à quibus aliquando vtilia exce-
 perim, modò ad rem facere & opem ferre posse,
 existimarem. Quod Galenus & post eum Oriba-
 sius, Aetius atque Paulus, & alij veteres, iunio-
 resque, multò me præstantiores fecerunt, qui
 etiam ab hominibus plebeis veriti non sunt ali-
 quando medicamenta mutuare, modò ea iuuare
 cognoscerent. Propterea, amice Lector, si ani-
 maduerteris me quandoque vsum fuisse barbaris
 vocabulis, aut parùm Latinis, nostrorum tempo-
 rum calamitati id tribuas rogo, & corruptæ lo-
 quendi medicorum consuetudini. Vnicus mihi
 scopus semper fuit in istis Observationibus, tum
 in aliis omnibus commentariis meis, vt Medicos
 potius quàm Oratores efficerem, qui reipublicæ
 aliquando vtilis futuri essent, tum etiam veram
 rationem medendi vnà cum pietatis laude exer-
 cerent: id semper quidem apud Deum flagitaui
 in hac mudi senectæ in qua artes omnes ad sum-
 mum fastigium peruenerunt, & in qua omne in
 præcipiti vitium stetisse videtur, dicente poeta:

Nil habet vltèrius, quod nostris morib. addat
 Posteritas.

Ita & hodie quamuis eruditi multi, plurimi ve-
 rò astuti, p̃y admodum pauci. Christo itaque au-
 spice, cui omnia mea debeo, quæ hætenus obser-

uani, quæq; ex dignis auctoribus excerpti, quæq;
 apud praeceptores meos & vidi & didici, atque
 diligentius perspexi, quibus vti fuerint, quæue
 mihi nunc seni existenti experta & approbata
 cognoui, liberè in commentaria ea redigem &
 quibusuis omnia mea communia faciam, in utili-
 tatem egrotantium non abhorruì, neq. talentum
 mihi à Domino commissum sub terra condere,
 nec abditum quicquam in nostra arte aut arca-
 num, posteritati iniquior, apud me seruare volui.

Quicquid igitur sit quod in lucem damus, beni-
 gne Lector, boni consule: non enim ex eo auram
 popularem, aliâque laudem magnoperè venor,
 cum hunc laborem egrotantibus omnibus, non
 infrugiferum libenter susceperim. Dies erit,
 quando unicuique à Domino laus sua accedet,
 dummodo illius accrescat gloria, & proximus
 istis nostris operibus aliquo modo iunetur, abun-
 dè satis erit factum meis votis. Vale.

OBSER-

OBSERVATIONVM
ET CVRATIONVM ME-
DICINALIVM DE FEBRIBVS
EPHEMERIS SYNOCHIS LIBER PRI-
MVS, PETRO FORESTO ALCMARIANO
MEDICO AVCTORE.

Observatio prima de febre ephemera.

HADRIANVS Alovvinus Delphius
Zythepla (alij Cereuifiarium vocant)
circa folstitium hyemale, ex leui pere-
grinatione cum in exiguam lassitudi-
nem incidiffet, atque aluum vtcumq.
lubricam haberet, ephemera febre
correptus eft. Ad quem cum vocatus effem, atque a-
nimaduertiffem quod eodem tempore ter aluum per
fe depofuiffet, eundem in lecto quiefcere mandavi,
sudore leui per fe non admodum diu pofttea emanan-
te. Cumque lotium infpexiffem, quod reſervatum e-
rat, boni eſſe coloris, ac ſuauiem calorem in toto cor-
pore perſentirem, hominem de ſalute ſperare iuſſi,
quodq. paucis horis à febre in totum liberaretur, præ-
dixi: neque hæc prædictio me feſellit. Nam poſt vi-
ginti quatuor horas à febre liberatus, rectè deinde
valuit. Tales autem Paulus Ægineta ex Galeni aucto-
ritate lib. 2. cap. 15. pinguius ac molliter fricari iubet,
ac deinde ad balneum mittit. Aëtius verò lib. 5. cap. 58.
hos dulci prius tepidoque oleo ſuauius perfricatos ad
balneum quoque deducit. At nos victu nutriente tan-
tum contenti, qui defatigatis (eodem Aëtio teſte lib. 5.
cap. 64.) conuenit, aliis remediis uſi non ſumus. In-

terim ad recreandum, exiguum vini Rhenani, aquosi albi, subtilis, dedimus: quale omnibus ephemeris exhiberi solet. nam præter id quod costionem adiuuat, vrinas etiam & sudores prouocat: si capite doluisset, ab eo abstinuissemus.

SCHOLIA.

CVM de omnibus morbis exempla quadam, eorum quæ in Obseruationibus & curationib. omnium affectuum animaduersione digna esse existimauiamus, in gratiam iuniorum medicorum adferre institutum sit: quadam de singulis tantum affectibus & morbis, scilicet selectiora, non omnia (quæ numerum excederent) adducemus, eaque breuissimè quantum fieri potest explicabimus, ab vniuersalibus morbis seu affectibus incipiendo, paulatim ad particulares progrediendo. Rectè enim ab iis vitis incipiemus, quæ totis corporibus inhaerescunt. Ex horum ordine frequentissimum malum est, & generi hominum inimicissimum febris: aded vt quorundam literis proditum sit, nunquam quenquam, exceptis biothanatis, sine eo morbo vitam amisisse. Præterea varij sunt morbi & multiplices affectus, qui febrem adiunctam sæpe habent, ideoque de febribus, vtpote morbis magis vniuersalibus primo agemus: circa enim febres cognoscendas & curandas non solum tirones, sed etiam seniores atque exercitati medici magna solertia & industria vti debent. Quamobrem ne in cognitione & curatione febrium vagetur oratio, quod facile fieri possit in tam lato campo omnium febrium, cuius valde sinuosa est tractatio, omnia quæ dicturi sumus in tria genera febrium distribuemus, in eam quæ ex spiritibus sit, ex humoribus, ex solidis partibus. Ad primum genus referuntur quæ Ephemeræ à medicis dictæ sunt (harum exemplum vnum nunc adduximus) de quibus omnium primo dicemus. Sed antequàm ad eas explicandas

candas veniamus, prius in genere sciendum est quid febris significet, vt sic eiusdem natura & definitio magis innotescant. Latini vno vocabulo febrem nuncupant à verbo ferueo, est enim febris veluti feruor quidam seu feruescentia quadam corporis, quod ab ea corripitur. vel à februo, quod dicitur à feruēdo apud veteres, vt annotauit Iosephus Scaliger ad Varronem. Graci verò vt Hippocrates & Galenus πυρετὸν interim πυρεζίαν nuncuparunt, ἀπὸ τῆς πυρετῆος verbo Græco, quod Latine significat febricito seu febre corripior: secundo ἀπὸ τῆς πυρῆς, ὡς ἐξίς, Latine autem habitus seu dispositio ignea: ita & Hippocrates febrem ardentissimam solitus fuit ignem appellare, vt 1. De morb. vulg. quasi non aliam habeat naturam præterquam ignis substantiam, teste Gal. lib. De rat. vict. comment. 3. text. 18. & 19. Nequaquam tamen febris re ipsa est ignis, nam ea laborans animal non viueret. sed vbi calor auctus est vt hominem offendant & actionem ledat febris est. 8. meth. med. & sic est veluti corporis immoderata caliditas, vt lib. 1. De caus. morb. cap. 2. Et licet calor videatur impediri in principiis febriū, rigore, horrore, refrigeratione, & extrema aliquando frigent vt in febre syncopali, vel sudore frigido occurrente, quæ cum febris symptomata sint, interim febris manet, neque dicenda febris frigida, nisi per abusum ex accidenti & improprie, vipote à causa frigida orta, vel ex accidenti partibus quidem corporis refrigeratis intus reuocato calore, vel ab aliqua forti inflammatione, seu erysipelate. Hic etiam calor febrilis intelligitur de qualitate, vt 2. De temp. cap. 2. & 1. apho. 14. eaq; non simplex est, nec sincera, sed aliarum etiam qualitatum quodammodo particeps, estq; actu non potentia vti tactu indicatur non ratione: nam quod potestate calidum est ratione inuestigatur. Non ab re quotquot febris essentiam nobis manifestare tentarunt, omnes per calorem eam definiuerunt. Ex quibus dictis nunc etiam

Ratio nominis febris tamen apud Latinos quam Græcos.

Notio rei quæ febris dicitur.

Febris definitio.

facile patet definitio ipsius febris, eiusque natura, cum eam Auicenna fen. 1. quarto, definierit calorem extraneum: Galenus verò natium calorem in igneum mutatum, aphor. 14. & 16. & lib. 1. De rat. vict. Est enim calor, non res calida, 8. method. 1. & 9. & 14. sed auctus & in igneum mutatus, cuius ratio colligi potest 1. aphor. 14. siccitati coniunctus 1. aph. 16. & 1. rat. vict. morb. acut. tex. 16. in corde accensus, ut liquet 1. de diff. feb. cap. 3. per totum corpus vel maximam eius partem transmissus per venas & arterias 8. meth. & 1. de sympt. causis 5. nisi impediatur, ut in epiala. 2. de diff. f. cap. 6. Non enim opus est ut febrilis caliditas per totum animal sit effusa 6. de morb. vulg. sat est vel in pluribus partibus vel in nobilissimis accensa, ladens operationes omnesq; functiones. Neque dicenda est febris, nisi cor præter naturam incalcescat, quamvis non semper primò afficiatur. Hoc patet in omnium febrium genere. in hectica apud Gal. 10. meth. cap. 8. quando à iocinore, ventriculo incipiat & aliis corporis partibus: interim verò quod afficitur est ipsum cor. Idem constat in febre ephemera 1. de diff. f. cap. 3. & 1. de arte curat. ad Glauc. cap. 3. & 8. meth. med. cap. 1. dum spiritus in ea, qui in ventriculis cordis continentur, accenduntur, precedente aestu, ira, aliquando ex aliis partibus ut inguinum inflammatione. In putridis febribus, ex humoribus in dextro cordis ventriculo contentis, interim & aliis, qui in omnibus vasis aut in quibusdam putrescunt, aut extra vasa secundum mentem Gal. 1. de diff. feb. & 11. meth. & 3. de præ sag. ex puls. cap. 7. Hinc & eius definitio talis esse potest: Febris est intemperies calida præter naturam in corde omnes actiones corporis ladens & ideò morbus cordis duntaxat, ut latius apud Argenterium explicatur. Non quidem complexio calida & sicca, ut quidam autumant, tunc enim sequeretur quod complexio biliosa esset febris, quod falsum est. nam febrientes siue pituitosi siue sanguini-

Quæ pars affecta in febre.

Febris non est nisi cor præter naturam incalcescat, sed non semper primò afficitur.

Febris.

Qualis affectus sit febris, nempe morbus.

sanguinei sint, remanent semper in eadem complexione qua præditi erant. At cum alij circa febrem dissentiant, quod ipsa non possit diuidi in morbum & accidens, licet & Fernelius Symptomaticam febrem admittit, Auicenna & Conciliator diff. 87. tenent, quod febres accidentales, cum mediâtè vel immediâtè à morbo dependeant: sunt autem morbi cum nullum morbum sequuntur. Præterea cum dicit Galenus febrem esse natium calorem in igneum versum, scire oportet quid sit natiuus calor. is duplex quidem est: alter quem idem auctor nunc æreum nunc sanguineum, nunc verò spiritum vocari scribit, temperatus, non ubiq. sui similis: in alijs enim partibus elaboratior, in alijs minus elaboratus, (quemadmodum & sanguis) existit: omnium natura functionum auctor, proinde in nulla corporis parte non continetur, in spatijs quidem inanibus plurimus. Is pro temporum, ætatum, & victus ratione, modo acrior, modo mitior, modo acrior, modo mitior existit. Ventres, inquit Hippocrates, hyeme calidiores, id est, plus continent calidi innati: quod eo tempore cutis spiracula, caloris exhalatione prohibeant, frigore adstricta. Item eodem tempore mitior, æstate verò parciore & acrior: pari modo, pueri plus vernaculi caloris, eiusq. mitioris: iuuenes minus, sed acrioris habent. Sic & qui calido & humido victu viuunt, maiorem eius portionem, quàm qui sicco & frigido, obtinent. Alterum calorem Galenus virtutum substantiam, aut primum ipsarum instrumentum esse scribit: hoc est quatuor elementorum, vel eorum primarum qualitatum temperamentum. Cum enim elementorum substantia miscentur, & eorum qualitates misceri necesse est: nihil ergo refert (vt dicebat Acahia in comment. Gal. De arte curat. ad Glauc.) an harum, an illorum temperaturas, caloris substantiam esse dixeris: quanquam qualitatum esse, magis probet Galenus. Ex harum igitur symmetria, vires: ex viribus, proba actio

Natiuus calor duplex.

Primum caloris naturalis genus.

Secundum caloris naturalis genus.

Varia corporis partium temperamēta.

Secūdi generis naturalis caloris differentia.

Calor febrilis in diversis partibus diversas gignit febrium differentias.

Differentia febrium ex Hippoc.

Maximè principales differentia febrium.

Minus principales.

nasçitur. Cum autem varia sint in corpore partium temperamenta, variae erunt huius caloris differentiae: aliae enim partes solidae sunt, aliae humores, aliae spiritus: quarum cuique suus inest calor: qui cum se ipso calidior fit, ac velut ignescit, febrem procreat, in spiritu quidem diariam seu ephemeram: in humore verò, si quidem putris sit, putrem; sin puredinis expers synocham: in solidis autem partibus hecticam. Et ita quoque calidum duplex est apud medicos: innatum seu naturale, vel acquisitū, naturale aut igneum. sed in horum interpretatione non est diu inhaerendum, cum hac & à Galeno & Hippocrate tractata fusius, ab aliis multis, ut Fornelio explicantur, & potissimum à Donato ab alto mari par. 1. De feb. medend. cap. 6. 7. 8. 9. Præter has autem differentias febrium ex materia caloris sumptas, Hippocrates 6. De morbis vulgaribus, has quoque ponit, cum dicit: Febres aliae quidem mordaces sunt manui, aliae lenes. aliae verò non quidem mordaces, verum augescentes; aliae autem acutae quidem, sed quae à manu vincantur. aliae statim adurentes; aliae semper debiles siccae; aliae sanguinosa; aliae inflatae, horrendi aspectus; aliae ad manum humectae; aliae rubicundae valde; aliae valde pallidae; aliae lividae & aliae id genus. Sumuntur igitur iuxta Hippoc. & Gal lib. 1. De diff. feb. cap. 1. à substantia vel à forma: ut calore scilicet acri siue mordaci, ut putridae febres: à miti, leni, halituofo, ut ephemeræ: à sicco & squalido, ut hectica: à statim exurgente, ut incrementales: à manui resistente vel cedente. Vel à materia, in qua, ut subiecto febrilis calor residet, & est vel in spiritibus, & fit ephemeræ siue diaria (ut dictum est) vel in humoribus, & fit febris putrida: vel in solidis partibus, & fit hectica febris. Suntque haec maximè principales differentia. aliae verò sunt minus principales, & sumuntur ab accidentibus, vel à modo motus, ut sunt acutae, peracutae, diurnae, erronae. vel à coloribus.

loribus, vt sunt rubida, scilicet sanguinea, vt synochus: pallida, crocea, flaua, vt biliosa: liuida, quibus succus sanguineus deficit & calor innatus, idè lethales: flatibus plena, siue tumida, quidam has ad pestilentes referunt, alij ad humiditas & vaporosas transferunt: aspectu graues, Curtius ad pestilentes eas refert cum sint aspectu horribiles ob anthraces: saluginosæ, Galenus putat textum Hippocratis esse corruptum; Curtius, vt textum retineret cum Auicennam De febr. interpretaretur, intelligit manu mordicantes tanquam in muria essent. Non sumuntur enim tales differentia ex his, quæ ipsi laborantes referunt, sed ex iis quæ medici ipsi ex tactu iudicant. At maximè propria sunt illa differentia vt Gal. refert lib. 1. de diff. feb. cap. 1. quæ à materia in qua calor accenditur, sumuntur. Cum igitur ea quæ in spiritibus accenditur sit omnium aliarum febrium simplicissima, quomodo ea sit internoscenda & curanda aliis exemplis doceamus, & præsertim hoc sequenti, præcedenti non admodum dissimili, quamuis ex motu vehementiori hac ipsa ephemera orta fuerit.

OBSERVATIO II. DE FEBRE ephemera ex motu vehementiore.

AMICVS quidam noster, ac mihi familiaris, vir raræ texturæ & admodum biliosus, si vteretur vehementiore motu corporis tum animi, facillimè diariam febrem seu ephemeram incurrebat. Hic cum impensè sese exercitasset, in ephemeram febrem incidit; quod etiam cum ad eum accessissem animaduerti: nam cum cutem ipsam plusquàm in aliqua alia febrium ephemerarum sicciorè esse perciperem, ex lassitudine nimia diariam originem sumpsisse cognoui. Ilico igitur amicum quiescere iussi, & ad humectan-

meftationem, fyrupum violaceum propinaui, & inclinante febre fimul hordei emulforium dedi, quod hoc modo paratum erat. ℞. hordei optimi ab exteriori cortice repurgati p. j. in aqua pura coquatur quafi ad putrilaginē, deinde piftillo ligneo in mortario lapideo tundiatur, cui deinde addas amigd. dulcium in aqua calida infufarum & à cortice exteriori repurgatarum ℥ ij. ſe. quatuor frigid. maiorum mundatorum ana ʒ j. omnia fimul contufa ac mixta cum libra j. eiusdem aquæ hordei adhuc calentis, faccharo albiſſimo, vt ſapor magis delectet, in ea liquato, per ſetaceum traiciatur, & ſæpius ac fortiter exprimantur & fiat emulforium vt artis eſt. ego hordeatum appellare ſoleo, quamvis hordeatum etiã aliter fiat, vt aliis exemplis docebitur. eoque aſſumpto, ſudore commodè effluente, in ſomnum placidiſſimum incidit. die ſequenti à febre liberatus, cùm probè aluum per ſe depoſuiſſet, & crura adhuc laſſa ex præcedenti exercitio haberet, vt aqua tepida ea lauaret, & in ea loco balnei, uſque ad femora federet, mandavi: quibus & hic rectè curatus eſt, febre non amplius redeunte.

SCHOLIA.

E PHEMERA ſeu Diaria, cùm ſit febris ſimpliciſſima eaq; breuiſſima, & placidiſſima, ac minimè maligna, vt optimè Gal. 1. de rat. curandi ad Glauc. teſtatur, ab ea primum incipiendum duximus. Primò itaque huius naturam & definitionem excutiemus, deinde quæ ſint illius cauſſæ: nihil enim ſciri poteſt quod non cognoscatur per cauſſas. Etenim niſi quis ad vnguem memoria teneat, inquit Gal. 8. meth. cap. 1. & quæ cauſſa febres generant, & in quo cuiuſque corporis affectu: is nunquam methodo febrim proſpi-

prospiciet. Tertio signa adiiciemus. Quarto verò methodum curandi addemus. non quod hic omnia quæ dici possunt dicturi sumus: infinita enim sunt, quæ occurrunt de hoc negotio cogitantibus. Ea tantum attingemus, quæ magis videbuntur necessaria, quæq; ad explicationem Observationum nostrarum & curationum vtilia cognouerimus. quibus ita digestis, non erit difficile aliis, plura sibi aliunde ex probatis auctoribus corrogare. Antequam igitur ad febrem ephemera naturam & definitionem accedamus, vnum mihi expediendum, quare ea ita dicatur, vt eiusdem naturæ melius intelligatur. Inditum autem est huic febrium generi diariæ nomen, à Græcis ἐφῆμερος & πῦρετος appellatur, non siquidem de substantia ipsa, sed conuenienti nomine destituti, inquit Gal. 9. method. clarioris simul breviorisq; doctrina gratia, ab eo quod sæpius eis accidit, nomen indidimus. Etenim vt plurimum necesse est, eas ultra vnum diem non porrigi: appello autem 24. horarum spatium, diem: adeo vt nox quoq; comprehendatur. Quidam à similitudine cuiusdam animalis ephemeræ nuncupati, hanc febrem nomen suscepisse asserunt, cuius meminit Aristoteles lib. 5. De natura animalium cap. 19. Est enim animal volucre, ac quadrupes, à quibusdam veluti folliculis erumpens, quod genus animalium, in postmeridianum vsque diei tempus viuit & volat: mox descendente sole marcescit & languet, deinde occidente moritur, vitam non ultra diem vnum agens. Vnde ephemeron, id est, diarium appellatum est. Hæc febris non pertransit diem vnum nisi error committatur, vt 3. method. med. in principio habetur. & 10. eiusdem. desistit enim post primam accessionem, si quis eam rectè tractet, idq; propter naturam in qua subsistit, nempe spiritum, qui facillimè discutitur. Hinc eius natura non solum patet, sed eiusdem quoque definitio, cum diaria vel ephemera nihil aliud sit quàm calor extraneus

Diaria seu ephemeræ unde dicatur.

Febris ephemera seu diaria.

vel præ-

Pars affecta.
Affectus.

Diaria febris
duplex.

Causæ ephemeræ seu diariæ.

vel præter naturam in spiritibus accensus operationes la-
dens. ergo spiritus concalcati in corde, cor etiam afficiunt,
quæ huius quoque febris pars affecta est. Affectus quoque
eiusdem ad morbum refertur, non ad causam nec sympto-
ma. Corde autem affecto cætera membra incenduntur. Af-
similatur autem vento calido à folle fabrili attracto, ut e-
nim ille calefacit follem in quo attrahitur: sic quoque spiri-
tus plus rusto calefacti, vniuersum corpus accendunt. Cum
itaque spiritus corpus simplex est vna tantum erit diaria-
rum species: humor verò cum multiplex sit multiplicem
quoque constituit differentiam, vti & de febre putrida postea
dicemus. Et quanquam diariarum vna sit forma: dupli-
cem tamen medici eam faciunt. Vnam quæ simpliciter &
citra adiectionem sic appellatur, de qua nunc agimus. Hæc
quidem vnius diei spatium, hoc est, horas viginti quattuor,
non excedit: altera est quæ cum adiectione plurium dierum
ephemera seu diaria nominatur, de qua postea. Nunc ad
causas huius febris progrediamur. oritur ephemera seu dia-
ria, cum absque vlla putredine spiritus præter naturam in-
calescit & succenditur, quod multis modis accidit, ut ad
longum Galenus 1. ad Glauc. De art. cur. docuit, ex lassitu-
dine, cuius exemplum hic proposuimus, & quamvis ex ve-
hementi fatigatione in musculis, nervis, copulis, & articu-
lis lassitudinis sensus oboritur, non omnis statim fatigatio
febrem accendit, sed si paulò vehementior fuerit, quemad-
modum ex motu ampliore febris accenditur, ita & hic spi-
ritus concalcati diariam induxerunt. ex temulentia: vi-
num enim præsertim calidum si immodicè sumatur, vbi à
corpore calorem accepit, feruentem vaporem ad cor trans-
mittit, vnde & spiritus incenduntur & hanc febrem gi-
gnunt, quemadmodum & cibi calidi. ex ira, cū iracundia sit
quasi feruor quidam ac motus vehemens irascentis faculta-
tis: ita & ex mœrore, cum in eo reuocati ad suam originem
spiritus

spiritus sese accendant. ex candescencia, furor èue, qui vehemens ira est spiritus celeriter intro reuocatos accendit. deinde ex aliis vehementibus animi curis: nam in his ac cogitationibus in cerebrum feruntur, vbi accensi calorem cordi suggerunt, & hanc febrem pariunt. item ob vigilias, cum vigiles sensus nunquam otiosi sunt, sed semper agunt, eliciuntq; spiritus, qui accensi febrem producant, vt sequenti exemplo docebimus. ob famem, nam hoc modo spiritus inflammantur. ob ardorem, solis aestum: nam solis ardor tum inspiratu tum arteriarum attractu, tum cutis cōtractu, spiritus accendit. Si enim cutis hunc diutius patiat, macrescit, contrahiturq; ita vt effluuium supprimatur, atq. ex accidenti, non aliter quàm frigus, febrem gignat. & ita algor quoque hanc febrem inducit: frigus enim cutem claudit, proinde solutum effluuium cohibet. sed hæc omnia per exempla subsequencia clariora euadent. Huc etiam spectant febres ex bubone mites non autem mala. de quibus postea. Nunc exemplum rursus proferamus, vt deinde de signis tractatio fiat luculentior.

OBSERVATIO III. DE FEBRE

ephemera seu diaria ex vigilia oborta.

PVELLA quædam focaria seu culinaria ministra cum apud matrem vetulam valdè ægrotantem vigilando multas noctes insomnis egisset, in febrem diariam ex vigiliis incidit: quod faciliè ex sequentibus signis percepi; nam vitiosus color seu decoloratio & faciei tumor eam subsequebantur, grauisque oculorum motus: vix enim palpebras attollebat, quibus & humiditas inerat (quæ signa etiam à Galeno i. ad Glau. cap. 2. referuntur.) Vigiliæ enim, cum coctionem impediunt, humorum & vaporum

crudo-

crudorum copiam pariunt (vt etiam de vict. morb. acut. comment. 2. textu ultimo habetur:) calorem naturae imminuunt, corpusque resoluunt. Per vigilias enim cerebrum sensusque instrumenta (vt rectè Aca-
kia quoque dixit in comment. Gal. ad Glauc.) assidue exercentur: vnde plus facultatis, & spiritus animalis absument: quibus tandem resolutis, & in actiones obeundas insumptis, vitales spiritus antequam integram elaborationem sunt experti, assidue alliciunt. In summa, naturam à coquendi munere auocant: quocirca magnam cum in reliquo corpore, tum in cerebro cruditatem relinquunt. Cæterum fatigatis animalis virtutis instrumentis caput imbecillius redditur: vnde commemorata incommoda sequuntur: nempe cruditas & caloris naturalis immutatio: ex quibus rursus sequuntur decoloratio, tumor faciei, palpebrarum humiditas, earumque motus grauitas: scilicet resoluta facultate, & vaporis humorisque copia degrauante, pulsus erunt exigui & duriores. hæc cum spectarim vigiliis præcedentibus facile cognoui, diariam esse: verum ne in hecticam mutaretur cum febris leniter finiret modo ephemerarum, emulsorium exhibui quod ad somnum conciliandum faceret, hoc modo. *℞. hordei mund. p. j. amigd. dul. depilat. seu excortic. ʒ j. se 4. frig. maior. mund. ana ʒ j. se. papa. albi ʒ j. cum ʒ viij. aquæ lactucæ saccharo violaceo in eo soluto vt artis est fiat emulsorium.* hæc loco cibi sumpsit. Postea quoque ad maiorem refrigerationem, & humectationem hoc quoque iulapium propinauimus. *℞. Sy. viol. Papa. ana ʒ β. aquæ lactucæ ʒ iij.* Cum optimè quieuisset, à febre liberata est. interim in hac quiete paululum temporis eam detinui: sed ne in putridam quoque febrem laberetur,

beretur, pro alui eductione cum non satis responderet 3 x. diaprūni simplicis in bolum parati, vt deuoraret, mandauimus. quibus deinde bene habuit, vt non opus fuerit eam in balneum deducere.

S C H O L I A.

CVM alia signa sint ephemeram praesagientia, aut eam futuram denuntiant: alia ipsam indicantia: alia prognostica; de his breuiter agemus. Quae enim futuram praesagiunt, sunt ipsamet causa procataretica iam dicta: vt, lassitudo, mora in sole, exercitium vehemens ac animi motus: si enim eo vsque procedant, quod spiritus inflammant, febrem diariam futuram praenuntiant, idq. magis in corporibus ad hanc febrem magis dispositis: ad quas praeteris propensi sunt, qui calido ac sicco sunt corpore, vt biliosi: quamuis & alios noui etiam seniores, qui facile in eam laberentur, vt noster Hugo Nieuuenius medicus Haghani, qui ex leuissima causa ea corripiebatur, quamuis quiete & leui euacuatione ne in putridam caderet ab eadem facile curaretur. Signa quae praesentem adesse indicant, quaedam sunt inseparabilia & propria, vt ea quae ab actionibus laesis videlicet vitalibus sumuntur, nempe a pulsu nullam notam inflammationis habente neque inaequalitatem in vno arteria percussu, vel prorsus exilem: pulsus in celeritatem & magnitudinem frequentiamq., quantum in ipsis est, mutant: exquisitè verò seruant eam, quae secundum naturam est, aequalitatem, mollitiem & ordinem, & systoles non est celerior. à naturalibus: concoctio in vrina prima statim die apparet. ab accidentibus, cum caliditas tactu suauiter percipitur, & quod declinatio desinat cum sudore suauiter, iam quoque si praecesserit aliqua euidentis occasio, velut iracundia aut id genus alia, certum est eam

C

diariam;

Signa quae futuram ephemeram praesagiunt.

Signa quae praesentem adesse indicant.

Signa indicantia febrem diariam.

diariam, non putridam febrem esse. & cum calor iucundus sit non incipiunt hæ febres cum frigore aut rigore. quæ singula fusius explicat Gal. lib. 1. ad Glauc. cap. 2. & lib. 1. De diff. feb. cap. 8. nec non lib. 2. De crisibus cap. 13. Neque enim difficile erit per eadem signa confestim in prima die diariam cognoscere ac à cæteris secernere ut Gal. 8. meth. cap. 3. ostendit & 1. De diff. feb. cap. 8. Quamuis idem dixerit curationem huius esse facilem, cognitionem verò difficilem 1. ad Glauc. cap. 2. non quidem intellexit genus hoc februm, sed eiusdem generis particulares differentias à diuersis causis ortas, quæ inquam requirunt maiorem diligentiam, ut ipse fassus est, licet earundem curatio in promptu sit. Signa verò quibus quauis diaria cognoscitur particularis, id iam in duobus præcedentibus ostendimus: nam duo illi priores qui ex lassitudine in diariam inciderunt, cutem sicciorem habebant: sed hoc quidem omnibus, qui ex lassitudine febricitant, commune est, in eo accessionis tempore, quod vsque ad statum porrenditur: at eo tempore, quod statum sequitur, plurimus quidem, quicumque non supra modum fatigati sunt, humiditates quadam, vel vapor calidus ex profundo attollitur, quibusdam verò in iis, quæ statum subsequuntur temporibus, siccitas remanet: & hoc præcipue fit in illis, qui supra modum sunt fatigati, vel densi, vel refrigerati vna cum lassitudine. Pulsus quoq. non eodem modo in virisque se habent: parui enim ius, qui supra modum sunt fatigati ob virium imbecillitatem: magni verò aliis sunt: quoniam vires nondum collapsæ. Signa verò eorum qui ex vigiliis febricitant, observatione præcedente demonstrauimus. sequenti verò de vstione æstuq. solis dicemus, & quarta obseruatione exemplum diariæ ob curam proferemus, & qualia signa habent qui ob maiorem hanc febrem incurrunt. At signa diariæ febris ob iram sunt, pulsus magnitudo, & in patiente oculorum nulla cauitas, nul-

Signa diariz
ob lassitudi-
nem.

2. ក្នុងករណីនេះ គណៈកម្មាធិការ
 បានជ្រើសរើស ឈ្មោះ
 អ្នកប្រឆាំងប្រកួតប្រជែង

Signa diarise
-febris ob itā.

Ligue

laq. faciei decoloratio, sed magis oculi prominere videntur, scilicet delatis illuc spiritibus ipsos distendentibus: nam cum oculi instrumenta sint, quibus persequi hostem velimus, ad eos spiritus feruntur: hac ratione etiam facies non decoloratur, sed rubet, ut in quam spiritus & humor confluat. Signa diaria ob timorem, & praecipue recentem sunt pulsus celeres, colorq. in facie velut exsanguis: spiritus enim una cum sanguine intro recurrunt: quos natura commota atque ut sibi provideat sollicita modo huc, modo illuc impellit: itaque motu accenduntur: pulsusq. reddunt celeres urgente euentandi necessitate. At ob inueteratum timorem, quoniam spiritus dissipantur, virtusq. languescit, pulsus sunt parui, languidi & rari. De signis diariae ob cutis densitatem & bubonem in propriis observationibus latius dicemus. At qui ob temulentiam, fame vel alia causa hac febris corripuntur, ij ad dignotionem nullis notis indigent: de sermonibus enim agrotantium eiusmodi cause deprehendi possunt. Prognostica signa sunt quod facilis est curationis: & qui eam cognouerit (sicuti nos in prima observatione & in aliis quibusdam fecimus) statim poterit praedicere diariam ultra diem naturalem non duraturam: est autem de toto genere salubris & brevis. De ea autem Hippocrates A lib. aph. 55 sic praedixit. Ex inguinum tumoribus omnes febres mala, praeter ephemeram, ubi calor ephemerus & omnia accidentia statim minorentur, salubris erit. Non est tamen hac negligenda quamvis velocis & bonae terminationis sit, cum soleat propagines malas gignere, & in alias febres transmutari: & licet cito terminentur, non tamen inter morbos acutos reponenda: carent enim malis accidentibus. Si error contingat in curatione vel per medicum imperitum vel agrotum, periculum est ne in hecticam transeat, si biliosa fuerit temperatura qui agrotat. In aliis vero in putridam, maxime cum apertione meatuum cutis

Signa diariae
ob timorem.

Prognostica.

Gal. comment. 2. aph. 19.

Auicenn.

Gal. 3. meth.
cap. 5.

est opus, & non aperiuntur. Cum declinat febris absque sudore vel rore aliquo, ad aliud genus transire ipsam verendum est, præcipue quando declinatio est longa: & symptomata & dolor capitis & huiusmodi non dissoluantur. Diaria ex cruditate & corruptione ciborum à calido, si aluus lubrica fuerit minus est noxia, sin astringatur grauis est. Non opus est hic signa critica inquirere, quia ephemera non facit crisin: terminatur enim statim leui sudore. At febris ephemera, quæ est ex opilatione venarum & pororum corporis est cognitu atque curatu difficilior, sed ad pleniorẽ eius cognitionem facit quod hoc genus febrium, non accidit corporibus extenuatis, sed repletis, & ideo tales statim sunt purgandi ne in putridam incidant. Signa permutacionis in hanc vel hecticam postea dicemus. Nunc ad exemplum illius qui ex aestu solis diaria correptus fuit.

OBSERVATIO IIII. DE EPHE- MERA EX ÆSTU SOLIS.

SEBASTIANVS Isbrandus Delphius, Proxincta, seu conciliator in contractibus, qui ad forum frumentarium habitabat, si aliquando sub sole versaretur, ilico capitis dolore afficiebatur. Hic vero cum inter ambuladum longam sub sole moram traheret, in febrem cum capitis non admodum graui dolore incidit: ad quem inuisendum cum peruenissem, cum ephemeram pati his subsequẽntibus indicis deprehendi. Primo, ex modo originis, cum incepisset à causa externa & primitiua, nempe ab vstione & calfactione solis, quanquam etiam diaria aliqua possit fieri ex causa interna & antecedẽte, nempe ab exigua obstructione, quæ potius diem excedit: nam vera ephemera & legitima apud Galenum & Auicennam, habet

habet signum inseparabile, quod à procatactica causa oriatur. Secundo, à modo inuasionis: quia absque rigore, horrore, frigore & membrorum concussione inceperat. Tertiò, à modo caloris: nam febrilis calor, tactu mitis erat, halituosus absque mordicatione & punctura. quamuis ex ardore solis primo quidè contactu ex nimia siccitate videbatur aliquo modo mordax, at secundo contactu omninò mitis. Quartò, ex lotio: parùm enim à naturali differebat, licet exigue tinctum, quod potius causa effecit, nempe laboriosa deambulatio in sole: quanquam in eo pendeat nebula, veræ coctionis signum. Quintò, à pulsu, qui vix distabat ab eo, quo tempore sanitatis esse solet, cuius magnitudo stabat. sed diastole, id est deductio siue inspiratio, systole, hoc est compressione, spiratione dicta, maior multò erat: nempe quia aeris multitudine natura ad caloris refrigerationem magis indigebat, quàm fumorum fuliginosorù expulsiōne, quod in corpore nulla erat putredinis infectio. Nam in putridis febribus exspiratio inspiratione maior est. Sextò, à forma febris, cùm principium bene toleraret, & leuia essent symptomata: quæ omnia cū Galenus tum Auicenna recensent: quanquam Auicenna & septimum addit signum sumptum à iuuantibus & lædentibus: nempe si balneum ingrediatur æger quod non percipiat horrorem. id signum à Gal. 1. De diff. feb. cap. 7. sumpsit. præter hæc signa hæc aderant, quæ diariam ob vstionem æstusq. solis notant, quod cutis maximè circa caput siccior & calidior esset, quàm suo contactu solis ardor exsiccauerat ac calefecerat: præterea caput aliquantum vri videbatur propter spiritus accensos: oculi rubebant nonnihil, in quibus non solum, sed etiam in temporibus, fronte,

& tota facie aliquo modo venæ extendebantur. Hæc cum in hoc nostro ægrotante viderem, cum dolor etiam versus tempora & frontem vergeret, vnguento rosaceo frigide vt inungeret mandavi, oleoque rosaceo omphacino sine sale cōfecto capiti infundebam. Aëtius lib. 5. cap. 60. oleum gelida aqua aspersum, aut in vase in puteo suspenso vt aquam attingat, aut extimo vase niue illito, & ita algefactum deinceps lana excipiens ac suspenfa in sublime manu exprimendo fincipiti instillat, idque incessanter ad febris vsq. declinationem. postea dulcium & temperatarum aquarum lauiacra admouet, ita vt æris balnei transitum tantum concedat. sed de his latius in scholia. Nos autem fronti oxirhodinum ex oleo rosaceo, aqua rosacea & paucis rosaceo aceto mixtum panno inculcato sæpius frigide admouimus, quibus dolor capitis cessauit & febris non amplius rediit. Similem casum narrat doctissimus Amatus centur. 3. curat. 99. cuius caput iisdem perfundi fecit, ac lactucam coctā oxileo & salis mica respersam pro cibo dedit, & in potu frigidam iulebo violaceo mixtam: deinde sequenti die febre inclinante eundem ad balneum ex ros. vitis foliis lactucis, nymphaea & similibus confectum duxit, quo maximè delectabatur æger & tandem sanus euasit. At noster æger supradictis remediis tantum vsus, balneo opus non habuit, cum tempus frigidum vtrumque esset, & balneum abhorreret.

SCHOLIA.

Diariæ febres facillime curantur quib. & balneum cōmodissimū est.

DIARIÆ febres, cum communem habeant generationem, quantum ad ipsas attinet, communem quoque curationem recipiunt, & ideo harum omnium curatione

ratio facillima ac in promptu est, cum omnes balneis curentur Gal. teste lib. 1. De arte curat. ad Glauc. cap. 2. etiam alimento boni succi & humido. multi harum curationem particularem non ponunt, eo quod medici rarissime ad has febres curandas vocentur & ideo iuniores remittunt medicos ad Gal. 8. & 10. meth. & 1. De arte curat. ad Glauc. & 2. De crisibus cap. 13. & ad lib. 5. Aet. cap. 58. 59. 60. 61. vsque ad cap. 66. & ad lib. 12. Tralliani cap. 1. in quibus locis particulariū curatione habetur. Nos tamen nolimus etiam harum curationem praterire, cum facile in alias febres mutantur: nam licet hæc febres teste Gal. 1. ad Glauc. facillime solui possunt, si ad balneas aliamq; vsitatam viuendi rationem egrotum statim ducant, earum curatione non est negligenda, cum non minus & illi delinquant, qui multorum sermone celebratam illam diatripton apud veteres, id est, triduanam inediam, in omnibus iis admittunt: febres reddunt sæpe acriores, quemadmodum ex ipsis videre est non paucos, qui quoties egrotos inuisunt, ita aberrant, vt certè manu factas agitudines inducant. Ideo de curatione vniuersali harum febrium primo quedam adferemus, deinde curationem particularem adiiciemus. Quod ad indicationes attinet curandi, quæ cum à febre, à causa, & viribus sumuntur, quid hic in ephmera sit agendum, à febre hic quidem, rarius à causa & viribus capiuntur. ideo Gal. 10. method. 1. refrigerationem & humectatione præponit: vires verò plerumq; robustæ sunt in hac febre vt 8. meth. vlt. & sic vires per se primo in ephmera non indicant, sed ex accidente, & ideo sunt coindicantes: vbi verò imbecilles, quod hic raro contingit, tunc propria sunt indicantes: cum hic causa procacitica sunt, quæ cum abierunt, ab ipsis proprie non fit indicatio: sed vbi causam antecedentem habeat, vt aliquando fieri potest in aliqua ephmera, non proprie dicta, etiam

Diatriton fe-
bri inutilis.

Indicationes
curandi eph-
meram.

sumitur indicatio ab ipsa causa. Et licet hic à causa procatartica non sumatur indicatio cum abierit, tamen iis, qui à tristitia ephemera afficiuntur, consulendum ut sint lati: & qui ex nimio exercitio, ut quiescant: ex vigilia verò, ut dormiant, remouentes scilicet causas ipsas, si adsint, per contraria. Et quanquam febris potissimum sit prospiciendum, tamen ut Paulus admonebat lib. 2. cap. 15. & Aëtius loco citato, ratione causarum remedia tum victus ratio sunt varianda. Curandi igitur ratio diaria febris, & victu & balneo perscitur. de victu prius dicemus. Victus autem sit in vniuersum ex cibis boni succi & facili concoctionis, ac distributioni idoneis. cibi igitur qui conueniunt sunt ptisana, alicui cum paucis aceto, ut quidam laudant, non crassa: pisces saxatiles, vel si desint, in ostiis fluminum, & alios possumus dare, quos enumerat Gal. 8. meth. conuenit & panis in furno coctus. vel alius viemur præter passerres, pullos gallinaceos, phasianos, secundum diuersas causas: nam ob vigiliam, tristitiam, curas ingentes febre diaria laborantes, requirunt cibos humectantes pariterque somnum concilians. Vinum sed aquosum in omni febre ephemera conuenit, teste Gal. 8. meth. 3. in corpore calido & sicco cum illis conditionibus quas enumerat Gal. 8. meth. 2. si sit debilis etiam in principio accessionis dabimus panem maceratum cum vino, alioqui post balneum dandus cibus, ut 1. ad Glau. in fine verò ut antea dictum est excretionem expellat. à siccitate vinum largius concedendum ut vires recreentur nisi caput doleat: nam cum magna vis spirituum sit exhausta, facillimè ac celerrimè vino reparatur. Qui ob iracundiam, & solis vstionem hac febre corripiuntur, cibi humectantes & refrigerantes dentur, sed à vino penitus abstineant, quoad perturbatio & capitis dolor, si adfuerit, quiescant: in his enim spiritus & sanguis admodum feruet. Qui ob lassitudinem febrem contraxerunt,

Quomodo
diaria febris
victu cura-
tur.

tunt, iis tantum cibi permittendum, quantum concoquere possunt, semper enim vitanda cruditas est: vino parcè refocillandi: labore enim dissipata corporis substantia, victu vberiore, & concoctu facillè reparanda est. modus autem sumendi cibi viribus, ætate, naturali temperamento, agrotantis consuetudine, anni constitutione, & regione metiri debet: nam qui corporis temperatura sunt calidiori, & sicciori, hos in primò statim accessionis insultu cibare oportet: quod si secus fiat, ocysime ex diaria in ardentem febrem incidunt. Qui ob frigus & adstrictionem ephemeram patiuntur, iis cibos minus nutrientes & moderatè calefacientes dabimus: & nisi plenitudine laborent, aut vehementer cutis sit astricta, à vino minimè abstinere debent. Qui ob adenum inflammatione diaria laborant, tenuiter sunt alendi, ut in quibus substantia corporis deperdita non est: vinum autem iis denegandum, non tam quod feбри sit inutile, quàm quòd bubonis curationem remoretur: auget enim humorum in laborantem locum defluxum, proinde & inflammationem, qua ratione & febrem. sed hæc omnia clariora euadent exemplis infrascriptis. De curatione per balneum mox adiciemus, hoc prius interposito exemplo, de febre ephemera ex sollicitudine cum ventris constipatione, curata.

OBSERVATIO V. DE EPHEMERA ex sollicitudine cum ventris constipatione.

NO B I L I S domicella, vxor Iodoci Weruij Baliui Briclensis, matrona certè proba, cum maritus eius tertiana intermittente laboraret, ad quem curandum anno Domini 1565. mense Octobri euocatus eram: quæ tertiana commodis per me adhibitis remediis curata, ex nostra prædictione licet septima

periodo finiret, vxor tamen nimium sollicita & anxia de morbo mariti, quamuis nihil periculi adesse ab initio proposuissim, ex nimia cura & sollicitudine in febre in ephemeram incidit. Sed hæc valdè succulenta, quod ad signa huius febris attinet vix maciæ contraxerat, cum & oculi ex natura eminentes humidiores in hac muliere annorum 24. minus cōcaui erant. Nam & corporis macies, teste Gal. 1. ad Glaucl. in his quos mæror, quàm quos cura confecit manifestior conspicitur: nam in mærore intro reuocantur spiritus, vbi ob loci caliditatem accenduntur, & discutuntur, humorque in vapores dissipatur: vnde temporis spatium corpus exsiccatur, emaciaturque: in curis verò, ac cogitationibus spiritus ad caput tendunt, in quo minus ob caloris penuriam, quàm in interno corpore absumuntur: proinde affectos non ita extenuant, ac exsiccant: pariter cauitas & ariditas oculorum in curis, & cogitationibus minor, in mœstitia maior ob prædictam causam apparet. Insueta quoque decoloratio quædam hos affectus sequitur, scilicet cute ipsa nativo calore destituta. His vtrisque pulsus parui sunt. quæ cum in hac matrona animaduertirem, vt benè speraret iussi, quod hæc febricula viginti quatuor horas non excederet. febre autem in halitum vaporosumque sudorem & suauem desinente, in declinatione lactucam in iure pulli coctam dedi, & hordeatum cum amigdalidis dulcibus & se. quatuor frigidioribus excorticatis exiguo sac. adiecto concinnatis. & statim à febre sequenti die cum aluum constiparam haberet ʒj. electuarij lenitiui in bolo exhibui. quo probè aluum deposuit. cuius hæc erat descriptio. ʒ passul. enucleat. ʒ ij. adianthi nigri, id est, capilli ven. veri, folior. viol. hordei mundati ana m.j. iuuabar.

iuiubar. sebestem ana numero xx. glyciri. 3 β. prunos enucleat. Thamarind. ana 3 vj. sene polipodij ana 3 ij. mercurial. in j. β. decoquatur secund. artem in f. aqua, cola, & in colatura dissolue pulpæ cassiæ Thamarind. pulpæ prun. zach. optimi zach. violati ana 3 vj. pul. sene 3 iij. 3 iij. β. confice vt artis est. Cum ter quaterve aluura deieciſſet ex bolo supraſcripto, loco balnei vt crura lauaret conceſſi, cum aqua tepida; interim etiam quietem imperaui, & ita victu humectante & refrigerante vtens tum vino tenui & aquoso, amplius non febricitauit.

S C H O L I A.

CVM in autumno eſſemus, balneo hic non uſi fuimus, contenti ſola crurium lotione. Ceterum curatio per balneum (vt habemus à Galeno) ſic perficitur. videlicet omnes, qui diaria febricitant, in prima acceſſionis inclinatione in balneum ducendi ſunt: non omnes tamen eodem modo, nec eiſdem balnei partibus uti debent: nam ſi ex cutis denſitate, aut bubonibus febricitantes in balnei aëre immorari iuſſeris haudquaquam lades: tum quòd cutim rarefacies, tum etiam vapor è corpore foras elicietur. Qui autem ex laſitudinibus, vigiliis, curis, animi affectibus ſeu perturbationibus febricitant: cum iam propter eiſmodi cauſas reſiccatum ſit corpus, ab aëre balnei arcendi ſunt: ne noxam augeant. Igitur in balneo aquarum dulcium diutius verſari poſſunt, vt amiſſam humiditatem eiſus madores reſarciāt, poſtea verò copioſo oleo tepido cui nihil adſtrictionis inſit, mollibus manibus fricari debent: hæc enim frictio humectat, laxat, ſolidas partes emollit, & quæ in corporis meatibus detinentur, diſcutit, licet hæc conueniant deſatigatis, teſte Alexand. Tralliano lib. 12. cap. 1. &

Quomodo
per balneum
diaria cure-
tur.

natura

natura edocti agri ipsi ad lauacra descendunt, quòdque etiam medici quidam inconsideratè faciunt, vnde non paucos insigniter offendunt, sic corpus non sit recrementis vacuum, ac succis vitiosis scatet: ea prius considerata sunt, tunc in balneo si hæc desunt, ex lassitudine laborantes aqua tepida perluunt, & hydraleo perungit. At vsti crebris balneis aqua dulcis, solaq; exigui olei perfusione citra frictionem sunt contenti. Qui verò ob famem diaria laborant pariter inclinante accessione, ad balneum ducendi sunt, plurimog; oleo dulci ac tepido perfusi, molliterq; perfricati, diutius in calidi solij aqua continendi, vt scilicet siccitas, quam fames corpori conciliauit, balnei & olei humiditate corrigatur. vbi à balneo egressi fuerint, vires cibis conuenientibus reficienda. Qui autem ob frigus diariam patiuntur, hos balneum in accessionis remissione ingredi iubeto: caputq; ante & post balneum irino & nardino oleo aut simili illine: calefacientibus enim & constipationem remouentibus medicamentis indigent, qui hac de causa febricitant. Qui ob cruditatem prædicta febris affecti sunt, teste Gal. 8. meth. cap. 5. si aluus lubrica fuerit, & ea tantum, quæ corrupta, vacuata esse videbuntur, in remissione febris lauentur, & nutriantur, habita tamen prius ventriculi ratione: sin ita copiosa inanitio, aut prius facta sit; satius est (omissa lauazione) cibare, respicientes semper ad ea, quæ sunt circa ventriculum, irrigando ipsum ex oleo absynthino, masticino, citoniorum, vel similibus vim corroborandi habentibus. Si autem venter omnino adstrictus est, contrectatis hypochondriis, mox toto ventre, considerandum an cibi in gracile intestinum, aut colon descenderint: quo explorato, iubendus, vt declini facie ac ventriculo agger recumbat, ventremq; foueat: & somnus concilietur: is enim mirificè cruditatem concoquit. post somnum ad educenda alui excrementa glans supponatur, aut leui clystere aluus

alius moueatur. Quod si alimenta adhuc in ventriculo persistant, conetur ager, plurima aqua tepida epota, immisso digito, aut penna, totum quod infestat, aut grauat, euomere. plura de his vide apud Alexandrum Trallianum lib. 12. cap. 1. ubi hac ipsa multò fusius tractantur.

OBSERVATIO VI. DE DIARIA

SEV EPHEMERA IN PVERPERA

cum dextra mamilla phlegmone.

ARNOLDA mulier si quæ altera admodum procera, iuuenicula satis succulenta, viginti duorum annorum nata, vxor Petri Bartholdi cereuiuarij seu ceruiciæ coctoris, cui insigne Delphis super dolia cantharus erat, primipara peperit masculum & optime in partu purgata fuit: eius tamen dextra mamilla, cum tres septimanae a partu transierant, nonnihil intumuit, rubore quodam leui tincta, tumorque parum calidus sentiebatur cum duritie quadam renitente, & dolore: qui licet non esset vehemens, ex eo tamen febre ephemera correpta est. Ad hanc statim accitus paulò post æquinoctium vernum anno 1562: cum huic caput nonnihil doleret & venter astrictus esset febre cum madore deficiente, ne in putridam febrem caderet propter inflammationem, quæ leuis erat, sequens medicamentum propinaui & folior. sene ʒ ij. se. anisi ʒ ss. ebulliant in ʒ v. decoct. communis & fortiss. express. adde diaprui simplicis elect. lenitiui ana ʒ iij. syrupi ex multiplici infus. ros. ʒ j. m℥. & fiat haustus, ex quo cum varia & biliosa quædam deieciisset, febris amplius non rediit. mamillæ verò ne phlegmone aut inflammatio augeatur, puliculam ex pane siligineo albissimo contrito, cor-

to, cortice ablato in lacte bubulo cocto (cui olei violacei ros. & amigd. dulc. exigua quantitas admixta erat, tum 3 j. β. croci triti) apposui. quibus dolor, rubedo ac inflammatio, tumorque evanescere, nec abscessum passa, puerum deinde cum bene lactaret, postea optimè se habuit.

S C H O L I A.

SICUTI febres ex bubone fieri possunt ephemera, ut antea dictum est, ex causis evidentibus, ut in locis adenibus refertis, ut in inguine, alis, vel circa aures, modo eiusmodi inflammationes mites sint absque ulcere ut Galenus testatur lib. 1. ad Glauc. ita etiam hic ex mamilla inflammata, cum caro eius sit adenibus referta, & venas multas habeat & arterias, diaria suboriri potuit, spiritibus in iis accensis. At ephemera quæ ita fiunt mites omnino sunt, ubi bubones orti ex causis evidentibus tales febres pariunt, omnino periculo vacant. Sed ubi bubones fiunt a delitescente intus causa: ut viscerum inflammationibus, humorum vel malignitate vel plenitudine, sepeq; ex pestilenti humore: unde cerum est oras ex his febres, mala suspitione non vacare, præcipuè pestilentes: quæ toto genere perniciose (de quibus suo loco dicemus) quemadmodum & quæ ex viscerum inflammationibus nascuntur. Ex corporis autem plenitudine, & malo humore, curatio quidem difficilis sunt: sed quàm hæc minus periculosa. At signa ephemerarum: quæ ex bubone contrahuntur, sunt pulsus maximi, celeres ac crebri: calorq; multus, & à vigore statim humor quidam ex alto corpore ad cutim fertur calidus, sed tamen suavis. Eiusmodi febres omnium minime acres motacesq; sunt: in his facies omnino rubicunda ac tumidiuscula, subalbidæq; vrina apparent. Quod ad curationem huius febris attinet ea explicatur ab Aetio lib. 5. cap. 66. & quanquam

Febres ex bubone.

Febres ex bubone quæ malæ.

Signa diariæ ex bubone.

quanquam propriè nec vena sectio neque euacuantiâ in febribus ephemeris propriè dictis conueniant, sed sola alterantia, attamen Aetius in hac febre sectionem vena præscribit, si ad sit plenitudo, & tenui victu vitur vsque ad salutem: ingunt ante phlebotomiam astringentia repellentiâque applicat, postea quæ relaxant ac per balneum digerunt: arcendi autem omnes a vino qui ob bubones febricitant, tenuisq. victus adhibendus, quousque liberentur. Declinante exacerbatione eos lauat: quæ omnia à Galeno 1. ad Glauc. accepit. Sed quod ad alterantia attinet, ea ipsa sunt in duplici differentia, aliqua quibus intrinsecus vimur. Auicenna frigidam aquam dat: præstat potius apud nos prisanam insulsam ex aqua hordei & glycyrrizæ coctam dare, vel tenuissimam nostram ceruisiam: sed de potu gelida aliâs latius dicemus. alia vero extrinsecus adhibentur, vt balneum, frictiones, inunctiones. eadem de balneis dicit Auic. quæ Gal. 8. meth. 2. & 1. ad Glauc. 2. & 3. Balnea neque in Italia, neque apud nos ita in vsu sunt, quamuis Curtius suo tempore in vsu reuocare studebat cum Auicennam de feb. ephemeris interpretaretur. Erant autem balnei (vt habetur 10. meth. cap. 10.) partes quatuor. prima erat aer balnei: secunda solum calida aqua: tertia solum frigida: quarta in qua sudores detergentur. Videamus ergo quomodo hæ partes in ephemerâ conueniant. At hoc scire non possumus, nisi vim illarum partium ad vnguem teneamus. Primo quo ad aerem balnei, per quem calidum aerem intelligimus, qui etiam vsq. adeo calidus esse debet vt sudor euocetur. Per solum calidum vt 3. De sanit. tuend. cap. 4. tribus modis intelligimus. Primo vt aqua sit insigniter calida: secundo vt sit tepida & habeat remissam quandam caliditatem. Tercio vt mediocrem caliditatem consequatur, mediam, inter intensam & tepidam seu remissam. Cum triplex sit hæ caliditas, quæ nam debet esse in secunda parte balnei:

Curatio febricitantium ob bubones.

Datur aqua frigida potissimum in ephemerâ, in qua timetur quod in hecticam vel ardentem mutaret sese.

Tria præcipua extrinseca remedia in ephemerâ, balneum, frictio, vacatio.

Balnei partes.

balnei? Debet autem esse illa caliditas media, non insignis: nam prater id, quod plus aquo calefacit, poros etiam coarctat. neque debet esse remissa, quia refrigerat & humectat. Dicebat autem Gal. 10. meth. cap. 10. solum calida calefacere & humectare: aqua vero remissa calida refrigerare & humectare: idem necesse est quiddam de medio loquatur calore. Tertia pars balnei est solum frig. Gal. 3. De tuenda san. cap. 4. ait aquam si igidam tribus modis intelligi posse: vel enim est aqua frigidior, veluti est aqua glacialis, vel est aqua in qua minimum est frigoris, veluti est aqua illa qua exponitur soli, ita ut teporem aliquem acquirat, vel est aqua frigida medio quodam modo. Cum triplex sit hac frigiditas in aqua, qua aqua est illa, qua constituitur tertia pars balnei? ex Galeno hac ipsa non debet esse aqua frigidissima, quoniam calorem nativum extingueret, & constiparet nimis valide: neque debet esse remissa frigida, quoniam cum viamur nos solio frigida ut propulsetur calor ad interiora, & fiat concentratio (sic dicente Capituacceo medico apud Itatos nunc celeberrimo) aqua cum illa remissa frigiditate non potest hoc efficere, ergo media inter has est eligenda. Quo ad partem quartam balnei est illa, in qua detergetur sudor, & corpus secundum exteriorem partem mundum redditur, & in qua sunt inunctiones ad claudendos poros. His partibus ita constitutis, videamus, quoniam modo balneum in ephamera conveniat. Nam quantum ad primam partem ex sententia Galeni locis citatis aer balnei convenit in ephamera ex densitate, ex bubone: quia fit illa apertio pororum, & euacuatio ad exteriora, in reliquis vero ephemeris non convenit prima pars balnei. Et ideo precipiebat Gal. ut quam primum deducerentur ad secundam partem balnei. unde secunda pars balnei convenit in qualibet ephamera: nam habet vim humectandi, & ratione caliditatis moderata habet etiam vim remitt-

remittendi calorem febrilem. Quod verò ad tertiam partem balnei, conuenit in quacunque ephamera, praterquam ex densitate: quia in illa non est periculum vt calor nimium euocetur, ideò non licet vti solio frigida. Quarta pars balnei locum habet in quacunque ephamera. iure merito ergo dictum fuit balneum in ephamera concedi. Hoc autem intelligendum de ephamera in quantum ephamera sit. nam ratione alicuius annexi cogimur à balneo desistere. Si fuerit ephamera ex obstructione, non debemus vti balneo. nam ratione balnei materia magis commoueretur, & agitata, obstructiones vehementiores efficeret. Nec conuenit in ephamera ex cruditate, ex nausea, ex satietate: quoniam per balneum crudi humores existentes in primis viis deducerentur in maiores venas, & in ambitum totius. Nec prodest in ephamera cum fluore alui: quia vi balnei materia quæ deuenit ad aluum retrahetur ad ambitum totius & fieret putrida febris. ideò neque in prima obseruatione balneo vti sumus, cum ter in ipsa febre aluum deposuerat ager. nec balneum cõuenit in ephamera cum catharro, modò non sit catherrus acris: nam vbi catherrus frigidus & crassus attrahitur huiusmodi materia vi balnei ad ambitum totius, & non potest euacuari, vnde putredo fieret. Quòd si catherrus fuerit calidus, balneum moderatur calorem & feruorem cathetri, imò etiam euacuat materiam illam per poros cutis. Excluditur denique balneum ab ephamera cum difficili tolerantia. Quòd verò ad frictiones pertinet, ex sententia Gal. 1. ad Glauc. cap. 3. in ephamera conueniunt ex labore, ex densitate cutis, ex bubone. Sed sciendum asperam habere vim densandi & exsiccandi cutem: mollem aperiendi & laxandi: breuem verò vim aperiendi, modicè aperiendi si mollis: modicè condensandi, si aspera. Istis sic habentibus, in ephamera ex labore cum corpus inanitum & exsiccatum sit, egemus maxima humectatione,

Balneum iuxta Auic. 4. can. cap. 9. non cõuenit in quatuor casibus: primo, cum timetur de casu putredinis: secundo, cum adest obstructio ex humorib. crassis: tertio, cū adest fatietas nauis: quarto, cū adest catherrus.

Frictiones.

idq̃ beneficio aqua calida: hac aqua enim magis humectat quantum magis penetrat: eo magis penetrat, quantum pori laxiores & apertiores redduntur, quod fit beneficio frictionis & mollis & longa. In ephemera ex densitate egemus frictione & molli & longa, sed non ita longa ut in ephemera ex labore: quia non habemus illam exsiccationem, sed adest densitas, & hi pori sunt aperiendi. In ephemera vero ex bubone, egemus adhuc ut materia euocetur, frictione & longa & molli, ut aperiuntur pori, sed adhuc minus longa: quia non egemus humectatione sicut in ephemera ex labore. Addebat Galenus frictionem esse peragendam manibus cum oleo laxante inunctis, ut superius dictum est. Interim & hoc in frictionibus observandum, quod in ephemera ex densitate, conveniant frictiones & in prima balnei parte, & in secunda. ex labore in secunda parte balnei tantum.

Vnctiones.

At Vnctiones sunt duplices quae in balneo fiunt, & in una ephemera convenit & in altera nequaquam. Et primo modo consideratur inunctio quae fit cum fiunt frictiones scilicet cum manibus inunctis, & huiusmodi inunctio convenit in qualibet ephemera, neque est periculum ut ratione viscositatis olei obturentur pori aut meatus, hoc enim prohibet frictio; & fit hac frictio modo in prima parte balnei, modo in secunda. Secundo autem modo consideratur inunctio quae fit in quarta parte balnei post deterfionem sudoris, & hac inunctio solum convenit in ea ephemera, in qua timemus ne spiritus resoluantur & vires concidant ob nimiam apertionem pororum. Vnde solent commedare non solum oleum amigd. dul. sed etiam rosaceum & violaceum: ut ratione frigiditytis & stipticitytis magis claudantur & firmentur pori cutis. Hinc si ephemera fuerit ex densitate cum Gal. convenit frictio manibus inunctis oleo tantum, non astringente. Et in eadem vero ephemera ex densitate nequaquam utilis est inunctio quae fit in quarta parte balnei, quo-

niam

nam nostrum institutum non est vt claudantur pori. Sed si fuerit ephemera ex labore, conuenit vtraque inunctio.

OBSERVATIO VII. DE DIARIA feu ephemera mutata in hecticam lethalem.

VVINIVS (ita enim eius cognomen erat) Palangarius, siue Phalangarius, qui teretibus fustibus (teste Vitruuio) onera transfert, cuiusmodi genus hominum est (vti Hadrianus Iunius amicus noster, medicus & vir doctus in Nomenclaturis suis annotauit) qui dolia cereuisiaria apud nos deportant, hic cum in crure abscessum haberet, & male à chirurgo tractaretur, & incisio secundo fieret, cum primum vulnus non satis amplum esset, ex intensissimo dolore incidit in febrem ephemeram, à qua cum nostra industria anno 1571. mense Nouembri euasisset, nec amplius febricitare videretur, post aliquot dies cum iterum chirurgus ad ampliandum vulnus causticum apponeret medicamentum, rursus in diariam incidit, quæ statim ad hecticam permutata est, quæ aliquo tempore simplex spectabatur, cui tandem & febris putrida adiuncta est. Quanquam variis & aptis remediis vteremur, ex longo abscessu cruris, quod malum semper in peius vergeret, tandem viribus exhaustis & paulatim toto corpore colliquescente ad cachexiam deuenit, vt deinde multos menses decumberet; & postremo fluxu ventris oborto expirauit.

SCHOLIA.

CAUSÆ externa leuiores, quæ ephemeram gignunt, eadem si vehementiores fuerint, hecticam febrem inducunt: ideo non fuit mirum quod in corpore bilioso ex-

Signum per
mutationis
diaræ in a-
lias febres.

sanguis, dolor intentissimus & causticum medicamentum, sanguine ad partem dolentem prius vñà cum calore confluyente primò spiritus incenderint; deinde solidas partes inuasent, vñde ephamera oborta, etiam in hecticam trãsmutata est. Nam cum hac diaræ, vltra statutum tempus perduraret, eius permutationem in hecticam verebar. vbi enim diutius durat quàm par est, in hecticam vel putridam transit. Estq; hoc præcipuum signum permutationis in alias febres, quod sine sudore declinet: vel si ager sudauerit, tamen ex integro non desinat febris. nam & pulsus reliquias febris ostendet, dolorq; capitiis, tum alia signa, cum vltra diem naturalem agro adhaerint. Sed Auicenna antequàm de signis permutationis aget, præponit aliquas causas ad hanc permutationem iuuantes. ex parte medicorum si in curatione hallucinentur: ita hic Chirurgus cum nimium causticis & adurentibus medicamentis vteretur in corpore sicco & exsanguis, in hecticam proclui, non erat mirum quod in hecticam fuerit permutata. ex parte agrotantis, quod cum nò bene obediat vel aliquem errorem committat, vel eius corpus sit macilentum biliosum hectica valdè obnoxium. Et cum ista causa (licet plures esse possunt) ad duas tantum referri poterunt: ad cibum scilicet, & medicamentum. Quo ad cibum, error potest esse vel in defectu, vel in excessu. In defectu, si corpus sit inanitum & exsiccatum, biliosum, fame consumptum, ieiunius maceratum. Tales ad hecticam inclinati sunt, potissimum si & cibis calidis exsiccantibus, & exercitiis vehementioribus vtantur, quemadmodum hic Palangarius, nam inopia potius laborabat, quàm affluentia. Excessu verò, si corpus plethoricum, carnosum, ad synochum & putridam transit: maximè verò in putridam si cibus excedat. Ex parte medicamenti error fieri consuevit, si corpus non satis humectetur per medicum tam medicamentis humectantibus, quàm victu in hecti-

in hecticam transit. vel si medici vtuntur medicamentis adstringentibus, vel ab aperientibus desistunt: nam dum vtuntur medicamentis adstringentibus, fiunt constipationes, accedit prohibita transpiratio, vnde fit putredo, & merito in putridam degenerat: neque hanc permutationem difficile est cognoscere. Si enim transeat diaria vltra diem naturalem, vel si ephemera non statim succurratur (rarissime etiam medicus ad diarias curandas vocatur) & calor eius augmentetur, & vrina tingatur sine signis digestionis, si male olet, perseuerans cum corporis foetore, ac aliarum rerum exeuntium, pulsusq; fiat diuersus, ac diastole minuitur, systole vero augeatur, & corpus sit cacoehymū, quarto vel quinto die in periculosam putridam febrem permutabitur. Si quoque diem naturalem excedat, fueritq; febris vniuersalis, calor intensior post cibi assumptionem, pulsus durus ac parvus & equalis in hecticam transibit. magis autem si corpus ad eiusmodi febres aptum fuerit: quale est macilentum, inanitum, biliosum & exsiccatum. Plurimum etiam ad hoc iuuant causa procatarectica, si ab ira, mœrore, tristitia, sollicitudine, dolore, lassitudine, vigiliis, fame, diaria ortum habuerit. Ita non mirum fuit, quod hic ager hecticam incurreret, prius ex dolore, ex abscessu etiam antequam incisio fieret, non vtens opera medicorum, vigiliis ob dolorem intensissimum & diuturnum consumptus, etiam fame laborans cum pauper esset, neque etiam bonis cibis vti potuit, quanquam à suo cereuisiario quadam alimenta subinde administrabantur: medicamenta quoque in eiusmodi corpore minus iuuauerunt. Solet etiam transferri aliquando in sanguineam febrem vel synochum in corporibus humidis & calidis, in quibus est inflatio faciei, rubedo, tumor inconsuetus, pulsusq; plenus. Cum etiam hæc ipsa diaria, vt experientia obseruauimus, aliquando ex catthero etiam in peripneumoniam & anginam transit periculo-

Quando in putrida diaria transit.

Quando in hecticam.

Diaria quando transit ad sanguineam & synochum febrem.

sam, idè pestimè faciunt medici qui tam negligunt modò ad tales in principio vocentur, quamvis non minus peccant ægri, qui medicum ad hanc febrem curandam statim non accersunt. Idè si tyrones ad tales febres curandas vocentur, earum curationes minimè negligendas esse duximus.

OBSERVATIO VIII. DE EPHEMERA SEV DIARIA EX FRIGORE
condensante poros cutis orta.

AD 19. diem Octob. anno Domini 1563. cum ad domicellam Iuniorem Kerchirecticam, tertia intermittente, laborantem, in Brielam vltra Mosam flumen, maris ostium, quo Oceanus ingreditur, euocatus essem, tempusque frigidum, horridum, & ventosum esset, ex intempestiuo frigore poros cutis condensante, ipsemet in diariam febrem incidi. Inuaserat autem febris circa vndecimam horam meridiei, sine horrore & rigore, sed frigore quasi musculos & cutim inuadente. Sed cum ignem in cubiculo satis luculentum famulus meus construxisset, atque me circa eum collocassem, iam quasi calefactus, pulsus tunc paulo velocior apparebat, sed æqualis, nulla siti me premente. Circa quartam deinde horam post meridiem mitius habere cœpi, madore quodammodo per cutem erumpente. Cum toto die nihil edulij sumpsissem forbitiunculam valdè exigua ceruisiæ, cui paucum panis incoctum erat, saccharo iniecto & butyro valdè exiguo, sumpsi. hora sexta lectum calefactum intraui, vestibis mediocriter tectus, & sudor promanare cœpit, post duas tamen horas circa os ventriculi dolens ferè animi deliquium incurreram, sed sumpto exiguo saccharo perlato

lato ad me redij & dolor seu potius angustia euauit. Deinde cum in somnum suauissimum incidissem, totam noctem dormiui, deinde sudor veluti vapor quidam copiosus ex imo corpore exhalauit. Mane experrectus, cum me omnino à febre liberatum sentirem, sudorem detergendum iussi per famulum, prius facta frictione molli & longa ad meatus aperiendos. Interim (domicella nunc satis curata) domum reuersus sum eodem die vestibus vndique munitus, & cum adhuc ieiunus essem, neque illo die probe alui exonerassem nisi stercora dura, ne diaria in putridam febrem ob meatuum ex frigore condensationem transiret aut in tertianam aut quartanam intermittentem, drachmas ferè decem ellectuarij lenitiui in bolo zach. asperso deuorauì ad primam horam meridiei, cum domum rediissem; deinde circa tertiam ferè horam (cum in assumptione medicamentorum lentorum non diu sit ieiunandum) rursus panatellam seu ceruisariam sorbitiunculam sumpsi, & aluus deinde quinquies hoc die soluta est, cum venter mihi ex lenissimo medicamento facillè moueatur. ad medium horæ nonæ sub noctem iusculum veruecis, in quo vini rhenani tenuis aquosi paululum immixtum erat, tum panis intritus, loco cænæ accepi. Vinum enim immiscui, cum & Gal. his qui ob frigus & adstrictionem ephemeram patiuntur, modò plenitudine non laborent, neque cutis vehemèter adstricta sit, minimè vinum dare recuset. Ad decimam deinde horam lectum intrans ad somnum me composui. paulò post vndecimam horam noctis à somno ob ventris saburram leuandam excitatus iterum multa muccosa ac liquida excreui, ac deinceps per noctem subsequètem altè dormiui. Manè hora sexta

iterum alium deposui & similiter hora octaua, nec amplius postea febrem sensi, nisi vnicam accessiōnem præcedentem. Eram tamen ex leui illa euacuatione, nonnihil debilitatus, sed ex cibo resumptiuo statim & faciliè recreatus.

S C H O L I A.

Hippocrates seipsum ægrotantē pro exemplo ponere non erubuit. vti nec Gal. & alij præstantissimi medici.

NEMO mihi hac vitio dabit, quod me ipsum hic loco exempli proponam, cum & Hippocratem diuinitimum hoc fecitasse constet, qui de se ægrotante lib. 3. De morb. vulgarib. sect. 3. mentionem facit. tum Galenus quoque sæpius ob esum fructuum (quos horarios dicimus) in varios morbos se venisse tradit, vt lib. De euchymia & cacoehymia, & alibi sæpè ephemeram febrem se incurrisse testatur. Aëtius etiam in cholicos se dolores incidisse memorie prodidit sermone sue medicina 9. cap. 31. missos facio plures grauissimos auctores etiam neotericos, Amatum, tum alios qui in varios se morbos deuenisse scripserunt. Hac autem Diaria ex causa procatactica facile innotuit, idq; tempore frigido & ventoso, cum talia maximè in ipso ostio Oceani in se conspiciant. & licet hæ febres ex constipatione cutis facile in putridam mutantur, magis tamen hoc contingit in ephemera ex obstructione. Nam adstrictio est, dum adest angustia in poris cutis, quasi in superficie (qua quidem diaria ego laborabam:) obstructio verò dum adest angustia in partibus penitioribus: & talis ephemera facilius, si duret vltra plures dies, in putridam trāsit: quāquam hac ipsa sit obstructio pusilla. adhuc pertinet ad veram ephemeram, si vnā diem duret: si sit pauld maior, diutius durat, & in putridam transit, vbi enim obstructio magna est & tantum peccet in quantitate, tunc & synochus est sine putredine, quæ & in putridam facile transit, sed si

sed si peccat in qualitate, iam synochus putrida est, ut postea latius declarabimus. Ceterum quomodo diaria ex frigore vel constipatione cutis curetur iam dictum est. Sed quæ ex obstructione orta est cum sanguis mox putrescit, adhibetur aliquando venæ sectio non ratione ephemera, sed obstructionis. & ita cap. proprio Bertrutius de ephemera si sit ex obstructione ne in putridam transeat, adhibet venæ sectionem in homine carnosio & plethora laborante, si & vrinam rubeam & confusam spectauerit. si corpus sit cacochymum ne etiam in putridam conuertatur, ubi victu crassiore ager vsus fuerit, purgationem exhibet, & post euacuationem balneo vititur aque dulcis tepida vel decocto chamomilla ad poros aperiendos. interius oximelite, victu extenuante & facilis concoctionis, modo opilatio vehemens fuerit, alioqui levis existens, lenioribus medicamentis infistit. De his vide Gal. lib. 8. meth. verum cum hæc in diaria plurium dierum magis conueniant, ad harum curationem nunc accedentes, exemplis clariora omnia & apertiora videbuntur.

OBSERVATIO IX. DE EPHEMERA

seu diaria febre plurium dierum.

IVVENIS quidam octodecim annorum cum in mari circa finem veris natasset, & in littore aliquandiu nudus hæssisset, ex nimio frigore cute plus æquo densata, diaria febre plurium dierum correptus est. Etenim ob stipationem, fumida ac fuliginosa excrementa intra corpus detinētur plurima, vnde eiusmodi febris accenditur. Ad quem curandum cum secundo die accitus essem, his signis cognoui ephemeram esse plurium dierum, cum in hac nulla suberat occasio, quæ alterius accessionis principium ex-

citaret: solet enim permanere vna febris vsque ad finem, quæ nec quotidianæ, nec tertianæ, nec quartanæ, nec alicuius alterius febris notam præferat. Secundo loco tactu deprehendi; neque enim densitas exercitatum tactum latere potest: in iis enim cutis durior & compactior sentitur: calor præterea primo occurfu mitis & suavis; postea si diutius admotam manum continerem; acrior sese offerebat: nam per adstrictæ cutis exiguos meatus halitus paucus exhalat, qui foras calorem fert; proinde mitis sentiebatur: spatio autem temporis impositam manum magis, ac magis calefacit, ita vt sensim auctus acrior apparebat. Tertio ex vrina percepi diariâ esse pluriû dierum, quæ neque consistentia neque colore à naturali multum erat aliena: sanguis enim non admodum feruebat neque bilis multa, quæ vrinam coloratiorem reddere solet. Quarto hanc febrem cognoui ex mole corporis, quæ manebat & non concidebat, cum cutis densitas vaporis ac humoris resolutionem impediret: proinde neque oculi caui erant, neque aridi, sed prominentiores, ac humidiores, quàm pro naturali constitutione visuntur. Quintò etiam nobis innotuit ex pulsu, qui æqualis, maximus, celer, frequens & vehemens existebat. Hæc cum animaduernerem, sanguis ex vena basilica seu iecoraria vt detraheretur, mandavi; ad vncias quinque; & cum in deliquium animi ferè incidisset, ab vltiori detractione abstinui. deinde oximel. cum sy. infus. ros. & cico: cum Rhab. aqua hordei immixta exhibui, alui deiectione per se superueniente, etiam sudore magis erumpente. Tertio die omninò calore diminuto, febre liberatus est, neque balneo opus fuit, quo die, modò nulla putredinis nota in pulsu subesset, neque cruditas in

tas in vrina, Galenus eiusmodi febricitantes in balneum deducebat, & vbi in balneum corpus incaluerat, dulci prius oleo tepido vinctum, ac moderatissime frictum, mox detergeri extrinsecus cum sapone, vel aliqua alia re deterforia, abluique iubebat.

S C H O L I A.

POSTQVAM de prima & vera diaria febre diximus, nunc ad aliam diariam febrem transire oportu-
num duximus, quæ tametsi ferè in omnibus vera diaria naturam imitetur, in hoc tamen discrepat, quod non quemadmodum illa 24. horis perficitur, imò quandoque trium dierum spatium excedit: nihil refert quod diaria vocabulum non sit de substantia talis febris: nam conuenienti nomine destituti, clarioris simul & breuioris doctrina gratia, ab eo quod sapius ei accidit, nomen antiqui imposuerunt. hæc aliter synochus non putrida, id est, continens non putrida vocatur: vtpote in qua vna accessio ab initio ad finem perpetuò manens in multos porrigitur dies. Medici hodierni (vt etiam annotauit doctissimus Amatus) ex sanguine febres distinguunt: cum enim sanguis putrescit, febrem masculino nomine synochum appellant: cum enim sanguis non putrescit, sed tantum sua copia sanguis febrem excitat, tunc feminino genere synocham vocant, barbari verò synocham inflatiuā: priorem autem synochum putridum appellant, verum extra Galenum, atq. omnium Graecorum medicorum mentem; qui has duas febres sub vno synochi aut synocha nomine complexi sunt, quod harum accessio ab initio ad finem vsque duret, nec prius, quàm ex integro febris deficiat, cesset. Consultius ergo medici fecissent, si Galenum imitantes, eius febris genus, quæ ex sanguinis dumtaxat feruescenti obstructione citra eiusdem putrescentiæ

Diaria plurimum dierum cur sic dicta.

Gal. 9. meth. cap. 1.

Synochus.

Synocha.

Synochus putridus.

Medium fe-
brium genus
inter hecticas
& putridas.

Continentes
sine putredi-
ne.

Continentes
sine putredi-
ne non ex
quavis diaria
eruntur.

trfectionem oritur, sub diaria febre complexi fuissent, vt Gal. fecit lib. 2. De cris. cap. 12. Est autem hoc medium fe-
brium genus, vti demonstravit Donatus De medend. feb. cap. 40. De dignotione continentium absque putredine fe-
brium & generationis modo ac curationis via. Interim li-
cet medium quoddam habere videatur hoc februm genus,
maiores tamen cum diariis, quam cum his quae ex putre-
dine nascuntur, cognationem habet: quamvis cum ambobus
generibus communia quadam habere videatur, vt in se-
quentibus patebit. Appellant autem has febres *συνεχες*, id
est, continentes, non illi quidem Græco nomine vsi, sed so-
læcismum committendum potius rati, quam formam ipsam
sine nomine linquendam: si quidem in his febribus vna ac-
cessio ab initio ad finem perpetuo manens, in multos dies
porrigitur. Intelligimus itaque tales continentes, quæ sub
diariis contineantur, & quæ notam putredinis nullam ha-
bent, & potest hæc febris dici diaria plurium dierum. Por-
rò quæ putredine vacant continentes febres, & in dia-
riarum februm transitu generantur, non ex quavis diaria
ex quacunque causa orta generari eas contingit, neque in om-
nibus corporibus, sed ubi diariarum februm occasio stipa-
tio dumtaxat fuerit: hæc autem vel obstructis exilibus
meatibus, vel conuiuentibus, vel & corpore ipso immode-
ratus densato accidit, Galeni auctoritate 9. meth. cap. 1.
& quanquam etiam diaria legitima (vt prius diximus)
ex stipitatione orta si rectè tractetur, etiam si ex obstructio-
ne pusilla, vna accessione terminatur, & ad veram dia-
riam ab eodem Gal. refertur. sed si sit obstructio maior,
etiam diaria sit sed plurium dierum. propter causæ parui-
tatem, vnius diei efficitur, sicut etiam propter multitudi-
nem, multorum etiam dierum. Verum accessio eius ab initio
ad exitum vsque vna est, modo ne ipsam excipiat ea, quæ
ex putredine humorum nascitur, vt lib. 10. meth. à Galeno
quoque

quoque scriptum est. Ceterum cum auctores synochum non putrem sub diaria plurium dierum comprehendant, de iisdem simul scribunt. at Aëtius sub diuersis capitibus de curatione harum tractat. & de curatione ephemerarum plurium dierum, quæ à veris ephemeris cutis obstructione originem ducunt, lib. 5. cap. 68. & De synochis cap. 69. 70. 71. & 72. ad quæ loca Lectorem relegamus. fiunt autem ex stipitationibus cutis, corpore immoderate densato, aut ex frigore, balneis aluminosis, aut iis quæ contactu refrigerant & constipent item pharmacis similis generis: pari modo iis quæ cutim siccent, veluti sole feruente. etiam ex ephemeris ab initio male curatis, etiam in repletis ex sanguine, & in corporibus crassis: & gracilibus minus, vt exemplis clarius euadet.

Causæ.

OBSERVATIO X. DE FEBRE SYNOCHO NON PUTRI.

TEMPORE Verno Iuuenis quidam nobilis viginti duorum annorum, succi plenus, facie rubicundiore, sanguine satis multo abundante, cum pila palmaria ludendo impensè incaluisse, ac aëri frigido sese exposuisset, in synochum citra putredinem vel diariam plurium dierum incidit. Huic cum vrina rubra esset, ac pulsus fortis, ac cum ægrotus se inflari putaret: ilicò cum ad eum curandum accitus essem, venam iecorariam per chirurgum in brachio dextro pertundere iussi, octo vnciis sanguinis vel paulo plus detractis: nam metus erat ne sanguis ad pulmonem reperet, indeque pulmonia nasceretur: aut in thoracem, vnde pleuritis oriretur: aut quod sanguis putresceret, putrisque ex non putri fieret febris. Cum autè aluum eo die deiecisset ante venæ sectionem,

nem, alioqui enemate emolliente hoc vel simili vfi fuiffemus, quod habet herbarum emollientium ana m.j. folio lactucae m.ß. pruna numero x. coquantur in f.q. aquæ ad tertias, cuius colaturæ accipiatur lib.j. in qua diffolue caffiae re. extractæ fack. rub. ana ʒ j. olei viol. ʒ iiij. falis ʒ j. omnibus commiftis fiat enema: eo vtimur & ante venæ fectionem, fi opus eft, vel etiam poft toto morbi tempore, quoties aluus adftricta fuerit. altero die ad fanguinis purificationem dedimus fyr. viol. fyr. rof. purgatorij ex rof. prouincial. ana ʒ j. ß. feri lactis ʒ iiij.ß. quo etiam aluus mollefcere cœpit. huic etiam gelidam aquam dedimus nempe ʒ iiij. cum ʒ j. fyr. de limonibus, cum nec ante febrem ventriculo imbecillo efferet. Cùm hæc diaria plurium dierum vel continens non putris à Gal. tum etiam ab Aëtio & fanguinis miffione, etiam gelida & balneo curetur, de quibus aliàs latius dicturi fumus: at à venæ fectione poft duas horas pifanæ cremorem dedimus, & quietem imperauimus. At cùm poft tertium diem febricitare defierit aliis remediis opus non fuit.

S C H O L I A.

Continentes
fine putredi-
ne non quæ-
vis corpora
inuadunt.

HÆC autem febris in omnibus corporibus indifferenter confiftere non folet, teſte Gal. 9. meth. cap. 3. neque in gracili & frigido corpore, quemadmodum nec ea quæ cum putredine exiſtit, ſed plurimum in iis qui ſanguine abundant, & corpulentis gignitur, quando nec obſtructio citra putredinem excitare febrem valet: niſi id quod tranſpirat, hoc eſt tranſpirare ſolet, vel quod attollitur vt tranſpiraret, copioſum ſit & calidum: ita enim Galen. verba interpretanda ſunt, aliàs in re ac in verbis ſibi ipſi pugnaret, vt latius explicatur à Donato par. 1. De medend. feb.

cap. 40. At cum febris synochus duplex sit apud Fernelium, una simplex sine putredine: altera cum putredine. Simplex verò (de qua nunc agimus) sine putredine easdem causas atque diaria febris habet: quæ leuiores cum fuerint diariam: cum vehementiores synochum proferunt. In causarum censu admodum efficaces sunt, magna adstrictio constipatione cutis, vt diximus: & sanguinis redundantia, siue ex suppressa cõsuetâ vacuatione hæ morrhoidum, mensium, aut narium, siue ex immoderato vsu ciborum euchymorum & calidorum ea succreuit. Quamobrem hinc quoque obnoxius præsertim temperatus, intemperanter viuens, qui cum bene habito sit corpore, multo se tamen vino multaq; carne implet: hinc etiam sanguis multus atque calidus inest, qui non facile corrumpitur. Ab his igitur causis primùm inflammatur spiritus, ac tum sanguis sensim incalescit. Huius enim tenues acrésue vapores ac ipsum calorem præter naturam cutis densitas aut adstrictio cohibet (vt supra dictum est) nec prodire sinit, qui geminatus sanguinem inflat simplicemq; synochum facit. Sed huic generi & alteram finitimam huic ex bile, Fernelius facit, de qua alij non meminerunt. Causæ, inquit, euidentes, cum vehementiores in biliosum corpus alioqui sanum irruerint spiritus concalfaciunt, sed & acrés humores exagitant, quorum aestu febris accenditur sine putredine. Hæc ephemera limites egreditur, nec tamen synochos est nunc exposita: illa quippè sanguinis est; hæc bilis concitatio sine putredine: illa in corpus incidit temperatum benèque habitum; hæc verò in calidum siccumq; ac planè biliosum. Huius causa euidentes non aliæ sunt, quam quæ ephemeram mouent: maximè verò cruciatus summus, qualis nephritis aut parturientis est: exercitatio, laborq; immodicus, aestus, balneum, animi excandescencia, & quæ his pares sunt viribus. In hac nulla putredinis nota in pulsu aut vrinis cernuntur, verum-

Synochus
simplex sine
putredine.

Synochus ex
bile apud
Fernelium
sine putredine.

tamen

tamen os amarescit, deijcitur appetentia, sitis excruciat, capitis dolor, ac vigilia vrgent: in cute arida calor acer ferit. Sublata evidente causa paucis post diebus febris eiusque symptomata (vt & mihi ipsi nuper contigit hoc genere febricula laboranti) quiescunt. Ex signis autem presentibus tum progressa potissimum me hac febre laborare animaduerti, cum post incendium (proh dolor) illud celebre Roterodamense, cum ad urbem illius doctissimi Erasmi patria non spectandi gratia, sed ob amicos consolandi, quos ibi habebam, ita miserè conflagratum accessissem, calor tunc in vrbe ingens adhuc erat, qui caput precipuè seriebat, sed & itinere aestuoso cum etiam aestus magnus esset, hac inquam febre correptus fui, qua tamen nullo artis subsidio sedata est, cum enim me ad quietem composuissem, illa ipsa desit. Si dolor capitis qui vehementior erat, vigilq, permansissem, eum inunctione olei viol. nenupharis & ros. lacteque muliebri recenter multo mitigassem. licet igitur synochos febris corpora robusta & florida plerumque amet, & infestet, vt fusius docet Gal. in lib. method. medendi, at alibi tamen gracilia plethora aliquando affecta inuadere solet, vt idem sentit, quemadmodum & illa mulier gracilis vxor aurificis vigete canicula etiam sanguinea febre apud Amatum correpta fuit; cuius curationem tradit centu. 3. curat. 27. sed precipuè tamen hac febris contingit ex sanguine, cuius curationis quadam exempla adhuc profereamus, antequàm ad continentes putridas veniamus.

OBSERVATIO XI. DE SYNOCHO non putri, à barbaris synocha inflata dicta.

RICHARDVS Monachus eius Ordinis (quos, quidam solæcismum admittentes, Canonicos regulares appellant) Iuuenis viginti quinq. annorum, optimæ,

optimæ constitutionis, temperaturæ sanguineæ, in otio delicatè viuens, vt solent monachi qui non sunt studiosi, ceruisia crassâ subinde se replens, nullo exercitio vtens: cum tamen se præter modum exercitasset, & in horto sese frigori exposuisset, in febrē synochum non putrem, quæ à barbaris synocha inflata dicitur, incidit. Secundo die ad hunc accitus, qui in monasterio Heyloë dicto (propè Alcmariam patriam meam, in qua tunc praxim adhuc exercebam scilicet Anno 1556.) decumbebat, ex his notis percepi eum febre sanguinea laborare, sed citra putredinem, cùm calor primo contactu sentiebatur mitis, quamuis diutius manum iniiciens tādē acrior euadebat, pulsus erat æqualis licet magnus, paulo celerior & vehementior, venæ tamen copia distentæ sanguine turgebant, cutis satis mollis sed blando satis calore & madore perfusa. His animaduersis, cum aluum per se sponte deiecisset eodem die, vt vnciæ octo sanguinis statim ex vena basilica in brachio dextro detraherentur mandauī. mox eodem die ad caloris febrilis extinctionem sy^m. sequentem propinaui frigidè *℞*. oxyfacch. simplicis ʒ j. syⁱ. viol. ʒ β. Aquar. cich. end. borag. ana ʒ j. β. fiat sy^s. Altero die licet calor febrilis post venam sectam multo minor esset, cum aluus non responderet hoc leniens medicamentum mane in aurora exhibui *℞*. capilli vener. flor. borag. buglossæ viol. ana m. β. prunor. numero vij. thamarind. ʒ β. fiat decoct. in aqua communi, & in ʒ iiij. huius colæ vel ʒ iiij. β. dissolue diacath. ʒ vi. cass. recenter tractæ ʒ ij. syⁱ. de cicor. Nicoli cum Rhab. syⁱ. ex multiplici infus. ros. ana ʒ β. mis. fiat potio. ex qua satis bene excreuit. calore febrili magis diminuto. Tamen hunc ad balneum deducere ausi non fuimus cum æqui-

noctium Autumnale instaret. Renes autem ad refrigerationem caloris febrilis, cum etiam nonnihil ibidem doleret vnguento infrigidante Galen: inunximus. & cum calor febrilis in totum cessaret alioqui epithemate cordis atque hepatis vsi fuissetus. ad alterationem & roborationem modò ex diarod. ab. sumebat. modò ex mixtura sequenti & rob. ceraforum rob. de ribes. ana ꝑ j. ꝑ. conser. viol. ros. bugloss. ana ꝑ ꝑ. zach. ros. cum perlis ꝑ iij. ꝑ. quarto autem die hic in totum à febre liberatus fuit. Cibus huic erat hordeatum, postea etiam panatella cereuisiaria, potus verò ptisana, aut aqua hordei. in quarto die ad ius pulli alteratum cum lactuca coctum, succo mali citrei adiecto vel agresta, deuenimus.

SCHOLIA.

Cur monachi quidam ac otiosi facile in synochum incidunt.

IVNIORES corpulenti & succulenti in hanc febrem magis procliuēs sunt; maxime verò monachi, qui non solum in hanc, sed etiam in synochum cum putredine facile incidunt, ut in praxi quotidiana saepius vidimus. tum cenobiusa ac patres illi qui laute viuunt & molliter tractantur, atq. alij omnes qui vitam epicuream agunt, quod etiam Sauonarola capite proprio de synocha annotauit: quidam enim, inquit, qui primò pauperes sunt, & consueti parcè & non delicate viuere, imò ruditer, multo se indies exponentes exercitio. qui deinde efficiuntur diuites aut praelati, stantes in otio, & duplicatis cibus, quos diu appetiuerunt sese replentes: & hi in hanc febrem facillimè & ut plurimum cadunt, quiq. mellitis vti consueuerunt; multoq. vino nigro crasso & dulci: ut nonnulli Praelatorum. Et idèd non mirabimur si tempore Sauonarolæ, Episcopi, Abbates, Monachi, tum alij omnes, qui ingluuie se dedunt qualescunque

lescunque etiam illi fuerint, nunc quoque simili malo cor-
 ripiantur. At signa verò harum febrium facile ex iis quæ
 dicta sunt de diariis, si citra putredinem fiunt, cognoscun-
 tur. Ab vrina, si sit subrubea vel subrubicunda, spissa, vel
 tenuis per totum sine ariditate & fœtore existens: & si in
 principio in ea appareat hypostasis bona & laudabilis,
 neque egestiones multum sint mutata. A calore, is minimè
 mordax est, & est plerumque cum humiditate vaporosa.
 A qualitate mutata, oculi, & facies, tum alia membra ru-
 bent, vena inflantur, & in ore adest dulcedo, vena turgent,
 & tempora pulsant, caput subinde dolet ac ingrauescit,
 somnus quosdam veterinosus & profundus premit. Ab æ-
 ctione laesa, pulsus magnus, quando virtus fortis, mollis pro-
 pter humiditatem, plenus ob plurimam materiam vapo-
 sam humidam. Signa prognostica, est toto genere salubris,
 nisi error contingat: nam si statim ei debite non succurra-
 tur, in putridam transit, idq. quarto vel quinto die, vel sta-
 tim post tertium. Quod si statim eidem obuiam itur, sæpe
 eodem die vel secundo vel tertio terminatur, potissimum
 sanguinis missione copiosa: quæ si negligatur subitò egrum
 aliquando interficit, nisi vi natura sanguinis narium aut
 hæmorrhoidum aut mensuum fluxu, aut sudore copioso li-
 berentur. Quandoque terminatur ad gutturis tonsillarum
 inflammationem anginam aut abscessum, ut sequenti exem-
 plo ostendemus. vel ad pulmonem rapiuntur & peripneumo-
 niam infert, ut antea diximus: vel in thoracem & pleuriti-
 dem adfert, ut sæpe vidimus: etiam si ad caput feratur
 phrenitidem & delirium, & sectione prætermissa subita-
 neam mortem inducit: vel medici errore, ubi calor natura-
 lis per annuam missionem sanguinis, aut per gelida potum
 aut excellentem in frigidationem extinguatur: ita ut mem-
 bra nutrimenta regere non possint, sed inflammentur, atq.
 in eis caliditas præter naturam accenditur, hæticam indu-

Signa febrim
 synocham
 indicantia.

Signa pro-
 gnostica.

cendo. Subinde etiam ad morbilos & variolas eius fit transmutatio criticè. Quod si in hac febre facilis sit respiratio tum anhelitus liber, optima signa sunt, quibus si vrina intensæ accedit febrem abbreviabit: sin remissa, producet. Optima erit illa vrina, quæ album & simul continuam habeat hypostasim: quæ verò diuulsam & rubeam licet salutarem, tamen longiorem indicabit: quemadmodum & illa quæ cruda est & citra hypostasim, præter id quod longitudinem morbi decernit, etiam ita persistens periculum adferre poterit. Vbi verò citò signa coctionis appareant, citius terminabitur tertio vel quarto die, alioqui producet, atq. tunc periculum erit ne ad putridam transeat. hinc etiam emissio lachrymarum inuoluntaria, pulsus debilis atque deficiens, vrina pauca liuida aut nigra cum in diaria plurium dierum vel syncho non putri periculum significant, ita in syncho putri mortem notabunt. Profundatio somni ac difficultas sermonis in diaria plurium dierum vel continente non putri etiam malum portendit. Solet autem & hac ipsa quandoque, si non phlebotomia aut refrigerantibus remediis extinguatur, in cauponem vel cauponem transire: quamobrem nequaquam est negligenda huius curatio.

OBSERVATIO XII. DE FEBRE

CONTINENTI CITRA PUTREDINEM
vel syncho non putri, quæ tandem in synchum
putrem non solum conuersa est, sed etiam in anginam periculosam transmutata.

NOBILIS ille Iuuenis de Paffenroy in Vere mense Maio anno 1566. continuò febricitabat, lottium rubrum tenue emittebat, pulsus frequēs & plenus erat. Ægrotabat autem hic in Hagha-Comitis, cum post tertium diem medicum Haghanum Haghonem

ghonem Nieuenium familiarem nostrum vocasset, atque tunc in gutture malè haberet ob neglectam sanguinis missionem ab initio, ex diaria plurium dierum vel ex synocho simplici, nō solum in synochum putrem incidit, verumetiam in anginam periculosissimam. Cū autem in otio etiam antea, molliter vixisset, neque vnquam licet iuuenis boni habitus sanguinis detractionem admisisset, medico suo etiam nunc vrgenti venæ sectionem non obediens, verū eiusdem consilium optimum ac saluberrimū, nescio quibus rationibus muliercularum quantumuis nobilium malè persuasus, spreuit ac postposuit. Quamobrem cum phlebotomiam non admitteret, à medico electuarium lenitium exhibitum est, à quo bene excreuit: sed inflammatio gutturis tum febris ad extremum aucta sunt. ac lotium quod prius tenue ac rubrum reddebat, nunc crassum spectabatur, in quo nebula spissa ac rubricans sedimentum cernebatur. Cū verò malum semper augetetur & febris continuo incrementum caperet, tandem sanguinis missionem admisit, & ita medicus ex vena cephalica ob anginam suffocantem in brachio è regione loci tumētis, satis copiose (vt fieri debuit) sanguinem detrahēre iussit, deinde sequenti die cum parū proficeret, à venis sub lingua vt idem fieret, mandauit. Circa septimum diem ab initio morbi omnia pciora visa sunt, vt ager suffocari videretur neque gargarismata apta iuuabant, etiam emplastris loco dolenti apposis, cum angina in abscessum mutaretur. Ita vt ego vnā cum Cornelio Eritio Leydano meo collega vocatus fuērim: sed vtrisque nobis aduentantibus, bonis auihus seu auspiciis (vt dici solet) ruptum est apostema seu abscessus qui intus latebat, &

pure excreto septimo die cum nos veneramus, sanus euasit.

S C H O L I A.

Medicus felix qui in declinatione morbi venit.

Tres febris continentis sine synochi differentia.

Sanguis statim copiose in his febribus detrahendus.

NON sine ratione vulgo proditum est, felicem illum esse medicum, qui in declinatione morbi ad agrum accedat, ut nobis utrisque euenit. quamuis ager stultitia sua poenas ferè dederat, quod tam tardè sanguinis missionem admiserat. nam ubi hac neglecta sunt, non per medicum, sed agrum: non solum hac febris mutata est in synochum putrem continentem, qua semper incresebat, cum tres in synochis febribus (tam citra putredinem quam cum putredine) differentia sint (teste Gal. 9. meth. cap. 3.) nempe vel pari permanente ea magnitudine, quam in principio accessionis summam habuit: vel semper aliquid exigui adiucente, vel diminvente, atque hac vel aequaliter, vel inaequaliter faciente. Si enim quod accenditur, ei quod transpirat par fuerit, nec augeri nec minui calor febrilis videtur; sed perinde sibi similis permanebit, ac si nihil illi adiuiceretur, aut demeretur: quippe cum ad aequalitatis custodiam nihil intersit, serueturque eadem assidue substantia, an ei qua vacuatur par sit ei qua adiucitur. Verum si altera earum vicerit, utique, si ea, qua vacuatur, minui febrem necesse est, sin qua adiucitur, omnino increlescere. Appellant autem Graeci primas illas ἀμεινῶν, vel ὁμοτόνους, id est, aequaliter in vigore permanentes, alias παραμεινῶν, id est, decrescientes, reliquas vero ἐπαραμεινῶν, id est, increscientes. Ceterum non solum hac continens primo non putris, in synochum continentem putrem accrescentem translata est, imò in anginam periculosissimam conuersa est, ob sectione vena ab agro in principio neglectam nec admissam. Nam praeter id quod initio phlebotomia peragenda sit, eadem quoque in his febribus copiosa fieri debet, cum &

Galenus

Galenus 9. method. cap. 4. vsque ad animi deliquium auferre suadet, maximum, inquiens, vbi vires valentes sunt continentis febris remedium: quod ratione per ipsum probatur: primum nanque in contrarium statim agitur corpus, celerrimè ex animi defectu refrigeratum: hoc verò nemo inuenire potest, neque quod natura, quæ animantes gubernat, iucundius, vtiliusue sit: postmodum in eiusmodi corporibus necessarid superuenit, alui deiectio, nonnunquam etiam bilis vomitus, quas res statim à toto corpore, madores, sudoresue excipiunt: quæ omnia protinus agrum liberant, ita vt tali remedio febrim iugulasse aliquando dictus fuerit Galenus. Multis tamè eiusmodi missio sanguinis non conuenit, etiam in robustis, corpulentis, quadratis & valdè sanguineis, vt vnus plus altero sanguinis detractiorem ferre possit. Sic in Iohanne Heutero Nobili Delphio amico, & cognato meo, viro admodum robusto, cum huic aliquando plethora laboranti Bononia in Italia ex febre continente decumbenti, Halideus medicus insignis preceptor meus ad duas libras sanguinis ex brachio detraxit, vt commode à febre liberatus fuerit, & nos quoq. hic Delphis commoranti, singulis annis mense Maio, cum crura lichene obnoxia haberet, libram vnā, cum dimidia, aliquando plus minúsue extraximus cum optima tolerantia & vtilitate. quod tamen in fratre suo viro procerō in otio viuente atque sanguine repleto, qui non minus robustus quàm frater videbatur, ne ad vncias quatuor detrabere audebam, etiamsi morbo acutissimo & continuo afficeretur: nam & febricitanti si ad vncias duas sanguinem ei demerem, ilicò in animi deliquium incurrebat, vt nisi aqua in faciem respersa ad se rediret. idem quoque non solum exigua sanguinis detractio offendeatur, etiam quouis lenissimo pharmaco, si vel vncia vna cassia vel manna præberetur, ob ventriculum debilem. In eiusmodi aut similibus præstat multiplicare vi-

Gal. in his febribus ad deliquiū animi sanguinem detrahebat.

Halideus apud Bononienses in Italia medicus insignis.

Aëtius lib. 5.
De venæ se-
ctione in
sparchis cap.
70.

res quàm semel multa copia auferre sicuti 9. meth. cap. 4. dicit Galenus: aliter non febrem, sicut fecit Galenus, sed agrum iugularemus. Interim valida existente virtute, assentiente ætate, nulloq; alio insigniter renitente, sanguis auferendus, præstatq; vsque ad animi deliquium, modò virtus ferat: quibus vena non inciditur, ad summum discrimen perueniunt, nisi vel virium robore, vel copioso sanguinis fluxu, vel plurimo sudore à certa pernicië redimantur. Cùm multitudo enim in vasis amplius contineri nequeat, obstruit extenditq; corporis molem, ita vt infringantur quandoque recludanturq; vasa præcipuè narium. Ergo festinandum est vt sanguis auferatur, quantum vires tolerauerint, scilicet vt vasorum facultas transpiratione ventilationeq; restituta naturale temperamentum conseruans, more pristino humoribus dominetur. Idèd dicebat Galenus, quod nemo eorū qui ex obstructione febricitauerit sola, cui prius sanguis missus fuerat, in putredinis febrem incideret. & quanquam is aliquando ad animi defectum miserit, vbi expediebat, idem tamen vbi horum alterum non responderet, tutius esse putabat, tantum principio detrabere quod defuit, iteratione supplere, nempe virtute non satis valida nec ætate permittente, vt lib. De curandiratione per venæ sectionem cap. 12. hic etiam nos in hac nostra regione valde frigida & humida, cum etiam nos Germani nō ita sanguinis detractionem, vt Itali & Hispani ferūt, tutius quoque esse putamus sectionem iterare, quàm ad animi vsque deliquium sanguinem subitò & vnica vice educere. Etenim talem sectionem periculosam esse fatemur, nonnunquam enim inter ipsas medicorum manus quidam animi deliquio correpti, non amplius reuixere: nam & Galenus eodem libro, duos ipse vidit in medicorum manibus periisse: multi autem licet non protinus, at postea propter virtutis imbecillitatem periere, aliosq; non paucos inspexit in

Tutius est
sanguinis
missionem
reiterare,
quàm vsque
ad animi de-
liquium edu-
cere.

graues, exitialesq; morbos incidisse ex tali vacatione. hic & Aëtius loco citato, quidam non reuixerunt, qui certe non occubuisse, si citra virium exolutionem euacuati fuissent: aliqui reliqua deinceps vita ob nimiam inanitionem in frigidiorē temperaturā delapsi sunt, quorum aliqui decolorati in deprauatumq; habitum versi, denique interierunt: aliqui perniciosi morbis confecti fuere, qualis est aqua intercus, ingensq; illa spirandi difficultas, quam orthopnoëam vocāt & cetera huiusmodi. Idē & habitus agrotantium maximè spectandus erit, vt idē Aëtius admonebat, tum Galenus quoq. aliis multis in locis: nam idoneus est ad phlebothomiam corporis habitus, durus, multi sanguinis, densus, exhalationi reddendæ contumax & humida aëris constitutio. venæ autem secandæ obstant, puerilis senilisq; ætas, temperatura calidissima & sicciss. eiusdemq; natura tempus & regio, & qui humidioris naturæ sunt, adiuncta præsertim caliditate cum raro corporis habitu (interim nos frigidos quoq. minus sanguinis habere existimamus) & qui os ventriculi perquam biliosum habuerint, aut imbecillum aut vegetioris sensus: tales enim vniuersi in venæ sectione, exolutionibus difficillimisq; animi deliquis parati sunt. sed cui venæ incidenda est, etiamsi triginta quatuor annos non excesserit, languidus tamen sit, mollis, pinguis ac candidus, angustasq; venas habeat, huic vel nihil vel parum admodum sanguinis detrahes, nec in æstate. At adolescentes floridæ ætatis multi sanguinis, viribus robustis, tēpore verno copiosam sanguinis detractionem in istis febribus ferunt, & sic Galenus in illo adolescente laborante synocha sine putredine, cuius historiam habemus ad longum lib. 9. meth. cap. 4. ad animi deliquium sanguinem detrahēre iussit. Sed quæ venæ sit incidenda nunc breuiter explicemus: auctores ex venæ iecoraria dextri cubiti mittunt, sic nos in iuvene de quo egimus obseruatione 9.

Qui facile
venæ sectionem
ferunt,
qui minus.

Quæ venæ
sic incidenda.

Quo tem-
pore facien-
da.

& 10. & in monacho obs. 11. ex vena basilica seu iecoraria sanguinem detrahere iussimus. alij auctoritate constanti ex media. si laborans sano fortiq; pectore fuerit. si ea magis appareat, non incommode quandoque mittitur. At quod hic medicus cephalicam elegerit, ob anginam suffocantem id fecit. misit utcumque copiose, tamen ubi metus est strangulationis ob anginam ne in deliquium animi incurrant, quod hic maxime obesset, præstat parcius vel per vices. interim tamen hic liberalior esse debebat, ob synochum continentem febrem. Præstat autem ut in principio fiat, licet etiam postea, si omissa fuerit. quemadmodum enim inquit Galenus (& citatur ab Aetio loco citato) me assidue facientem vidistis, neque dierum numero neq. tantum plenitudini attendere, sed virium quoque robur in omnibus quidem, sed in synochis maxime febribus perpendere: ubi enim vires perstiterint, non in sexta solum & septima, verum in aliis quoque diebus vena secanda est. Interim tamen in die critica, si signa coctionis manifesta præcesserint notæ fluxionis sanguinis vel sudoris iam appareant, silentium satius est habere, & naturæ totum negotium committere. ubi & pessima symptomata appareant, quæ in morituris apparere solent, tunc ab ea desistendum, cum Hippocrates iusserit & in crisi, naturæ id committendum esse, & morituros solis prognosticis esse derelinquendos. ubi verò hæc non adsunt & vires non planè deiectæ sunt, id præstandum erit, quamvis initio ubi vires fortiores sunt, plus quàm in fine vel postea, ubi aliquo modo collapsæ sunt, minus sit detrahendum. Sed & hæc regula quoque (ut dicebat Aetius loco citato) ad venam secandam animaduertenda sunt, quod præcedente alimenti cruditate tam diu differendum est, quamdiu coctio in ventriculo & ab intestinis excrementa egerantur. hoc idem Galenus iubet. idem & nos, ubi morbus inducias non patitur, ut hic, & alium

non reddat æger, aut excrementa non descendant, statim glandem inuicimus, aut clysterem emollientem adhibemus, mox per vnam horam & alteram, eductis fecibus, venam incidere iubemus. Quod si sponte æger alitum deiciat, his non opus est. Post etiam sectionem non minus clyster conuenit infrigidans, detergens, emolliens, vt Rondeletius doctissimus de synocho curandâ admonet, vt si prius non licuerit. Nam hoc commune præceptum sit, inquiens, in omnib. morbis, in quibus mittere sanguinem oportet, vt prius iniiciatur clyster, vel post missionem, vt excrementa intestinorum detergantur: ne vena inanita succum crudum vel corruptum ad se trahant; quamuis Garcialopius Lusitanus medicus comment. suo De varia rei medicæ sectione cap. 12. Rondeletio refragetur, vult enim Garcialopius vt clyster semper venæ sectionem sequatur. Ceterum & illud quoque hic in synochis febribus curandis obseruandum, inquit Aëtius, si post venæ sectionem vereberis, ne nouus sanguis erumpat, vt muliebris fluxus, aut hæmorrhoides, tantum in phlebotomia sanguinis relinquendum, quantum ad eorum locorum euacuationem suffecturum videbitur. Sed si eodem omnino tempore vel menses moueantur, vel hæmorrhoides aperiantur, totum negotium naturæ permittito: quæ si postea quantum oportebat non eduxerit, tunc venam secato, vt vtrunque simul iunctum perficiat, quod seorsum defecerat. Hac de primo remedio de venæ sectione in synochis: secundum remedium erat potus aquæ frigidæ. sed de eo postea.

Vtrum clysteres emollientes conueniant ante vel post sectionem venæ.

OBSERVATIO XIII. DE SYNOCHO NON PUTRIDA, IN QVA METVS erat, quod in putridam mutaretur.

LIGNARIUS Faber Alcimarianus, annorum viginti quatuor, cum in aquam gelidam, licet tempore verno incidisset, ex obstructione cutis synocho

nocho non putri correptus est. Vix hic in aqua hæserat: ad quem secundo die accitus, cum aluum eodem die deposuisset, ilicò sanguinem eumque satis copiosum detrahere iussi, sed inter mittendum cum putridus spectaretur, ne in putridam febrem transiret, metuebam: ideò statim à venæ sectione hunc syrupum propinaui & sy. de limonibus, de acetos. citri oxizach. simplicis ana ꝑ j. aquæ end. cichoreæ lupul. ana ꝑ ij. ß. fiat sy. dimidium mane cepit statim à venæ sectione, reliquum hora quarta pomeridiana. cum enim huic gelidam non daremus (quemadmodum alteri iuueni magis incalescenti, potui aquæ frigidaë consueto & notis coctionis apparentibus, exhibuimus; qui & tertio die à sectione venæ, sudore magis effluente, quarto curatus fuit) contenti fuimus syrupis caloris incendium extinguentibus. quibus & Rondeletius vti iubet, licet Galenus duobus tantum remediis præcipue venæ sectione, & potione aquæ frigidaë contentus esset, ad calorem tamen extinguendum, præter syropos etiam conditis tum aliis vti possemus, quamuis in iis sit respectus habendus. Si enim aluus liberius fluit, sy. capill. ven. iuleb. Alexandrinum confer. ros. conueniunt. si aluus sicciore viol. de cucurbit. qui tamen minus conueniunt si bilem multam vomant, vt in his feb. fieri assolet, vt scribit Gal. Verum cum noster æger sanguinem habebat vitiatum elegi de limonibus, de acetos. citri & oxizacharum. valet & de granatis. hi omnes refrigerant & putredinem arcant. Vbi æger ad bilem propensus est syr. de end. de fumoterra simplici accipimus, quando serosa excrementa euacuant. His enim syrupis tum aquis, potiones alterantes (improprie digestas vocant) & putredinem arcantes paramus.

Tertio

Tertio verò die cum febris nondum cessaret ꝓ j. cassiæ extractæ dedi cum ꝓ iiij. feri lactis. leuia enim damus medicamēta quæ serosa & biliosa recrementa euacuant, quæ solent hanc febrem in putridam transmutare, quæ citra calefactionem & humorum conturbationem aluum laxant. vt triphera persica. cathol. infusio Rhab. in aqua end. decoct. pulpæ sebestum thamarind. sy. ros. laxat. ex infus. ros. cass. cum sebes. berberis. estque hoc decoctum valdè vtile ꝑ. prun. sebesten: ana paria quatuor se frig. maior. contus. se. anisi ana ꝓ j. thamarind. ꝓ j. flor. trium cord. ana ꝓ j. fiat decoctio, in quartario vno colæ dissol. sy. viol. ꝓ j. vel si opus est maiori euacuatione sy. ros. laxat. ꝓ ij. β. Ceterum cassia ægroto nostro satisfecit, vt quinquies aluum exonerauerit. condito sequenti deinde utebamur. ꝑ. Conseruæ viol. folior. acetosæ nenupharis ros. ana ꝓ j. specie diat. frig. ꝓ ij. zach. ros. perlati ꝓ j. sy. de limonibus granatorum ana ꝓ β. Cibus erat, pruna cocta, & arida poma cocta, hordei cremor cum pauco saccharo rosaceo paratus, ac amigdalorum ex aqua frig. & aqua ros. cum emulsione quatuor se. frig. maiorum ne in bilem dulcia verterentur. postea decoctum pulli aut coxæ capi vel gallinæ cum lactuca portulaca malo vno granatorum adiecto vel agresta. potus, aqua hordei, vel ceruissia tenuis, ceruissia crassioris & vini vsum omninò interdiximus. Post quartum diem calor omninò mitigatus est, & in septimo perfectè fuit curatus.

S C H O L I A.

HARVM febrium duo sunt præstantissima remedia. apud Galenum venæ sectio ad syncopen vel animi deliquium, vel saltem copiosa. deinde aqua frigida potio. De san-

De sanguinis missione dictum est: at de aqua gelida sumenda nunc dicamus, de qua sumenda latius vide Gal. 9. meth. cap. 5. & Aët. cap. 71. lib. 5. Ex quibus facile patet quæ nam aqua, qualisue, quanta & quomodo danda sit, & propter quam causam detur, & quibus danda non sit. Danda autem est ea qua dulcis & optima sit, & qua prorsus est gelida, & quantum agro bibere licet, quinimò magis id audebit, si frigida potioni insueuerit. Vbi igitur ager qui curandus sit, qui non prius tantum phlebotomia præsidium omiserit, sed nunc quoque vel metu, vel alia occasione eandem effugiat, ad frigidam exhibendam accedere oportet, distinguendo quod inde nocumentum subsequi possit: nam si paruum vel nullum omnino prænoueris, si frigida pura exhibenda est, usque ad bibentis saturitatem. Hanc verò quantitatem determinauit idem Galenus 1. De rat. victus text. 43. licet quibusdam varius in hoc esse videatur: dicebat enim, potio aquæ frigida tanta sit quantum frigida aqua ager inspirando haurire possit, id enim est quod dixerat lib. 9. med. quod valida existente febre & virtute, tantum biberet ut liberet, quantum vna inspiratione bibere possit. Danda autem erit eo tempore postquam cōtioneis signa manifesta in venis apparuerint, & febris est remissior, & non alio tempore. Cauere enim principium & incrementum debemus, & totius morbi particularisq; vigorem: nam si oportuno tempore frigida exhibeatur, solidorum membrorum naturam excitat, quæ excitata attenuatis primò humoribus, viles quidem retinet, inutiles verò per aluum, per vomitum, aut per sudores expellit. Quod si ager sanitatis tempore frigida potor fuit, audacius propinato, experimento edoctus viscera frigida occursum toleratura. Si enim aliquod membrum adeo frigida natura fuerit, ut à frigida potione etiam sanum ladataur, futurum omnino nocumētum vereri oportet. sed si sanos frigida non ladebat,

Potus frigidus aquæ quibus conditionibus offeindus.

ladebat, prorsus neque febrientes ladet, ignei caloris multitudinē, veluti maximo propugnaculo in profundo existente. Male quidam nostro tempore sunt medici quidam $\Psi\upsilon\gamma\sigma\phi\lambda\omicron\iota$, id est, frigida exhibenda formidantes, quod putent omnes aqua frigida ladi. sed his, quibus utilis est, vt nunc diximus, danda erit, aliis minimē. laduntur autem aqua frigida, qui parū sanguinis & parū carnis habent, quia celeriter ad solidas animalis partes peruenit, nulli quod eius vim frangat, occurrens. Eadem ratione hectici frigida nec multa neque sincera indigent, quoniam gracilia & exsanguia eorum corpora sunt. Danda autem non est his qui crassos & lentos humores habent, qui obstructions, qui phlegmonem, aut erysipelas, aut scirrhū, aut œdema in visceribus habent, item qui gulam & ventriculum, aut neruorum genus debilia habent. his frigida non est offerenda, sed his tantum, qui febre laborant ob cutis obstructions, & putredinem sanguinis in omnibus venis, saltem maioribus. Ex his omnibus satis manifestum est, quæ, qualis, quanta, & quibus danda sit frigida.

Et ita sunt quoque incommoda multa quæ frigidam potionem intempestiuam immodicēq; exhibitam sequuntur, non pauca nec contemnenda, quæ magnoperē animaduertere oportet: nam vbi eadem timerentur, ab hac omnino abstinere necessum esset, ac ad alia (vt etiam Galenus admonuit) remedia conuerti; viscosos etenim ac crassos humores attenuari ac transpirari frigida impedit. tunc potius vtemur prasidiis quæ obstructions aperiant, humorum copiam euacuent, & feruorem febris remittant. & sic erysipelati aut inflammationi neque duritiei aut œdemați confert, sed protinus quidem febris iam facta extinguendæq; non leuem commoditatem adferre videtur: causa verò permanente, vbi à frigida corpus densatum fuerit, febris altera priore difficilior incenditur. Et hoc quidem nocu-

Frigidæ aquæ intempestiuū potum quæ incommoda sequuntur.

menti genus videri posset toleratu facilius, sed multi quibus viscera sunt imbecilla (vt stomachus seu gula, ventriculus, aut eius os, aut iecur, aut pulmo, septum transversum, colon, renes, vesica, aut tale quippiam fuerit inflammatum) à frigida potione incommodum minimè contemnendum superuenit. Cuidam enim os stomachi vsque ad propriæ actionis internicionem affectum est, vt vix postea deglutire possit: alterius ventriculus adeò refrigit vt summa cum difficultate concoqueret. cuiusdam hepar ita violatum est, vt in hydropem inciderit. plurimorum verò cecum, pulmo, renes, vesica, aut aliud quidpiam à frigida oppressum deinceps ad peculiare functiones imbecillum permansit. nonnulli extemplo ac bibissent, in orthopnoeas, improbos sopores, lethargum, parotidas, conuulsiones, tremores, apoplexias inciderunt. Noui me ista, inquit Galenus (& citatur ab Aetio) enumerando, formidolosum te ad frigidam exhibendam reddere. vidisti me tamen saepenumero in arte exercenda suo tempore & vt oportebat, hoc vsum praesidio, agris semper absque vlllo prorsus nocumento profuisse. Sic rusticus quidam à me syncho laborans, citra inflammationem viscerum, aqua potu assuetus, gelida assumpta post venae sectionem & signa coctionis apparentia fuit curatus. Quemadmodum ager ipsius Amati Blanquinus (vt ipsemet narrat curat. 14. centur. 4.) etiam sanus factus est, cui aqua à medico abnegata esset, ad quem ipse Amatus, cum peruenisset, & in vrina coctionis notas contempleret, & aqua appetentiam inexpugnabile, cum lingua nigredine & ariditate notaret, illi gelidam ad satietatem concessit, qua illico vomuit, & postea copiosissime sudauit, post quem sudorem ex integro febris delituit. Sic in mercatore Cirinio, nobili & magnifico, Iohannis Tertij regis Lusitania apud Antuerpiam negotiorum procuratore, siue factore vt vocant, gelidam bibendam Amatus cum dedisset, vigente ar-

dentissima

Rusticus syncho laborans aqua potu curatus.

Blanquinus ager Amati aqua potu curatus.

Emanuel Cirinius sanatus gelida ab ardentissima febre.

dentissima febre à potu pallidam bilem euomuit & melius habuit, vt sanitatem recuperauerit: ita vt liberalis ille mercator pro curatione & aqua potu, Amato suo medico largitus sit trecentos aureos ducatos. Vide eundem 3. curat. centur. 1. & scholia eiusdem in qua de aqua potu multa doctissima ex mente Hippoc. & Galeni narrantur. Interim ab altera parte considerandum ne aquam gelidam intempestiue exhibeamus ob incommoda qua sequi solent vt nunc diximus; cum enim omnium neruorum genus & caput precipue offendat: nam & Antonius Parmensis iuuenis quidam robustus (vt refert Beniuenius De abditis morborum causis cap. 16.) cum sub feruentissimo sole, & magni aestus tempestate pluribus diebus in itinere fuisset, ardentissima tandem febre correptus est: quare cum vehemens eum sitis vrgeret, frigidissima aqua epota, mortuus est. Ita quoque Valerius Cordus iuuenis doctissimus magna spei adolescens (vt eius scripta adhuc hodie demonstrant) consodalis & familiaris amicus noster anno 1544. cum equo Romam iret, cum Cornelio Sittardo iuvene amico etiam nostro carissimo, quos & ego paullo post, Bononia discedens, sequens, Romam veni pedestri itinere. Illi verò circa dies caniculares tempore admodum feruido in montibus Florentinis cum plurimas herbas collegissent: Valerius deinde siti valida cum premeretur, gelidamq; subinde bibisset aquam, qua cruditate oborta, & obstructione, tandem Romam veniens, febre ardentissima correptus est, qua illustrium medicorum ope, cum restitui non posset, ea nocte cum illi assisens eram, vitam cum morte finiuit. Memini quoque cum anno 1545. apud Pubnecos in Gallia praxim exercerem medicam, iuuenem in sphaisterio ludendo cōcalfactum, gelidam bibisse, mox in animi deliquium incidisse, ab eo verò statim in pleuritidem sauisssimam, à qua tamen non sine periculo nostra industria ope diuina euasit. Eodem ferè modo gene-

Ex aquæ
fili-
gidæ potu
mortuus.

Valetius
Cordus ex
gelidæ aquæ
potu in ar-
dentissimam
febrē lapsus
Romæ mor-
tuus.

Iuuenis exa-
quæ potu in
deliquium
animi, dein-
de in pleuri-
tidē lapsus.

Fredericus
Comes de
Hohenloë ex
aqua potu in
convulsiones
incidens.

rosus Comes Fredericus de Hohenloë, Germanus, iuuenis
albi coloris, egregie formosus, stature admodum procera,
cum apud Comitem Iohānem de Assouven, Illustris Prin-
cipis Aurāici fratrem, & etiam fratrem suum Philippum
Comitem de Hohenloë Chiliarcham, vino per aliquot tem-
pus liberalius usus esset, tum equitando continuò sese in ar-
mis exercitasset, ut Lochenam ciuitatem cum militibus ac
equitibus ab obsidione liberaret, mense Augusto anno
1582. Geertrudebergam cum venisset, in febrem continen-
tem periculosissimam incidit. Ad quem curandum primò
accitus fuit Franciscus Marcellus medicus Dordracenus a-
micus noster. sed cum semper ager in peius vergeret, frater
eius Philippus Comes de Hohenloë nūtiū ad me vnā cum
literis misit, ut fratrem extremè decumbentem inuiserem.
Ad quem cum peruenissem, erat octauus dies quo continuò
febricitare cœperat, qui gelidam aquam noctu dieq; bibe-
ret, vrina per totum morbi decursum cruda existente, in
convulsiones omnium ferè musculorum & præcipuè pecto-
ris adeò grauēs incurrebat, ut ilicò mori videretur, &
quanquam nos inhiheremus aqua potum, vix ab eo absti-
nuit, ut eius loco ob sitim vehementiorem aquam cinamo-
mi tum iulebos sumeret. At postea potius beneficio fortis
natura, quàm remedii, quæ admodum difficulter admit-
tebat, paulò melius habere cœpit, medico Dordraceno nunc
domum repetente, nos autem deinde per diem atque alte-
rum apud illum egimus. quem deinde in Hagham Comitis
deduximus, atque ibidem quibusdam adhibitis aptis reme-
diis, sanus factus est. Hæc paulo latius de aqua gelida po-
tu in febribus synochis, ne opus sit hæc ipsa in ardentibus ac
aliis febribus continentibus repetere: estq; nunc tempe-
stium ut ad secundum genus febrium nempe putridarum
accedamus, rursus factò initio ab ipsis febribus synochis
putridis.

OBSERVATIO XIII. DE FEBRE
sanguinea seu synocho cum putredine.

MERCATOR Frumentarius annorum 26. qui ad viam Delphiam antiquam dictam habitabat, cui sanguis aliquando è naribus fluere solebat, qui nunc ad duos trèsve annos non fluxerat, cumque per duos annos à venæ sectione abstinuisset, quo antea mense Maio uti solebat, iuuenis temperatura sanguineæ, vinoque rubro & crasso sæpius vtens: Hic cum pedestri itinere fatigatus esset, lassitudine affectus, in febrem sanguineam seu synochum cum putredine incidit; hinc caput valdè graue erat ac dolebat, res rubeas videre somniabat, tempora pulsabant venis sanguine repletis & manifestè apparentibus, oculi rubicundiores erant, dulcedinem in ore percipiebat. Hæc cum animaduertissem, atq. 19. die Maij anno 1576. ad illum accitus essem, cum eodem die per se aluum reddidisset, eius internam brachij venam secari iussi, sanguinisque libram vnā extrahere, & vt insignem haustum huius ptisanæ gelidæ, vel integram libram sumeret si posset aut dimidium huius statim à venæ sectione ℞. hordei mundati p. j. glycyrizæ rasæ ℥ iij. prunor. damasc. acidor. numero ix. coquatur in aqua pura pro lib. i. sectione venæ peracta & ptisana hac assumpta cœpit egregiè sudare cum quadam alleviatione. Die sequenti hunc sy. propinaui ℞ oxizach. simplicis ℥ j. β. aq. end. cich. acetosæ ana ℥ j. & pro siti sumebat cerasa condita, lactucam conditam aqua gelida irroratam. subinde cochlear vnum oxizach. simplicis & viol. & si magis sitiret capiebat ptisanam solitam. quarto die deuorauit ℥ x. diaprunis simplicis. & bene excreuit, alio-

qui mane sequenti dedissem mannam cum Rhab. Ceterum in quarto die post excretionem alui, vrina quæ prius rubra & tenuis erat, hyposthasim albam habuit, etiam subsidebat, & crassior facta est, & coctionis signa in quarto apparuere. quare ægrotum bene sperare iussi. Nam hic quartus dies diligenter in hac febre (sicuti in aliis omnibus continuis febribus) obseruandus est, vt etiam doctissimus Rondelietius cap. proprio de synocho putri annotauit: nam si materia manifestæ coctionis futuræ & crisis iudicia præbeat, sperandum est, vt die septimo morbus iudicetur. Septimo enim die cum hic bene sudasset, à febre liberatus est. interim ne vires deficerent condito sequenti utebatur ad vires instaurandas, cor munientum & sitim temperandam. & conseruæ rad. buglossæ ʒ ʒ. conseruæ cichorii acetosæ conseruæ ex pulpa interiore citreorum vel limonum ana ʒ iij. pul. Diamarg. frig. ʒ j. zach. ros. cum perlis tabulati ʒ ʒ. fiat cōditum. Cibus huic in principio panatella simplex, & hordeacea cum vino granatorum, postea ne deficeret, nam nostris adeo tenuis victus non ita confert vt Italis, etiam ius pulli cū spinachia & lactuca concessimus, poma cocta & panatellam ex ceruisia pane intrito & saccharo asperso. & hic post septimum statum sanus factus est.

S C H O L I A.

TRIA diximus genera febrium esse, de primo genere nunc egimus, quæ in spiritibus accenduntur, harum vna species erat, cum spiritus corpus simplex esset, nempe diaria vnius diei, ad quam etiam illa plurium dierum dicta, etiam synochus non putris, pertinebat: quamuis & hæc ipsa facile in putridam conuerteretur. Nunc ad secundum genus

genus peruenimus, sumpto rursus initio à synochis putridis, qua ex humoribus sunt. At humor quia multiplex est, etiam multiplicem differentiam constituit. Concoctus enim sanguis, præter sanguineam simplicem, de qua hactenus egimus, etiam synochum putrem efficit, cuius in præsentia sermo est: ita & bilis putris in venis quidem assiduam, ita & ardentem & tertianam quidem continuam facit, extra venas tertianam intermittentem. Ad eundem modum pituita & bilis atra varias formas febrium gignunt, ut postea docebimus. Cum itaque putrida febris multiplex sit, cuius calor ex illuue putrida emergit, hæc ipsa ex putrescentis humoris specie atque situ duo prima constituit genera, continuam vel intermittentem. Iterum continua duplex est, vna primaria & vera, quam putrescens humor in vasis maioribus qua inter alas & inguina excurrunt, accendit: Altera symptomatica est, qua visceris cuiusdam partisue putredinem quasi comes insequitur. Et qua harum ex iecoris, lienis, renis, aut cuiusvis partis erysipelate sit, à Fernelio typhodes appellatur, alij tamen volunt typhodes & elodes in humido ac perpetuo sudore consistere & madore, quo corpus continuo resoluitur ut suo loco dicemus, quamquam & typhodes ab Aëtio dicitur, quam erysipelas hepatis accendit. Quæ ex earum aut insigniorum partium phlegmone, ut ex peripneumonia, pleuritide, aut phrenitide, phlegmonodes dicitur. Vtrique autem symptomatica est continua. Fit & nonnunquam symptomatica, dum in hisce visceribus, citra eorum inflammationem coërcitus humor putrescit. idque si affatim vniuersumque sit, acuta febris existit: si verò sensim ac lentè, continua lenta, qua diuturna esse consuevit. Putrida febris continua primaria & hæc duplex est, qua suas species sortitur ex vincentis humoris natura, ut si equaliter putrescant tunc vocatur synochos putrida vel continens putrida,

Febrîū quæ ex humoribus accenduntur diuersæ species.

Putrida febris multiplex.

Continua. Intermittens. Continua duplex. Symptomatica.

Typhodes Elodes.

Phlegmonodes.

Acuta. Continua lenta. Putrida continua primaria duplex.

Synochos
continens.

Synochus.
Tertiana
continua:
Causos ar-
dens.
Quotidiana
continua.
Quartana
continua.
Intermittens.

Synochos
putris.

Loci consen-
tientes de fe-
bribus san-
guineis.

quæ etiam à Caputuacceo continua continens vocatur cum inter continuas quoque refertur, ed quoddam continuè affligit. est hæc rursus triplex ut diximus, acmaistica, epacmaistica, paracmaistica. de hac prius loquemur cuius exemplum hic proposuimus. Si verò tantum unus humor putrescit, synochus siue continua dicitur; à bile tertiana continua, cuius si magnum incendium cor & præcordia occupet, causos seu ardens febris dicitur. à pituita, quotidiana continua. à melancholia, quartana continua. de his omnibus dicemus, deinde verò de intermittentibus putridis simplicibus, quarum etiam tres existunt differentie, tertiana ex bile, quotidiana ex pituita, quartana ab atra. De his omnibus dicemus. at omnium primum de synocho putrida, siue de sanguinea febre loquemur. Cum enim synochos duplex sit, una continens & acuta ex sanguine in venis non putrefacto, in multa copia peccante, ex natura eadem cum diariis, ut Gal. 9. meth. cap. 3. docuit; de qua satis dictum est. Altera verò putris, vel statim ab initio, vel non putri succedens, putrente scilicet sanguine. Qualis etiam ex putrescente in uteri venis, omnium corporis partium plurimus & maximus, sanguine illas replente, ob retenta menstrua, vel partus excrementa, vel phlegmonem ut Gal. comment. 1. in 6. lib. epidim. At prima nempe sanguinea ex sanguinis abundantia, inquit Auic. 1. cau. cap. 44. medium utriusque scilicet ephemera & putrida synochi sapit, nam differt ab ephemera, quia sanguis est calefactus: differt à putrida, quia nulla adest putredo. lege de his Gal. 9. meth. cap. 2. Quædam inquit febrium habent manifestam notam putredinis, quædam non habent. lege etiam 2. De cris. cap. 6. & Paul. lib. 2. cap. 26. Habemus & utramque descriptionem apud Gal. 2. De diff. feb. cap. 2. & 4. method. cap. 3. & 2. De cris. cap. 6. tres species synoch. demonstrat quas Aëtius ser. 5. cap. 70. solum competere ait febribus à sanguine

non putrido factis. At harum materia sanguis est non quidem simplex, sed qui ex quattuor humorum æquabili permistione cõstat & ita raro simplex synochos reperitur. vide Fernellium lib. 4. cap. 4. Sed quantum ad synochum putridam attinet, de qua cap. 5. agit, magna est dissensio inter medicos proceres de sanguinea febre putrida, nũm sanguis putrescat an ex ea synochos sit vel biliosa. Caputuacæus multis modis ostēdit eam fieri à massa sanguinea serosa, in magnis vasis putrescente. At secundum Fernellium sanguis putrescit, cum vi caloris præter naturam segregantur, qua in eo sunt substantiæ dissimiles, & bilis flaua ac tenuis ab atra quæ crassa terrenaq; est secernitur, ea non synochos, sed vel biliosa vel melancholica euadet. Alio modo verè sanguis putrescit, cum citra substantiarum diremptum aut secretionem totus corrumpitur magno fœtore aut graueolentia: & ita per febres qui detrahitur sanguis sæpe non solum fœtidus & graueolens, sed & putridus spectatur, ut neque cohereat aut concreseat, omnibus scilicet eius fibris putredine consumptis. hoc modo sanguis corrumpitur ut Fernellius docet cap. 5. lib. 4. & accenditur synochos putrida. Syluius verò iuxta Galenum lib. 2. cap. 12. De diff. feb. in suis commentariis de febribus admittit quidem sanguineam putridam, sed ait in ea putredine quod tenue est in sanguine & pingue magis quod mox in bilem flauam abeat. Quo fit, ut mutata priore synochi natura, quia ex sanguinea febre in biliosam degenerat, nomen quoque immutet: & οὐρεχὺς biliosa vocetur. Totam οὐρεχὺς naturam, hoc est differentias, causas, symptomata, signa, curationem Galenus plenissimè scribit libro methodi: nono quidem non putris: vndecimo autem putris. Ex quibus fontibus, ad satietatem vsque, cum opus erit, exhaurias licet. De hac autem febre sanguinea an aliqua sit, nõ sine re dubitatum ab antiquis: de quo certant Arabes cum Græcis.

De febre sanguinea seu synochos putrida magna est dissensio vtrum sanguis putrescere possit.

Galenus id pernegat. Contra Galenum Auicenna multis disputat! Alij argumentis docent Galenum non negasse sanguineam esse putridam. De his vide auctores, & libellum Sebastiani Aquile De questione febris sanguinea ex mente Galeni. Vide etiã apud Holerium alia argumẽta quæ Arabum sententiã confirmant. Sed præstat vt in eo magis laboremus, vt fideliter curemus, quàm vt subtiliter differamus.

OBSERVATIO XV. DE FEBRE

continente seu synocho putri.

VIR nobilis annorum circiter triginta, virtute, quoad vitalem, animale, naturalem, forti ac robusta, calidi cordis & renum calidorum, habitudine carnosus, temperatura sanguineus, cum amplitudine venarum, & sanguinis plenitudine, delicate & otiosè viuens, medicamentis vt minimè consuetus, sed sectione venæ, quam & nunc per aliquod tempus, vt iuuenis præcedens, neglexerat. Hic cum lepores in venatione per integrum ferè diem in moribus arenosis infecutus esset, ex nimia cursitatione concalfactus, & sudore madens, cum lassus deinde in domo perflatili sederet, ex frigore sudor repressus est, ac pori cutis seu meatus restricti, vnde prohibita transpiratione, cum corpus dispositum haberet ad febrem continentem, circa initium veris, in synochum putrem lapsus est, sub noctem à cœna cum domum rediisset. Sequenti mane ad eum vocatus, ex informatione signorum, tum eorum quæ præcesserant, ex causis prægressis; tum quæ aderant, cognoui febrem synochum putrem cōtinentem esse. Venit mihi tunc in mentem casus ille de Vlpiano Papiniani focero synocho quoque laborante, qui ex vrbe Pisa vsque

vsq. Romam iter fecisset mense Iunio, vt narrat Sa-
uonarola, cui Siculus medicus statim lenituum cly-
sterem ex betæ maluæ viol. & prunor. decoct. oleo
viol. & cass. r. & c. præscripsit, & sanguinis libram ex
brachio detraxit, & à venæ sectione dedit lib. r.
aquæ hordei cum $\frac{3}{4}$ iij. iuleb. violat. & post duas ho-
ras, victum humidum præscripsit & refrigerantem;
altero die cum videret ex vrina, & pulsu animaduer-
teret calorem febrilem non fuisse diminutum, rursus
vncias sex sanguinis extrahere fecit, eadem victus ra-
tione obseruata. & iussit si sitiret, quod ei daretur a-
qua cocta simplex cum vino granatorum aut aqua
hordei cum iuleb. rosato. Tertio die cum inueniret
eum adhuc calentem, clysterem infrigidantem, le-
nientem ex mal. viol. beta nenupha oleo viol. & sale
cum modico hordei iterum præscripsit, & vsus est
dieta crassiore ex spinachia, lactuca, iure pulli: & quia
cōsueuerat semper bibere vinum, dedit album tenue
cum aqua gelida lymphatum. post prandium verò
quieuit ac dormiuit: sub noctem cum perciperet ca-
lorem, epithema cordi infrigidans adhibuit, & ea no-
cte cum sitiret dedit iuleb. ros. cum aqua acetos. &
end, vel cum aqua hordei. Die quarto in aurora exhi-
buit syr. acetosum cum aqua capill. Veneris end. &
exigua aqua fœniculi adiecta. Octauo die dedit mā-
nam cum Rhab. cum decoct. thamarind. & prunor.
in aqua end. Nono die sudauit, & fuit à febre libera-
tus. Post quartum diem vsus est frictionibus bis in
die mane & sub vesperam ante cibum, & ita conue-
nienti victus ratione fuit curatus. Noster autē ægro-
tus iisdem ferè remediis fuit etiam sanatus. Nam
statim postquam aluum ex glande exonerasset, post
duas horas ex vena communi seu media, cum ea ma-

gis appareret, vt sanguis ad libram vnā detraheretur, mandauī. deinde syrupum sequentem propinaui & sy. acetosi simplicis sy. de limonibus sy. granator. ana ꝑ β. aqua end. lupul. fumar. ana ꝑ ij. mis. fiat haustus. Tertio die accepit hāc purgationem & Diacatholiconis ꝑ β. Diaprunis simplicis cassiæ mundatæ ana ꝑ ij. aquæ cich. ꝑ iij. sy. ex infus. ros. ꝑ j. β. mis. quinquies ex ea potione alius soluta est, cum illi facile moueretur. Quarto die accepit syrupū sequentem. & oxizach. simplicis sy. de agresta sy. de limonibus ana ꝑ β. aqua cich. borag. end. ana ꝑ j. mis. fiat sy. Cū in quarto signa coctionis in vrina apparebant, die quinto ad maiorem resolutionē cum rebus prouocantibus vrinam & sudorem & dilatantibus poros cutis ad faciliorem exitum vaporum processu & exhibui decoctum sequens & sy. acetosi simplicis ꝑ j. β. emulsionis quatuor se. frig. maior. ꝑ ij. aquæ decoct. rad. end. ꝑ iij. mis. Hæc enim vrinam sufficiēter prouocabant. In sexto etiam ad sudorem eliciendum dedi ꝑ vi. aquæ hordei calidæ zach. adiecto, & panis coopertus, postea cœpit sudare, ita vt etiam in septimo vltra sudore copiosius effluente, pristinam sanitatem nactus fuerit.

S C H O L I A.

SEX sunt magna ex parte febrium sanguinearum causa, obstructio, repletio, multitudo exercitiij non consueti laboriosa, consuetæ euacuationis retentio, aquositas ipsius sanguinis ex comestis fructibus elaborata, humoris crassi & crudi copia sanguine admixti. Quæ causæ licet synochum simplicem inferant, si tamen magis intendantur synochum quoque cum putredine inducunt, cū etiam simplex in putridam facile conuertatur, maximè verò vt dicebat

cebat Gal. 9. method. medicorum ipsorum infcitia, qui sanguinem in principio non detraxerunt, vel laborantium ipsorum timiditate. etiam ratione maioris obstructionis. licet Galenus dixerit quod eorum qui sola obstructione febricitarent, nemo in putredinis febrem incidit, qui prius sanguinem miserat; procul dubio intelligit leuem obstructionem. alioqui facile & in synochum putridam incidunt. Vel hæc ipsa per se incipit sanguine iam statim putrefacto, vel statim primo die notas putredinis habuerunt, alie in tertio, aut certè ad summum quarto. At synochos simplex seu inflatiua vel sine putredine, differt à synocho cum putredine, vt etiam ex supradictis constat. synochos simplex est ex quantitate nimia sanguinis, nec putrida, maioris inflationis, citæ terminationis, & securioris, neq. huic debetur digestio, nisi forte per syrupos vt dictum est refrenatio ipsius bilis ne sanguis cum bile putrescat. At synochos putris est cum putredine, peccans tam qualitate quàm quantitate, magisq. materia ob putredinem expanditur per totum corpus, & magis crism facit cum euacuatione manifesta per fluxum sanguinis narium, eruptionum hæmorrhoidum, mensum, per sanguinis exitum quandoque per fluxum biliosum ventris, vt Auicenna testatur, subinde terminatur per sudorem, variolas, morbillos & inguinum apostemata, eritq. crisis optima & laudabilis, signis coctionis præcedentib. Differunt quoque ex parte signorum. primò ex parte exeuntium, nam in synocho putri vrina est rubicunda vel subrubicunda, spissa cum liuiditate & fœtore. in synocho non putri neque liuida est neque fœtorem habet. In putri autem excrementa quoq. fœtrent & naturali colore multum disident. Sputum quoque subinde amarum est, cum sanguis facile ad bilem vertatur. à substantialiter inherentibus calor hic magis mordax est, in synocho simplici mitior. Ab actione laesa, pulsus hic est inordinatus & systole maior diastole.

Differentie
causarum &
signorum.

Suntq.

Distinctio
inter arden-
tem & syno-
chum.

Signa pro-
gnostica.

Suntq; accidentia hic vehementiora, dolor capitis magis
vrget, vigilia plus aquo intensa, mentis alienatio, angustia
& inquietudo maior. & ita signa quæ demonstrant syno-
chum simplicem seu synocham vt barbari vocant, eadem
denuntiant synochum putrem. Distinguitur etiam syno-
chus putris ab ardente, habet enim hæc vnicam accessio-
nem vt dictum est, & est continua, & quamuis videatur
quadam esse conuenientia inter ardentem, synochum sine
putredine & cum putredine, hæc vnicam habent accessio-
nem. ardenti verò indicia sunt bilis copiosa, in his autem
sanguinis indicia, neque corpus ita est calidum & siccum,
neque in his præcesserunt causa multiplicantes bilem vt in
ardente. At quibus modis distingues putrem synochum à
non putri vide Gal. 9. meth. cap. 3. & quamuis sit mordaci-
tas in tactu in synocho putri, acrior tamen est in ardente.
Prognostica verò signa dicta scholia Obser. xi. de synocha.
inflatiua etiam huc transferenda ad synochum putrem.
interim minus est periculi in synocho non putri, quàm pu-
tri: peccatum duplex maius est. se solo ac fortius. quamuis
minus fiant in corporib. macilentis, frigidis, siccis, sed potius
carnosis, multo sanguine præditis, & qui calidis excre-
mentis referti sunt, quiq; delicatè viuunt, & subito ex
paupertate ad diuitias & delitias tum honores assurgunt,
in otio prius viuentes, quiq; cibis diuersis ac ferculis mul-
tis delectantur, nobiles otiosi tum adolescentes teste Al-
manzore & qui dulcibus cibis delectantur in putrem quo-
que febrem facile incidunt. Synochus non putris quarto
vel ad summum 7. bene malèue terminatur. Putris verò
7. 11. 14. modò non contingat error ex aqua gelida potu
ad 40. diem extendi poterit, vt quidam existimarunt. Si
statim à principio agrum exceperit fluxus sanguinis na-
rium copiosus, vel sudor liberalior, vel alia euacuatio sen-
sibilis, vel vna aut plures simul, virtute forti, salutem de-
nuntiat

nuntiat & *crisim* perfectam. Nonnunquam tamen huius febris initio, ventris fluor oboritur, qui si magnus est & copiosus, vires ita dissoluit, vt postea coquendo morbo sint impares. Quòd si alui fluor fiat à multitudine materiae, nec diutius perseueret, morbum facit breuem. si verò à maligna prauaq; materia excitetur, subito interimit. Soluitur quandoque hac maculis quibusdam purpureis, in ambitu corporis erumpentibus, quæ si die critico post signa coctionis appareant, certam salutem, alias mortem portendunt. Si autem sanguis niger fluxerit, paucusq; exierit siue lucidus siue subtilis, qui restringi non potest, arteria rupturam si saliendo exeat, venæ, si non saliendo, *crisim* symptomaticam aut superfluam aut diminutam, aut mortem festinam denuntiat. Talia si in quarto apparuerint *crisim* bonam, aut malam, in septimo: si in 11. in 14. promittunt. Si statim à principio virtus deficiat, neque remedia rationabiliter à medico perito exhibita contulerint, & indies vrina magis confusa videatur, cor tremat, pulsus diuersus fuerit, calorq; augeatur, sitis minimè extinguitur, lethale est. concoctionis signa aut tarda (vt in aliis febribus acutis continuis) morbum longum aut breuem fore denuntiant, & quanto vrina est magis intensa, ceteris paribus citius terminatur. Si itaque est vrina plurimum intensa, bona coctionis signa apparere incipiant, febris ad bonum citò terminabitur; si cum remissa, tardè & e contra. Si cum vrina intensa, signa appareant cruditatis, breui admodum ad malum terminabitur; eoque breuius, si virtus dilabatur, at si cum remissa, tardius: sed vires in ea quoque potissimum spectanda. Vrina alba in synocho mortem denotat. Hæc postea per exempla illustriora euadent.

OBSERVAT. XVI. DE SYNOCHO
PUTRI, LETHALI, IN PLEVRITIDEM
deinde in pulmoniam conuersa.

IOHANNES Albertus, qui in insigni elephantis
cōmorabatur, crebris potationibus deditus, facie
rubicundiore, musica & cantione sese delectans,
temperatura sanguineus, attamen cerebro debiliori,
ab vxore separatus, in otio viuens, apud cauponem
nunc habitans, ceruisia crassiore sese aliquando re-
plens, cū aliās ab hydrope & ictero, cum de eius
salute multi desperarent, deo adiuuante sanauimus.
Hic verò cū hæc scripta denuò recolligeremus, ca-
lesfactus decubuit, & in fine Martij synocho putri
correptus est. Secundo die morbo laterali affici cœ-
pit, ad quem deflectens pharmacopola, eius opera
vſus, venam non secuit, ita vt non diu post, malum
in pulmoniam sese mutauerit; sputa cruenta tunc ex-
pectorabat, anxius erat, difficulter anhelitum trahe-
bat; subinde infomnis, aliquando verò altè dormie-
bat, leuiter delirabat, inquietus erat. Nihil præter lin-
ctum ex syrupo de liquiritia & similibus illi præscri-
ptum est. Post sextum ad eum accitus fui, aluum mo-
deratè deiiciebat, signa cruditatis aderant, vrinæ te-
nues, pauca, decolores. Cū sectio venæ neglecta ef-
fet vel potius prætermissa, vix eam nunc præscribere
audebam, sed quia cōsuetus, venam quidem aperire
iussi sanguine nigro liuido corrupto effluente, sed
paucō, cū vires nunc satis deiectæ essent, ideo vt
venam præcluderet chirurgus mandauī. licet septi-
mo videbatur melius habere, & vtcumq. sputa red-
deret minus rubicundiora, vrinæ tamen tenues per-
manebant. octauo peius habuit, spiritus rarus, an-
gustia

gustia maior, sputa minus exhibant, febre post meridiem magis incremente. cumque vrina cruda permaneret & omnia in deterius vergerent, nono cum morituum prædixi, remediis nullo modo quoque iuuantibus, & ita viribus deiectis, cum sputa amplius expectorare non posset, sub noctem mortuus est.

S C H O L I A.

CVM hic in principio sectio vena prætermiffa esset, syncho incremente, quæ semper deterior est, ita vt in ea raro fiat bona crisis, vrina alba permanente; non fuit mirum, etiam accedente morbo laterali & in pulmoniam conuersa, in quos morbos synchos maximè verò putris mutari solet vt diximus, minus hic admirabimur quod nono mortuus fuerit, cum neque medicum peritum ad se vocasset, cum & synochi sunt morbi acutissimi, maximi, & grauissimi, vt testatur Galenus. & quæ augendo procedit aliis deterior est. Quod autem talis raro ad bonum terminetur, ob virtutis debilitatem & materie multitudinem fit, quæ paulatim inualefcit contra naturam, & ideo plerunque lethalis est, & reliquarum febrium molestior ac deterior. Decrescentes minus periculosi, spem salutis propter contrarias causas pollicentur, eò quod decrescendo procedant & paulatim minuantur. In eodem verò vigore permanentes, medio modo se habent.

De morbis
vulgar. com-
mē. 3. tex. 3.

OBSERVATIO XVII. DE FEBRE
CONTINENTE SEV SYNOCHO PVTRI,
cui exanthemata concomitabantur.

DIVES ille ζωὴς Hadrianus Alovvinus Delphius, pro cuius ædibus duplex crux interfignum erat, qui ad forum Frumētarium habitabat,
de quo

de quo etiam egimus obseruatione prima huius libri, vir annorum triginta quatuor, die 14. Octobris anno 1562. in febrem continētem (quam synochum putrem vocant) incidit. Neque tunc medicum vocauit, sed suo aut potius vxoris aut muliercularū consilio, cum decoctum foliorum sene sumpsisset, aluus illi soluta est: at sanguinis missionem postposuit, quæ tamen huic feбри, quemadmodum & synocho non putri, vt antea dictum est, præcipuum remedium existit, vt Gal. lib. 9. meth. cap. 4. ad longum docet. 17. verò die eiusdem mensis, qui erat 4. dies ab initio morbi me prius coram vocauit. Facies illi tunc tumida erat valdè inflata ac rubea, licet tamen naturā vt-cumque biliosus esset, pulsus maximus tum vehemens & celer. lotium quod tunc cōspexi, quanquam post meridiem esset, valdè tinctum, rubrū & crassum erat. sic etiam Galenus non solum mane lotium contemplari solebat, sed illud quoque interdium à prandio excretum, vt apud libellum De præcognitione in Eudemi curatione, facillè quis percipere potuit. Ex signis sic dispositis animaduerti synochum putrem esse, quare confestim accersito chirurgus, cum missio sanguinis prætermissa esset, ac virtus mediocriter constaret ex vena interna brachij dextri ad vncias sex sanguinis detrahere mandauit. At sanguine bene manante, animi deliquium cum incurrere videbatur, vltiorem detractionem cohibui, cum & pulsus mutaretur, qui perfectus nuntius virtutis existit: nam hæc ipsa virtus in sanguinis missione potissimū spectanda, vt Galenus probè monet 9. meth. cap. 10. post duas autem horas à sanguinis missione optimè dormiuit, sudore è corpore emanante. Statim enim à venæ sectione, ptisana epota sudor è corpore manauit & post

& post duas horas incidit in somnum suauissimum, vt se quodammodo à febre liberatum diceret, cùm sub noctem ad eum redirem, ita vt etiam nocte subsequente optimè haberet. Altero autem die à sanguinis missione manè cùm à febre & per totum diem quasi liber à febre videretur, sub noctem subsequentem, maximum sentiebat dolorem, qui per totam spinam vergebat, similiter & totius corporis lassitudinem, punctiones vehemètes, pandiculationes crebras, difficultatem anhelitus, narium pruritum: aliaque signa aderant, quæ ante eruptionem exanthematum apparere solent (ea enim in synochis ac febribus sanguineis solèt superuenire) & cùm eo tempore synochi putres tum pestilentes quoque cum variolis & morbillis non tantùm in pueris, verùm etiam in adultis grassarentur: exanthemata eruptura audacter prædicebam, neque fefellit me mea prædictio. Secunda itaque nocte à sanguinis missione natura leuior ac robustior facta pro residua materia expellenda, morbillos foras à centro ad circumferentiam expellebat, atq. paulatim morbilli per cutem erumpabant. sentiebat autem tunc puncturas artuum, qui decimo nono die Octobris, qui erat sextus ab initio morbi, magis sese dilatabant & manifestè videbantur. Die autem præcedente cùm in gutture valdè doleret, vt suffocari pertimesceret, morbillis nondum erumpentibus, hoc gargarismo vt vteretur iussi. *℞* Aquar. plātag. lib.j. flor. ros. rub. ʒ j. corticum granat. ʒ β. bulliant vnica leui ebullitione, deinde colaturæ addendo diamoronis sy. granat. ana ʒ j. mis. pro gargarismate. Eodem autem die sub noctem etiam sequens præscriptum fuit. *℞* Aquæ plantag. lib.j. flor. ros. rub. ʒ j. β. ebulliant, col^æ. adde diamoronis ʒ iij.

mis. At cum specillo argenteo guttur interius videremus, inflammatum erat, & columella similiter inflammata & valdè laxata, ita vt radici linguæ lori instar oblonga incumbens propenderet. sed ex gargarismo melius habuit. Interim cum aluum nō sponte deiiceret, glans ex pul. hieræ picræ simplicis sale & melle cōfecta submittebatur. Vigesimo die Octobris qui erat septimius ab initio morbi, cum in guttore morbilli magis emergerent non sine magno dolore ac calore, vt sese suffocari clamaret; mandari vt continuò cum lacte caprino & aqua plātaginis simul mixtis tepidè gargarissaret : quod miraculi instar profuit. præseruat autē maximè ab angina tum suffocatione. estque oris tum gutturi præstantissimum remedium, cum signa exanthematum se prodūt. Ad eandem quoque intensionem, vt syrupum granatorum sæpius paulatim deglutiret; iussi. cū huius vsum mirabilem in tali casu sæpe expertus fuerim. Munit autem cor à putredine ac inflammatione, ideo vt succum quoque granatorum subinde caperet, admitterebam. Deinde vt etiam pulmo, pectus, gula, intus à morbillis tuta forent, cum simul angustia ac tussis adessent, vt continuò ex hoc elegmate lamberet, præcepi. & sy. granat. dulc. ʒ ij. zacch. penid. ʒ iij. sy. ex infus. ros. Diamoronis ana ʒ β. Diadrag. frig. in tabul. ʒ iij. amidi purissimi ʒ ij. fiat elegina: ita profuit, vt in simili casu etiam pro arcano haberem. Commodissimè autem vti sumus iis remediis, quæ ad symptomata variolarum valere cū Guancius, tum Blasius Astaris Papiensis medicus scripsere. Oculos autem munebam in principio lotionē aquæ rosaceæ. Quomodo autem hi muniendi sunt, cum de variolis ac morbillis agemus, dicturi sumus. Na-

res autem per attractionem aquæ hordei ex præscripto Benedicti Victorij Faurentini medici ac præceptoris mei quondam apud Felfinas charissimi, præseruabam. Cùm autem huic calor febrilis adhuc ingens adesset, Diatragacanthi frigidi in tabulis vsum frequentiore admissi, & cùm ex ingenti calore synopen metuerem, saccharum rosaceum perlatum administraui. Cibus huic sub noctem hordeatum hoc modo confectum. ꝛ hordei mundati p. j. amigd. dul. ꝛ ij. fiat hordeatum vt artis est pro lib. i. & saccharo violaceo dulcoretur, & eo loco cibi vtebatur subinde. Ceterùm cùm morbilli magis per cutim prodirent, decocto glycyrizæ, ficuum & hordei communis ad maiorem expulsionem vtebatur calidè sese in lecto continendo, & imperaui vt ignem satis luculentum, cùm morbilli erumperent in cubiculo in quo decumbebat, haberet. Medicamenta solutiua hîc non dedi postquam morbilli erupissent iuxta aph. 20. lib. i. Hippoc. Quæ iudicantur & iudicata sunt integrè, neque nouare aliquid siue medicamentis, siue aliter irritando, sed sinere. ad propulsionem tantum vfi sumus decocto ficuum. Potus huic erat ptisana ex hordeo mundato glycyriza. subinde & tenuis ceruisia, at minus gelida sed tepida cùm morbilli erumperent. post 7. crassiore victu vtentes, & 14. die perfectè curatus est, tunc enim concessi vinum Rhenanum aquosum tamen, ita vt paulatim morbilli exsiccati deciderent. Magna hic cum nostra laude præter opinionem quorundam sanatus est, quemadmodum alij multi qui synocho putri tum exanthematibus laborabant. Hic tamen licet sanus per multos annos pancreaticè valeret, anno 1580. in timpanitem incidit, quam vnâ cum Bontio medico

& professore Leydano difficile curatu esse proponeremus, Paracelsistis fidem habuit, qui nec hydropem nec hepar læsum esse prædicarent, cùm ei intra 14. dies sanitatem pollicerentur, 13. die magna cum eorum confusione obiit. At de hydrope fortasse & de his latius.

S C H O L I A.

SYNOCIVS cum putredine cùm duplex sit, vna ex sanguine quidem putrido sed non aded corrupto, altera synochus pestilens dicitur, quæ constitutione pestilenti in venis magnis putredinem adferre solet, & ided hæc febris de qua nunc loquimur proximè ad pestilentem febrem accedebat, cùm eodem modo populatim plurimi ea afficiebantur, & omnes quidem maligna ex putredine sanguinis orta per exanthemata terminabantur. Aded enim in quibusdam sanguis deprauatur, vt non amplius ad habitum redeat naturalem, nec possit iterum per naturæ concoctionem ad primam humoris bonitatem redire. Denique per febres, qui detrahatur, in praxi quotidiana experientia sæpe animaduertitur non solum foetidus & graueolens, sed & putridus aded, vt nec sibi coherere, nec concrecere queat, omnib. scilicet eius fibris consumptis: qualem sanguinem in Nacemburchio nostro amico Dordraceno cõspeximus acuta febre & continente decumbente, ex haud ita breui obiit. Synochus itaque, vt iam longa experientia edocti sumus pestis tempore plurimos inuadere solet, maximè verò iuniores & sanguineos: & huic feбри tunc potissimum mala concomitantur symptomata, vt anhelitus difficultas, exanthemata, hydroa Latinis sudamina, ecchymata, morbilli, variola, erysipelata, anthraces, fluxus sanguinis narium; plurimis autem & aphtæ. Synocha etiam putri hæc mala signa quandoque obrepere solent, somnus profundus, lin-

Sanguis putridus graueolens extractus mortem præfigiens.

Quædã signa prognostica in synocha putri.

qua im-

gua impedita, aut sermonis difficultas, gutturi inflammationes, angina periculosa vt plurimum suffocantes, tonsillarum inflammationes, earundem tum fauciū apostemata & phlegmones, columella inflammata propendentes vel plurimum laxata, ac lori modo oblongiores gulam præcludentes ac suffocantes, animi deliquium, mētisq; alienatio, lachrymarum profluvia inuoluntaria, variola liuida, violacea, cutim valde pungentes, quæ si & virides erumpunt nec ager se continere valeat, modò in hunc modò in alium locum se iactet, ventrisq; inflatio, si talis adfuerit vt percutienti tympani sonum edat (vti puella eueniebat qua ad templum diui Hippolyti decumbebat) hæc moriturum plerumq; agrum prænuntiant. maxime verò, si ex ventris solutione ventris inflatio non subsidat. Imposito quoque enemate, vt Sauonarola obseruauit, si ager non excreuerit, Sauonarola. pessimum signum est. & prauum admodum & sæpe lethale. Pustula quoque nigra tum liuida, si appareant, mortem magna ex parte portendunt, rubrae verò magis salubres, si per eas virtus alleviatur, vt iuueni euenit cui in quarto purpura apparuerunt coctionis signis præcedentibus. qui in septimo à febre liberatus est, cuius febris sanguinea etiam exemplum habes in muliere de febre sanguinea cum pulicari morbo apud Amatum centur. 3. cur. 23. At virides pessima sunt & maxime lethales. Iam quoq; in veternum seu soporem phrenitidi contrarium commutatur, si caput frigidis medicamentis sopitum fuerit: vel in phrenitidem si nimium incaluerit sanguine effervescente in cerebrum transmissio, sæpe quoque in biliosam febrem & caupon, vti de synocho non putri quoque dictum est. si ad pulmonem materia repat pulmoniam: ad pectus, pleuritidem. Exanthemata nigra si in hac efflorescunt vel liuida, malignitatem magnam arguunt vti & vestigia plumbea perniciem præ se ferunt. Si post quartum mala signa increpant nec fe-

brilis calor mitigetur, periculum adferre potest, si lingua aspera fuerit, aut aphthis nigris aspersa (vt iuueni Leydano euenit) si oculi refugiant lucem; si vrina nigra, liuida, vel obscura: hac extremam perniciem minantur. At vbi hac desunt, ipsæque febris magis magisque decrescit, is in tuto esse videtur.

OBSERVATIO XVIII. DE IUVENE

CARNOSO SANGVINEO, IN VERE

synocho putri seu continente febre laborante.

IUVENIS viginti quatuor annorum bonæ habitudinis, robustus, temperaturæ sanguineæ, tempore verno, (cū eiusmodi febres incidere solent) in synochum putrem incidit. vrina rubicundior erat more solito, pulsus inordinatus, magnus, & capitis dolor eum affligebat. Cū autem ad eum accitus esset & notæ huius febris manifestæ essent, ad curationem perficiendam, quæ potissimum consistebat in euacuatione & alteratione, cumq. prius euacuandæ erant materiæ communes, nam aluus planè adstricta erat, easdem enemate sequenti educere decreui. & maluæ bis maluæ viol. bethæ lactuæ ana m.j. flor. viol. nimphææ albæ ana p.j. hord. mundati p.j. prun. damasc. numero ix. coquantur in aqua cōmuni pro lib.j.β. cui adde cassiæ mund. pro clysteribus 3 j. sach. rubei 3 j. β. olei viol. 3 iij. salis contriti 3 j. fiat enema & statim iniiciatur. Cū verò non admitteret & in superioribus partibus grauitas sentiretur, fecibus per duos dies prius adstrictis, hoc leniente pharmaco vt aluus subduceretur præscripsi. & cass. rec. tractæ 3 j. dissolue cum 3 iij. β. aquæ end. sy. ex multiplici infus. ros. 3 j. sy. viol. 3 β. mis. aut si bolo delecta-

delectaretur, præcepi vt sumeret ʒ j. cassiæ adiectis
baccis oxyacanthæ contritis numero 4. fiat bolus. Al-
tero die cum feces communes eductæ essent, ad ma-
teriam propriam ipsius febris accessimus, quæ non a-
lia via quam sanguinis missione euacuatur. idè
ilicò sanguinem eduximus ex vena basilica brachij
dextri ad libram vnam. Tertio, cum sanguis facilè in
bilem mutetur, vt putredo simul corrigeretur hunc
syrupum propinauimus. R. sy. de acetos. citri ox-
zach. simpl. sy. viol. ana ʒ ij. aquæ endiuivæ cichor. bu-
gloss. vel borag. ana ʒ iij. sumat tribus vicibus. Quar-
to deinde cum vrina coctionem præ se ferret, mate-
riam biliosam expurgauimus, cum sanguis putrefa-
ctus facilius in bilem quam in alium humorem mu-
tetur. R. rhab. selecti ʒ j. ʒ. schœnanthi ʒ ʒ. infunde
in ʒ v. aquæ end. facta leui ebullit. (Guainerius pra-
cticus insignis infundit rhab. cum spica seu correct.
in lacte caprarum in hac febre) fortiss. express. adde
mannæ ʒ j. mis. fiat haustus, qua quinquies ad minus
aluum deposuit. Quinto aperiendo obstructions
dedimus decoctum quod citra caliditatem & exsic-
cationem aperiret, vrinas prouocaret, ex rad. cichorij
dentis leonis petros. asparag. maceratarum in aceto
cum emulsione 4. sem. frig. maior. capill. ven. & simi-
libus. Alij audaciores vt Holerius cum vino albo a-
quoso id præstant. Tutiùs tamen obstructions ape-
rit cum frictionibus vel oleo chamemelino. Postre-
mò deuenimus ad alterantia, in frigidantia, roboran-
tia, tam intrà sumptis quam foras admotis. vt hoc
vel simili epithemate: R. aquæ ros. lib. ʒ. viol. borag.
ana ʒ j. ʒ. aquæ acetosæ nimpheæ ana ʒ j. omnium
santal. corall. rubei ana ʒ j. ossis de corde cerui. ʒ j.
caphuræ gener ij. croci ʒ j. aceti ʒ j. ʒ. pro corde fiat

cum panno vulgo scarlato dicto aut sindone de grana. interim cauendum ne nimis actu frigidum cordi apponatur. R. aquæ end. lib. β. aquæ ros. ℥ iij. aquæ lactucæ cicor. acetosæ ana ℥ j. omnium santal. ana 3 j. β. aceti 3 j. Spodij 3 β. spicæ nardi ad seruandum naturalem teporem partis 3 β. his commistis fiat epithema hepatis tepidè ante pastum. Caput etiā nempe frontem & tempora ob dolorem inunximus vnguento populeo & oleo nymphaeæ. Renes verò ad refriger. & alterationem cum vng. ros. Intus verò exhibuimus Diarod. abb. vel triasand. in tabulis & hoc condito R. conferuæ rad. bugloss. 3 β. confer. rad. end. cichorij acetosæ scilicet folior. confer. capill. ven. ana 3 ij. Diamargar. frig. 3 j. Diat. frig. 3 β. zach. ros. cum perlis quatuor β. cum sy. de limonibus 3 j. fiat conditum seu mixtura. vtebatur etiam sola conferua viol. & 14. die hic à febre fuit liberatus.

S C H O L I A.

De sectione
venæ.

GALENVS vt dictum est in vtraque syncho sanguinem mittebat vsque ad animi deliquium, vt eo modo febrem subind remoueret: nam duo in his febribus erant remedia, venæ sectio, & gelida potus. & idè in syncho non putri valido occurrebat auxilio, ne sanguis qui nondum putris esset, putridus fieret, & ne synochus non pestilens, pestilens fieret. Auicenna quoque 4. cura. cap. 46. sentit cum Galeno ad syncopen sanguinem mittendum esse in his febribus sanguineis; modò vires adsint. Cum Galeno etiam conueniunt Paulus & Aëtius. At Auerrhoës qui aliàs stimulus medicorum dictus est 3. Sui colliget reprobatur euidenti ratione Galeni & aliorum in hac sectione venæ opinionem, quæ rationes apud alios non parui momenti sunt, tu poteris eas, si lubet videre: licet Gal. eam commen-

Auerrhoës.

det tam

det tam in simplici syncho quàm putri. vt in secundo infirmo lib. 9. meth. cap. 5. Sed hoc genus remedij (teste Rondeletio cap. prop. de syncho putri) cœpit iam pridem esse suspectum, neque enim tantum commodi habet, quantum periculi, cuius rei fidem facit ipsa experientia, & quorundam tristis exitus, qui cum ex multi sanguinis euacuatione, animo defecissent, nunquàm postea reuocari, aut ad sese redire potuerunt. Quo quidem casu nonnulli medici alioqui celebres, in summum dedecus inciderunt. Quapropter illa vacuandi ratio, vt temeraria, & periculi plena, ita nunc meritò damnatur. Longè igitur tutius est, quod à peritissimis medicis præcipi solet hodie, venæ sectionem repetere, vel paulatim, & per interualla sanguinis tantum auferre, quantum ægri conditio, morbiq; status exigit, & ægri robur. Interim in hac curatione primas partes tenet venæ sectio. & vult ipse Rondeletius vt sanguis sine mora sit detrahendus hic copiosior, quàm in altera syncho, vt inhibeatur putredo, & calor ex eo contractus, extinguatur. Alij ex syncho inflata seu syncho non putri, plus sanguinis demendum esse suadent, cum minor quãtitas sanguinis putridi deducit corpus ad syncopen, quàm non putridi: nam cum syncho putri virtus est debilior, ideo in ea tanta quantitas non est detrahenda vt syncho non putri, vt constat apud Gal. 11. meth. cap. 5. Deinde sanguis in syncho putri nō ita aptus est euacuationi neq. tam facillè exit. Præterea minuenda est venæ sectio in syncho putri, quia per ipsam, si fieret vsque ad syncopen, non ita citò & subito cessaret febris: quia putredo non ita citò per ipsam remoueretur, neque sanguis æquaretur. At in syncho non putri per sectionem venæ subito aliquando cessat febris, quia tollitur inflammatio vt dicebat Gal. 9. meth. neque sit putredo. verùm in syncho putri, plures exspectamus crises. Sed hic quoque considerandum cum synchus sit duplex,

In qua syncho maior sanguinis copia sit detrahenda.

Sauonarola.

In syncho
pestilenti non
est facienda
venæ sectio
ad synco-
pen.

vna citra pestilentiam, altera pestilens. at nunc sermo est de non pestilenti, de qua loquitur Gal. 9. method. cap. 3. in qua mittit sanguinem aliquando ad syncopen. At sanguinem euacuare in syncho pestilenti non est tutum, imò perniciosum: nam vires necessariò deficiunt in febre pestilenti, de qua fit mentio apud Gal. 6. epid. sect. prima comment. 2. de syncho pestilenti verba faciens in qua aderat nigredo lingua & alia symptomata quæ febrem indicant pestilentem. & ideò in febre illa continente seu syncho putri, in qua postea exanthemata apparuere, de qua egimus Obser. 17. precedente, vncias tantum sex sanguinis detraximus, cum fieret mutatio in pulsu, & minus quoque sanguinis, quia in quarto prius acciti eramus, imò vbi hæc ipsa in principio est neglecta. Vsq. ad septimum diem etiam potest fieri in syncho putri non pestilenti, nam & in Anaxione octauo die secuit venam Hippoc. 3. De morb. vulgar. sic Gal. quoque vt prius dictum est scholia Obs. 12. huius libri non solum in sexta, septima, verum in aliis quoque diebus venam secuit si vires admitterent, & neglecta esset. Profuit autem illa vena sectio in Hadriano Aloëtonio de quo Obser. 17. actum est. nam melius exanthemata postea prodibant. Quin & Amatus ipse in febre sanguinea vbi pulicare symptoma superuenit non veritus est ad lib. 1. sanguinis ex vena media dextri brachij detrabere, cum ingens ingruerat plethora, licet lethale signum pulicare symptoma esse solet, morbi malignitatem & sauitiam pro tendens plus periculi in morbi principio minatur. Sanguinem tamen extracto, à cuius flore & subtiliori parte exanthemata hæc oriuntur, natura validior facta, materia peccantis residuum per sudorem expulit, vnde egrotans illa apud Amatam curatur. 3. curat. 23. sana euasit. Ceterum synochi pestilentes in quibus etiam carbunculi apparent, vt maligna & pestilentes tractanda sunt, de quibus suo loco dicturi

dicturi sumus: nunc ad synochos putres redeamus, qua citra pestilentiam contingunt, in quibus copiosa semper facienda est phlebotomia modo vires ferant. Secundum remedium apud Galenum erat aqua potius, quam non dabat ante signa coctionis, de qua satis antea dictum est. quidam non desunt, ubi febris vehemens est, qui velint quatuor libras aquae gelidae posse exhiberi, ut Auerrhoës gloriatur multos se frigida potu liberasse. Haec magis conuenit in syncho non putri, quam putri, & si aliquo modo danda esset, expectanda est concoctio, & satius est cum corpora nostra magis impura sunt, aliter egrotantem tam adsumptis, quam admotis infrigidare. ided nec medici nostri in synochis maxime putridis balneis vtuntur, & in aliis sine putredine non nisi in declinatione, quibus neque praecipitores meos vti vidi. Quod si aqua frigida danda sit in syncho putrida vel putrescente, materia sit digesta neque detur in principio aut augmento, & quidam tunc non exhibent puram sed mixtam cum oxyzach. (vt Bertrutius insignis practicus iubet) vel cum sy. acetoso, si materia fuerit magis viscosa, praemissa tamen vena sectione & minoratione. cauendum quoque ne sit apostema. neque stomachus sit debilis. Tunc maxime excusamur a potu aquae frigidae si corpus sit laxum rarum & minime consuetum aquam bibere, vel ubi praecesserit vena sectio largior, in principio, vel si febris mitigetur aut materia ex parte educatur per sanguinis profluuium narium, haemorrhoidum, aut mensum vel per sudorem. Et ided considerandum cum Galenus dixerit 9. meth. cap. 5. non semper conuenire frigidam in syncho. Si consideremus febre ardentem & synochum? tutius dabimus frigidam in syncho quam in ardente. Nam in syncho corpus est robustum, calidum & humidum, quod facilius potest ferre frigidam. contra vero in febre ardente, vires non sunt ita validae, corpus est calidum & siccum, vnde & gracile corpus, non

Aquae potus.

Virum in syncho vel ardente febre magis conueniat aqua frigida.

ita sit.

ita sustinet potum aqua frigida, vt carnosum. Galenus tamen magis solet extollere frigidam in febre ardente, quam in syncho cum putredine: Quæ est causa huius? Dicit Gal. 9. meth. 5. Dum synchus est cum putredine, vel fuit secta vena, vel ob negligentiam medicorum ommissa. Si secta: non licet dare frigidam. si non fuit secta, opus erit frigidam exhibere. Nam secta vena & sanguine in magna copia emisso, habitus totius corporis refrigeratur nec indigemus amplius magis frigida, ne corpus plus aquo refrigeremus. Vbi intermissa est vena sectio, summus adest feruor in hac febre, quia putrescit materia in vasis magnis, estq; putredo assidua & maxime incalcescit habitus totius corporis, & propterea egemus valido auxilio, vt ad frigidam sit deueniendum. At in febre ardente, in qua maior feruor est, qui non ita potest extinguere per venæ sectionem, neque in ea licet tantum sanguinis euacuare, & quantumuis vena aperiat, perseverat tamen feruor, multoq; maior & intensior quam in syncho. Interim in syncho pestilenti nullo modo gelida danda est, vt latius suo loco de febribus pestilentibus dicturi sumus.

OBSERVATIO XIX. DE PVELLA

A FEBRE SYNOCHO PUTRIDA
continente per fluxum sanguinis narium curata.

PVELLA tredecim annorum, quæ licet minime obesa esset, apud ædem diui Hippolyti Delphi ad necem vsq. febre sanguinea aut putrida syncho decumbebat. Huic, cum neque medico vsa esset, septimo die sanguis largissime e naribus prorumpbat. Eodem tempore fortuito ad aliam puellam ex fluxu ventris ad desperationem laborantem accessi, quæ in iisdem ædibus simul laborabat, etiam & hanc quoque

quoque syncho correptam inuisebam. Cumque in ea animaduertirem sanguinem copiosè è naribus manare; atque ipsam vsque in septimum diem absque remediis morbum tolerasse, nihil tentandum nunc quidem dicebam, sed totum negotium naturæ esse relinquendum, imò ne sanguinem fluentem impedirent, imperaui: quo factum est vt post fluxum illum enormem, qui in septimo contingebat, præcedentibus notis coctionis in vrina, à febre validissima præter opinionem astantium liberata fuerit.

S C H O L I A.

QUOD etiam in gracilibus corporibus, vt huic puellæ euenit, hæc febris fieri possit, iam antea dictum est. quæ cum plethora afficiebatur, quæ sanguinis profluvio, non tantum fuit diminuta, imò felici successu, à febre liberata est: ita vt illud dictum Galeni verum sit, nisi iis sanguis in principio auferatur quantum vires tolerare possent, scilicet syncho laborantibus, ferè vt vel suffocentur, vel certè syncope prehendi omninò periclitentur: nisi (vt dictum est) eos vel virium robur, vel plurimus sudor, vel largum sanguinis profluvium, à morte vindicet. quanquam hoc in corpulentis magis verum sit, etiam in biliosis, vbi aliquo modo plethora accesserit, & syncho corripiantur, eodem modo euadunt, vt huic puellæ contigit.

OBSERVATIO XX. DE MVLIERE
SANGVINEA FEBRE SYNOCHO PVTRI
correpta, quæ mensium fluore desit.

MARIA Hoeckia, cui & Verlania cognomen erat, non à nobilitate sed à via, quæ directè itinerantes ad domum in qua prope suburbium habitabat,

bitabat, ducebat. Alcmaria autem commorabatur, eratque mulier triginta annorum, si quæ altera potui dedita, quæ & faciem Bacchi instar pustulis rubeis repletam haberet, qualis facies in potatoribus plærunque, gemmis tum carbunculis atque rubinis, referta, cernitur. temperatura erat sanguinea etiam admodum faceta. Hæc ex plethora in febrem sanguineam continentem putridam seu synochum incidit valde periculosa; cui tunc facies duplo maior quam antea inflata erat, ut præ tumore cutis quasi rumperetur, venæ in ea tumidæ conspiciebantur & supra modum extensæ: & ut summatim dicam mulier hæc tota quasi ex plethora intumescebat, lotium autem crassum rubrum ac fœtidum emittebat, & cum rubore subliuidum, & valde confusum. Pulsus huic aderat frequens & plenus; erat enim bona habitudine & valde crassa ac corpulenta. Ad quam secundo die ægritudinis accedens, ilicò eodem die cum excrementa per se deposuisset ultra libram sanguinis ex interna brachij dextri vena secta fluere permisi, & postea hunc syrupum ebibere iussi. ℞ sy. acetosi simplicis de acetos. citri de limonibus. ana ꝑ. aquar. end. cicor. borag. acetosæ ana ꝑ. j. misce. & frigidum bibebat. Elapsis verò tribus horis hordeatum pro victu habuit. Pro potu utebatur ptisana ex hord. mund. solo tum glycirriza concinnata. Nocte autem subsequente placidè quieuit & statim à missione sanguinis optimè quoque sudavit. Mane autem cum sudorem forte non benè detergeret, vestibis quoque à lecto ob calorem nonnullis depositis, dolor quidam eam inuasit in latere dextro, & cæpit parum tussire. Vergebat autem dolor magis ad ventrem. illa pleuritidem metuebat: locum verò dolentem inunximus vnguen-

unguento resumptino: & cum eo die aluum nō red-
didisset, diacatholici (ab aliis ob id catholicum dici-
tur, quasi vniuersale, quod non sit vni humori desti-
natum medicamentum, sed in ventre, siue sit bilis
siue pituita, siue feces, expellit citra calefactionem:
idedò confert maximè acutis & peracutis morbis, e-
molli enim, alterat, & communia excrementa ven-
tris, partim lubricando, partim attrahendo euacuat,
roburque addit iecinorosis, & lienosis, & rectè ca-
tholicon dici potest, cum medicis in omnibus laxan-
tibus in frequentissimo vsu sit ꝑ j. cum ꝑ iiij. feri la-
ctis (quia rustica nec diues hæc mulier erat) exhibui-
mus. ex quo medicamento plurima excreuit, prius
feces, deinde multa biliosa & corrupta, & dolor mi-
tigatus est. Sed post mediam noctem subsequenter,
valde inquieta fuit, & quarto die mane cum redirem
vrina vinea erat crassa, obscura & confusa ac pertur-
bata, febris acumina tum deliria aderant. antequam
tamen hæc signa obreperent, prius lotium rubicun-
dum habuit, quod coctionē arguebat, quamuis nunc
valde crassum obscurum & vineum spectabatur: eo-
dem quoque tempore simul & tensio, & dolor, &
grauitas lumborum effatu digna agram premebant.
Præfagebam ex iis morbum per menstrua posse fi-
niri: nec fefellit nos prædictio, nam quarto die vide-
licet ab initio morbi sub noctem cum ab astantibus,
& ad eam ingredientibus pro deplorata haberetur,
menstrua fluere cæperunt, quæ vsque ad septimum
diem copiosissime fluxerūt, calore febrili adeo dimi-
nuto vt in septimo eam febris reliquerit. vsque ad
sextum fere diem pro potu ptisana utebatur, in sexto
autem ceruissiam tenuem concessi: à vino verò omni-
no abstinuit, in cibo sumebat poma acida assata &
zach.

zach. aspersa, pruna Damascena in aqua zacharata cocta & suffocata. Postea etiam huic cibus panata erat cerevisiaria ex tenui ceruisia pane intrito & paucò saccharo adiecto, butyro valdè exiguo ne nauscam faceret. & ita maxima cum laude Deo adiuuante à febre sanguinea vehementi in septem diebus præter opinionem multorum sanata est.

S C H O L I A.

Crisis bona.

CUM tertio die nebula in lotio hic appareret, deinde in quarto menses fluere cœperunt, hac mulier in septimo die decretorio curata fuit. eratq; hac crisis perfecta ad salutem in febre sanguinea, qua commodè hoc modo sapius terminare solet, vt prius dictum est. At alteri mulieri hospita aliter euenit, nempe vxori Petri Boni Delphen-sis, nunc in Hagha Comitum decumbenti, in hospitio, cui Gortomium nomen erat. Hac autem mulier crassa, corpulenta, sanguinea, boni habitus, vino indulgens vt magnatibus, tum capitaneis, qui in hoc diuersorio versabantur, complaceret, in synochon putrem siue sanguineam continentem grauissimam lapsa est. In principio vena sectio fuit neglecta, quanquam secundo die morti menses fluere cœpissent, & sexto non amplius fluentibus nihil commodi ex iis habuit, nam febre aucta, modò sopore, modò delirio detinebatur, inquieta iacebat. Septimo die ad eandem prius accitus cum de vena adhuc secunda mentionem facerem, deliberatum est vt die sequenti nempe octaua fieret. vena itaque in octaua secta est, & videbatur aliquo modo melius habere. nono die plurima minxit sed cruda, febre magis au-gescente; decimo die omnia peiora, & cum lotium tenue ac crudum maneret, neque subsideret; in vndecima morituram prædiximus: cum symptomata viribus deiectis magis magisq; ingrauescerent. Quamuis natura tentabat per menses

Crifis mala atq. lethalis.
menses febrem sanguineam, vena in principio non secta, finire: fuit infida crifis & potius symptomatica, nec in quarto nec in septimo signis coctionis in vrina apparentibus, quare & 11. mortua est, & ob fauiffima symptomata

viribus deiectis ad 14. diem peruenire non potuit. Hæc mulier cum adhuc iunior efferet, gracilis erat, at nunc hospita multis annis, valdè crassa & corpulenta euasit, quod & ænopolis, & aliis qui in hospitiiis vitam consumunt ac liberalius vinum Rhenanum bibunt, tam viris quàm mulieribus, vt longa experientia videmus, euenire solet. Vulgo creditum est quod vinum Rhenanum valdè nutriat, quamuis sit aquosum diureticum, quæ minus nutrire solent: an hoc contingat ex cõtinua & larga potatione vini Rhenani considerandum: an vnà eueniat quòd tales in otio viuunt & diuersis ferculis iisq; delicatis sese replent, non minus quàm vino largiore vtuntur? Quicquid sit, tales, vt iam antea dictum est, siue sint viri seu mulieres, continentibus & sanguineis febribus obnoxij sunt, quibus & præstantissimum remedium est, vt copiosè sanguis statim mittatur.

OBSERVATIO XXI. DE PVERO

SEPTEM ANNORVM EX FEBRIBUS

synocho putri quarto die obeunte.

PVER septem annorum, optimi habitus, natura sanguineus; satis obesus & vtcunque densus, qui Delphis ad forum frumentarium habitabat, in domo illa, quæ aratrum pro insigne habebat, hic in fine veris in synochum continentem putridam semper accrescentem & peracutam lapsus est, ad quem translatus duobus diebus perueni. Huic facies tumida & valdè rubicunda erat, pulsus magnus, frequens & velox. valdè inquietus erat, circa præcordia dolens, capitis ingenti dolore fatigabatur, calor qui ad

H tactum

tactum primò mitis, deinde multò acrior insurgebat, & continuò augendo puerum affligebat, os non ita amarum erat, sed dulcedinem quandam percipiebat, vt puer narrare potuit. Lotium ad rubedinem quandam & crassitiem tendebat; calor febrilis eum non demittebat, imò semper augebatur, vt dictum est: ita vt ex his signis prædictis animaduertèrim (quæ aderant) puerum syncho putri semper accrescente laborare. Quare vt paucum sanguinis ex venâ detraherem, aut vulneri hirudinem admouerem, parentibus proposui. Qui cùm in puero id minimè concedere volebant, nec secundum admittere medicum, quem libenter in morbo tam difficili ac re ambigua in socium habuissem, qui fortasse hoc vnà mecum suasisset: nam duo oratores plusquam vnus melius perorant. Nihil tamen efficere potui. Quamobrem 3. ij. ß. sy. ros. solutiui cum 3. iij. feri lactis exhibui: qua potione benè excreuit quamuis inde nihil iuuaminis puer habuerit, quemadmodum nec à refrigerantibus aut alterantibus medicamentis: ita vt quarto die ex vehemenissima febre, vt prædixamus, mortuus sit puer.

S C H O L I A.

FORTE puer hic, nisi parentes obstitissent, detracto sanguine euasisset. non sine ratione hoc proposueram, in hoc imitando celebriores medicos, qui etiam in pueris tutò venam secarunt, quemadmodum & doctissimus Amatus probat centur. 1. curat. 10. in puella septem annorum simili febre laborante, cui secta fuit vena iecoraria ad vncias sex sanguine effluente. Vbi verd non fluit, vulneri hirudine in admouemus vt inde sanguinem trahat, quousque sua sponte excidit, & vbi casus maiorem postulat euacuationem,

Num in
pueris sit se-
canda vena.

tionem, aliam hirudinem subiungimus. & ita quidam celeberrimi contra dogma Galeni & Græcorum venam in pueris nondum 14. annum attingentibus mittunt, Arabibus adherentes, vt Abinzoar medicus Arabs filio suo trimo venam secuit, in eo libro qui De sanit. tuenda ab eo inscriptus est. licet Galenus, vt Amatus existimat, intellexit de magna euacuatione que in pueris non sit facienda. At quæ vires decernit atque exigua sit tuta esse potest, quæ Cornelius Celsus lib. II. cap. 10. noscens, inquit: Interest enim non quæ atas sit, neque quid in corpore intus geratur, sed quæ vires sint: firmus puer & robustus senex & gravis mulier tunc curantur: quinimo sæpè lactentes infantes videmus, quibus sanguis e naribus absque noxa vlla effluit, vt iure etiam in pueris validioribus aut tali febre laborantibus venam pertundere aut saltem hirudinem apponere imperemus. sic & nos in pueris novem annorum pleuritide laborantibus vel undecim annorum robustis, sanguinem aliquando commodè detraximus. De his vide plura exempla apud Amatam: interim præstat vt parentes id facilius admittant. & vt nos ab omni calumnia tuti esse possimus, maxime si ditiores sunt, vt secundus aut tertius adferatur medicus, vt cõmuni cõsilia hæc fiant, maxime apud nostros qui potius Empiricis quàm optimis medicis fidem habeant.

Abinzoar.

Cornelius
Celsus.

OBSERVATIO XXII. DE FEBRE

putrida continente vel sanguinea, septimo die

fluxu sanguinis narium terminata.

IVVENIS robustus, niger, compactæ carnis, musculosus, ætate viginti annorum, qui ad partem Borealem ciuitatis Delphenfis habitabat, cum in continentem febrem putridam incidisset tempore verno anno 1572. Ad hunc accitus sumpta indicatione à vehemēti febre & ab abundantia humorū corporis,

alio die
supra dictum
adhibuit

cum vires validæ forent, & ætas iuuenilis permitte-
ret, & tempus vernum adesset, copiosè sanguinem
detrahère iussi ex vena media quæ in brachio dextro
optimè apparebat. à qua detractione sanguinis mul-
tùm adiutus, calor febrilis nondum tamen cessabat.
idèò secundo die bolum ex cassia fistulari comedit &
benè aliūm deposuit. Tertio die iulebum præscripsi-
mus ex aqua cicor. borag. lupul. ana ʒ iij. oziz. sim-
plicis sy. viol. de acetos. citri ana ʒ j. mis. pro iij. dosi-
bus. Quarto die cum ventrem lubricum satis habe-
ret conditum sequens in officina fieri mandauimus.
ʒ consertæ ros. ʒ ij. bugloss. ʒ. ʒ. pul. trianfan. Diatra-
gacanthi frig. ana ʒ ʒ. zach. ros. iubulati ad du-
plum pondus omnium. At in quinto die lotium sub-
sidebat & signa coctionis apparebant. In sexto verò
vigilia tenebatur & subortus est capitis dolor ingens,
idque præcedentibus signis concoctionis cum appa-
reret tensis hypochondriis, facie tota rubescente, ve-
nis circa caput distentis & arteriis multis pulsanti-
bus, nolimus vt refrigerantibus supra caput vel
oxirhodino neque iis quæ somnum prouocarent, vt
est syrupus de papauere, ne fluxus sanguinis è nari-
bus (qui solet has febres magna ex parte terminare
vt dictum est) impediatur. Tunc enim satius est ex-
pectare diem sequentem, vt fecimus, in quo natura
etiam caput expellere materiam: nam septimo die
sanguis copiosè è nare dextra fluxit, & à febre in to-
tum liberatus est.

S C H O L I A.

Quæ crisi
quandoque
impediant.

LICET huic dolor capitis ingens cum vigilia in sexto
appareret, à refrigerantibus tum somniferis abstinui-
mus, cum talia medicamenta possint crisin impedire,
quod

quod & lippis & tonsoribus manifestum est. eadem ratio quoque adhibenda est si dolor sit in lumbis & inguinibus, ita ut hamorroides vel menses fluere incipiant, ne renes unguento rosaceo vel infrigidante Galeni inungamus, ne natura impetum impediamus, maximè verò in his febribus, quæ hoc modo terminari solent ad salutem, maximè notis coctionis precedentibus.

OBSERVATIO XXIII. DE SYNOCHO PUTRI SEU CONTINENTE cum variis accidentibus.

GENER Domini de Romamilla anno 1545. sub finem Iulij canicula æstuante in putridam febrem continentem seu synochon putrem lapsus est, vir robustus ac miles. Hic ad se vocavit vulnerarium medicum, qui illi venam internam pertundit, sanguinemq. detrahit non præsentè medico, quamvis bona fortuna id faciebat. vehementissime capite dolebat & toto corpore grauabatur, & cum ventrem non bene deponeret, tandem mulierculæ quædam astantes iusculum quoddam, in quo succum cataputiæ miscuerant, propinarunt, morbo crudo existente: unde febris aucta, deinde fluxu enormi oborto cum multis torminibus & anxietate, qui continuo duravit per duos dies, ita ut in ingentem stomachi quoque dolorem inciderit: tandem re quasi deplorata me ad ægrum vocarunt. Eo tempore autem in Gallia præxim exercebam in vrbe Pithueriensi non procul ab Etampis. Vir autem hic nobilis in villa extra urbem decumbebat, ad quem ingressus, pulsum quidem celerem sed etiam debilem repperi, fractis viribus, ex fluxu alui, quæ vi cataputiæ iam biduum ferebatur.

nonnunquam huius febris initio ventris fluor oboritur, qui si magnus est & copiosius, vires ita dissolvit, ut postea coquendo morbo sint impares. quod si alui fluor fiat à multitudine materiæ, nec diutius perseverarit, morbum facit breviorē. Verum hic fluxus non vltro obortus, sed violenter & præter rationem inductus, medicamento venenoso & fortiter attrahente. cum eadem potentia qua tithymalus emicat insignita sit ut refert Dioscorides lib. 4. cap. 161. ideoque ad abstersionem medicamenti venenosi, (cuius venenum villis stomachi ac intestinorum inhærebat, unde auget dolorem ventriculi, ac intestinorum præbet tormina) abluens hoc medicamentum præscripsi. ꝛ decort. hordei communis ꝛ iij. sy. ex infus. ros. ꝛ j. mis. Cibus erat lac amigdalatum. Vires autem refocillare cogebar galli contuso exigua agresta admixta. Capiti autem adhuc dolenti oxirhodinum adinoui. Præterea ex hac tragea subinde sumebat. quæ habet speciem Diatragac. frig. Diamarag. frig. species Diarrhod. abb. ana ꝛ ij. coralli rub. pul. ꝛ j. species pul. confect. cord. ꝛ ꝑ. zach. manus Christi cum mergaritis ꝛ j. ꝑ. mis. Stomachum tum ventrem inunximus oleo ros. ompharino myrtheo & ex cotoneis. & cœpit fluxus cessare, & calor febrilis diminutus est, ut præter omnium spem etiam à febre fuerit liberatus. Quamvis autem dolor stomachi tum cordis angustia cessassent, quæ symptomata aucta erant, non ob febrem, sed potius ob medicamentum violentum assumptum, pectoris dolor cum tussi hominem torquebat. pro quo symptomate mitigando etiam hæc præscripta sunt ꝛ species. Diatrag. frig. ꝛ j. ꝑ. dissolutis in aqua vngulæ caballinæ adiecto zach. albiss. q. s. fiat confectio in tabulis. ꝛ ol. viol. amigd.

amigd. dul. ana ʒ β. pingued. gallinæ, butyri recentis
ac loti cum aqua viol. pingued. anseris ana ʒ ij. ceræ
exiguum, fiat linimentum molle pro pectore. quibus
deinde tussicula cessare cœpit, vt intra septimū diem
tam à febre quàm ab aliis omnibus accidentibus vt-
cunque liberatus mediocriter sanitati restitutus fue-
rit. Interim mandauī vt diætā conualescentum vte-
retur, ac equum ascendens vnà cum famulo Piithue-
rim reuersus sum. Verū tribus postea elapsis die-
bus, malo vtebatur regimine viuendi (vt milites so-
lent) ac denuo in febrem incidit vnà cum ventris
constipatione. Hic rursus muliercula astans nescio
quæ glandem ex radice betæ succo cataputiæ ac sale
confricatam ano non sine magna molestia imposuit.
At à glande subdita dolor ingens in ano obortus est,
neque extrahi potuit cū ad interiora fortiter demi-
sisset, ita vt ex dolore tum vigiliis accedentibus, vir-
tus magis prostrata fuit, & tandem consilij inopes
me reuocarunt. Sed enemate iniecto ex iure pulli cui
malua & violæ folia incocta erant ac pruna, vncia
vna cassiæ adiecta, tum duobus oui vitellis, sale ad-
modum exiguo, & oleo violaceo, non tantū aluum
deposuit, & varia excrementa tam biliosa deiecit, sed
vnà etiam radicem betæ, quæ perperam imposita
erat, & dolore sedato, ac febre deinde diminuta rur-
sus bene habere cœpit, quamuis aderat adhuc tussis
exigua, pro qua mitiganda hoc elegmate vtens, tan-
dem sanitatem consecutus est. ʒ sy. viol. ʒ j. β. sy. ca-
pill. ven. ʒ j. zach. viol. ʒ β. zach. penid. ʒ vj. sy. intu-
bæ ʒ β. nucleorum pinearum recentium ac amigd.
dul. depilat. prius maceratarū in aqua vngulæ cabal-
linæ & commistis in ana numero vii. probè cōmixtis
fiat elegma. sumebat lambendo vt arteriaca solent.

SCHOLIA.

Mulierculæ
ægris adfi-
nere nō de-
bēt cum me-
dicorū im-
perata negli-
gant.

Symptoma-
ta febrium
non sunt
postponēda.

PLYRIMUM refert quales astantes & ministri a-
pud agrotos sint, si enim tales apud nos essent quales
ab Hippocrate diuiniſſimo in libro de decenti ornatu de-
ſcribuntur, rectè admodum cum noſtris agrotis ageretur.
Nunc ſapè contrarium euenit vt mulierculis ineptis id ne-
gotium committatur, quæ neque ea agunt, quæ medicus
mandat, ſed ſua remedia quamuis inepta, imò potius vene-
na miſeris agrotis obtrudunt vt alias latius docuimus con-
tra noſtri temporis Empiricos. At non ſolum in febre con-
tinente, verum etiam in quauis alia continua, ſymptomata
grauiora, quæ obuenire ſolent quæq; febrem ſequuntur, vt
plerumque in febribus continentibus, hæc ſunt, vt dolor ca-
pitis, ſitis vehemens, delirium vigilia, & in quibuſdam
ſomnus profundus, alius citatior vel planè aſtricta, quæ
omnia, maxime ſi vires proſternunt, aut plurimum obſint,
horum quoque ratione aliquid faciendum. Dolor capitis
mitigatur oxirhodino oleo viol. nemphar. lacte muliebri re-
center mulſo & aliis refrigerantibus, quibus & ſuperflua
vigilia tollitur, ſi nihil aceti recipiant. nam acetum vigi-
lias inducit. ſed quia repellunt à capite, conſiderandum
ne iis vtamur vbi ſanguinis fluxus criticus per nares ex-
ſpectatur, vt præcedente ſcholio dictum eſt. Ad ſitim va-
lent potiones, inſpirationeſque æris frigidi, ſyr. viol. con-
ſer. eiufdem, iuleb. viol. ex viol. aqua. Si fluxus, valet
conſerua roſ. Si aſtricta, violacea, pro lingua ſcabra
muccago coloneorum cum aqua roſ. vel viol. extracta ad-
iecto Zach. ad formam lincti. Si deliria, recurrere ad ea
quæ de phrenitide dicuntur. Sed cum de hiſ omnibus lib. 7.
dicturi ſumus ſatis eſt hæc nunc admonuiſſe. & licet in
magnis alui ſtuoribus, viles ſint opiata conſtringentes, ne
vires omnino labefactentur, alias non licet vti multum
conſtrin-

constringentibus aut astringentibus, cum hac ipsa criticas excretiores impediunt. quæ in his febribus, ut nunc exemplis ostendimus, frequenter contingunt. Egimus igitur de diariis, quæ vnum diem non excedunt, deinde de iis quæ plurium dierum dicuntur, postremo de synochis & continetibus dictis, quibus hunc primum librum finiemus. De aliis continuis, quæ iniegrum librum requirunt, libro sequenti dicturi sumus.

FINIS LIBRI PRIMI.

LIBRI PRIMI ERRATA

SIC CORRIGITO.

• Pagina 16. linea 1. prouidi, lege proinde. pag. 17. lin. 24. his, lege hic.
 pag. 26. lin. 12. Fornelio, lege Fernelio. pag. 52. lin. 10. Kerchirectiam,
 lege Kerckverruam. pag. 64. lin. 16. permanissim, lege permanisset.
 pag. 66. linea 20. Cœnobiustæ, lege Cœnobiarchæ. pag. 67. linea 30.
 annuam, lege nimiam. pag. 72. in margine è regione lin. 5. sparchis,
 lege synochis. pag. 77. lin. 7. sebestum, lege sebesten. pag. 77. lin. 12.
 colæ, lege colaturæ. pag. 81. lin. 29. Pithnecos, lege Pithueros.
 pag. 83. lin. 12. hine, lege huic. pag. 100. lin. 23. Nacenburchio, lege
 Nucenburchio, & linea seq. ex haud, lege ex qua haud, & e. qua ommissum
 est. pag. 103. linea ultima gener, lege grana. pag. 104. lin. 12. condi-
 xō, lege conditum. pag. 106. lin. 20. Aloëronio, lege Aleryvino.
 pag. 112. lin. 14. Beni, lege Boui.

A D L E C T O R E M.

SVNT quibus est studio, caelestia corpora
nosse,

Ingenū captus saepe quod ipse negat.

Omnis at hoc spectat studiosi cura Foresti

Vt sibi sint hominum, corpora nota probè.

*Hinc methodo facili docet hac, doctaque ca-
uenda;*

Sint quoque curanda, quæ ratione, febres.

Quod bene quò dextrè, certò faciatq, scienter

Turpiter ignauum non sinit ire diem.

Scrinia compilat Coryphæon arte medendi,

Et nihil occultum sustinet esse sibi.

Tātus amor primū varios cognoscere morbos;

Auxilio summi tollere deinde Dei.

Iaf. Lang. Hyp.

HEN-

H E N D E C A S Y L L A B O N .

C L A R Y S P a o n i â F o r e s t u s a r t e
 P r æ s t a n t i s s p e c i m e n s u i d a t i s t o ,
 I l l u s t r e i n g e n i j s e n e x l a b o r e .
 H u n c n o n b a r b a p r o b a t , n i t ô r u e v e s t i s
 C o m m e n d a t , m o n e t a n n u l u s v e r e n d u m
 R e s p l e n d e n s a d a m a n t e , s e u c o r u s c a n s
 Q u a v e l c u n q u e a l i â m i c a n t e g e m m â .
 V t p a s s i m m e d i c a n t i u m v i d e r e e s t ,
 A n n o n a m n i m i s o b u i a m a t q u e v i l e m :
 Q u e i s t a n t ū m s t u d i o , l e u i p o p e l l o
 C a c o i u d i c i o f e r è p r o b a n t i ,
 D a m n a n t i q u o q u e p l u r i m a i m p e r i t è ,
 M i r a r i , c e l e b r a r e v b i q u e t a l e i s
 S u e t o , d e c i p i e r , d o l ū m q u e a m â n t i ,
 S e c o m t o b e n è v e n d i t a r e c u l t u .
 A t d o c t r i n a , f i d e s , l a b o r , F o r e s t u m
 Æ t a s , q u a m m e d i c a n d o l o n g a t r i u i t ,
 V s u s c o n t i n u u s , s c i e n t i a a r t i s
 A n n o r u m s p a t i o i l l a p l u r i m o r u m
 C o n f i r m a t a i u b e t , q u o d i p s a d i c t a n s
 E x t o r q u e t r a t i o , p r o i n f e r e n d u m
 M u l t a l a u d e & h o n o r e , p r æ m i i s q u e
 O r n a n d u m m e r i t u s . S i t e r g o & i n t e r
 P o n e n d u s n u m e r o , g r e g i s q u e M y s t a s ,
 H e r o â s q u e s u i o r d i n i s c o l e n d u s ,
 C l a r u s P a o n i a F o r e s t u s a r t e .

OBSERVATIONVM
ET CVRATIONVM

MEDICINALIVM DE FE.

BRIBVS CONTINVIS,

LIBER SECVNDVS.

PETRO FORESTO ALCMARIANO

MEDICO AVCTORE.

OBSERVATIO I. DE FEBRE PV-

TRI CONTINVA, IN IUVENE

bilioso quamvis robusto.

IUVENIS biliosus circiter annorum viginti quinque, licet robustus ac rusticus, cum tempore verno a cibo, opere rustico valdè intentus esset, in febrem continuam eamque putridam incidit: capite dolebat, os amarum erat, sitique valida premebatur, multum ceruisiæ tenuioris ultra modum bibebat. Secundo die à morbi initio ad hunc accitus fui mane, ad quem accedens cum aluum strictiorē haberet, minoratium medicamentum sequens propinaui. & Electuarij lenitiui Diacatho. ana ʒ iij. syr. Ros. Solitiui ʒ ij. aquæ cichorij ʒ iiij. quo multa biliosa euomit, simulq. ter aluum excreuit, quæ etiam biliosa spectabantur. Sequenti verò die vnciæ octo sanguinis ex vena interna brachij dextri extractæ sunt, cum robustus esset & bene ferret. Hora quarta pomeridiana hunc syrupum ebibit. & syr. de endiuia viol. oxizach. simplicis ana

cis ana 3 β, aquæ lactu. cichorij endiuia ana 3 j. misf.
 Pro capitis dolore, licet nunc remissior erat, oxyro-
 dinum tamen fronti apposui. Cumque malè dor-
 miret tempora inungebam sub noctem oleo viol. &
 papaueris simul mixtis: postea cum à sanguinis de-
 tractione aliquantulum sudasset, & benè egressisset,
 quarto die melius habere visus est, quinto autem die
 cum signa coctionis in vrina apparerent, neq. alium
 deponeret Rhabbarbari infusum sequēs dedi. Rha-
 bar. selecti (erat enim hic rusticus satis diues) 3 j. β.
 spicæ 3 β. infunde per noctē facta prius leui ebulli-
 tione in 3 v. aquæ endiuia, fortissimæ expressioni ad-
 de syr. ros. solutiui 3 ij. misce, quo optimè excreuit ita
 vt febris sexto die minus illum affligeret, & vrina
 crassior facta valde subsideret. septimo autem die,
 per sudorem crisis subsecuta est; & sanitati restitutus
 fuit.

S C H O L I A.

HÆC erat febris continua putrida, licet proximè ac-
 cederet ad continentem: nam vnà cum bile etiam
 sanguis ex maiore parte superabat, cumq; continuò affli-
 geretur ager, febrē vix remissa sub noctem: tamen cum
 esset biliosus ac bilem euomeret ad continuam eam referre
 libet, licet ad continentem accederet & ad synochon pu-
 trem. de quibus quidem febribus cum satis dictum fuit li-
 bro precedente, nunc autem de continuis putridis sermo-
 nem habituri sumus. Agemus itaque de ea febre, quæ Lati-
 nis continua, Græcis συνεχὺς dicta est, quæ non antequam
 ex toto fuerit soluta, ad infebricitationem desinit, remissio-
 nem tamen aliquam sensilem in singulis accessionibus obti-
 net. Vnde omnibus perspicuum fit (vt antea admonuimus)
 συνεχὸν ἢ συνεχὴν, hoc est continentem & continuam
 febres inter se differre. Siquidem in synocho continentē
 nulla

Febris conti-
nua.

Febris σβ.
συνεχὺς &
συνεχὺς.

In quibus
ambæ con-
ueniant.

Alia conti-
nuarū sub-
diuisio.

nulla sit feruoris remissio, donec desinere incipiat. Syn-
chys autem siue continua in singulis accessionibus remissio-
nem sensilem habet. Item synochus vnicam dumtaxat ac-
cessionem obtinet, synochys verò plures. alij verò barbaram
sectantes medicinam, cum continens etiam febris continua
sit, subdividunt continuas prout materia putrescit: si in ve-
nis magnis seu principalibus aut cordi propinquis, sunt fe-
bres continentes, quæ etiam sunt ex genere continuarum,
sed ad differentiam cōtinuarum propriè dictarum quidam
appellant eas continentes continuas, vel conclusas. si pu-
trescit materia in venis parvis & à corde remotis, sunt cō-
tinua proportionata à barbaris sic dicta, cum habeant perio-
dos quæ, proportionè respondent cum periodis febrium
intermittentium, quamvis ad infebrecitationem omnino
non perueniant. vnde & istæ febres proportionata secun-
dum aliquos habent naturam quandam mediam, inter
continentes & intermittentes. inter continentes verò, quia
materia putrescit in venis: inter intermittentes, quia sicut
intermittentes habent intentiones & remissiones. & ita
aliquæ ex his magis accedunt ad continentes, in quibus
materia putrescit in venis remotis, non tamen remotissimis.
Aliquæ verò ad intermittentes, in quibus materia putrescit
in venis remotissimis: hæc enim conducunt ad curationem,
numquid magis proxima sint continentibus vel magis vi-
cina intermittentibus, aut potius in medio consistent. At
continua propriè dicta Græcis *συνεχὴς*, iuxta materiam
putrescentem in venis, diuiditur si bilis, in tertianam conti-
nuam, quæ alternis diebus exacerbat, quibus & ardens
seu causos adiungitur: si pituita, continuam quotidianam,
quæ quotidie: si melancholia, quarto quoque die exacer-
batur. Est & alia continua biliosa tertiariorum dicta ter-
tiana finitima, quæ omnia postea exemplis magis elu-
cescent.

OBSERVATIO II. DE FEBRE

PUTRIDA CONTINVA EX

calida vini potatione oborta.

IVVENIS viginti sex annorum Delphis habitans, quamvis satis abstemius, cū in nuptiis saltando & choreas ducendo, plus æquo incaluisse, cumque immoderatē bibisset, quo vti minimē consueverat, die subsequenti in capitis dolorem incidit, quem non adeo magni fecit; domumque egressus aëri sese exposuit: at mox calidior factus febre putrida correptus est, quæ continuò hominem affligebat, capitisque dolore magis magisque incrudescente, ita vt tandem decumbere coactus fuerit. Ad hunc, die sequenti vocatus, & cū hic vino liberaliore, eoque vetusto vsus esset, oculos autem rubros biliosque haberet, totumque corpus graue esset, venasque latiores & earum torulos plus quā antea tumidiore conspicerem, urinam rubram, turbatam, putrem, inultumque acrem, & eo die aluum per se deposuisset, venæ sectionem statim adhibui, sanguine ex vena brachij dextri interna, copiosè satis extracto: qui tamen cū aliquantulū postea biliosus, in homine vtcunque bilioso, inter manandum videretur, iussi vt venam Chirurgus constringeret: cumque pulsus aliquo modo commutaretur, statim verò & hunc syrupum refrigerantem à venæ sectione propinaui. & syr. acetosi simplicis syr. viol. ana ꝑ. aquæ lactucæ endiuivæ acetosæ ana ꝑ. mis. capiti autem oxirrhodinū admoui, quo etiam dolor capitis mitior esse cœpit. Ad sitim & calorem febrilem ptisanam vulgarem fūnebat, quantum vellet: sub noctem deinde melius quieuit & sudavit. Die sequenti cū redirem

redirem qui tertius dies erat atque alius strictior esset hoc leniens medicamentum exhibui. & Thamarind. ꝓ. prunor. damasc. numero v. bulliant in aqua communi q. s. & huius expressionis accipe ꝓ. iiij. syr. ros. solutiui ꝓ. iij. mis. quo bene excreuit. In quarto sudauit, meliusq. habuit, calore febrili nondum cessante. Rursus hæc alteratia præscripsi. & oxisach. simplicis, syr. acetosi simplicis, syr. viol. ana ꝓ. j. aquarum end. cicor. lupul. ana ꝓ. ij. mis. pro ij. dosibus. Et cum circa renes doleret ob calorem febrilem vnguento ros. & cerato infrigidante Gal. simul mixtis lumbos inungi fecimus. Sexto die cum aluum non deponeret, hoc infusum dedi. & Rhabar. optimi ꝓ. j. ꝓ. schœnanti ꝓ. j. ebulliant in ꝓ. v. decocti communis facta infusione deinde per noctem, fortiss. expressioni addendo syr. viol. ros. solutiui ana ꝓ. j. misce. ex ea portione multa biliosa excreuit. septimo die ut sudor magis prouocaretur & vrina melius efflueret, syr. acetosi simplicis ꝓ. j. ꝓ. cum ꝓ. iiij. decort. hordei mundati & seminum quatuor frigidorum maiorum exhibuimus. & cum nono die magis sudasset 14. die hic sanus factus est.

S C H O L I A.

Causæ febrium in generali.

QUINQUE sunt causæ generales, quibus omnes febres generantur, propter motum immodicum, ex quo calor in totum extenditur corpus, & continuatim (ut dictum est) ad cor ascendit, ita ex eo, quemadmodum & ira, non solum spiritus, verum & sanguis aliq. humores incenduntur, Gal. teste 1. De diff. feb. cap. 8. & 3. De præsag. ex puls. cap. 2. Secundo ex adhesionem calidi, ignis, solis, medicamentorum calidorum & balneorum, teste Gal. libro De causis morborum. cap. 2. Tertio ex retentione calidi effluuii,

effluuij, cute densata, vel corporibus astrictis, vel mordaci effluxu in corpore coaceruato & detento, ita in aqua natantibus aluminosa contingit. Quarto ab esculentis calidis: vt alliorum, porrorum, ceparum, & similium: potionibus calidis, scilicet vini veteris, medicamentorum acrium, venenosorum. Quinto ex putredine: nam humores glutinosi crassisque cibis & malè olentibus etiam corrumpuntur. non fuit igitur admiratu dignum hunc Iuuenem à motu & ab exercitio deinde calidi vini potione in hanc febrem incidisse, cum sese etiam aëri frigido exposuisset interceptis fumosis fuliginosisq; excrementis quæ expirari solebant, humoribus vtpote humidis existentibus (vt Aëtius rectè dicebat lib. 5. cap. 74. de feb. à putredine euenientibus) putrefactis & corruptis intra vasa contentis. Cum putredo sit corruptio humoribus contingens propter ebullitionem extranei caloris, atque huius causa interna est respirationis priuatio, quæ à multo, crasso, ac viscido humore meatus constipando, sit externa ab aëris mutatione præparatoria. Sic Auic. 4. Can. 2. cap. Putredo sit à cibo malè substantia vel maligna qualitatis, aut tempore, ordine, non obseruatis, aut arte malè preparatis: nam eius substantia si fuerit nimis viscosa, vt anguilla: vel nimis humida, vt fructus: aut corruptibilis, vt lac: vel qualitas nimis humida, vel si tempore oportuno non sumatur, vel in ordine peccetur, vel cum crassa & dura tenuibus præponuntur. Artificium autem animaduertitur, si fercula malè parantur. Fit etiam putredo ab obstructione, aëre, humore. Vide Gal. latius De caus. morb. 2. cap. 8. Medicamenta quoque quæ suapte natura putrefaciunt, vel excrementa in ipso animali genita quoq; transpirationem impediunt. Sed & Hippoc. 3. epid. à calido & humido putredinem fieri dixit. Annus enim calidus & humidus pestem infert. lege de his Gal. 1. De temper. cap. 4. &

Putredo.

Causæ putredinis.

De inaequali intemperie cap. 4. & 7. Cúmque ex professo de his scribat Gal. lib. 1. cap. 5. & 6. De diff. feb. ea loca perlegito: & ita sunt harum febrium putridarum tres diuisiones, quòd caussa ipsius putredinis ad sunt vel non ad sunt: quod per totum animal, aut eius partem aliquam, est diffusa putredo. vel quatenus cum phlegmone est, aut citra hanc; vt 2. Method. à Galeno & alibi explicatur. Quibus autem corpus humoribus corruptis scâter, vel plethora aut cacochimia abâdat, magis parati sunt ad febres putridas: his enim leui ex caussa humores corrumpuntur & deinde inflammantur: sicuti enim fœnum tempore humido pluuioso collectum, vel nimis viride nòdum exsiccatum in herreum delatum facile putrescit & corrumpitur, deinde idem incenditur: ita quoque in humoribus euenit; maxime verò in corporibus humidis & ad putredinem paratis, vt humores corrupti & accensi in venis putridam continuâ, extra venas intermittentem febrem producant.

OBSERVATIO III. DE FEBRE

PUTRIDA, CONTINUA, LETHALI

in homine pituitoso.

PETRVS Chirurgus Alemarianus, qui è regione templi Sancti Spiritus habitabat, in febrem putridam continuam, acutam, satisque malignam incidit. Hic alium Chirurgum ad se vocauerat, qui eadem in brachio detraxerat vltra duas libras sanguinis, vnde in animi deliquium incidit, viribus omninò deiectis. Erat autem hic pituitosus, & albi coloris. cui tanta sanguinis detractio nullo modo conueniebat, licet continua febris putrida esset, quæ sine rigore inceperat. Quamuis & hoc proprium sit signum febrium putridarum; non tamen inseparabile: Nam

le : Nam à rigore, licet paruo, vel etiam ab horrore quandoque incipiunt. Cùm autem ab emissio sanguine largiore hic æger peius haberet, me tandem vocauit. Pulsus huic erat debilis, licet celerior, eratque systole celerior diastole, quamuis difficile hoc in languido ægro percipiebatur, cùm hæc in principio inuasionis febris manifestè apparèt, vt Gal. docuit 3. De prælag. ex pulsibus. Calor autem licet in huiusmodi febribus putridis sit mordax vt Hippoc. 6. De morb. vulgar. par. 1. tex. 29. & Gal. 1. De diff. feb. ostenderunt : hic in corpore molli, pituitoso mordax quidem erat, sed minus quàm in febre ardente aut in homine bilioso. erat etiam vrina cruda, vt in putridis in principio apparere solet, febre non desinente, ita vt faciliè ex signis præsentibus continuam putridam esse cognouerim. licet autem fuerit ab animi deliquio restitutus, attamen ilicò à missione sanguinis semper peius habuit, modò dormiebat, aliquando delirabat, inquietus erat, vires deiectæ, vrinæ tenues, decolores : & cum remedia nullo modo iuuarent, sexto die obortus est fluxus alui symptomaticus, colliquans, febre magis augescente, ita vt præhabito prognostico hic nono die obierit.

S C H O L I A.

QUAMQVAM hic magnitudo morbi spectanda erat, quæ sanguinis missionem exigebat, interim aliæ indicationes quæ à viribus sumantur, non erant negligendæ, quæ tantum sanguinis detractionem non admittebant in corpore molli & laxo ac pituitoso : hinc virtute collapsa natura morbum non potuit euincere, vrina cruda permanente, ita & in 6. die non critico, qui & tyranno à Galeno comparatur, fluxus obortus est, non criticus

Signa febrili
putridatum
in genere.

*sed symptomaticus ac lethalis. Erat autem hac febris putrida continua, ut signa ipsa indicabant, cum nulla præcesserat causa procatarctica, inaequalitate in pulsu appa-
rente, sine horroris inuasionem, cum calore utcumque mor-
daci & tactui molesto, velocitate systoles, & urinarum
cruditate, & debili concoctione. De quibus ad longum
vide Gal. 1. De diff. feb. cap. 7. & Donatum qui Galeni
verba fusius interpretatus est par. 1. De medend. feb.
cap. 16. Et Paulum lib. 2. cap. 2. & Avicem. 4. can.
cap. 2. Præcedit etiam primum morbi insultum lassitudo,
pigritia, somnolentia vigiliæ, spirandi difficultas, vena-
rum tensio, sitis, dolor capitis & inquietudo.*

OBSERVATIO IIII. DE FEBRE

QUADAM PUTRIDA CVM GUTTURIS
inflammatione per 24. horas tantum durante.

ILLVSTRIS Dominus Princeps Auræicus, cum
per hyemem Delphis ageret, & in stupa perpetuo
degeret, apertis sæpè fenestris, quæ ad turrim
templi antiqui spectabant, unde ventus perpendi-
cularis & ex parte Borealis intrabat, ita ut in guttu-
ris inflammationem incideret, quam & valida febris
subsequebatur, cum aliquantulum inhorruisset:
quæ per viginti quatuor horas tantum duravit, febre
non amplius redeunte, licet vires utcumque ex valida
illa febre deiectione fuerint. Vtebatur autem tunc gar-
garismo quodam sibi familiari in eodem gutturis
malo, quo alias commodè uti solebat, ab eiusdem
generosissima vxore confecto, quod ita paratum
erat. R. florum ros. rub. siccarum. p. i. bulliant in
lib. 7. aquæ plantaginis, adde aluminis exiguum,
& mellis parum, fiatque gargarisma, verum cum
inde

inde nihil iuuaminis sentiret 27. Ianuarij anno
1581. Excellentia sua me vocauit eo die cū febri-
citaret, attunc in paroxifino adhuc existente nihil
egimus. cæterū die ſubſequenti cū rediſſem in
totum à febre liberatus fuit, neque poſtea rediit, in-
flammatione in gutture adhuc permanente. liben-
ter tunc infuſum rhabar. præſcripſiſſem, quo aliàs
commode per me deſcriptum ad febrem in ſua Ex-
cellentia vſus fueram, at eo abhorrente, guttur
exterius oleo chamemelino & amig. dulc. ad reſo-
lutionem & dolorem refocillandum, lana ſuccida
admota inunximus. 29. prius infuſum ſequens ad-
miſit & folior. Senæ alexandrinæ abſque ſtipitibus.
ʒ ij. β. Rhabar. ſelecti ʒ j. ſchænantii. ʒ. β. ſem.
aniſi ʒ j. ebulliant ſemel in decoctionis communis
ʒ v. & maneant infuſa per horas 12. deinde fortiſſ.
expref. adde ſyr. ex multiplici infuſione roſ. ʒ j. miſ-
ce. & fiat hauſtus, quo benè excreuit, neque febris
rediit. Tamen cū appetitus non rediret, ne mate-
ria aliqua relicta denuò febrem gigneret, tribus die-
bus elapſis rurfus libenter infuſum dediſſemus, niſi
Excellentia ſua ad potiones ſumendas propria natu-
ra abhoruiſſet, & ideo minus admitteret, & pilulis
vti mallet quibus magis delectabatur: quare quarto
februarij has auro obductas eidem dedimus & pilu-
larum Maſtichinarum ʒ ij. β. Rhabar. optimi ʒ β.
cum aqua boraginis vna atque altera gutta fiant pi-
lulæ numero 7. accepit verò cum pomo aſſato &
ſuperforbebat ʒ j. ſyr. ex ſucco roſa. ſolutini. ex qui-
bus 4. ſedes habuit, cū facilis eſſet ſolutionis.
Mox & ſequentibus gargarifmis vtens ab inflam-
matione tonſillarum & columellæ inflammatione
ac laxatione reſtitutus fuit. & aquæ plantaginis ca-
prifolij

prifolij, nucum ana ꝯ iiij. flor. ros. rub. p. j. ebulliant semel, colētur, & colaturæ adde syr. granatorum diamori ana ꝯ j. ꝑ. misce, eo etiam in principio utebatur. fuit hic gargarismus semel reiteratus. At ex febre illa validissima quæ tantum duravit 24. horas, ita fuit appetitus deiectus, qui post 14. diem prius rediit. fuitque istis remediis illustris Dominus Princeps magna cum nostra laude curatus, ut postea validus ac robustus Amstelrodamum accesserit. cumque excellentissimus Dominus Princeps tertio Iulij rediisset, eiusque excellentiam tum Dominam eius uxorem generosissimam Carolam ex stemmate nobilissimo Borboniorum ortam, strenuissimi Ducis Monpensierij filiam in Hagha Comitiss salutarem, ea ipsa admodum liberalis duobus scyphis aureis me donavit, pignus æternæ memoriæ ac gratitudinis post se relinquens.

S C H O L I A.

HÆC febris licet tantum viginti quatuor horas duraret, non erat tamen ephemera aut diaria; cum hac mitis sit, ac benigna cum suavi calore: illa verò vehemens ac valida, cuius calor etiam ad tactum erat mordax. Erat igitur putrida, sed nunquid continua aut intermittens, aliquis etiam hic dubitare posset: nam videbatur non esse intermittens, quia unicam tantum accessionem habuit, quæ viginti quatuor horis terminabatur. vix etiam aliquis continuam esse dixerit, cum inceperit cum horrore. At quia levis erat horror & non vehemens, talis quoque initio febrium continuarum subinde apparere solet, sicuti etiam & rigor levis. Et quanquam Galenus merito capit signa prima febris putridæ à modo inuasionis: nam si inuadat cum rigore, indicatur ab eo esse intermittens, ab Hippocrate sic edoctus 4. aph. 63. vbi Hippoc. ait, febres quæ quotidie

Signa putridæ quæ sumuntur à modo inuasionis.

cum

cum rigore inuadunt, quotidie etiam soluuntur, & sic ex rigore indicatur febris intermittens distincta à continua. At hic rigorem aut horrorem non oportet intelligere quemcumque rigorem, sed determinatum: cum etiam inueniatur febris cōtinua, qua cum rigore inuadit, vt colligitur ex Gal. 2. De differ. feb. 8. vbi expresse admittit, & continuas & intermittentes & hamitriteum posse cum rigore inuadere, & Hippoc. 1. epid. sect. 2. part. 25. idem concedit, & quod cum horrore quoq. contingere possent iuxta eundem 3. epid. part. 75. vbi proponit casum cuiusdam phrenitici, cuius febris cum horrore inceperat, eratq. continua, cum & in quarto obierit. Cum igitur hæc eueniunt distinguendum cum Galeno, vt 1. ad Glauc. quòd si rigor sit magnus & diuturnus, erit intermittens. ratio est, nam in tali rigore vniuersa materia febrilis propellitur ad ambitum totius, & extra venas. Et cum ibi materia plurima sit, necesse est vt rigor sit vehemens vel saltem diuturnus. At in febribus continuis fieri potest dum materia propellatur à venis magnis ad paruas, vt aliqua portio materia, in parua tamen quantitate propelli possit extra venas, atque hac ipsa est qua etiam rigorem prabet. Verum cum modica sit, non potest diuturnum rigorem inferre. hoc licet contingat præter rationem propriam in febribus continuis, cum in his raro rigor aut horror contingat, cum materia sit in venis. quod si contingat, erit horror vel rigor vix effatu dignus. Et sic ex rigore vehemēti colligimus intermittētem febrem esse. Sed cum itaque ex paruo rigore vel ex rigore possimus iudicare vel continuam vel intermittētem esse, aliquis dicet: Quomodo ergo distinguam febrem qua est cum paruo rigore vel horrore vel inæqualitate? Galenus hoc cognoscens surgit ad iudicium, quod capitur ex diuturnitate accessionis: nam intermittens non potest aliquo modo 24. horas excedere. Si est continua & inuadat cum

rigore paruo, perseverabit ultra 24. horas, ex quibus vide-
 tur quod hæc fuerit intermittens & non continua, quamvis
 cum exiguo horrore inceperit. Sed rursus hæc erat vehe-
 mens? Sed ad hoc respondere quis posset, Tertianæ inter-
 mittens etiam vehemens est? Concedimus sed hæc non erat
 tertiana, quia 24. horis soluta, non redibat. Et sic aliquis
 diceret eandem ephemeram fuisse & non putridam, ex in-
 flammatione gutturis obortam, quemadmodum & ex in-
 flammatione inguinum etiam fieri posset ut antea ostensum
 est. Non possumus tamen inferre, quia duravit tantum 24.
 horas, ideo fuit diaria. Cum & febris illa sudorifera an-
 glicana maligna & pestifera non ultra 24. horas durabat,
 cum intra idem spacium ferè omnes ad orcum populatim
 demittebat. Sudor etiam copiosus putridam ostendit, pau-
 cus & lenis ac malis diariam, & cum in hac febre sudor
 in fine copiosior esset & calor acris & mordax, si non
 fuerit continua fuit intermittens & semper putrida, &
 per unum diem semper terminata. quod aequè rarum est
 tam de intermittentibus quam continuis. At vtile nobis
 visum fuit cum de continuis febribus putridis hic sermo-
 nem habeamus, hanc quoque febrem pro exemplo po-
 nere ut somnus ex febris invasione, quenam ipsa sit. Et
 ut melius hanc distinctionem intelligamus, cum inter-
 mittentes rardè excedant 24. horas, est tamen tertiana
 protensa dicta quæ habet accessionem perdurantem etiam
 usque ad 40. horas, id quidem impossibile esse dicimus ut
 intermittens duret ultra 24. horas, si cum horrore brevis
 vel exiguo inuadat? Nam rigor si sit brevis vel exiguus,
 non pendet à multa materia. At protensa tertiana pendet à
 multa materia, ubi igitur erant continua inquirendum?
 Nam ista sunt continua vel per super ingressum paroxis-
 morum, an potius quia materia in venis putrescit. Nam
 fieri potest ut febres sint intermittentes, attamen accessio-
 nes fe-

nes febrium intermittentium adeò protrahuntur, vt antequàm rigor accedat, non desinat prior accessio. Cùm igitur secunda accessio accedit, cùm adhuc prima non cessauerit, continua esse videtur, sed etiam continua ob super ingressum paroxysmorum. Distinguemus autem ex modo inuasionis. Si inuadunt cum paruo aut breui rigore dicemus esse continuas & verè continuas: contrà, si cum vehementi vel diuturno rigore, dicemus quidem continuas, sed per super ingressum paroxysmorum: ratio est, quia dum febris inuadit cum paruo rigore, si febris hac esset intermittens, dependeret à modica materia & non posset habere accessionem diuturnam, & ita secunda accessio non superueniret primæ. Cùm igitur nulla fiat intermissio & rigor sit vel brevis vel exiguus, indicium est, quod materia putrescit in venis. postea poterimus considerare quomodo ista sint febres continuæ, vel continentes, vel continuæ proportionata. sed de his, scholiis huius libri diximus, continentes, vt diximus, vno modo affligunt vel augendo, vel decrescendo, vel vnum tenorem obtinentes. proportionata continuæ iuxta symptomata modò intenduntur, modò remittuntur, ita vitiosa de tertio in tertium, causos excipitur, quia materia putrescit in magnis venis, ideò non commouetur, pituitosa quotidie, melancholica, quarto die. sed de his omnibus suo loco. Concludendo videtur hac febris fuisse tantum symptomatice, de quibus aliàs dicturi sumus latius.

OBSERVATIO V. DE FEBRE ACVTA, CONTINVA, PVTRIDA.

VILLICVS quidam satis diues, annorum 40. robustus, qui in Exeruilla pago commorabatur, non multum distante ab vrbe Pithuera dicta in Gallia (in qua tunc praxim exercebam, vt aliàs sæpè

dixi) anno 1545. in principio mensis Augusti, canicula æstuante cùm variis cibis ac potibus sese impleuisset, & nunc præter modum se exercitasset, in febrem continuam eamque acutam lapsus est. in quo ægro cùm ad eum ingressus essem, hæc signa adesse animaduerti, quæ in acuta continua maxime apparent. Vehementer enim capite dolebat, aderatque totius corporis calor acris & mordax, qui vnà cum febre semper magis intendebatur, & ad interiora penetrabat, vigilia quoque ac insigni angustia premebatur, hypochondria dolebant, sitis valida cum linguae ariditate & palati: pulsus velox, & anhelitus spissus, inquietudo, spiratio maior, decubitus grauis atque molestus, somnia terribilia, & frequēs in somnis locutio, & delirium per interualla: quæ omnia & acutam & continuam febrem indicabant: cùmque adessent plethora, ac lotium rubrum esset, & alia ad sanguinis detractionem consentirent, balano prius indito cùm aluum non redderet, ad vncias sex sanguinis trahere feci, sed non plures ob æstum & in homine bilioso & macilento, mox & hunc syrupum ebibit & sy. de end. de succo acetosæ viol. ana ℥ss. aquæ bugloss. cich. acetosæ ana ℥j. mis. decocto hordei pro potu utebatur. quarto die à morbi decubitu hoc leniens medicamentum propinaui. & Diaprunis simplicis diacathol. ana ℥ss. elect. de succo ros. mesues ℥j. aquæ decoct. thamarind. & flor. cord. ℥iij. sy. viol. ℥j. misce. ter copiosè ex eo aluum reddidit, primò feces duras, deinde liquida, corrupta, & biliosa. sub noctem ad somnum conciliandum capiebat ex sy. viol. & pap. & nemiph. cum aquæ lactucæ, & ad dolorem capitis consopendum modò oxirrhodonon fronti imponebatur, modò lac muliebre.

liebre. Quinto iulebos sumpsit ex aquæ end. cich. acetos. ana ꝑ j. sy. de limonibus viol. ana ꝑ ꝑ. misce, & cum lotium crassum & concoctum spectabatur. Sexto die hanc purgationem sumpsit & Rhab. selecti ꝑ j. ꝑ. spicæ ꝑ ꝑ. infunde per noctem in aqua end. cich. bugloss. ana q. s. mane huius expressionis & ꝑ iij. Diacathol. ꝑ vj. syr. ros. solutiui ꝑ j. misce: quo sexies multa biliosa & malè olentia excreuit. Cum his calor febrilis non mitigaretur, & vrina satis tincta maneret. Septimo die manè epithema sequens hepati impositum fuit & aquar. end. scariolæ acetosæ ana ꝑ iij. aquæ ros. absynthij ana ꝑ ꝑ. aceti vini albi ꝑ ꝑ. pul. omnium fantal. ana ꝑ ꝑ. spicæ nardi ꝑ ꝑ. mis. fiat epithema. Etiam cordi hoc adhibitum fuit. & aquæ ros. mellissæ borag. bugloss. viol. acetosæ ana q. s. j. pul. diamarg. frig. ꝑ j. ossis de corde cerui bene albi fantali rub. ana ꝑ ꝑ. vini maluatici ꝑ j. vel albi tenuis, si desit. fiat epithema. Ex quibus melius habere visus est: post meridiem cœpit delirare, sed sub noctem cum in somnum incidisset mox ad se rediit, & cum pulsum tangerem vndosus erat, & sudor per totum corpus erumpebat & melius deinde habere cœpit, ita vt postea eum febris reliquerit. Vrina tamen mihi suspecta erat, cum rubra adhuc permaneret: interim ad roborationem modò tabul. triasand, modò diarod. abbatis utebatur, modò diaboraginato diabuglossato & saccharo rosaceo ex quibus & opiata adiecto rob. de ribes. conficiebantur, & licet à febre liberatus esset, vinum tamen inhibui ob rubram vrinam permanentem. At septem vel pluribus diebus interpositis post meum discessum cum bene se haberet, recidivam deinde passus est, quam ex mala victus ratione factam suspicabar: & tunc multo peius quam

quàm antea laborauit, ita vt etiam hypochondria fuerint tensa & inflammata, vnde & delirabat, & in paraphrenitidem incidebat, vt à quatuor hominibus vix in lecto contineri posset. nihil tunc remedij tentatum, sed amici astantes vt moriturum cum omninò sacerdotibus committunt, ac iubent, vt extrema inunctio tanquam hinc emigraturo administretur. At delirium per se sedatum est, fluxu enormi subsequente: sed cùm ad se paulatim rediisset, singultu oborto cum sopore ac animi deliquio. At his duobus accidentibus rursus cessantibus remanebat singultus vsque ad quartum diem: re tunc quasi deplorata iterum me vocarunt, vt si aliqua spes in remediis adhuc posita foret, adhiberem. Accedens inueni vires valdè deiectas, & quod singultus eundem maximè infestaret. sed & sopor ac deliquium animi quæ præcesserant cum singultu magis anxium me reddebant, iuxta Aëtium lib. 9. cap. 5. & proprio de singultu sic dicentem. Singultus in altiore sopore, aut animi deliquio, aut tethanus obortus, mortem non longè abesse præfagit. euanuerant tamen sopor & animi deliquium paulo antequàm eum accederem, remanente virium debilitate & singultu. Fluxus etiam qui prius adfuerat nunc sponte sedatus erat. Cùm autem mirum in modum singultu afficeretur, stomachum propè mucronatam cartilagineum tum etiam spinam dorsii è regione eiusdem inungebam oleo violaceo ad humectandum & refrigerandum, etiam bombace in eo oleo tincta admota. deinde imperabam vt continuò sumeret ex syrupo violaceo & menthaceo simul mixtis: violaceus verò humectabat; menthaceus corroborabat, calor sy. menthacei cum violaceo contemperabatur: iisque adhibitis
remediis

remediis singultus incantamenti instar cessauit. Ad roborationem quoque saccharo rosaceo perlato utebatur, & præscripta diæta resumptiua hic secundo curatus fuit, tamquam à sepulchro in lucem reuocatus, præter astantium opinionem.

S C H O L I A.

FVIT verd hæc febris continua & acuta, quæ etiam Febris acuta. velocitate sui finis magna dicitur à Galeno 2. aph. 19. vel quod hæc ipsa moueatur cum velocitate, in qua etiam tumor est: quæ non transit 14. diem: quamuis hæc post septimam primò cessauerit, deinde rursus recidiua facta non minus & tunc acuta fuit, ob pessima accidentia quæ & acutam febrem notant: nunquam enim acuitas egritudinis cum fortibus accidentibus 14. diem transire potest: & ita febris acuta continua citò ad mortem vel salutem terminum suum parat: interim acutus morbus, alius dicitur exactè acutus, qui intra 14. diem terminatur, alius non exactè acutus, qui ad 20. diem extenditur. Cum hæc maxime ad prognostica faciant, diligenter consideranda sunt febrium differentia, quæ penes motum, penes sæua accidentia, & penes temporis longitudinem vel breuitatem distinguuntur. Harum autem quattuor in summum à medicis differentia posita sunt: peracuta, acuta, tropica, chronica. quibus & alij addunt febrem perperacutam. Perperacuta dicitur illa, quæ quarto die absoluitur, om- Perperacuta. nium aliarum febrium seuißima & periculosissima, & magnæ inflammationis cum seuitate accidentium ilicò ad statum perueniens. Sic Amius Reynerus, qui in foro frumentario Delphis agebat, vir circiter annorum triginta, in anginam lethalem & febrem perperacutam incidit, ad quem Ericius Leydius Medicus collega meus prius vocatus fuit, ab iniecto clystere, sanguinem ex cephalica detrahere

here iubet ac gargarismata tum alia apta remedia praescribit: tertio die cum in Hagham Comitum collega vocatus esset, cum suffocatio immineret ad eum accitus sum, cum nihil deglutire posset, libenter sanguinem ex venis sub lingua detraxissem, sed os aperire non potuit; interea collega reuerso etiam Nieuenius medicus Haghanus vna vocatur, verum cum nullum medicamentum per os sumere posset, iterum clyster iniectus est, vnde probe quidem aluum deponebat, sed nihil iuuaminis neq. ex emplastris aliisq. remediis exterius adhibitis sentiebat, ita vt angina strangulante tum febre perperacuta obierit quarto die. cum & angina per se malum acutissimum sine febre etiam aliquando ante quartum strangulet ac suffocet. Verum febris peracuta dicitur, quae septimo die terminatur: qualis erat illa continens, quae septimo die terminabatur cum sanguinis profluvio ex naribus in iuvene robusto, de quo egimus lib. 1. Obser. 22. Sed & ea quoque peracuta erat in puella biliosa, quae maxime capite dolebat, delirio deinde detinebatur, vigilabat, cui in septimo menses copiose fluxerunt, & liberata fuit. huic statim ab initio parum sanguinis detraxiimus, refrigerantia, alterantia, humectantia & emollientia vt syr. viol. iuleb. viol. syr. nymph. pap. praescripsimus cum aqua lactuca viol. acetosa endivia & similibus etiam infusum Rhab. dedimus cum syr. viol. & cum morbus vehementer esset & celer, ac in septimo crisin expectaremus victu tenuissimo utebamur: tamen quia valde biliosa, etiam hordeatum concessimus & emulsoria ex amigd. dul. & se. 4. frig. maioribus. nam in eiusmodi febribus victus ratio maxime obseruanda venit. At acuta vero febris, vt nunc diximus, duplex est, vna quae & acuta absolute dicitur quae 14. terminatur, altera acuta per decidentiam vel acuta non absolute dicitur & hac ad 20. diem extenditur. Tropicae sunt febres à 20. vsque ad 40. perdurantes, sic à qui-

Quidam ex angina strangulante & febre perperacuta in quarto obiit.

Febris peracuta.

Acuta febris duplex.

Tropicae febres.

à quibusdam dicta conuersiua seu tropica ad similitudinem conuersionis solis in signis tropicis. Hæc enim discedens ab acuta ad chronicam febrem sese conuertit, estq; hæc tropica media inter acutam & chronicam, de quibus latius vide Sauonarolam, quæ & tardissimè ad statum venit. Febres verò si quadragesimum diem excedunt, non amplius tropica, sed chronica seu diuturna dicuntur. sed hæc postea clariora per exempla euadent. Morbos autem breues vel prolixos cognoscemus ab ipso morbi paroxysmo: nam paroxysmi longi, longum: breues, breuem morbum prænuntiant. Item ab ipso genere morbi: nam angina, apoplexia, febres acuta, maligna, ardentes, tertiana, breui: paralysis quartana longo tempore terminantur. Ab ipsa virtute debili vel valida, vnde ex debili breuis, ex valida, longus. Ab ipsa ætate, tempore: Nam in senio & hyeme longus: in iuuentute & æstate breues. Ab ipsis accidentibus vel longo tempore durantibus. Ab ipsis excrementis exeuntibus natalis: nam in vrina nullum apparentis concoctionis indicium, longum morbum: & contra breuem significat. peracuti raro quartum aut septimum transcendunt. acuti 14. vocandi sunt morbi acuti si cum seuis symptomatibus terminantur: nam ephemera non sunt morbi acuti, licet subito terminentur. Satis est hæc admonuisse, reliqua apud Galenum inuenietis non solum in comment. lib. 1. aphor. 12. sed & apud eundem 1. De cris. 6. & Auicenn. 4. can. cap. 4. qui etiam docet statum cognoscere ex tempore & motu morbi, ex ipsa virtute, ætate, tempore, pulsu, rigore, à paroxysmo, ab accidentibus ipsis, ex euacuatione & concoctione. Nec satis est hic animaduvertere quibus diebus terminentur, & vtrum seua habeant accidentia, verum & ipsa materia quoque spectanda à qua fiunt. Nam peracuta & acuta similiter à materia biliosa & sanguinea potissimum fiunt; licet & cum aliis humoribus permisceantur;

Chronica
seu diuturna
febres.

Quomodo
status morbi
cognoscatur.

ceantur; tropicarum autem materia ut plurimum est biliosa pituita admixta, intra venas quoque putrescens secundum maiorem ac minorem mixtionem humoris frigidi cum calido, quæ ratione & accidentia quoque mutantur. Chronica autem sit potissimum ex materia pituitosa & melancholica vel quod superant alios humores, in cuius curatione maior respectus est ad causam & materiam, quàm ad febrem. In curatione peracutarum & acutarum, ad febrem potius & sæuora accidentia interim materia nequaquam neglecta, & sic peracuta magis indigent extinctiuis & refrigerantibus remediis, acuta verò prout sunt intense & remissa. Tropica verò, cum est media inter acutam & chronicam, ita & curatio erit media, & signorum cognitio, nam habita curatione & signorum acutarum, hæc etiam facile innotescet. Ceterum hæc omnia multo lucidiora exemplis euadent.

OBSERVATIO VI. DE FEBRE

continua biliosa, & acuta, ac lethali.

ANNA Simonis, quæ in platea vaccea agebat, soror Cornelij Buscopij illius insignis Organistæ, mulier biliosa, subnigra, atrabilaria, raræ texturæ, statura exigua, macilenta, filiolarum lactans, annorum circiter 36. cui aliquando è naribus sanguis subtilior biliosus effluere solebat. Hæc ex animi mœrore perturbata, per mulierem, quæ litem causa hæreditatis ob fratrem demortuum inferebat, cum verba acerbiora in eam detorserat, die nono Aprilis, anno 1583. febre continua eaq. biliosa, & acuta sub noctem correpta est, vigilabat, multa tenuia biliosa, corrupta, deiiciebat, & vermem vnum, (quod & malum signum vulgo proditum est, & ideo vulgares hunc vermem, si non plures deiiciantur, vermem vitæ

vita vel corporis viuientis appellare solent) vrinam nigram liuidam & foetentem per totum morbi decursum meiebat. Ad hanc cum antea nullis remediis vsa esset, accitus sum 13. die Aprilis, nempe in principio quinti diei ab initio morbi, cum symptomata iam supradicta animaduernerem, & quod lotium liuidum esset, hanc vix euasuram praedixi, eoque magis, cum loquela impedita esset, vt vix intelligeretur, pulsus celer ac debilis, febris vehemens, & inquietudo maxima, & delirium per interualla, vigiliae insignes, locutio molesta, spiratio crebra, venae sectione neglecta & omissa ab initio in morbo valido, quam etiam nunc vix audebam tentare cum à meridie vocatus sub vesperam omnia iam dicta magis augerentur, cumque debilis existeret, ac satis multa biliosa, tenuia, liquida, malè olentia eodem die ter quaterque deiecisset, quod & signum erat magnae putredinis. Ideò ad alterationem & putredinem corrigendam hunc sy. propinaui & sy. de limonibus ℥j. ꝑ. aquae cich. end. borag. ana ℥j. misce. Pro siti & fluxu reprimendo sumebat rob. de ribes. Die sequenti mane 14. Aprilis, qui erat sextus ab initio morbi, in eodem statu eam inueni. venam tamen internam brachij dextri (quia consueta, & tempore veris potissimum aliquando è naribus sanguis fluere solebat) secare iussi, qui cum biliosus esset, & ipsa satis debilis non ita multum sanguinis chirurgus extraxit, & quanquam melius ex sectione venae habere videbatur, cum lingua, quae prius impedita erat, nunc mobilior, ita vt nunc melius intelligebatur, quae diceret. At post meridiem, rursus locutio molesta, etiam sub noctem peius habens, inflammatio gutturis accessit, lingua aspera, & tumida, vt

apthæ metueretur: gargarisma sequens præscriptum fuit. \mathcal{R} . aquæ decoct. hordei cōmunis lib. j. syr. granat. diamori ana \mathfrak{z} j. β . misce pro gargarismate. Cumque adhuc biliosa, tenuia deiceret, hoc vnguento, quod etiam ad vermes faceret, vmbilicum inunximus. \mathcal{R} . olei citon. \mathfrak{z} β . olei absynthij \mathfrak{z} ij. cornu cerui vsti \mathfrak{z} j. β . ceræ exiguum: fiat vng. molle. Pro somno quoque conciliando tēpora linimento inungebat. \mathcal{R} . vnguent. popul. olei pap. ana \mathfrak{z} ij. mis. i s. die Aprilis manè, qui septimus erat ab initio morbi, aliquo modo dolebat circa latus dextrum, & tussicula aderat, sed cū inunctione olei amigd. dul. mitigabatur & lambebat ex syrupo sequenti \mathcal{R} . syr. iuiubini \mathfrak{z} j. syrupi myrtini (propter fluxum, quia liquida adhuc deiciebat) \mathfrak{z} β . misce: interim & \mathfrak{z} ij. pul. cornu vsti (qui ad vermes facit) dedimus cum decoct. rad. dentis leonis. Inter tussendum semel sputum apparuit cruentum, quod inter tussendum expectorauerat. lambebat etiam ex sy. sequenti \mathcal{R} . sy. viol. \mathfrak{z} j. sy. capill. ven. \mathfrak{z} β . misce. At cū rursus liquida, biliosa excerneret, sequens amigdulatum dedimus \mathcal{R} . amigd. dul. depilat. \mathfrak{z} ij. cum aqua furfuris fiat amigdulat. pro \mathfrak{z} viij. dulcoretur parum cum zacharo rosaceo perlato. At post meridiem symptomata multo grauiora, vigilia paraphrenitides, & sub noctem adhuc multo peius habuit, inquieta erat, sanguis è naribus fluxit, nihil profuit, vrina liuida, crisis imperfecta, ita vt eam morituram prædicerem. Octauo die omnia peiora, liquida deiciebat, pauca & malè olentia, locutio grauior vt nullo modo intelligeretur, valde inquieta erat, postea aluum retinere non potuit, spiratio crebra, sæpius intercepta, manuum gesticulationes, paleas & floccos è stragulis carpebat, vox exilis

exilis: tandem etiã interrupta, nono die ab initio morbi hæc obiit.

SCHOLIA.

CVM hic liuidam vrinam spectarem cùm prius adream ingressus essem, & symptomata alia aduerterem, & quod sectio venæ esset prætermissa, mortem futuram astantibus prædixi, quodq; maximum periculum huic immineret. Est enim lotium maximum indicium ad prognosticon teste Gal. 6. epidem. sect. 6. comment. 6. Cùm enim Hippocrates de agroto verba faceret, cui grauitas capitis & delirium aderat &c. considerandum, inquit Galenus, num vrina sit bona vel mala aut mediocris. Si mala cum prauis symptomatibus, ager citò morietur, vt hic euenit: si est bona, periculosè egrotabit, sed euadet: si mediocris, aliquamdiu viuet, sed morietur. Et idèd Galenus colligit ex primo epid. sect. 3. comment. 22. apud Hippocratem ex vxore Epicratis decumbente apud Archetem, ex solo lotio posse fieri iudicium, in qua circa initia nullo modo certum signum salutis apparebat, cùm tenuiora, pauca, biliosa, mera deiceret, tenues & vrinæ subnigras redderet, & sexto die deliraret, & septimo die omnia exacerbata, vigilia, deliria, cui tamen in 11. sudor apparuit, & minxerit colorata, cum multo sedimento, vnde & commodius habuit, quod signum in 11. tanti sit apud Galenum, cum hæc, licet 80. die, prius curata fuerit, quod ex solo lotio liceat subinde prædicere. Verùm hæc nostra puella per totum decursum morbi liuidam & nigram vrinam meiebat, Sic & Philiscus apud Hippoc. qui propè muros habitabat, tertio die nigra minxit, & quarto vrina nigra, sic & quinto, cùm & parum dormisset, & ad diem voce destitutus esset, & spiritus vsque ad finem velut reuocanti rarus & magnus, circa meridiem sexta obiit. At Silemus, qui in

Lotium maximum indicium ad prognosticon.

Vide casum vxoris Epicratis i. epid. sect. 3. comment. 22.

1. Epid. x. grot. pri. Philiscus.

Platomone habitabat, propè filios Eualcidis, qui & primo die vrinam nigram minxit, & ab aluo prima die biliosa mera spumosa & multa prodirent, & secunda die secessus plures tenuiores spumosi, vrina nigra, vox molesta parum delirans. In tertia omnia exacerbata, secessus tenues subnigri, vrina turbata subnigra, vndecima & hic quoque mortuus est. ita raro euenit vbi vrina nigra minguntur in febribus acutis, si alia ad sint signa mala, vt euadant, quam Herephonti apud Hippocratem febris acuta, cui & vrina nigra tenues in principio sed post octauam cum melioris coloris essent, & paruam subsidentiam haberent, & nono sudaret iudicatus est morbus. Cum igitur lotium in pradicendo tantam vim habeat, videndum nunquid bonum sit aut malum: 1. de cris. apud Gal. 12. bonum vel potius optimum est, si in substantia neque nimis tenue, neque nimis crassum, sed mediocre. in colore subrufum, tendens ad subflauum & aureum colorem. si infra subflauum, crudum existit, si contra, ad vstionem tendit. Quod ad contenta attinet, oportet vt habeat sedimentum album, leue & aequale. aut saltem nebulam similem. Malum, quidem lotium duplex. Vnum crudum est, aliud corruptum. Crudum simile aquae est, decoloratum nullam habens substantiam. Corruptum autem est illud, quod etiam substantia sua nigredinem habeat: nam Galenus 1. De cris. cap. 12. ait se nunquam aliquem seruatum vidisse, qui talem vrinam minxerit. Malum quoque est lotium viride ac liuidum, & licet vtrunque malum sit, liuidum peius existit. Viride autem sit ratione insignis adustionis: liuidum verò ob extinctionem caloris natiui. pessimum quoque est oleaginosum: quoniam indicat colliquationem. Non minus & illud, quod contenta habeat ad similitudinem farinae crassioris, orobi, vel furfuris, vel contenta sint nigra ac mellis consistentiam habeant. Nam & colliquationem interdum in-

dicat

Herephonti
febris acuta.

Lotium bo-
num.

Lotium ma-
lum.

dicat in partibus solutis. Subiugale verò instar iumentorum ex mente Gal. 4. aphor. 20. cum à materia crassa & densa fiat, quæ à calore agitatur, indicat longitudinem morbi. & idè si tale circa egros appareat, non ilicò est dicendum actum esse de agro: cum etiam possit indicare longitudinem morbi: interim, circumspiciendum si ita turbidum lotium appareat in febre maligna, aut pestilenti, cum malo colore nempe liuido, hoc ipsum lethale erit: quemadmodum euenit mulieri Delphensi ex febre pestilente ad fossam aqueam decumbenti, in domo, cui lutra pro insigni erat, quam & morituram diximus. Tale quoque sine malo colore potest etiam minus malum esse, & signum cruditatis vt in sanis obseruatum est turbidum mictum & ita manens pessimum quoque est, vt in sacerdote illo, qui apud Iohannem Sasbotum seniore Delphis peste laborabat. cum factore mortem præ sagiebat, eoque magis cum in pectore petechia nigra apparerent, ita vt tercio die ad eum accitus mortem quarto prædixirim, vti quoque in eo obseruatum est. Vxor Philini in Thas. cum in 11. post delirium, vrinam multam cum conuulsionibus, crassam, albam, iumentorum similem meieret, cum aliis malis signis, vt habetur apud Hippoc. 1. De morb. vulg. ad diem 17. cum obmutesceret, 20. animam egit. Rubrum autem lotium vt Gal. ait 1. epid. sectione 3. comment. 23. indicat morbum securum sed diuturnum, quia ob sanguinem magis tingitur & non ob bilem, & ideo eiusmodi febres magis salubres. sed diceret aliquis quod tales citius terminarentur, & quod diuturnitatem non indicarent. fit hoc quod cruditatem notat. tamen quarto aphorismorum, aphor. 71. dicitur, quod vrina rubra in quarto apparens, quod in septimo die finiatur. Quomodo igitur rubor diuturnitatem significat? At Galenus monet si talis vrina cum contento rubeo apparet in die indicatorio cito salus expectanda: si appareat in die

Vxor Philini.

Sanguis è
naribus fluës
quando le-
thalis.

non iudicatorio diuturnum morbum significat. Caterum non solum vrina liuida in hac muliere mortem prætendebat, sed & sanguis, qui ex naribus fluebat, vel potius stillabat, & non copiosè efflueret, pessimum quoque signum erat: nam cum & Philisco apud Hippocratem, quinto parum de naribus idq, merum stillaret, & nigra minxisset, vt prius dictum est, sexto obiit. Dicit autem Galenus ibidem in comment. quod ater sanguis erat, qui vbi stillat semper lethalis est, ruber autem nequaquam: modo copiosè aliquo modo effluat. nam dicit quod rubri stilla siue sanguinis puri in morbo exitiali visa nunquam est, sed atrī semper. Cum huic puella sanguis è naribus stillaret non aderam, dicebant tamen quæ aderant ex mulierculis rubrum fluxisse. quia tamen tantum stillauit & non satis copiosè fluxisset, vrina liuida & cætera mala symptomata quæ aderant, mortem præsagiebant.

OBSERVATIO VII. DE PVTRIDA febre continua, maligna cum vermibus.

MERCATOR Pithueriensis circa mensem Martium, anno 1546. cum ibidem praxim adhuc exercerem continua febre acuta & maligna correptus est. cui dolor capitis aderat vehemens, qui maximè in acuta continua adesse solet, ex frequèti & continua ebullitione putridi caloris superflui, vaporibus malis inde sursum ad meningas cerebri sublati, atque in iis malam intemperiem inferentes & eas extendentes solutionem continui, & capitis dolorem adferentes, huic & paraphrenitides, deliria, vigilie, cum & calidi vapores, ignei & exsiccantes humiditatem cerebri resoluunt, spiritusque animales afficiunt & actiones lædunt. vnde somnia terribilia: cui etiam angustia totius corporis aderat & inquietudo,
cum

cum materia febris continuæ & acutæ subtilis ac mobilis sit, & ideò pungendo, agitando, modò hanc, modò aliam particulam corporis infestat. sitis quoque aderat vehementior ob vapores calidos ex minéra putredinis, hinc stomachum siccitate lancinat, œsophagum, linguam & palatum, & ideò lingua quoque aridior. Aderat pulsus velox, inæqualis, qui etiã teste Gal. 4. de caus. pul. in acutis febribus adesse solent. Spiratio quoque huic maior & anhelitus ob calorem in corde valdè intensus. rubea quidem vrina, sed tenuis. Hæc cum animaduernerem & aluum strictam haberet, vt enema iniiceretur mandauimus & folior. maluæ viol. bethæ. Mercurialis ana m. j. prunor. Damasc. numero xij. thamarind. ʒ iij. fiat decoct. in aqua communi, & in lib. j. dissolue cassiæ, pro clysteribus ʒ j. benedictæ laxatiuæ (nam in ventre aliquo modo dolebat) ʒ ij. ol. viol. ʒ iij. vitellum vnius oui, salis communis ʒ j. secundo die ab initio morbi post horâ quartam pomeridianam cum prius vocatus essem, clyster iniectus est; aluû probè reddidit, ita vt minus capite doleret. At manè febre nullo modo diminuta & continuò affligente, quamuis vrina nunc crassior apparebat & rubra, & venæ sanguine repletæ vndiq. spectabantur, & Vere instante in quo solitus erat sanguinem detrahere, ad vncias octo ex vena basilica secta fluere feci, cum robustus foret, & bene ferret. Et quamuis die præcedente ex clysteri ter aluum deposuisset, quæ postea minus responderebat, cum etiã circa cor angeretur, syrupum sequentem propinaui & syr. ros. solutiui ex infus. ros. pallidarum. sy. viol. ana ʒ j. β. sy. de bugloss. ʒ j. aq. end. borag. ana lib. β. fiat iuleb. pro tribus vicibus à sectione venæ dolor capitis plurimum mitigatus erat.

erat. Tertio die vocationis nostræ, qui erat quartus ab initio morbi, aluo ex præcedente iulebo, lubrica facta, tussis eum inuasit, pectore dolebat, augebatur circa præcordia & ventriculum dolor. Ad tussim mitigandam & sitim, capiebat sy. viol. & iuiubinum diadrag. frigid. pectus inungebatur linimento sequenti & olei amigd. dul. viol. ana \mathfrak{z} β . butyri recentis loti cum aquæ viol. pingued. gallinæ ana \mathfrak{z} ij. ceræ albæ modicum fiat linimentum. Quinto die cum aluus non responderet cassiæ \mathfrak{z} vj. & pulpæ thamarind. \mathfrak{z} ij. dissoluta in \mathfrak{z} iij. seri lactis sy. ros. solutiui \mathfrak{z} j. β . ebibit, ac multa liquida & humorosa excreuit. Circa ventriculum cum adhuc doleret oleo cithoniorum inunximus, postea etiam mastichino adiecto. Ad somnum conciliandum hordeato utebatur. Septimo dolor ingens in renibus, & aluus rursus restricta. enema iterum injectum est, & dolor cessauit. quam cerato infrigidante Galeni lumbi quoq. inungebantur caphuræ exiguo adiecto, ita vt octauo die melius habere videbatur, & in nono quasi à febre liberatus, ita vt me relinqueret. decimo tamen quarto die ab initio morbi febris rursus increbuit, & adeò illum affligere cœpit, vt delirium subsecutum fuerit, & permansit tribus diebus continuis in delirio, vigilabat nullo somno obrepente, & tandem factus est surdaster, ita vt astantes eum pro deplorato haberent, adhibita sacra inunctione (vt vocant, quæ sacerdotibus sacra ancora est, & morituros ea muniūt) quæ in fine adhiberi solet. Eo autem tempore extra urbem ad alium decumbentem euocatus eram, sed cum intellexissent me rediisse, denuo ad ægrum accitus fui, quem ex priori morbo, à quo videbatur euasisse, magis debilem inueni, dentibus stridebat, nares palpa-

palpabat, quæ mihi præbebant suspensionem vermium, qui in eiusmodi febribus putridis & malignis sæpe adesse solent. Cumque eo tempore per duos dies rursus aluum non deposuisset, clysterem iniicere iubeo, ad materiæ putridæ auersionem, quæ ad caput tendebat, surditatem & delirium inferens: ita clyster paratus erat. & iuris pulli decocti cum lactuca, viol. maluæ lib. j. cassiæ extractæ ℥ j. ellect. hieræ picræ (ob vermes & materiam aliquo modo pituitosam: nam aliquando etiam præter delirium sopore afficiebatur) ℥ β. olci oliuar. viol. ana ℥ j. β. salis ℥ j. fiat clyster. bene excreuit, & vermem in excrementis conspeximus. à clysteri parum melius habere visus est, delirio nondum ex integro sedato. At cum per interualla ad se rediret, dicebat se subinde dolorem modò circa ventriculum, modò totum ventrem sentire. Verùm cum confectione sequenti vteretur, quatuor deinde vermes admodum longos vomitu per superiora & quatuor per aluum vnà cum excrementis valdè malè olentibus deiecit. Tale erat ellectuarium in tabul. & species diarod. abb. species diad. frig. species cordial. coralli rubri (nam fluxus quasi symptomaticus postea accessit) cornu cerui vsti omnium subtiliss. puluerisatorum ana ℥ β. dissol. in aqua portul. bugloss. adiecto zach. albiss. q. s. fiat confectionis in tabul. capiebat bis in die ℥ ij. vel iij. interim ad somnum conciliandū & delirium tempora inungebantur cum oleo mandrag. pap. & vng. populeo simul mixtis. Altero die, dictu mirum, cum continuo ex istis tabulis fumeret, denuo adhuc quatuor vermes vomitu, deinde adhuc quatuor per secessus magno impetu reiecit, quibus mox fluxus cessare cœpit & pristina sanitati restitutus fuit, antea tamen

furditas cessauerat, iuxta illud prognosticon Hippoc. lib. 4. aphor. 60. inquiens: quibus in febribus aures obsurduerunt; sanguis ex naribus fluens, aut alijs turbata, soluit morbum cum furditas hæc euenerat: vt & Gal. refert in commento eiusdem aphorismi, ob biliosa excrementa retenta: vnde & delirium, cum hæc ad caput recurrant, & turbatione alui cessauit furditas. At delirium non ita subito, nisi post vermes deiectiones vaporibus ex putredine ad caput elatis, nunc minus euaporantibus: cæterum expulsis vermibus febre cessante præter omnium opinionem curatus fuit. Hic autem erat omnium ægrotantium postremus, quem præ manibus in Gallia in nostris curationibus habuimus, quanquam & alios antea habuerimus, de quibus suo loco. Nam post hunc curatum patriam accessi, vt & amicis ac ciuibus in morbis curandis inseruirem.

S C H O L I A.

HÆC erat febris maligna & acuta, quæ licet septimo videbatur sopita, postea rursus inualescens, pessima symptomata produxit, cum & septemdecim vermes in totum reiecerit, qui in eiusmodi febribus putridis spectantur, qui suo fæctore non minus quam humores calidi euaporantes delirium adferre solent. in hac curatione illud notatu dignum, quod cornu vstum (vt sapius alias experti sumus) maximè confert in febribus eiusmodi malignis, vbi fluxus adest, & vermes etiam intestina lancinent. Et quanquam hac febris in principio non videbatur maligna. circa vigorem seu statum symptomata peiora emerferunt, licet hæc fuerit continua acuta non exactè, sed potius per decidentiam cum 20. die prius fuerit soluta. erat tamen valde maligna ob seuè symptomata, quanquam huic vires aded non fuerint deiectiones, quin morbum grauem, licet præter

præter opinionem multorum, tandem superauerint. Et ided medicum non solum in febris acuta, sed etiam in omni morbo meminisse oportet, si salutem aut mortem ægri denuntiare velit, ut hæc tria probè cognoscat, ægritudinis vehementiam, & ægri virium quantitatem, & statum ipsius ægritudinis. Quemadmodum enim impossibile est aliquem scire, qui onus sustinet, num ad eum locum peruenire possit quod tendit, nisi sciamus eiusdem qui onus sustinet, vires, & quantitatem oneris, ac spaciū via, qua tendit. Mors enim aut vita habetur ex virium dispositione & signis alterationis vniuscuiusque duarum rerum & sui contrarij. at quanquam vires maxime ex pulsu cognoscantur, in febribus potissimū acutis, Hippocrates iussit ut omnium primò faciem ægrotantis contemplaremur: nam hæc ipsa si repentè macilenta euaserit absque causa manifesta, ea ipsa nobis semper suspecta esse debet, quemadmodum & in acuta febre vultus quidem toruus aut minus quàm par sit pro morbi vehementia fœdatus, aut præter rationem bene habitus, tutus non est, cùm & facies liuida subitò facta non solum malum, sæpius & mortem prænuntiat. Vbi enim videris in febre acuta duobus aut tribus primis diebus faciem tordatilem euasisse, malum vtiq; signum est: quia significat vehementem calorem præter naturam humido prædominari, ac membra exsiccare & depascere, cui virtus resistere non potest: ita ut plurimum terminetur ad mortem. interim circumspectandum, ut Hippocrates monet; ne decipiamur nunquid talis euaserit ob nimiam vigiliam, ob ventris fluxum præcedentem; tunc minus malum hoc signum esse iudicabitur. At illud obseruatu dignum; quod in febre acuta in facie seu genis macula nigra oborta lethales sint, cùm Sauonarola refert se ex tali prognostico magnum honorem esse consecutum. At oculorum ratio maxime etiam consideranda, si lumen refugiant & si ager in fe-

Signa prognostica febribus acutæ.

in febre acuta non videat, signum solēt esse lethale, cum & strabismus per se solum in hac febre malum significare soleat. Vbi verò agri auersentur lumen cum animalis virtutis casu sape pro lethali signo habitum est; modò non fiat ob dolorem fortem, nam eius ratione ipsi agri tenebras captant. Intuitus persistens absque palpitatione & motu malus censetur, & lippitudo valdè sicca ita & nasus tortuosus propinquitatem mortis ob conuulsionem designat etiam compressus, sed & aqua citrina è naribus stillans quandoque mortis signum præbuit. neque illud signum bonum est iuxta Auic. si ager digitum assidue in nares demittat, quasi eas expurgaret absque causa manifesta. quibus & attractio aëris continuè in naribus fiat, quicq, anhelitu piscium odorem aut butyri redolent, illud quoque pro malo signo habetur. Aures frigida contracta & fibra earum versa malum notant si quæ sordēs aurium dulcescant, ab antiquis & Galeno pro lethali habebatur. Si per febrem acutam etiam obsideruerint, pestiferum; nisi alius cita, tum cruor è naribus fluens, vt paulo antè dictum est, accesserint. Dolor quoque auris in febre acuta, vt Auicenna refert metum incutit si agrum quiescere non sinat, ita vt sape lethalis fiat, nisi ex iis quid fluxerit, idq, potissimum in senibus. quamquam in iuuenibus etiam mortem inferat, antequam abscessus fiat & saniem fundat ob sensuum vehementiam eorundem. Vbi quoque caput repentiè dolet ac vehementer agrum affligit & præcordia iensa & reuulsa fuerint, insaniam aut delirium portendunt, nisi sanguis è naribus fluxerit. lingua si exasperetur & nigrescat in 14. quandoque moriuntur. vbi os exsiccatur & febris increseat, malum. Scistio labiorum in febre acuta, inflammationem arguit aliquando & crisin, si cum alleuiatione contingat in die critica, bonum est: fætor malignus ex ore egrediens, in febre acutis significat maximam putredinem, & sape lethale habetur.

betur. At videndum ne decipiamur. potest esse corruptio quæ in corpore lateat vt in secundina retentione aut fœtu in vtero mortuo existente: vti euenit, M. Iohannis Buggij vxori, quæ tamen euasit, fœtu corrupto per partes expulso. vox robusta & loquela concinna, bonum: è contra malum, os manens apertum, ac siccitas linguæ exsuperas, labia incrassata vel subleuata in febribus acutis malum. Stigmata supra linguam & tubercula instar cicercum nigra, lethalia à nonnullis censentur. Asperitas linguæ & siccitas excedens, delirium & phrenitidem quandoque præagit. præ suffocationes gutturis prauæ cum mors instet, at sine spuma lenior est colli contorsio deglutionem auferens, pessima, & si potus per nares reiiciatur, cum & testiculi contracti vnà cum virga in febribus acutis mortem subinde intulerunt. Somnus profundus ex virium imbecillitate, malum indicat: & si senes in febribus acutis multum dormiant, fidere non oportet, cum robur deiectum sit, floccos euellere, paleas colligere mortem propinquam esse sapius arguunt. Dolor vehemens ac calor internus, cum partium externarum frigiditate inflammationem internam notant, ac pro malo signo & plerumq. lethali habetur. liuor digitorum ac vnguium mortificationem præagit: decubitus supinus in non consuetis, frigidiq. sudores in febre acuta mortis nuntij sunt; in mitiore morbum longum denuntiant. dentes lenta sorde infecti febrem magnam adesse testantur, anhelitus è corpore exiens frigidus, malum: nam caloris innati extinctionem præfert, at interceptus non minus malum esse intelligitur. pulsus caprisans cum virtutis deiectione, formicans, dicrotus, diuersus cum magna duritie malus. Hæ quoque mala febris nota sunt, sopor, vigilia, caligo oculorum, singultus, lassitudo, exudatio, animi deliquium, inquietudo, sanguinis stilla, pusilla, sudor frigidus rigorem sequens, atrabilis per initium sursum vel deorsum erumpens.

pens. vomitus sincera bilis, magis si niger aut viridis humor prodit. Nocet aluus ex toto suppressa, vel nimium soluta, ut agrum in cubili non patiatur conquiescere, maxime si liquida, pallida, alba, spumantia deiciat. mala quoque, exigua, levis, tenax, alba, & livida, biliosa, cruenta, pinguis, aut insueti foetoris materia. Aluus varia, quæq; strigmentum, cruorem, bilemque, viridem fundit, aut quæ post longam aegritudinem sincera est. Lumbricos quoque per febrem deici tutum non est, præcipuè ante morbi declinationem. Sed sub acuta febre viuos eos excludi, haud iuxta periculosum est, potissimum ad meliorem iam valetudinem inclinante homine, at vita cassos exisse prorsus inutile est, idque declinante morbo; per principium tamen febrium mortuos esse præstat, viui enim pestem minuunt. At noster ager partim viuos partim mortuos eiecit circa finem morbi, quamvis vnum tantum cum primo clysteri eiecerit, reliquos postea, & hic saluus euasit. Antequàm ad alia signa prognostica progrediamur prius exemplum interponamus: nam exemplis (quæ nunc diximus & quæ postea dicturi sumus) hic tractatus multo clarior euadit.

OBSERVATIO VIII. DE FEBRE

ACUTA CONTINVA XIII. DIE PER

fluxum sanguinis narium terminante.

IVVENIS annos natus viginti septem, in otio viuens, quamvis biliosus ac hepatis calidioris, qui cum itinere pedestri se ipsum fatigasset, ac ad hospitium veniens ceruissiam crassiorẽ bibens, rursus sese itineri accingens, sudore madidus, cum domum peruenisset ac siti ingenti premeretur, cumque ceruissiam tenuiorem bibisset admodum copiosè, maximam angustiam pectoris incurrebat, ut difficulter anhe-

anhelitus trahere posset, exiguo rigore correptus fe-
 brem continuam incurrebat, quæ die sequenti ma-
 gis increfcebat, rigore amplius non superueniente:
 capite supra modum dolebat, sitiebat, & quæ bibe-
 bat ilicò euomebat, quæ valdè amara erant: ad hunc
 accitus, cùm feces eo die excreuisset, & venæ satis
 amplæ apparerent, quamuis in homine bilioso, tem-
 pore quoque verno existente, licet magis ad finem
 ver tenderet, sanguinis vncias octo ex basilica dextri
 brachij illicò demere feci, & vt paulò pòst ʒvj. aquæ
 hordei, cum ʒj. ꝑ. sy. de limonibus adiecta esset, ebi-
 beret mandauì. prima quidem vice euomuit, sed post
 meridiem cùm idem iuleb. sumpsisset, retinuit. nocte
 subsequenti melius habere visus est. At manè re-
 diens valdè incalescebat, dolore capitis tunc magis
 increfcente. quarto die atramentum cassiæ ebibit,
 quo multa liquida & malè olentia & biliosa excre-
 uit. Quinto cùm valde sitiret, neque calor febrilis se-
 se remitteret, hunc syrupum sequentem propinaui
 ꝑ. sy. de ribes acetositis citri de succo acetosæ ana
 ʒj. aqua end. cichoræ borag. ana ʒij. misce pro
 duabus vicibus. hæc enim faciebant ad febris ma-
 lignæ acedrinem domandam ac infringendam,
 quæ spiritus lancinat & vires dissoluit. Sexto pauca
 biliosa reddidit, & cùm non bene dormiret, hordea-
 tum sub noctem exhibuimus. Septimo die vrina
 quidem erat rubra cum leui sublimento. Nono prius
 subsidebat, vnde ægrum sperare iussi, cum octauo
 die præcedente dilutum rhabar. sumpsisset, quo &
 multa deiecerat. Decimo hunc iulebum longum pa-
 rare iussimus, cùm calor febrilis nondum ex integro
 cessaret. ꝑ. rad. cichorij dentis leonis macerat. in
 aceto ana ʒß. flor. viol. nenuphar. borag. ana ꝑ. j.

acetosæ

acetosæ end. cichorij dentis leonis viol. borag. ana m. ß. hordei mundati p. j. sc. quat. frig. maior. ana 3 j. sc. acetosæ portul. ana 3 ß. prun. sebesten. ana numero xiiij. liquir. rasæ 3 iij. fiat decoct. in aqua communi pro lib. j. ß. sy. de limonibus, de acetos. citri oxizach. simplicis ana 3 j. fiat iuleb. capiat in auro-ra & vesperi 3 vj. eo se delectari aiebat. Vndecimo sudare cœpit, & lotium crassum rubrum mingebatur, per se aluum illo die deiecit, vti & 13. die. at sub noctem peius habuit, capite supra modum dolebat, oculi rubicundiores. 14. die sanguis è nare dextra copiosè admodum fluxit, & data opera ipsum fluere permittebam, neque remedium aliquod pro eo sistendo moliebar, quanquam assistentes timebant ne ex nimio fluxu animi deliquium incurrisset, ab eo tempore melius habuit & pristinæ sanitati restitutus est, victu conueniente eundem refocillando.

S. C H O L I A.

Indicia vrinæ in febribus acutis.

VRINA hic in principio quamvis erat tenuis & rubra postea crassescens, & subsidens salutarem morbum præsignabat: dictum enim est antea Scholia Obser. 6. huius libri, quod vrina iudicium in febribus, præ reliquis signis etiam maximam vim habeat. At pessima est diluta alba in acutis febribus, quæ & periculum insaniam præsignit. Æquè inutilis, in qua quod subsidet, subrubrum aut liquidum est, aut tenuibus filamentis, fursuribusve simile quid representat. Sed minus efficax est eius signum in febribus pestilentibus, quamvis bona, agrè ad mortem tendat, de quibus suo loco. Mingunt quoque agri pessimas ac malas vrinas, quæ cum sit expulsio cretica, pro bonis habentur. Si igitur bona cum aliis signis bonis, bonum præsignit: si mala cum malis, malum. Si retineatur, aut parum mingi-

mingitur in febribus acutis malum significat, & pugnam vehementis aegritudinis & natura quæ superatur, decumbit aut vincit, laborem in nocte & materia crassitiem: in febribus non ita acutis longitudinem notat. Quando vrina mingitur subtilis & deinde crassefcit, febrem vehementis adustionis cum signis malis significat, inflammationem in hepate: & si crassa mingitur, & clara euadat ante crisim, non est bonum. crassa verò & turbulenta in qua non subsidit aliquid & non clara fiat ebullitionem humorum indicat ob vehementiam caloris extranei, debilitatisq, virtutis coquentis; & ideò mala. Vrina nigra in febribus nisi aliunde venerit à renibus, vtero, lethalis, & pauca exiens ceteris paribus deterior, significans maiorem humiditatis absorptionem, & quantò crassior, eò malignior. Aquosa quoque perseverans foetida, nigra, crassa, mala rubea verò cum rubedine subtili, cum signis malis mortis velocitatem arguit. Vrina turbata quæ hyposthasim crassam velociter faciunt, significant velocitatem morbi cessantis 4. aphor. comment. 72. Quæ hyposthasim non faciunt turbata, si vires fortes, longum morbum: si debiles, mortem indicant. Vrina habens nebulam rubeam in quarto die, in septimo crisim facit; at alba adhuc certior & dignior est. 4. aphor. 73. comment. si nebula sit in medio suspensa, continua, equalis. Vrina habens hyposthasim laudabilem vna die, & alia non, signum est, quosdam humores concoqui, alios nequaquam: & ideò longa aegritudo significatur 2. prog. comment. 26. Vires aegri igitur consideranda, si fortes, & expectare poterit finem morbi, nec ne, vt rectè iudicemus & victum præscribamus. Vrina si nigra fuerit & ad croceum colorem in circulo vergat, cum febre acuta sine aegri alleviatione, lethale. Vrina sine aliqua hyposthasi in febre acuta & ita permanens, nihil boni significat. At ea erat laudabilis quæ hyposthasim albam atque subsiden-

L tem,

tem, aequalem, continuam, leuemiq, habeat sic perdurans vsque ad crisin; hac fida est, & nuntia salutis, & breuitatem agritudinis significat. Qua hac caret, diuturnitatem morbi presagit, neque fida est: vt habetur 2. prog. text. 26. Rubra verò cum simili hyposthafi, longam quidem agritudinem notat, sed fida ac nuntia certa salutis: 2. prog. text. 27. arguit enim sanguinis dominium cum aquositate; Galeno interprete: & in febribus sanguineis magis commendatur. Nebula pendens in vrina, si alba, bona: sin nigra, mala. Alba, diaphona, clara, & citrina morbum crudum notat. 2. prog. text. 30. & si virtus fortis, digeretur, sin debilis, morietur infirmus.

OBSERVATIO IX. DE FEBRE

continua, biliosa, acuta cum apthis.

VIR triginta annorum, macilentus, exiguae staturæ, biliosus, qui in horto Henrici Moermeesterij pharmacopæi nostri habitabat, magno onere oppressus, cum baiulus frumentorum esset, per totum diem fatigatus, mox refrigeratus, in febrem incidit biliosam, malignam cum apthis, tempore autumnali, cum etiam hæ publicè grassabantur, cum febribus etiam excrementis habentibus. Hic cum secta illi vena esset, ac sanguis ad vncias sex extractus, ac insuper syropos refrigerantes acetosos ebibisset, neque calor febrilis diminueretur: quarto die cum alium non deponeret, hoc sequens medicamentum ebibit. & cassiæ recenter tractæ ʒvj. pulpæ thamarind. ʒiij. elect. de succo ros. ʒij. Aquæ end. ʒiij. ꝑ. sy. ex multiplici infus. ros. ʒj. misce, fiat haustus. quo multa biliosa, & tenuia egressit. interim pro apthis utebatur hoc gargarismo. & plantag. viol. bellidis

bellidis minoris ana m. j. hordei communis non ex-
corticati ad maiorem absterfionem \mathfrak{z} j. vel p. j. se. ci-
thon. \mathfrak{z} j. β . bulliant in aqua communi pro lib. j. colæ
adde diamor. sy. granatorum ana \mathfrak{z} j. mellis ros. co-
lati \mathfrak{z} β . misce pro oris collutorio & gargarismo. Hoc
quoque iulebo utebatur \mathfrak{R} . decoct. hordei mundati
feu aquæ illius claræ lib. j. sy. granat. sy. de ribes oxi-
zach. simplicis ana \mathfrak{z} j. misce. Vrinæ erant tenues, ru-
bræ, & in medio suspensa habebant diuulsa, non sub-
sidebant nisi circa septimam: octauo igitur die cum
aluum non deponeret, hoc medicamentum purgans
dedi. \mathfrak{R} . rhab. selecti \mathfrak{z} j. β . schœnanthi \mathfrak{z} β . infunde,
per noctem facta prius leui ebullitione in \mathfrak{z} v. aquæ
end. manè fortiss. expressioni adde mannatis selecti
(quia erat eius vxor nutrix filiæ pharmacopæi, idèd
sumptus ferebat) \mathfrak{z} j. misce, & fiat haustus, ex quo
quinquies multa tenuia, biliosa iterum egressit; nocte
subsequenti melius habuit. Verùm die sequenti cum
calor febrilis nondum ex integro cessaret, ad hepatis
infrigidationem me conuerti, & sequens epithema
præscripsi. \mathfrak{R} . aquæ end. \mathfrak{z} vj. aquæ ros. \mathfrak{z} ij. santalor.
rub. \mathfrak{z} j. β . spicæ \mathfrak{z} β . spodij \mathfrak{z} j. aceti \mathfrak{z} j. β . misce pro
hepatis epithemate. Ad cordis quoque refrigeratio-
nem etiam hoc sequenti, in aliis quoque simili febre
laborantibus, commodè vsi sumus. \mathfrak{R} . Aquæ ros.
 \mathfrak{z} iij. aquæ acetosæ buglossæ ana \mathfrak{z} ij. aquæ mellissæ
 \mathfrak{z} j. santali rub. \mathfrak{z} j. β . coralli rub. \mathfrak{z} j. santali citrini \mathfrak{z} β .
caphuræ gra. iij. croc. gra. ij. vini optimi \mathfrak{z} j. misce
pro cordis epithemate: quibus calor multum miti-
gatus est. capiebat etiam triassandalum in tabul. \mathfrak{z} ij.
superbibens \mathfrak{z} j. aquæ endiuivæ. postea in vrinis sub-
sidentia alba lenis conspiciebatur. sudauit & iudica-
tus est perfectè vndecima die. At alteri qui hoc eo-

dem tempore decumbebat, cūm vrinæ in principio inconcoctæ essent, postea etiam nigræ, & quædam in medio suspensa innatantia habentes rotunda, non subsidentes, septimo obiit. cui etiam conuulsiones multæ cum sudore circa mortem non aliter quàm Erasino (de quo narrat Hippocrates) euenit, qui habitabat circa Bootæ torrentem, qui post quintum, cūm insaniisset, neque se continere potuerat, similiter mortuus est, cui & extremitates frigide, subliuidæ erant; cuius historiam habes i. De morb. popularibus.

S C H O L I A.

H V I C primo agro cūm in vrina subsidentia alba, lenis præcessisset, & sudauerat, perfectè 11. die iudicatus, & sanatus est: quemadmodum & Melidia apud Hippocratem 1. De morbis vulgaribus euenit, quæ iuxta Iunonis templum decumbebat, cui & vrina perpetuò boni coloris erant, licet tenues, postea in ipsis etiam subsidentia alba, lenis, sudore subsequente. Alteri verò mors subsequuta (vti Erasino apud Hippocratem 1. De morbis vulg.) cui vrina nigra: ita quoque vrina aquosa, foetens, nigra, lutosa, crassa, turbida, mala: aquosa enim arguit inobedientiam materia & virtutis digerentis impotentiam: nigredo verò extinctionem, mortificationem, adustionem. Turbulenta in augmento, conturbationem extremam in humoribus, & tunc lethalis est. In statu autem & declinatione minimè, cūm contingat per modum repurgationis vel mundificationis, cūm humores, & superfluitates vrina permisceantur. Aquosa verò cuius substantia est tenuis, & color eius albus, significat indigestionem humoris in fine, & debilitatem virtutis efficientis coctionem. Neque hæc signa bona sunt post appetitum, post longas febres, cibum fastidire cœpisse, aut multos sudores adesse eosq; frigidos, aut eos

Melidia ægrotans 1.
De morb.
vulgaribus.

Erasinus.

Signa mala.

aut eos non ferri toto corpore aequales, sed circa caput tantum, & circa ceruicem. Ad hac sudoribus febrem non finire, aut post hos horrorem incidisse. Auriginem ante coctionem, vel ante febrem, vel statim cum ea incœpisse. Aequè horrendum, febricitantem multum atque crebro spirare, itemq; in sexto die incepisse inhorrescere, difficulter ferre morbum, præterq; rationem sine vasorum inanitione imbecillum esse, minoranteq; febre insudare, aut modò frigidum, modò calidum esse, variisq; saepe coloribus affici. Tum etiam quod aliqua parte corporis abscessit, id non maturescere, sanitatemq; non consequi, aut ipsum inter hac ægrum passis manibus pedibusq; supinum cubare, somnum totis noctibus non videre, quantumvis interdum is accedat, peiusq; est, neque per noctem, neque de die inquietare, sed continuam vrgere implacabilem vigiliam. Vide de vxore Philini in Thaso apud Hippoc. 1. De morb. vulgaribus ægrotantem, cui somni non aderant, extremitatesq; frigebant, & in sexta delirabat, & in 8. similiter & in 11. cui etiam circa 14. diem palpitationes per totum corpus, sermones multi, parum resipiscebant, verum statim rursus delirabat. Circa 17. voce destituebatur, vigesima mortua est. Sic & in Dealcis vxore lib. 3. De morb. popul. quæ in Leio decūbebat ex febre horrida acuta, quæ ad finem perpetuò, semper tacita manibus palpabat, vellebat, scalpebat, pilos legebat, lachryma & rursus risus, non dormiebat: nona delirans: 14. spiritus rarus, magnus per tempus, & rursus breuispira. 20. sermones multi, voce destituta 21. mortua. Contra quoque malum iugi ægrum somno sopiri. Atque hac sunt quæ terrere metu periculosa febres possunt. magis autem in senibus, quibus, Hippocrate teste, febres acuta non similiter fiunt: quod si fiunt, plerunque lethales sunt, aphor. 14. lib. 1. & Galenus in comment. rationem latius declarat. Sic Petrus aduocatus in Hagha

Vxor Philini.

Vxor Dealcis in Thaso.

Comitis, præ aliis omnibus senior, cui Rotro, à Roterodamo nomen erat, annos natus 84. cumq; pedes ex Hagha Delphos venisset atque iterum redisset, vena huic in renibus rupta est. Hippocrates noster diuinissimus, corpus de repente mouere rectè periculosum pronuntiavit aphor. 51. libri 2. plurimum atque repente euacuare &c. Quamuis id in iunioribus minimum periculi fortè portendit: in senioribus verò ac debilioribus, periculosissimum. Huius lozium cum ad me transmissum esset, cum sanguinolentum, ac de vena rupta prænuntiassem, tandem coram ægrum me vocarunt. Cumq; eundem inuenirem ex febre acutissima decumbere, eumq; delirare & per nares sanguinem stillare, in sene mortem prædixi: at cum aluus non flueret, lenitiuum exhibui, quo bene excreuit, & ad somnum conciliandum etiam hordeatum: sed cum nihil proficerem, præhabito prognostico, vitam cum morte finiebat. quemadmodum & senex presbyter ille Iohannes de Blaysvÿck annorum 82. cuius mater numerosam prolem pepererat ad 24. vsque. Hic cum pedestri itinere ex Hagha Comitibus Delphos iret, in acutissimam febrem, tum pleuritidem incurrebat, ad quem vnà cum Cornelio Ericio Leydio Collega meo accitus, medicamenta nihil iuuarunt, circa finem mensis Augusti anno 1565. obiit. Rarissime senes ex febre acuta euadunt. Et sic suprascripta in febribus acutis medico non sine ratione metum incutiunt. Hæc verò subsequenter bona signa perhibentur. Si aurigo (teste Hippocrate) septima febris die vel nona, vel 11. vel 14. mollibus præcordiis oritur: vt Pastori quondam Haghano euenit, ac aliis multis: Si æger morbum facile sustinet, nulloq; conflictatur incommodo: si mente constet: si bene se habeat ad ea quæ offeruntur: si neque somno, neque vigilia nimia opprimatur, noctu dormiens, & vigil interdum: Si post somnum firmiter est & leuior: Si non difficulter spirat, quod certè signum omnibus

Præfagia salutis in febribus.

omnibus febribus, quæ intra diem 14. finiuntur, principem inter bona locum habet: Si denique constat appetentia, vel ab initio seruata, vel etiam post cibi fastidium orta: Si præcordia sine vilo sensu doloris, æqualiter mollia parte dextra sinistraq; sunt. Quod si quoque vomitus incidit, si is mistus est ex bile & pituita: si id quod in vrina vel subfidit, vel in medio suspenditur, vel superius innatat, sit album, lene & æquale. præstabilius autem est si nubecula ad imum matula consistat. Si insuper deiectionis alui mollis est, & probè figurata & rufa vel modicè citrina, neque supra modum foetens, eiusq; moles assumpti cibi respondet, & si fiat eodem tempore quo per secundam valetudinem eruptio fieri solebat: si totum corpus sit æqualiter molle ac calidum, æqualiterq; resudat. Si sudore maximè in die critico febris conquiescat: Si æger facillè conuertitur; si decubitus sit naturalis: Si ea quæ ex corpore efferruntur, sine multa molestia & post concoctionem efferruntur: Si post eandem concoctionem Labra, nares, aut lingua extremum finduntur, pustulisq; minutis exulcerantur: Si denique concoctio citò fieri incipit cum pulsu constanter bono; & vt summam dicam: Si principes virtutes earumq; actiones fortes sint vel debiles. hæc enim præcipuè iudicium confirmabunt. & idèd Auic. 2. quarti signa, inquit, bona sunt, tolerantia ægritudinis, fortitudo virtutis, similitudo formæ, quæ & in sanitate aderat, etiam si accidentia fortia adfuerint, pulsus bonus, eiusq; fortitudo, concoctionis bonitas, crisis, & alleuiatio post eam, anhelitus facilis, leuitas post somnum, situs iacendi commodus & somnus naturalis. Signa quoque bona cum forti virtute festinam; cum debili, tardam sanitatem: ex aphor. 14. lib. 1. Deterior est febris acuta in pueris quàm in iuuenibus: senibus quoque ob frigus minus acuta sunt: si fiant, sunt periculosa & plerumq; tendunt ad perniciem, ob debilitatem

Auicenna.

virtutis, resistunt temperaturæ senili, quæ frigida & sicca est, minusq; accenditur. Ceterum qui exactè de febribus acutis prædicere velit, oportebit omni hora agro assistere, nam propter subitum motum illarum, iudicium medici quantumvis experti, plerumq; si omnia non animadverterit, facile perturbatur. Huc spectant quæ Hippoc. de præsagiis scripserit, & quæ Gal. De crisi- bus annotauerit, & quæ apud Auicennam quoque narrantur lib. 4. fen. 2. tract. 1. De prognosticis & cris. & tract. 2. De principio ægri- tud. Huc quoque referuntur, quæ de temporibus februm habentur, quatenus sint vniuersalia vel particu- laria. Vniuersalia quidem, quæ totius morbi siue febris cir- cuitu absoluuntur. Particularia, quæ paroxysmi siue ex- acerbationis partem metiuntur. Rursus vniuersalia non so- lum penes morbi essentiam, sed & penes symptomata & materia alterationem distinguuntur. De his omnibus vide Galenum, tum alios, qui hanc rem copiosè tractarunt, qui- bus modis & status morbi cognoscatur. nam sine horum cognitione nunquam rectè curabis, aut victum probè insti- tues. Copiosè etiam de his agit Argenterius, tum alij quàm plurimi & Gordonius. De temporibus. vide quoque Auic. 4. can. cap. 3. & Aët. ser. 5. cap. 2.

OBSERVATIO X. DE FEBRE

PUTRIDA, CONTINUA, QUAMVIS

lenta, cum alui retentione.

MVLIER quæ ad forum frumentarium Del- phis decumbebat anno 1572. mense Octo- bri, febre putrida, licet lenta, correpta sub noctem magis exasperante. hæc omnia longo tempore euo- mebat, excrementa vsque ad sex dies retenta erant. Medicus imperitus qui hanc inuisebat ecligmata tantum

De tempo-
ribus febrü.

tantum præscripsit, vnde magis ad vomitum irritabatur. At cum hæc mēspila deuorasset suomet consilio. vomitus aliquo modo repressus fuit, febre magis crescente. Ad hanc tandem accitus; cum iam ultra quatuordecim dies ferè decubuerat, neque sectione venæ in principio vsa esset, eam nunc in debili satis ægra tentare nolui, multo minus cum iam ultra sex dies aluus retenta fuerat: licet enim hic putredo esset atque obstructio, vltima facta indicatione ab euacuatione primarum superfluitatum alui, ab ea tanquam prima in curatione progrediendum duximus. Sed quia valdè debilis erat & macilenta & vires ex longiore morbo deiectæ à leuioribus medicamentis incipiendum esse rati sumus. Cum itaque nec clysterem, nec balanum admitteret ℥ j. β. manatis selecti cum iure pulli ad aluum emolliendam statim propinauimus. Sed cum ex eo leniente medicamento aluum non deponeret, postridie ℥ β. folior. sene in decocto communi infusum leui prius facta ebullitione, atque expressum dedimus, in exigua quantitate, ne nauseam aut vomitum (ad quem prona erat) concitaret, cuius ℥ iij. adieciimus ℥ vj. elect. lenitiui sy. ex multiplici ros. ℥ j. quo optime aluum deposuit, & cœpit deinde melius habere febre etiam quæ non valdè acuta erat, paulatim desinente; ita vt mea opera amplius se non egere diceret.

S C H O L I A.

QUOMODO febres optima methodo sint curandæ, præter Hippocratem & Galenum ac alios præstantissimos medicos plurimum in hac re laborarunt, etiam huius sæculi medici eximij, vt Argenterius, etiam Donatus ab Altomari qui Galenum contra Argenterium defendit, hoc si

1. Indicatio à morbo, quæ in plures particulares deducitur.

libet perlegere poteritis. Et quantum ad primam indicationem quæ sumitur à morbo, cum febris morbus sit sui ablationem indicat: vt liquet 8. meth. medendi cap. 1. cumq; hac sit intemperies consistens in caloris abundantia, ea refrigerari debet: vt Galenus 11. meth. cap. 7. De particularibus indicationibus doctè agit. præterea & humectari, cum & siccitatem copulatam habeat: vt 9. method. cap. 4. & ita per contrarium excessum curatus. vt eodem 8. method. constat, siue ea effectū, potestate vel ex accedēti refrigerent, vt 11. meth. cap. 5. scriptum est. Sed quia in febribus putridis septem res occurrunt præter naturam, vt Aëtius lib. 5. cap. 74. ex mente Galeni scripsit, à quibus indicationes colliguntur. Humorū, inquam, copia, crassities, lentor, obstructio, transpirationis detentio, putredo, & febris non intermittens, singulis earum ex aduerso medebimur: multitudini inanitione, crassitudini attenuatione, lentori abstersione, obstructioni apertione, transpirationi detentione, si fuerit ob quippiam impactum cuti, cum discutientibus occurremus: si propter condensationem, cum his quæ rarefaciunt: deinde putredini cum abstergentibus, alterantibus, immutantibus: postremo feбри cum refrigerantibus: hinc si virtus valida & plethora adsit, sectionem venæ imperamus: si cacochymia, etiam purgamus. At rursus si refrigerando affectum vitiosum ad naturalem habitum & temperiem deducere oporteat, idē quoque naturalis corporis temperies, quoad fieri potest haud quaquam ignoranda erit. ex hac namque indicatione sumpta, contrarietatis modus, seu mensura simul cum eadem febre desinitur, ita vt per ea febris auferatur, seruetur tamen naturalis corporis temperies. non satis est admouisse calido affectui frigida, nisi id debita mensura fiat: & licet hoc sit difficile, tentandum tamen ex propriis signis, ea inuenire, quæ libro De temperamentis scripta sunt, tum verò ultra hac quo magis scien-

2. Indicatio ab hominis temperie, ex qua plures aliæ nascuntur.

gis scientifica notitia sit (inquit. Gal. 9. meth. cap. 15.) ex
 etate, & tota anteacta vita, exercitio, victus ratione con-
 stat, cui & regio, anni tempus, calis status, conuersatio ad-
 iunguntur, ita vt hac ratione in partes plures orientur par-
 ticulares scopi, febris curationem indicantes, siue maius eas
 coindicaciones appellare. Tertia deinde indicatio, ab aëre
 ambiente sumitur, quæ & plures alias parit. nam ex quot
 causis immutetur, tot etiam peculiâres scopos producit:
 nam omnes quotquot sunt apud Galenum, ad has tres præ-
 cipuas referuntur. interim vires quæ semper sui custodiam
 indicant, præcipuè sunt consideranda. de quibus agitur po-
 tissimum à Gal. 9. & 11. method. Cùm igitur hic alius
 resisteret, ea mollienda erat: quo factum est, vt ager caco-
 chymia depulsa melius habere cœperit, & à febre liberatus
 fuerit. Et ita in febribus putridis continuis prius sanguinem
 extrahimus, si vires admittunt, maximè in principio; dein-
 de purgamus, vbi abundantia simpliciter non adfit, sed e-
 tiam humorum aliorum; deinde etiam ad obstructions
 tollendas accedimus, & ad febrilem calorem alterandum
 & refrigerandum. At rursus febris quatuor requirit me-
 dicamenta, primum leniens, vt superfluitas in primis viis
 auferatur. atque hac lenientia in triplici sunt differentia.
 nam si materia sit in superiore parte ventriculi, vomitorio
 indiget, debili quidem si sint superfluitates biliosæ vel a-
 quosæ & tenues. mediocri verò, si crassæ, viscidæ, pituitosæ.
 lenia sunt iuxta Auic. syr. acetos. simplex, acetum, aqua
 hord. tepida, ius pulli: mediocri oximel. simplex vsque ad
 succum raphani cum prædictis. ab oleis abstinendum. ideo
 pessimè faciunt medici imperiti, qui non oleum febricitan-
 tibus exhibent tantum, sed & antimonium. Noui quen-
 dam medicum, qui oleo vsus est in muliere cereuisiaria
 febricitante, quæ postea relaxato ventriculo nihil retinere
 potuit. Alia lenientia sunt, clysteres lenientes, vel supposi-
 toria.

3. Indicatio
 ab aëre am-
 biente, quæ
 plures alias
 parit.

Febris qua-
 tuor requi-
 rit medica-
 menta.

toria. Statim in principio non utendum elect. lenitivo: quia aliqua electivè purgantia intrant. Secunda materia medicamentorum, est ipsa præparatio & expurgatio. & hæc rursus duplex, alia cruda, quæ indigent præparatione: cocta verò expurgatione. reliqua sunt diuretica & sudorifera, quæ non exhibentur nisi in fine. hæc satis est admonuisse, de quibus alios auctores perlegito. huius subsequens observatio sit pro exemplo.

OBSERVATIO XI. DE FEBRE
PUTRIDA, CONTINUA, LENTA,
cum humorum crassitie.

PVELLA pituitosa habitu crassiore, quæ apud cerevisiarium habitabat, in febrem putridam continuam, quamvis lètam, incidit cum humorum crassitie, syrio ardente: cùm tamen plus æquo incallescere pro habitu suo, fecibus communibus prius eductis cum cassia, altero die exiguum sanguinis ex vena interna brachij dextri extraximus, sed quia sanguis erat crassior & pituitosus, postea ad incidendos crassos humores præparandos, aquam hordei propinavimus cum oximelite. Deinde cùm materia nobis videbatur magis cōcocta, hanc purgationem exhibuimus. ℞ diacatholici. ʒvj. diaphcenici ʒij. dissolue cum ʒiij. aq. hordei (propter febrem continuam licet lentam) oximellitis simplicis sy. ex infus. ros. ana ʒβ. misce, fiat haustus. Postea decoctum ad obstructions liberandas hoc modo præscripsimus. ℞ corticum rad. feniculi apij cichorij dentis leonis ana ʒβ. acetosæ capill. ven. dentis leonis ana m.j. absynthij communis m.β. se. anisi, feniculi cucumeris, melonum ana ʒj. vuar. pass. enucleat. ʒβ. liquiritiæ rasæ ʒiij. hordei mund. p.j. fiat decoctio
in aqua

in aqua communi pro lib. j. colaturæ, adde oximell. simplicis sy. acetosi simplicis ana ʒj. β. misce, fiat apozema. 14. die hæc ipsa paululum cœpit sudare. Cùm postea circa ventriculum nonnihil doleret, has tabulas in officina parare iussimus. & specier. aromat. ros. sine musco (ab eo in mulieribus abstinemus, ne morbo vterino capiantur) ʒij. specier. diarod. abb. ʒj. 2^a ch. albis. ʒj. β. dissolutis in aqua absynthij fiat confectio in tabulis. sub finem verò etiam vinum Rhenanum cōcessimus, quod quidem aquosum est, obstructions tollit, & vrinam prouocat. hæc autem 20. die à febre liberata fuit.

SCHOLIA.

QVAMVIS vena sectio nec obstructions tollit, sanguinem tamen exiguum eduximus, nō euacuationis gratia duntaxat, quemadmodum in ea quæ ex abundantia gignitur, sed reuulsionis causâ id potissimum fecimus. prohibetur enim obstruentium succorum defluxus ex tali vena sectione, auctore Gal. 11. meth. cap. 10. saltem etiam ipsis humoribus crassis vel lentis existentibus. id autem quod factum est obstructionis, per ea quæ obstructa liberant, curabimus nempe detergentibus & extenuantibus, quare cum crassi humores magis erant parati & extenuati, eos purgatione, quæ tamen febrem non auget eduximus, & quod reliquum fuit per vrinas & sudores expellere conati sumus.

Sectio venæ non semper fit causa euacuationis sed reuulsionis.

OBSERVATIO XII. DE FEBRE

solo minorante pharmaco expulsa.

FAMVLA quæ apud zythepfam decumbebat ex capitis dolore, febre satîs valida correpta fuit, epoto medicamento purgatorio minorâte sequenti, paulò

paulo post sana facta est. & diacatholici 3vj. elect.
lenitiui 3ij. dissolue cum 3iij. β. decoct. communis
sy. ros. solutiui 3j. misce, fiat potio. qua egregie pur-
gabatur; interim vt calor febrilis membris adhuc in-
hærens infringeret, duobus sequentibus diebus ex
hoc iulebo bibens, cum satis continua febre afflige-
retur, in totum liberata est. & aquæ cichor. end. bo-
rag. ana 3iij. sy. acetos. simplicis oxizach. simplicis
sy. viol. ana 3j. misce pro iuleb. pro tribus vicib.

S C H O L I A.

Vtrum in
principio in
febre liceat
vri pharma-
co mino-
rante.

QUÆRITVR à medicis vtrum in principio in fe-
bribus minoratiua pharmaca conueniant modò hoc
ipsum sit leniens, sed strenuum lenientibus addendo aliquid
exigui medicamenti electiue, vt vocant, educentis, vt tan-
tum sit calcar in respectu ad leniens medicamentum, potest
exhiberi. interim non probamus medicamentum omnino
electiue purgans, quo non est vtendum in febre salubri,
modò materia non sit furiosa aut turgens. Minor ante igitur
vri licet. huius quoque exemplum habemus apud Ama-
tum centur. 3. cur. 39. qui etiam solo minorante pharmaco
à febre satis affligente curatus fuit.

OBSERVATIO XIII. DE FEBRE
continua cum fluxu symptomatico.

PVELLA viginti annorum, filia illius cereuisia-
rij, pro cuius ædibus gripho insigne erat, anno
1572. mense Nouembri, in febrem cōtinuam lapsa
est, ad quam post nonum diem prius ingressus: hæc
ipsa subinde delirabat, vermes quoque multos vnà
cum fluxu symptomatico deiciebat, multa corrupta
biliosa, liquida per plures dies egerebat, modò sopo-
re, modò vigilia afficiebatur, subinde non constabat
mente,

mente, rursus quæ dicebantur intelligebat. Varia huic præscripta sunt, tum amigdulata, quæ tamén gustare noluit. cornu cerui vltum huic propinatum est ob vermes. & vmbilicum inunximus oleo coto-
neorum, puluere cornu cerui adiuncto, etiam pauca cera immixta: tandem vsa multis conditis, quæ fluxum impedirent & putredini ac calori febrili resisterent, ad se rediit, & appetitum habuit ad lac acidum cum oriza sumendum esse proposuimus: quo cùm delectaretur, fluxu illo symptomatico interim cessante, 21. die à febre liberata est, & proba victus ratione vtens viribus restauratis, tandem præter multorum opinionem perfectè sanitati restituta est.

S C H O L I A.

F L V X V S symptomaticus viros deiecit, rarò aliquid boni adfert, & magnam putredinem vermes deiectione vnà cum fluxu indicabant, sed fluxu cessante, vrinam multam subsidientiam habentem reddidit, quæ magnam salutis spem præbuit, talis enim à mentis emotione liberat teste Hippoc. 6. De morb. vulg. qualis erat Dexippi. 21. in hac puella febris indicata est.

Vrina multam subsidientiam habens.

Dexippus.

OBSERVATIO XIII. DE FEBRE
CONTINVA, BILIOSA, QUÆ
à Galeno τριμηνίως dicitur.

A L E X A N D E R Balbianus Pedemontanus (vulgus lumberdum vocabat) pater illorum quatuor puerorum, qui arsenicum seu auripigmentum sumpserant, qui à me curati fuere, cuius historiam ac curationem aliàs dicturi sumus, cum de venenis sermo fiet. Hic autè Balbianus cùm Antvverpia domum venisset mense Septembri, in febrem biliosam

biliosam incidit satis continuam, quæ finitima tertianæ esse videbatur, à Galeno τεταπφυνς dicta. Capite supra modum dolebat, in principio urinam crudam & inconcoctam meiebat, siti premebatur, quamvis non vehementi, bilem in principio accessionis euomuerat, licet febris absque rigore inuaserat. Huic ptisanam pro potu dedimus, & ut hunc syrupum sequentem sæpius sumeret, mandavi. ℞. sy. viol. ʒj. β. sy. de limonibus ʒj. misce. Cùm autem manè illum accederem rursus, vrina magis tincta fuit, febre eundem plus quoque vrgente, ac dolore capitis magis aucto. Quare huic vena secta est, & sanguis ex flexu brachij dextri extractus, & melius habuit: die subsequenti urinam optimam cum pendente nebula minxit. Sexto die mannate selecto ad ʒij. cum fero lactis epoto, multa excreuit. Deinde septimo sanus factus est. quemadmodum etiam pedissequa Dominæ de Orange mense Augusto præcedente, etiam simili febre decumbens, cui die 3. Augusti hunc iulebum propinaui. ℞. sy. de limonibus ʒj. aquæ cichor. borag. ana ʒj. β. misce. altero die cùm & hæc aluum per se deposuisset, vena secta fuit ad vncias quatuor, non plures: quia debilis & biliosa. Quinto deinde die medicamento leuiter purgante in modum boli assumpto, & ita parato. ℞. elect. lenitiui ʒvij. pulpæ thamarind. ʒj. fiat bolus. multa excreuit (quia facilis solutionis) & biliosa: ac demum septimo die cùm sudasset, curata fuit. Interim cum eodem tempore euocatus essem ad generosum Comitem Fredericum de Hollach Gheertrudebergæ decumbentem, de quo lib. I. Scholia Observat. 13. mentio habita est, imperavi ut victu adhuc humectante & refrigerante vteretur, nempe hordeato quo prius

prius vsa fuerat. & hordei mundati p. j. amigd. dulc. depilat. ꝑ. j. ꝑ. sc. 4. frig. maior. mundat. ana ꝑ. j. fiat hordeatum circiter lib. j. & saccharo rosaceo perlato dulceretur: & quia debilior & valdè macilèta, etiam ius caponis, in quo lactuca tenella incocta erat pauca adiecta agrestia, concessimus.

S C H O L I A.

CONTINVA autem biliosa tertiana dicta, seu tertiana finitima, est duplex: vna quidem ex natura & mox ab initio talis; altera verò (vt etiam doctè annotauit Iacobus Syluius suo tempore apud Parrhisios professor regius, & amicus noster quondam & familiaris, in suo Commentario de febribus) permutatione ex synocha putri generatur. Cum enim bilis celerem ex sanguine putrente generationem habeat: fit vt synocha putri succedat mox non melancholica febris sed biliosa: quæ caloris leuitate, & ceteris symptomatis simplicior & mitior & blandior manus medici occurrit. qualis calor à balneo est: tamen is plurimus est: sic & pleuriticis rubrum spuentibus febris tertiana, circuitionis proportionem, per accessiones seruat: sed simplicior atque clementior, quàm quæ cum sputo flauo statim ab initio biliosa fuit. Id quod frequentissimum est. Sic in phlegmone largior sanguis, quàm

Febris continua tertianæ finitima.

Aph. 33. lib. 6

M

dum.

dum. At cum biliosarum continuarum sanissima sit causos, seu febris ardens, ad hanc nostra nunc conuertatur oratio, postea de illis continuis biliosis, qua tertio quoque die exacerbantur, ex flaua bile orta.

OBSERVATIO XV. DE FEBRE

ARDENTE LETHALI.

IODOCVS Rysvickius, Iuris vtriusque Licentia-
tus, vir egregie doctus, annorum triginta, rara
constitutionis, macilentus admodum & biliosus,
qui paulò ante Euam Teylingiam iuuenulam, co-
gnatam vxoris meæ in vxorem duxerat. Cumque
paulò largius apud amicos in secundis nuptiis tum
apud alios vino sese impletuisset, licet etiam aliquot
diebus dolore capitis afficeretur, & eum parui face-
ret, vt neque à vino potenti, neque à Venere absti-
neret. fuerat autem hic longo tempore viduus à Ve-
nere abstinens, verum coniugio denuò copulatus,
ea liberaliore vsus fuit. Hinc à potu vini calidioris &
Venere in causam vel febrem ardentem licet in asper-
rima hyeme anno 1562. videlicet mense Februario
incidit. Decumbebat autem in Hagha Comitum in
ædibus honestissimæ matronæ Burchiæ Matris Do-
mini præsidis Hollandiæ. Secundo autem die acci-
tus est Hugo Nieuenius medicus Haghanus, & atra-
mento cassiæ præscripto cum alium non deponeret,
tertio die sanguinem extrahere fecit, mox & iulebos
refrigerantes humectantesque præscribit, & alia quæ
illi necessaria febri ardenti videbantur. Cumque sin-
gulis horis in peius æger vergeret, septimo die ad
eum quoque vocatus fui: cruciabatur tunc intolera-
bili ac ingenti siti, lingua non tantum arida, sed &
nigra erat, os verò supra modum amarum: cum au-
tem

tem lotium inspexissem quod fortè reſeruatū erat ac in atrio poſitū, album quidem inſtar aquæ claræ, ac tenue, Domino præſidi Hollandiæ Cornelio Zuzio auunculo vxoris præſenti, qui mihi ſtatū ægritudinis tunc explicabat, antequā adhuc ægrotum vidisſem, medico aſtante nondum præſente, delirium ſtatim adfuturum prædixi ſimul ac mortem, ex tali lotio in febrī ardente. Vix autem cubiculum ægri ingreſſus, eodem ferè momento, æger cœpit delirare, quod delirium vſque ad mortem adeo vehemens durauit, vt à fortiſſimis viris in lecto detineri non potuerit. Poſtquam autem adhuc diligenter ægrotantem inſpexisſem, augebāt præſagium meum, toruus aſpectus, oculorum inconstantia, frequens motus digitorum, pudendi oſtenſio & verecundia ablata, veſtium & ſtragulorum plicatio, feſtucarum collectio & ſimilia. Iſtis malis ſignis perſeuerantibus etiam mortem nono die exſpectādā prædixi, cū eſſem in ſeptimo, in quo delirare cœperat, ad vndecimum diem morbum ita acutum non poſſe extendi, prædixi; & ita euenit, quanquam medico aſtante nonnihil adhuc ſperante, qui iam etiam acceſſerat. Verū ſtatim delirio inuadente, ac vrina cruda tenui permanente, cū aphoriſmum illum diuini noſtri Hippocratis ac ſenis venerandi 72. lib. 4. in teſtimonium huius prædictionis adduxiſſem, ita dicentis, quibus vrinæ albæ & perſpicuæ, malæ, præſertim ſi in delirantibus appareant, facile medicus in meam ſententiam ibat. Vrinæ enim tales (vt Gale- nus in commento dicebat) extremam cruditatem ſignificant, quare & morbos longos faciunt. Quædam verò ex iſtis, cū anticipauerint vires diſſoluere, ſunt pernicioſæ, veluti in deliriis. Nullum enim

vidi delirantem, in quo talis vrina apparuisset, salutem. Apparent autem tales in delirantibus qui exitio proximi sunt. Dediimus tamen operam ut vigili ac deliranti somnum induceremus reinedis ad hoc aptis, attamen frustra, delirio non cessante, ac nono ut prædixeramus mortuus est.

SCHOLIA. *Dei quod lib. 20*

Causus nomen homonymum.

KΑῦσος Græcè (Latine combustio seu ardor) nomen homonymum est, non tantum in toto corpore, verum etiam in vna eius parte gignitur, ut constat apud Hippoc. & Galenum, in stomacho, pulmone, ieiuno intestino, imò in carne ipsa, ut habetur 4. De vict. rat. morb. acut. Eodem lib. textu & commento 1. & 2. hanc febrem ardentem oriri scribunt, non ex bilioso humore tantum, sed ex pituita salsa, & tertianam quoque esse de genere ardentium febrium. Vide Gal. 2. De diff. feb. cap. 3. & 8. De Hippoc. & Platonis decretis, cap. 6. cum ait acutissimas & ardentissimas febres oriri à slauabile, & tertianam ex febrium ardentium numero esse: nam 2. De cris. cap. 6. eandem profert sententiam de tertiana continua cum & hanc exquisitam ardentem nominet. Interim commento aphorif. 58. & 59. lib. 1. & 4. De morbis vulgar. tertianam sæpius ab ardentibus separat. Hinc plurimi hallucinati sunt cum diuersa de febre ardente scribantur. Sed hic intelligendum, quod causus alius sit proprie dictus: alius vero communiter ita appellatus. Proprie autem dictum, per vehementem totius corporis caliditatem, inextinguibile inque situm circumscribi, tanquam per propria ac pathognomica signa. Hanc etenim febrem, cum videlicet vrens caliditas situsq. incompefcibilis hominem torquent, καύσος (hoc est ardentem) simul cum reliquis medicis simplicem ac exquisitam appellat: idem Gal. citato lib. 4. De rat.

Causos proprie dictus.

vict.

videt. Et 3. De morb. vulg. inquit quod non appellabitur
ardens febris, nisi adiunctam perpetuo habeat per totum
morbum sitim assiduam atque exurentem calorem. Huic
causæ opponitur is, qui communiter & non ita proprie sic
appellatur, videlicet si in vna parte fiat, ob quam non de ne-
cessitate sitim pariat, aut etiam in totius corporis carne
eum generari contingat, ut diximus eiusdem Galeni aucto-
ritate, citato lib. 4. De rat. victus, sit autem & hic ex ipsa
etiam flaua bile. Rursum causus ardens propriè dictus etiam
bisariam distinguitur. Nothus non ex bile sed ex salsa pi-
tuita; Exquisitus vero non nisi ex eadem putrescente bile.
atque hæc febris ardens exquisita, quam & Galenus acu-
tissimam & ardentissimam nominat, ut liquet 2. De crisi-
bus 3. potest esse continua, vel in omnibus vasis putrescens
vnam habens accessionem vsque ad finem, vel plures ut
tertio die videatur magis affligere, quamuis non intermit-
tat. & ita apud Galenum potest esse continua & circuitus
habens & continens, ut latius patet apud Alimatum De
feb. med. par. 2. cap. 7. quem poternis perlegere. At causa
febris ardentis exquisita, sit à flaua bile pura intra vasa
prope cor putrescens, præcipue in iuuenibus calidi & sicci
temperamenti, tempore æstiuo, ob longum iter longan-
sitim, vnde venula arefacta acres calidas fluxiones ad se
traxerunt. nam & causa tertiana febris intermittens
maximè exquisita etiam ardentis febris causa esse possunt,
modo fuerint validiores. & sic causas habere potest pro-
catarticas res non naturales, quæ siccant & inmodicè
calefaciunt, ut vehemens ardor solis, liberalior potus vini
potentis, longa sitis, alimenta calefacientia, exsiccantia,
labor plurimus, Venus inexhausta, vigilia, quibus omnibus
vena exhauriuntur, exsiccantur, & sanguis biliosus effe-
rescit, & bilis ipsa flaua procreatur, augetur, & subse-
quitur febris ardens, quam à bile pura vel sanguine pluri-

Text. 13.
comment. 3.
Text. com-
ment. 34.

Causos no-
thus.

Causus ex-
quisitus.

Causæ le-
gitimæ fe-
bris ardentis.

Centur. 3.
Curat. 33.

mum bilioso putrescente in magnis vasis cordi & ventriculo vicinis fieri dicunt. Et licet causos legitimus maxime solet in aestate oboriri, præcipue vero iuuenibus & biliosis, sicuti contigit quoque iuueni illi de Castello. Ante annos circiter triginta nato, natura bilioso, ad vstionem inclinante (vt narrat Amatus) vigente canicula, cum coisset cum puella ita laboriose, vt genitale semen coitus tempore non emisserit: ab hoc igitur contracto labore, & humorum agitatione, ac membrorum lassitudine, in causon febrem siue ardentem lapsus est, quemadmodum & hic noster ager, de quo nunc agimus, licet tempori non conueniebat, cum in hyeme hic exorta fuerit, attamen habebat maximam proportionem cum eius temperatura nempe valde biliosa, vtpote Iuueni triginta quoque annorum, constitutionis admodum rara & macilenta, ita vt hic causos satis legitimus fuerit, valde perniciosus, qui iuuenem hunc nono die exstinxit.

OBSERVATIO XVI. DE FEBRE

ARDENTE, SEPTIMO DIE PER
fluxum sanguinis narium terminata.

IVVENIS 28. annorum biliosus ad aduersionem tendens militiæ deditus, post graues labores & inædias quas perpeffus esset, bile coaceruata, tempore æstiuo in febrem ardentem incidit: cui & hæc symptomata ab Hippocrate 4. De vict. rat. morb. acut. descripta subsequiebantur lingua aspera, sicca, postea etiam nigra, deiectiones liquidæ & pallidæ, sitis vehementior & vigiliæ ac mentis abalienatio. Ad hunc vocatus nempe secundo die, cum vires vtrumque constarent, sanguinem ex vena interna brachij dextri detrahare feci, postquam intellexeram quod sectioni venæ assuetus esset, quam nunc per annum

annum intermiserat. sed circa vncias sex tantum perfluere permisi, cum venæ etiam vtcunque tumida essent: interim à venæ sectione statim propinaui iulebum quod frigidè ebibebat. & Aquæ end. cich. lactucæ ana \mathfrak{z} j. sy. nenuph. de acetos. citri ana \mathfrak{z} ß. misce. retinuit autem per duas horas, postea biliosa euomuit, & ter liquida eo die etiam biliosa excreuit. Sub noctem tamen minus delirabat. quare etiam ad somnum conciliandum dabam hordeatum, cui semē papaueris album etiam immistum erat. Pro alteratione & refrigeratione sumebat rob. de ribes, lactucam conditam aqua gelida conspersam, & cerasa acida. & ribes cum vuis suis conditam, qualis & in aula Principis Auræici ad febres acutas destinata condiebatur. Tertio die cum per se aluus cita esset & adhuc biliosa deiiceret, hunc syrupum sequentem propinaui, ad bilem reprimendam & extinguendam potius, quàm constringendam. & sy. de granatis acidis, de agresta, de acetos. citri ana \mathfrak{z} j. aquæ acetosæ, lactucæ cichorij ana \mathfrak{z} ij. misce, fiat syr. pro duobus dosibus. Quarto die etiam hoc conditum præscriptum est. & confer. folior. acetosæ \mathfrak{z} j. conferuæ flor. nenuph. \mathfrak{z} ß. confer. flor. ros. \mathfrak{z} ij. se. portul. lactucæ pul^{torum} ana \mathfrak{z} j. sy. de ribes \mathfrak{z} j. misce. Vesperis ad somnum conciliandum sequens sumebat. & sy. pap. \mathfrak{z} j. sy. nenuphar. \mathfrak{z} ß. aquæ lactucæ \mathfrak{z} iiij. misce. interim & lacte muliebri puellam lactante tempora fouebantur, & minus tunc mente alienabatur. In quarto quamuis vrina erat rubra licet nondum subsideret, habuit nebulam suspensam. Quinto die cum calor febrilis nondum mitigaretur, sequēs epithema vt hepatis admoueretur iussi. & aq. solani cichorij end. lactucæ ana quadr. j. specier. triasand. \mathfrak{z} j. aceti pa-

rum misce: deinde quoque hepar inungebatur vnguento ros. & pro corde ad maiorem refrigerationem sequens epithema quoque præscriptum est. R. Aquæ borag. buglossæ ana ℥ j. aq. ros. viol. nenu-
pheæ ana quad. j. trocif. de camphura ꝑ j. diamarag.
frig. ʒ j. ossis de corde cerui pul. ꝑ β. vini albi ex-
gūum. fiat epithema cum panno rubro scarlato (ut
fieri solet) administretur. Calor febrilis aliquo his
videbatur mitior; alioqui dedissem illi aquam in qua
psilij semen maceratum est, quod in bona quantita-
te Amatus in Iuvene de Castello ex ardente febre
decumbente, de quo scholio præcedente mentio fa-
cta est. à cuius potu membra totius corporis refri-
gerari cœperunt, & ipse paulò melius habebat. At
sexto die æger rursus deliravit, & insigni capitis do-
lore torquebatur: septimo die yrina crassa & iam
subsidente, è nare dextra multum sanguinis emana-
uit, & præter aliorum mentem sanatus est, me tunc
bene sperante (cùm astantes illud pro malo omine
haberent) iuxta illud scriptum Hippocratis 4. De
rat. viêt. in morbis acutis, & si è naribus fluxerit san-
guis, soluitur ægritudo: atque si sudores supervene-
rint, iudicatorij legitimi cum vrinis albis crassisque
& læuibus subsidentis, recordatus etiam sum illo
tempore illius dicti Hippocrat. 1. De morbis vulg.
quod febribus ardentibus hæc accidebant. Quibus
ritè & largiter sanguis per nares erupit, ea de causa
maximè seruabatur. nec vllum noui, si rectè ei pro-
fluxisset sanguis, in hoc statu quemquam mortuum.
Nam Philiscus quidem, Epamenon & Silenus, qui-
bus parum quarto die & quinto naribus stillauit,
mortem obierant. Sed de his latius in scholiis suo
tempore.

Philiscus.
Epamenon.
Silenus.

SCHOLIA.

SIGNA propria ardentis febris eximia & pathogno-
mica sunt, sitis incompefcibilis & exurens caliditas, vt
liquet 3. De morb. vulg. commento 3. tex. & comment. 34.
Sitis quidem vt etiam 4. Collectaneorum apud Auerroem
habetur, modò non accedat tussis parua proueniens ex hu-
miditate dissoluta per fortem caliditatem, quæ veniens ad
carnes glandulosas gula seu faucium, & ad pulmonem
seu eius partes, ipsam remittat, vt habetur aphor. 54. lib. 4.
Quibus plurimum sicca tussès leuiter irritantes in febribus
ardentibus sunt, non multum siti infestantur. secundo ex
respiratione difficili, ob calorem thorax moleste dilatatur
& constringitur, flammeis vaporibus (teste Galeno) per
expirationem egredientibus, præterea à dolore capitis, vi-
giliis pertinacibus, atque delirio, ex materia biliosa, calida,
sicca, & sæpe adest inquietudo, vt in vno loco permanere
non possint, ex mor su ventris biliosæ deiectiones plerumq;
estq; fluxus sanguinis narium familiare quidem indicium,
sicuti & delirium quasi peculiare eiusdem existat: facile
enim disrumpuntur venæ ex calore, sicut vitres ac dolia ex
musto feruescente, vt liquet 1. De morb. vulg. comment.
2. tex. comment. 63. & 66. ob etiam vapores calidos e-
leuatos facile delirant. vrina plerumque tenuis est & ru-
bicunda, incensa, lucens, scintillans, nigrescens quandoque
ex forti incendio, sed in causo pestilenti magis liuida,
etiam subinde viridis. Sudor in principio febris huius raro
apparet, sed in fine lingua arida, sicca, aspera, nigra, ob
immoderatum calorem 4. De rat. vict. cap. 5. & 1. De
loc. aff. eiq; proprium quasi huius febris signum, estq;
aliquando tanti vigoris, vt etiam labia fiant nigra. Hic
pulsus sunt vehementissimi, frequentes, veloces atque du-
ri: sed quales sint in lethali postea explicabitur. Hic & a-
lij addunt appetitus deiectionem. plura vido apud Paul.

Signa febris
ardentis.Ex respira-
tione.Dolore ca-
pitis, vigilia,
& delirio.A fluxu san-
guinis na-
rium.

Ab vrinis.

Sudore.

Ex colore
linguæ.

Pulsus.

lib. 2. cap. 28. Apud Gal. verò & Hipp. 4. aph. 54. & 53. 6. aph. 26. & 4. De rat. vict. & in comment. 1. in 4. 9. atque 11. & 4. De prasag. 1. & 2. De prasag. ex puls. etiam 5. 1. & 4. De diff. pul. cap. 1. & 3. & diff. respi. rat. 11. Tertio epid. sect. 3. comment. 7. & 34. & 6. epid. sect. 2. comment. 21. ex istis locis omnia signa huius febris sumuntur. Signa autem prognostica exsequentibus exemplis lucidiora euadent.

OBSERVATIO XVII. DE FEBRE

ARDENTI CVM VRINA TENVI,

pauca & nigra mortem inferente.

NICOLAUS Verdunius, Vir nobilis, Principi Illustri Auraico, si quis alius, gratissimus, triginta quinque annorum, viduus, etiam Veneri deditus; cum sese equitando impensè exercitasset in autumno, anno 1563. tandem in febrem ardentem incidit. Quidam referebant, prius in ipso quasi exanthemata in cute apparuisse, quæ cum parui momenti ea esse putaret, æquè se exercuit ac aëri se exposuit, ita vt intro reperiussa eadem rursus delituerint, ac paulo post febris ardenti corripit. Cum hic in Hagha Comitum decumberet, venæ sectio per Hugonem Nieuenium medicum eius astantem adhibita est, tum alia remedia conuenientia ab eodem præscripta sunt, Postea Cornelius Heydius medicus Delphésis collega meus & ego simul vnà ad agrum vocati sumus: quem perpetuò vigilem inuenimus, cui & anxietas quædam ab initio quoq. aderat, somnia etiam insueta terrorem & metum incutientia eundem infestabant, lingua arida & sicca erat, biliosa simul & tenuia deiciebat, spiratio difficilis, decubitus

cubitus admodum grauis & molestus, motus cordis vehementior; pullus celer fatisque debilis, absque subsidentia. Cùm autem delirium adfuturum metueremus, somniferis frigidisque atque alterantibus medicamentis communi consilio vsi sumus. Verùm quarto die sæuissimis symptomatis obortis, cute squalescente vestes conuellere visus est; floccos carpere, & stragula colligere, voce quidem clangosa apparente, mox quoque delirauit. Et aucto deinde delirio, somniferis remediis nullo modo iuuantibus, etiam è lecto exsiliēbat, ita vt tandem à quatuor viris potentissimis seu fortissimis in lecto contineri non potuerit, vt in furorem quasi adactus, mente amplius non constiterit. Post quartum diem vrinæ tenues, paucæ, nigræ atque crudæ: manente autem in eo furore omnia ad interitum tendebant, sudore leui in fronte apparente, etiam cum rigore ante signa coctionis. Mortem igitur in septimo vel paulo post prædiximus: quibus signis perdurantibus obiit.

S C H O L I A.

AD MODVM vehemens hoc genus febrium est, ac breui finitur, maxime verò in iuuenibus & post annum trigesimum. Pueris autem rarius apparet & decrepitis, quibus quoque præcipue lethalis est. si protinus ab initio signa exhibet mala, quarto moriuntur: sin bona, etiam illis soluitur, vix aliquibus post septimum manet. & ideo cùm hic in quarto signa mala augerentur, septimum vix transire potuit. quamuis eodem tempore Iuuenis nobilis Iacobus Heuterus corpore tamen crassiore minusq; macilento aut bilioso, huius assiduus comes, sine vxore etiam viuens, cùm similiter equitando se quoque exercuisset, simili febre correptus fuit, quamquam non ita delirabat, hic

Signa prognostica.

bat, hic cum alios medicos non admitteret (licet in eius-
 modi acuto malo socium libenter in curatione habuisset)
 nisi me solum retinere voluisset. At hic Deo adiuuante per
 me curatus fuit, cum etiam extremè laboraret. Ceterum
 hac febris ardens non raro etiam in pulmonis inflamma-
 tionem vertitur, vt Iohanni Henrico Bodello Alcmariano
 evenit. id verò vbi sit in propinquo exitum est, quemad-
 modum & huic Bodello contigit, qui cum delirio in septi-
 mo obiit, quem & icteritia ante septimum inuaserat. Nam
 hac ipsa quemadmodum si quis inhorrescit, non solum in
 ardente, verum in aliis febribus continuis ante materia
 concoctionem periculosa sunt: magisq; si vis corporis ad-
 modum imbecilla est, vbi post rigorem ager non recalescit,
 vbi continua vigilia, vel sopor, vel delirium est, vbi vox
 intercipitur, aut aures obsurdescent, aut collum vehemen-
 ter dolet, præcipue in his quibus proclius insania est. Vbi
 ager quid accepturus manibus tremit, vbi vehemens sitis,
 simulq; ingens corporis squalor est, aut vbi lingua nigri-
 cante totoq; ore præsiccò nulla hominem sitis virget, simul
 os præter consuetudinem male olet, vbi singultus incidit,
 præcipue post citam aluum, aut post sanguinem sine modo
 effusum, vel quibus guttatim è naribus stillat. Dictum est
 prius familiarissimum eis esse, qui sic febricitant, sanguinis
 è naribus profluvium, vt liquet citato lib. 1. De morb. vulg.
 quod etiam in aliis febribus malum est ex eodem Gal. 4.
 De rat. vict. morb. acutorum. Quodq; non solum sanguinis
 è naribus stillatio, sed qualibet exigua excretio, in febr-
 bus potissimum ardentibus, prava sit, idem Galenus decre-
 tum reliquit 2. porreth. supra text. 67. sub his verbis. Ex-
 cerni pauca in agris vnum quoddam ex signis est, quæ ex
 toto prauitatem habent, siue sanguis per nares excernatur,
 siue deorsum per ventrem, siue per vomitum tale quip-
 piam, quod superfluum sit, excernatur. Idem & in sudoribus

Quando
 propinquū
 exitum est.

Sanguis gut-
 tation è na-
 ribus stillas.

ribus est, & hic quæ per vterum excernuntur. & reddens causam subdit. Nihil etenim eorum quæ decretoria existunt, exiguè excerni conuenit, sed quæ ita vacuantur, omnia duorum alteram subeunt. Nam vel quòd non queant tolerari ob copiam, ab affectis effunduntur partibus, vel imbecillitatem ostendant natura, quæ proponit quidem superflua excernere, sed nequit. Si sanguis è naribus fluat, materiam quæ causam facit in venis existere significat, quod si rigor superuenierit extra vasa membris sensibilibus vicinam ostendit. Raro autem vtrumque simul euenit; quod si vna vice simul contingant, malum signum quidem erit, materiam & intus, & extra per totam occupari. Urina nigra, tenues, pauca exitium quoque huic nostro egro minabantur: nigra enim ab adusto iam humore proueniebant, pauca, quia sanguinis humor aquosus, ab ardente febre rostrus erat, & significabant instrumenta urina iam emortua esse: tenues, quia à natura bilis non euicta erant. Iam quoque in pueris ardente febre correptis animaduerti lethale esse, si venter nihil redderet & nullus accederet somnus, si & colorem is saepe mutat, continenterq; plorat; si quidem huic proxima distentio neruorum est. Non solum in his sed in aliis quoque, vbi cum acuto capitis dolore præcordia reuelluntur, neque tunc sanguis è naribus fertur, aut vbi hunc casum biliosa aluus, aut tormina, itemq; coarum vel genuum dolor, neque comitantur neque tollunt. Si promptissimum delirium est, vbi viscera grauis dolor fatigat, simulq; neruorum oritur distensio. Vbi simul præcordia dolent, simul somnus profundus tenet, aut vbi ventriculo grauis ardor, aut morsus molestus utique est, aluus quoque cita biliosa, vel vbi deiectio penitus retinetur, continuo dolore caput exerceme. Aliud nunc exemplum febris ardentis lethalis adferamus, vt rectè de iisdem atque similibus predicere possis.

Urina pauca nigra.

OBSERVATIO XVIII. DE FEBRE
ARDENTE PARIBVS DIEBVS
exacerbationem habente lethali.

CÆMENTARIVS in nosocomio Delphis statim ab initio febre ardente canicula tunc æstuante correptus est, à qua parum rigeat, in somnis erat, grauiter angebatur, sitibundus, fastidiosus, paululum in fronte & clauiculis sudabat, at nequaquam per totum corpus, multum delirabat, timor & inæstitia huic aderant, extremitates subfrigidæ summi pedis magisque manus, accessiones diebus paribus eundem affligebant, aderant summatim ferè omnia pessima illa signa apud Hippocratem scripta 1. De morb. vulg. qualia suo tempore in febribus ardentibus spectabantur, quæ exitium impendere declarabant: nam plurimi quarto die magis laborabant, sudores diutissimè frigidiores, extremitates non iam ad calorem redibant, sed liuidæ erant & subfrigidæ, nec sitiebant. Ad hæc vrinæ his erant nigrae, tenues, paucae, & alui erant duræ, nec profluxit è naribus sanguis, ne hic quidem quibus hæc accidunt, sed parum stillarunt, neque recidua vlli horum aduenisse expertum est, ad septimum diem cum sudore exspirabant. Eadem ferè huic cæmentario euenerunt: nam sub febre ardentissima quæ paribus diebus exacerbationem habebat, vltima corporis infirmitas aderat, ita vt certa perniciēs iam denuntiabatur, delirio & rigore accedentibus. equidem is qui mentis vsu caret in febre ardente delirans, si taciturnus fiat voce tamen non priuatus (quemadmodum huic ægro contigit) qui cum in lecto ligaretur ne exsiliet, & taciturnus esset, non diu post & hic sexto die mortuus est.

SCHOLIA.

Si incipiente ardente febre confestim parum rigeant laborantes prauum signum est. Et idem rectè dicebat Gal. in commento loci citati. Quod verò statim à primo rigerent, proprium erat prauitatis. Etenim indicare ardentes febres rigor solet, non tamen elacere statim decretoria oportet. Nam auctore Hippocrate aphor. 58. lib. 4. febre ardenti laboranti rigore superueniente, solutio fit. bile siquidem, ex qua febris ardens habuerit originem, expurgata. Rigor quoque in causo magis quàm in tertiana continua superuenire solet: quoniam materia subtiliter magis virtutem stimulat. Si tamen rigor initio, gutta sanguinis è naribus stillantes maxime in secundo die, vel singultus, vel dolor in visceribus euenerunt, non sine timore & periculo talia euenire consueuerunt. Rigor post signa coctionis in causo, bonam prænuntiat crism, in principio verò ante coctionis signa, malum, imò perniciosum his fuit, cum pessima symptomata eiusmodi in perniciosis istis febribus contingant, nempe ab initio rigentes statim, vigilantes, fastidiosi, ad hæc in fronte & clauiculis parum sudantes. Nam & vigiliarum & angoris symptoma semper exitiosum est, nedum in principio vt sudare. Iam verò delirare, quod est absurda loqui, id est desipere, læsum significat cerebrum. Timores verò magnopere acris & deustæ flaua bilis symptomata sunt. cognate iam timoribus sunt mæstitia. Quod in fronte & clauiculis sudant, prauum est, cum & sudor non frigidus syncopen minatur: frigidus verò exiens pessimus, qui etiam iam syncopen adesse testatur Gal. 1. prog. & propterea rectè dixit Hippoc. aphor. 37. lib. 4. frigidi sudores cum acuta quidem febre mortem, cum mitiori autem longitudinem morbi significant. Sudor frigidus in quarta apparens in febre ardente, mortem in sexta minatur. At partium quoque extremarum

Prognostica
lethali ex
rigore.

Delirare.

Timores.

Mæstitia.

figus

Ab extrema-
rū partium
frigore defi-
pere.

frigus perniciosissimum febribus ardentibus symptoma est & signum, quemadmodum etiam desipere, febris astu-
caput inflammante. Cum proprium sit & familiare febribus
acutis vti extremis partibus corporis, quæ si quando refri-
gerentur, regionesq. ardeant ad viscera continentes, in
corporis medietate coactum sanguinem esse indicio est: ex-
trema autem membra sanguinem desiderare, refrigerari,
& semel emori, desitiente iam ea natura. Et ita frigidi-
tas cum lividitate in febre ardente mortem præcendit, quod
si etiam tunc rubedo in facie ac oculis adsit, cum eloquio
valde ponderoso, eodem plerumque die commoritur eger.
ita & Hippocr. scriptum reliquit aphor. 44. lib. 4. In febr-
bus non intermittentibus, si partes exteriores sint frigide,
interiores verò urantur, & sitim habeant, lethalis. & a-
phor. 1. lib. 7. in morbis acutis frigus partium extremarum,
malum. Iam accessiones cum diebus paribus fiunt à princi-
pio statim, interim ad sextum diem pessimum iudicium
fore prænuntiant: interim in longum producendum mor-
bum. At si quidem admodum moveantur, quarto die præ-
quam habente accessionem, ad diem sextum de vita dece-
dunt, præsertim verò, cum dolores, dolorifica omnia sym-
ptomata & sudores frigidiores in quarto diutissime per-
manebunt. & ideo rectè etiam dixit Hippoc. aphor. 16.
lib. 4. quod morbi qui diebus paribus iudicantur, male iu-
dicantur, ac libenter repetunt: nam & febris nisi diebus
imparibus reliquerit, solet recidivam producere. Quod ve-
rò extremitates livescerent, neque eis amplius calor redi-
ret, demori eas indicat & est argumentum constans non
posse ultra diem sextum vires sustinere, eoque magis cum ad
signum exitiosum, astuantes amplius non sitirent. Atqui
quando qui antea siti flagrarent, postea essent à siti liberi,
horum duorum sit, necesse est alterutrum, aut morbi solu-
tio, aut virtutis extinctio: ita ut præsentia mala amplius
non

Ex accessio-
nibus, quæ
paribus die-
bus fiunt.

A liuore ex-
trematatum.

Sitim non
sentire quid
denotet.

non sentiant. At non contingit à morbo hic vindicari, si quidem exitiabilia erant symptomata, vt vrine nigra, tenues, pauca, & stillare nares. de quibus antea dictum est.

OBSERVATIO XIX. DE QVODAM,
FEBRE ARDENTISSIMA, CORREPTO
qui voce clangosa moriebatur.

BALDVINVS ille sordidus, mendicus, qui pro stulto apud Haghanos habebatur, tandem ob facinora ab Hagha depulsus, nunc Delphis aliquo tempore agens: cumq; mulier venefica comburetur, is focum ex carnificis mandato acriter struebat, vt vestibus maleficæ superficiariis exutis gauderet, hic adeò cursitando, laborando, & sese circa ignem struendo defatigando, concalfactus est, vt tandem in febrem ardētissimam inciderit, cum perpetuo delirio ac magna vociferatione. Huic in nosocomio decumbenti cū nulla remedia licet apta iuarent, quæ etiam admittere nolebat, vim febris non sentiens, mentis errore præpeditus est. Hic perpetuò vigil, adhuc laboriosus quasi in igne struendò videbatur, exclamabat enim delirans, vt fascès apportarentur, focum fumantem sufflabat, & videbatur gestibus ligna apponere, igne nunc quasi ardente, & flammās à se mittente, ridebat, ac alta voce clamabat, ignem iam luculentum esse, ita vt lassus esse conspiceretur eiusmodi falsa imaginatione & delirio, homine subinde inquieto existente & tanquam ex lecto exsiliante, modò supinè cubabat, modò genua contrahebat, & deorsum subinde ad pedes se ipsum deuolvebat, brachia & crura nudabat, dispergebat, inuerecundus erat, dentibus aliquando stridebat, qui & liuidi, nigri ac vehementer aridi erant,

somno nullo modo accedente, spectaculum certe abhorrendum: nam ita viribus infirmis labra ac supercilia & oculi atque nares videbantur aliquando perueri, quod pessimum signum in febre ardente & acuta Hippocrates pronuntiavit. Æquè enim horrendum est, si oculi illachrymant, aut vehementer subsederint, aut foras prominent, si caligant, si incerti huc illuc vertuntur, contra verò immobiles obstupescunt, aut denique distorquentur, si alba eorum grandescunt, nigra minuuntur, aut si vbi hæc sub superna conduntur palpebra, illa rubescant atque in iis pallidæ venæ, nigræue cernuntur, aut si quid modo telæ araneorum concretum totis oculis innascitur, vel innatat pituita, nouissimisq. angulis inhærescit, si per somnum palpebræ penitus non cœunt, eademque vehementer pallent, nisi id tamen fusa alui fecit, si oculorum denique alter minor altero est: si æger ipse neque videt neque audit, aut voce amissa conuiuentibus oculis iacet, neque eo tempore profluit sanguis è naribus, neque vomitus incidit vnde id mali tollatur. Ceterum cum hic æger perpetuò deliraret & vigil permaneret, tandem voce clangosa ante septimum mortuus est.

S C H O L I A.

Signa lethalia in febre ardente.

CELERRIMVS hic morbus & periculosissimus est, vt nunc paulo antè diximus, quare & initio præsagium instituendum est vt calumniam declinemus. nam si in his febribus sicuti & in acutis conuulsiones, & circa viscera dolores fortes sunt, malum. mali item ex somnis timores & conuulsiones seu labores, & spiritus offendens, & si febrem habenti repente collum perueritur, ac vix deuorare possit non existente tumore, lethale est, & circa ventriculum

culum fortis æstus, & cordis morsus: lachrymæ si ex oculis cadant, mortem significant, vt 6. De morb. vulg. comment. 1. & 2. & 1. prognost. Si in frigido ambiente vehementer vri hominem contingat, exigua salutis spes, si nec coctionis signa, nec vires valida, seruari is planè non potest, Galeni auctoritate 11. meth. medendi. hæc quoque in hyeme deterior: pueris autem leuior quàm iuuenibus. decrepitis raro contingit & his quoque periculosus, cum febres ardentes vincere non possint. Si acutissimi dolores aures obsederint in iuvene in hac febre, ferè intra septimum diem occidit. Si æger ore hians iacet & assidue dormiat, aut si subito strangulari videtur, neque potum deuorare posset, nec suam saluam nullo substatè in faucibus tubere, lethale. interim notandum num ex consuetudine ore aperto dormiat, tunc minus malum est. Si frigidus efflatur spiritus, vt in praxi sæpe obseruaui, mors proxima est, & peius si collum vertitur & molesta inde sit deglutitio. Anhelitus frigidus, pulsusq; obscurus, densus & intercisus, vomitus cruentus, varius & fœtens, digiti si floccos in veste legunt vel fimbrias deducunt, vel aliquid in adiuncto pariete carpant, quemadmodum Iacobus Iohannes sartor Alcmarianus, qui in horto sagittariorum febre ardente laborans morte instante acu suere videbatur vestimenta. Pessimum si vngues liuent & extrema liuescunt. perniciosum insuper ventrem in tumorem attolli, magisq; vbi datum medicamen purgās fuit, aut hunc ipsum flatibus distentum, hos emittere non posse. Ad hæc per initia febris bilem atram suprâ infrâue prodire, aluum liquidam simulq; nigram vel pallidam vel pinguem vel mali odoris esse; hanc ipsam cum subita palpitatione cordis, atque singultu esse compressam. Vrinam intercipi cepisse, aut nigram meij, & crassam & fœtentem, aut antea bona & repente mala, aut per omne morbi tempus nihil ab vrina disfidere hominum sanorum:

tum etiam ipsam mictione reddi sanguinem, aut vesicam dolere duramq; esse. Ab initio extrema refrixisse, intus incallescere, & sitim habere, perniciosum, vel sine causa manifesta calorem febrilem conquievisse, sub infirmis viribus sudores obortos, simulq; animam defecisse, dolorem, qui inferiora loca tenebat repente in viscera translatum. Vlcus autè & in ipsa febre natum, siccum & liudum esse. Ita sacerdoti Egmondano, qui crura ulcerata habebat, quæ in febre exsiccata euaserant, mortem prædixi, & Carthusiano Bæstio nomine, Delphensi octuagenario, cum eidem hoc contigisset, mortem præ foribus præsagiebam. pustulas quoque toto corpore erumpere, modo tamen abscessus aliquis purulentus non exoritur. Quin orto iuxta aurem abscessui, nullam accedere maturitatem potuisse, aliq; pessima symptomata, de quibus nunc diximus, si adsint, istis vel pluribus apparentibus, agrum moriturum denuntiatio: quibus si murmuratio in pectore accesserit, sudore frigido exsudante, & extremis membris frigidis permanentibus, mors ilico expectatur. Sed nunc satis de signis lethalibus, iam verò ea breuiter adiiciamus, quæ spem salutis præbent. Febris non inualescens, sed mitis existens, mens quoque illæsa, appetitus non deiectus, somnus quietus, facies non mutata, decubitus in vno loco, virtus constans, signa coctionis in quarta vel septima, crisi perfecta subsequenti cum ægri alleviatione salutem futuram decernunt. Ergo bonum erit signum ubi ægri morbum facile ferant, ita ut non admodum astuet, propterea quòd calor non fuerit admodum exurens, neque incompescibili ita siti detineantur, neque fastidiosi sint, neque grauius premantur: similiter si bene ac facile spirent: magnam etenim habet vim in omnibus morbis acutis spirandi facilitas, teste Hippoc. I. prognost. Si nullum quoque sentiant dolorem, præsertim internarum partium, si eorum corpus æqualiter calidum sit, ac molle, lingua non admodum

Signa quæ
salutem de-
nuntiant.

dum nigra aspera aut sicca. si vrinae sint bonae, si statim co-
cta appareant sedimentum album habentes, lene & aequale
per omne tempus dum morbus indicetur; securitatem enim
ac morbum fore breuem significabunt, vt liquet 2. prog.
tex. & comment. 26. Deiectiones similiter, si concocta ap-
pareant, bonae sunt, ita & sudores boni per diem de creto-
rium euenientes ac ex toto corpore prodeuntes, à quibus à
febre vindicentur, aut saltem facilius morbum ferant.
Quòd si dormiant atque ex somno iuuentur, salubre quo-
que erit signum. Similiter si non delirent, aut saltem pa-
rum: nam in quouis morbo mente constare & bene se ha-
bere ad illa quae offeruntur, bonum est: contrà verò se ha-
bere, malum, vt ait Hippoc. aph. 33. lib. 2. Si etiam non ti-
meant, nec mœsti sint, ac de salute confidant, bonum. Si ve-
rò signis concoctionis prius apparentibus cum virium robo-
re, in aliqua die critica largū fiat sanguinis è naribus pro-
fluium, aut sudor, qualis modo dictus est, absque dubio æ-
ger liberabitur. Similiter quoque febris fiet solutio, si rigor
superuenerit, modò dicta præcesserint. nam à febre arden-
te habito rigore superueniente, solutio fit, inquit Hippoc.
aph. 58. lib. 4. Vbi verò febre non intermittente, rigor inci-
dat (videlicet non semel) egro iam debili existente lethale
est, eodem Hippocrate auctore aphor. 46. citati lib. 4. Vt ve-
rò summatim dicam, nedum de his febribus, sed de cete-
ris omnibus, præter ea quae diximus, calorem videlicet, ar-
teriarum motus, vrinas, excrementa, & corporis habitus,
& nonnulla alia quae inspicienda sunt, vt regiones, anni
tempora, constitutiones, ætates corporum, temperaturas,
consuetudines, & antecedentes causas: nec non & quae si-
mul cum morbo inuadunt, & quae in medio tempore appa-
rent. præ ceteris omnibus quoddam maximum, breue ta-
men dictu, spectandum erit, si velis rectè predicere. Est
verò hoc, morbi quantitas ac virium, res quae ad eam ex-

Duo ad be-
ne prædicē-
dum neces-
sariò spe-
ctanda.

plicandam vno indiget verbo, ad vsum verò permagna: neque enim benè prænoscere possumus, nisi horum singulorum magnitudinem diligenter pensitemus: nam vtrum morbus sit exitialis aut non, & quando magis debeat mori, aut sanitati agrotus restitui, nisi omnino, quæ diximus, diligentius animadverteris, ad duo earedigens capita, scilicet, ad ipsius morbi magnitudinem, & agroti vires non poteris verè, prænoscere ut liquet 1. De arte curat. ad Glauç. cap. 8. Etenim si vires aded valida sint, ut possint morbum superare, necesse est ut agrotus euadat: si verò contra, omnino morietur. Non igitur solum inspicias, qualis sit morbi species, sed eius magnitudinem aduertas, quod quidem non paruum exigit experientiam: namque ex nulla alia re possumus ad exquisitam peruenire notitiam ipsius quantitatis seu magnitudinis, quàm ex crebra exercitatione circa quantitatis coniecturam, ut eodem loco scriptum est, & lib. 2. prog. inquit Gal. supra textum. 6. quod summa totius præsaitionis in morituris conualituerisq, quoties vi agrotationis cum agri facultate conferatur. Si enim morbus vehementior est, ager omnino morietur: si debilior quàm agri facultas, haudquaquam morietur, vbi nihil tale comitatur. Hæc plusquàm satis de signis prognosticis dicta.

OBSERVATIO XX. DE IUVENE bilioso febre ardente exquisita laborante.

IUVENIS Delphius raræ constitutionis, valdè biliosus, circiter 28. annorum, qui apud pistorum triticum à fursure excolabat (fit enim hoc opificium cum maximo labore) cùm insignis æstus esset Syrio ardente, & impensè hoc opere incaluisset, in ardentem febrem eamque exquisitam incidit; ad quem curandum, ea præsertim mihi proposui, quæ ab insignibus

signibus auctoribus referuntur, quod curatio eius valdè sit similis tertianæ puræ & continuæ, quamuis in ea differunt cum hæc ipsa sit vehementior & magis intensa, ideo frigidiora multò in causo seu febrè ardente exquisita conueniunt, cumque hæc etiam ab initio vsque in finem sit periculosa, ideo ipsa in principio minimè est negligenda, & ob periculum quod ex ea imminet (quemadmodum præcedentibus observationibus ostendimus) cum maxima diligentia hæc ipsa est curanda, ideo vt victus tum aliæ omnes res non naturales ad humidum & frigidum inclinarent, mandauimus, vtque loco frigidus decumberet. Aëtius lib. 5. cap. 77. ex curatione Philumeni suadet, vt idem locus ad suauem auram sit expositus, à qua purus diffletur aër, culcitra quoque vt esset mollis, quæque frequenter sternenda est; stragula vt tenuissima essent, minimè sordida, quæ assidue mutantur, imperaui: vtque lectus haberet insignem latitudinem, vt ad diuersas subinde partes membra calefacta traduci commodè queant, vtq. aër ignauior flabello excitaretur, iussi; etiam vt foliis viridibus vitis per cubile sparsis, & aqua frigida frequenter irroratis aër frigidior induceretur, citraui. & vt somnum quæreret inquietiori & tepidiore diei hora, & nocte potissimum. Somnus enim hic quoad fieri potuit conciliandus erat: nam vigiliæ valdè nocent. Motum quoque inhibui, & vt fugeret strepitus hominum, laborem, fortes frictiones, tum alia, vitaretque animi immoderatos affectus, iram scilicet tristitiam & timorem. Nihil hic præstantius lætitia & bonam spem de salute concipere. pro victu cremore ptisanæ dilutiore, pane eloto, iure pulli tandem cum lactuca agrestis, succo granatorum alterato, vel succo

citri citrangulorum aut limonis insperso : in fine quia biliosus non potens sustinere inædiam, etiam pullis parvis elixatis cum lactuca oxalide, portulaca & similibus, mali punici aut citrei succo iniecto, utebamur: alioqui à vino, carnibus & ovis planè abstinēbamus, nisi in fine morbi post septimum, febrē iam curata, ad pullos paruos elixatos (ut dictum est) devenimus. Potus erat aqua hordei. Primo autem die cum accessissem, atque aluum per se non deponeret, sequens leniens medicamentum præscripsi. R. diaprunis simplicis ℥ j. decoct. prunor. sebest. thamarind. ℥ iiij. misce, fiat potio. decoctio ita paratur. R. prunor. damas. numero i x. sebesten numero vij. thamarind. ℥ β. se. quatuor frig. maior. ana ℥ β. flor. nenupharis viol. borag. ana p. j. fiat decoct. in aqua viol. bis vel ter. ex eo aluum deposuit. altero die sequenti cum lotium ruberet, quamvis omnino non subsideret, licet paulo crassius esset, ex vena communi sanguinem ad uncias quatuor detrahēre iussi: sed quia in syncopen ferè incidisset, nisi ulteriorem detractionem inhibuissem, vena occlusa fuit, cum bilis valdè sincera esset. At de venæ sectione latius in scholio subsequente. Deinde pro alteratione dabam iuleb. subsequentem (quia imbecilliori stomacho erat, ita ut aquam puram dare non audebam, quæ non datur ante coctionem, sed instante morbi vigore, ut apud Aëtium liquet loco citato. Antiqui ad alterationem utebantur frigida aqua, nos nunc iulebis commodè utimur) R. oxizach. simplicis sy. viol. nenupharis ana ℥ j. aquæ lactucæ end. acetosæ ana ℥ iiij. fiat iuleb. pro tribus dosibus. Quinto die ita eum purgaui. R. cassiæ recens tractæ ℥ vj. elect. de succo ros. ℥ j. β. dissolue cum ℥ iiij. β. aquæ end. sy. ex multi-
plici

plici infus. ros. ꝑj. sy. viol. ꝑj. misce: quo multa liquida & biliosa excreuit. Postea & membra roborauimus, in quibus erat minera materiæ: hîc autem erat circa pulmonem, quia spiratio difficilis, ideò pectus inunximus cum oleo violaceo, & dedimus diatragacanthum frig. conseruam violaceam & nenupharis. & cum leuis esset tussicula, iuleb. sequens exhibuimus. & sy. viol. ꝑj. aquæ viol. vngulæ caball. ana ꝑj. ꝑ. misce. præterea quia stomachus ardore aestuabat, ceratū rosaceum admouimus. Alexander Trallianus vititur aqua frigida cum rosaceo subacta, cerato rosaceo cui admixtus sit portulacæ & vuar acerbæ succus pari portione. Aëtius pectus & stomachum fouet palmulis tritis cum vinò & rosaceo aut oleo cithoniorum, quibus subinde & refrigerantiâ addit, sicuti sunt palmites triti, seris, polygonum, plantago, ramenta cucurbitæ, lactuca, rumex acidus, mica panis præmadefacta, aut polenta. licet melius sit eodem auctore sudariolum tenue complicatum, oleoque & aqua calentibus madefactum stomacho & pectori applicetur, id enim febrium ardorem mirum in modum sedat, lana quoque quantum manu capitur aqua & oleo rosaceo calefactis imbibita è sublimi in pectus expressa feruoris vehemētiam faciliè obtundit: hæc autem calida esse oportet iuxta eundem: nam tepida membrorum vigorem exsoluunt. At nos potius eorum quoque loco adhibemus epithemata cordi & hepati, etiam pectori vt postea in scholio latius dicemus. Sed hæc iuxta eundem Aëtium, tum reliqua refrigerantia in vigore exacerbationis apponuntur. Nam in earum principiis & incrementis ambigente adhuc corporis affectu, & calore viscera obsidente, talia applicata sensum diffundendo,

dendo, & in profundum repellendo calorem, maioris nocumenti occasionem præstant. igneus enim calor interius repressus, vehementiori rursus ardore excitatur. At in exacerbationum vigore, explicato iam per vniuersum corpus calore, residuum circa viscera derelictum haud ægrè extinguitur. Nō abs re igitur, vbi hæc suo tempore adhibentur, ægri melius spirare incipiunt, & leniori siti infestantur: quidam etiam rorido efflante vapore, definiti somnum capescunt. Licet balneum hic quandoque conueniat, tum aquæ potus, de quibus in scholio latius; hinc refrigerantibus, & alterantibus contenti fuimus, interim in declinatione (quo tempore quibusdam balneum conuenit) pro vrinæ prouocatione, vt materia biliosa ad renes deduceretur, & vt sudor aliquo modo prouocaretur, exhibuimus aquæ decoct. hordei in qua radix cichorij & dentis leonis & semina quatuor frig. maior. incocta erant adiecto syrupo acetofo simplici. præterea accidentibus succurrebamus, nempe asperitati linguæ cum puppulis in se continentibus se. cithon. adiecto exiguo zach. candi, aqua hordei immerfis, quibus lingua sæpius madefiat. utebatur etiam prunis siccis madefactis in aqua, os sæpe aqua hordei frigida lauabat & colluebat, subinde loco se. citho. in ore tenebat muccaginem psilij etiam in sacculis paruis lineis vel puppis concinnatam, in aqua hordei madefactis. & pro siti capiebat succum granatorum etiam arantiorum. & bibebat aquam hordei ad libitum, dabatur etiam confectio ribes illius quæ crescit apud nos in Veenlandia, valdè refrigerat, & sitim tollit. Vigilia tollebatur vng. populeo & oleo mandragoræ tempora inungendo, & intra nares oleum violaceum & nenupharinum & lactu-
cæ per-

ca perungendō, quæ etiam ad dolorem capitis faciebant, vti & lotiones brachiorum & crurium ex decocto maluæ, lactuæ, viol. vitium, salicum, iniectis capitibus papaueris & anethi summitatē. Pro anhelitus difficultate, præter ea quibus superius utebatur, præscriptum est decoctum hordei liquir. qui exhibebatur cum sy. viol. sumebat quoque saccharum viol. Quibus remediis hic Iuuenis septimo curatus fuit.

S C H O L I A.

BILIS hic maximè repurganda & extinguenda est. At primùm animaduertendum vtro remedio potius vtendum sit, venæ sectione an catartico. Quidam hæc vtræque suspecta habent, etiam omnimodam inadiam in ea quæ omnino exquisita est, & quæ proximè ad ideam accedit. Alij verò hæc distinguunt, si febris sequatur inflammationem partis internæ, si plethora adsit, & cetera consentiant, procul dubio, inquit, secandam esse venam, sed hodie minus ad animi deliquium, vt in synochis, de qua satis libro præcedente dictum est. At vbi sanguis abundat in hac febre ceteris consentientibus, copiosam etiam venæ sectionem in ardente febre aliquando iubent. vt Amatus in iuvene in quo lotium crassum & rubrum spectabat in febre ardente, ex dextra vena iecoraria sanguinem ad vncias octo extrahere fecit, & die sequenti ex basilica sinistra etiam octo vncias. Sed fortè illa minus fuit legitima: alioqui non temerè secanda vena, ne separato sanguine bilis efferuescat. Qui Auicennam sequuntur, nisi vrina fuerit rubra & crassa in hac ardente ex pura bile, nullam sectionem admittunt. Verùm vix ita pura est quin semper aliquid sanguinis commisceatur. vide de his Donatum ab Altomari, qui auctoritate Alexandri Trall. cap. 2. & 3. lib. 12. & Gal. lib. 1. cap. 13. sanguinem in febribus continuis ob

De venæ sectione.

Centur. 3.
curat. 33.

De medend.
feb. par. 3.
cap. 2.

nus ob magnitudinem morbi ceteris consentientibus mittit, interim tamen non ita copiosè facienda ad animi deliquium, sed potius moderata, ita vt repetitio fiat, cum illos iuniores medicos deceperit, qui putabant in hoc Gal. fautorem habere comment. aphor. 23. lib. 1. sed fefellit nonnullos hac auctoritas, cum non de his febribus ardentibus sed de continentibus & synochis dixerit. Verum non tantum in his ardentibus sed aliis continuis, quas putrescens humor concitat, vena sectio optimum remedium est, modo omnia consentiant ex Galeni vniuersalissimo decreto 11. meth. med. cap. 15. Cum inquit, Saluberrimum autem, vt pradiimus est; in febribus venam incidere, non continuis modo, verum etiam aliis omnibus, quas putrescens humor concitat, vbi praesertim nec aetas nec vires prohibent. leuata namque qua corpus nostrum regit natura, exoneratoq; eo quo veluti sarcina premitur, haud agrè quod reliquum est vincet. ideo & Donatus reprehendit Arabes tamquam hamaphobos, qui non audent in febribus ardentibus sanguinem demittere. Interim tamen erit moderanda, nam vbi purior bilis adsit, indicatio potius oritur bilem purgandi. ita in nostro agroto parum sanguinis detraimus, cum ad animi deliquium videbatur inclinare.

Medicamentorum ratio.

Clysteres emollientes.

Quod ad cathartica & purgationes attinet, Veteres etiam purgationibus utebantur, alij quidem fortioribus, alij leuioribus. praeserenda verò sunt leuiiores. Hippocrates asinino lacte cocto, Galenus etiam sero utebatur. pra omnibus vti licet mollibus clysteribus, ex iis qua feruorem febris extinguunt. Vt paratis è sero lactis, decocto viol. malua: saccharum potius quàm mel in his dissoluendum: oleum violatum potius quàm commune. Conueniunt & clysteres ante vena sectionem & post. quidam ne cassiam ante vena sectionem dare audent, sed potius clysteribus vtuntur: sit autem emolliens & infigidans, quale hoc est.
R. viol.

℞. viol. malua solatri hordei mundati ana m.j. flor. nenuphar. folior. lactuca, cucurbita ana m.ß. prunor. damas. numero xij. bulliant in s.q. aqua ad consumptionem tertiæ partis pro lib.j. vel lib.j.ß. cassia recenter tracta ℥j. zach. rub. ℥ß. ol. viol. ℥ij. misce, fiat clyster. si sal adijciatur, sit in exigua quantitate. Ex medicamentis eligi debent cholagoga mitiora, & quæ bilis acrimoniam obtundant, ut cassa in sero lactis dissoluta, vel cum decoct. seminis berberis, vel mixta cum decocto thamarind. & ut facilius fiat purgatio clyster prius emolliens & infigidans supponatur. Sed & infusum rhab. commendatur, quamvis ego aliquando expertus sum quod in quibusdam febre ardente vel continua laborantibus calorem inferebat, maxime valde biliosis, aliis minime. Sic in matrona de Alcmade in Hagha Comitibus calorem inducebat. Hac portio utilis censetur. ℞. prunor. sebesten ana numero x. thamarind. ℥j. quatuor se. frig. maior. ana ℥j. flor. cord. p. j. fiat decoctio in aqua viol. vel endiuia. & in ℥ij. colatura dissol. syr. ros. laxativi ℥ij. fiat potio. addatur interdum ℥ß. sy. viol. potest etiam exhiberi bolus ex catholico vel diaprun. simpl. Si imbecilliora hæc, & alius adstricta sit, vel ager medicamentis leuioribus non facile moueatur, adijci potest ℥j. diaprun. solutivi vel de succo ros. Nisi enim medicamento alius solvatur, plus nocet quam prodest. poterimus etiam hic statim eiusmodi leuioribus medicamentis purgare, nec diu spectandus est numerus (teste Altimaro) ut quidam Neopolitani medici falso opinati sunt, perpetuo quartum expectantes diem. At quoniam si perfecte ardens febris solui debeat, horum alterum fieri necessarium est, aut biliosos excerni humores, aut eosdem extinguere, Paulo auctore cap. 29. lib. 2. ob id à venæ sectione per sudores, innum ventrem, aut vomitiones, eadem bilis excerni tentanda est, atque etiam extinguere, aut frigida potu aut reliquis infrigidantibus

Purgatio
humoris &
refrigeratio.

Aqua geli-
da.

Sy. alteran-
tes, infrigi-
dantes, hu-
meſcātes, &
aquæ ſtilla-
ticiæ.

dantibus & humectantibus. At nos in purgationibus per
inum ventrem audaciores hic eſſe poſſumus, quā veteres:
cū nunc leuiſſima medicamenta nobis adſint, vt thama-
rind. caſſia ſiſtularis, mel aëreum ſeu manna, ſacch. viol.
ſy. roſ. ſolut. violaceus, & roſ. ſuccus. De aqua potu di-
ctum eſt lib. præcedente cū de feb. ſynochis continentibus
ageremus, quæ exhibetur in ſtātē totius morbi vigore, ſignis
coctionis apparentibus, ſi ager, inquit Alexander Trallia-
nus lib. 12. cap. 2. aquam bibere conſueverit. ad hæc ſi nec
inflammatio, aut ſcirrhoſus tumor, aut laxus quod ordema
dicitur, particulam quandam poſſideat. ſi enim ex his ali-
quod apparuerit, aqua potio vitanda eſt, potiſſimum in in-
flammatione eryſipelacea, quamvis idem fatetur, ſe in ery-
ſipelate atque continua & ardente febre aptè dediſſe. ab
aliis hæc obſervantur, vt materia febris ſit digeſta, quod
non ſit cauſos nothus, ſed legitimus, quod nulla ſit opila-
tio in toto, nec inflammatio in membris principalibus, nec
ager decrepitus aut virtus debilis. Ad alterationem anti-
qui aqua frigida utebantur, ſed non ante vigorem. Aetius
permittit ſi quintam partem aqua temperata ad aquam
frigidam adiciat. At alij potiſſus vtuntur aqua cocta &
modico Zach. violaceo condita, vt ſit octupla aqua, ſub
octuplum ſaccharum. Vel præſtantiſſimi medici hoc tem-
pore, cū habeant aquam gelidam ſuſpectam ob incogni-
tam adhibendi occaſionem, potiſſus ſyrupis alterantibus &
infrigidantibus vtuntur, cū aquis frigidis ſtillaticis: cu-
iuſmodi ſunt ſy. de nymphaea viol. de acetof. citri, de li-
monibus, de end. de granatis, de agreſta, de acetofa, de
ribes, de berberis, acetofus ſimplex oxizach. Sed horum
delectus habendus vt in delirio conuenit ſy. de nymphaea,
de pap. In inſpirationis difficultate, violaceus. in fluxu, de
agreſta. Vbi nullum ſymptoma vrget, ſine diſtinctione
ſupradictis vtetur. Idem cenſendum de aquis, quibus ſy-
rupi

rupi diluuntur, vti aqua end. cichor. acetos. è cucurbita, melone, cucumere, portulaca, è rosis, viol. nymphaea, solano, borag. & similibus. Sed oportet vel quarta, vel sexta parte condiri Zach. si simplicibus aquis pro iulebo vti velimus. Hæc sunt repetenda donec materia concocta sit.

Quo ad medicamēta externa refrigerantia, veteres etiam feruida, & perardenti febre laborantes lauabant, in domo potissimum, vbi solium habebatur tepente aqua plenum (teste Alexand. Trall. lib. 12. cap. 3. De causo) vt totum agri corpus vndeque ab aqua operiatur, vt Romanis vsui erat: sed imbecillis admodum viribus ita in solio lauari non conuenit. Galenus licet Iuuenes robustissimos carnosos febre ardente correptos in frigidam immergebat, hoc auxilium periculosum est, cum pori facile obturantur. At de partibus balnei, & qua vti debeamus prius dictum est lib. 1. harum Obser. Balneum, inquit Aëtius loco citato, in ardente febre eis tantum congruit, qui absque tumore aliquo ad inflammationis erysipelatisue naturam tendente febriunt, in vrinæq; apparuerint coctionis signa, sitq; patiens adolescens, carnosus, æstatis tempore, constitutione calida & sicca, in febris vigore, qui se in frigidum lauarum coniiciat innatetq;, ita enim fortè sudorem excitabit: quod si frigida lotioni assuesuerit, remedio maximè fidat: nam venter in biliosa excrementa facile erumpet. Moderatori verò existente febre robustaq;, virtute simul cum coctionis indicis, conferunt dulcis temperataq; aqua balnea, & ex vnctionibus chamæmelinum oleum, præsertim vbi continens aër frigidus sit. sed si euenerit, vt frigidò existente aëre ardens febris vehementius incendatur, per exiguam inde spem salutis concipies: & si in tali constitutione ne signa quidem coctionis appareant, virtusq; sit imbecilla, fieri omnino nequit vt ager euadat. Neque igitur lauandum, neque vngendum, neque medicinis rarefacien-

De balneo.

Lib. 5. cap.
77. De cura-
tione febris
ardentis ex
Philumeno.

tibus

tibus procedendum, neque vinum, neque frigida exhibenda. Vbi enim desperatur salus, iniquum est praesidia plurimis conferentia imperitorum calumnia frustra obicere. equidem quosdam (inquiens Philumenus apud Aëtium) inertes medicos noui, imitantes quidem quae à nobis rectè tractantur, sed his qui omnino morituri sunt stultè adhibendo, & vanam absumpserint opèram, & rerum usum frugì alioqui & opportunū, suspectum horrendumq; reddidere. At nos & occasiones & remedia docemus ad hos qui saluari queunt, desperati verò nihil prorsus hac arte indigent. De his vide Gal. lib. 11. meth. cap. 9.

OBSERVATIO XXI. DE CAUSO

EXQUISITO PER FLUXVM

sanguinis narium desinente.

IOHANNES Iacobus Leoninus (vtrum à leone vel familia sic dictus ignoro) rusticus alioqui ditissimus, qui in Schaga villa tribus miliaribus ab vrbe Alcmaria commorabatur, tempore verno anno 1550. cùm adhuc Alcmariæ agerem & ibi praxim exercerem, febre satis ardente correptus est: erat vir procerus, admodum robustus, annorum triginta, vtrumque biliosus, licet magna ex parte sanguineus. Ad hunc vocatus fui secundo die eius morbi. cùm autem hic siti intensissima cruciaretur, & os amarum esset, lingua valdè sicca, aspera & aliquantulum subnigra & capitis dolor intensus adesset ac vigil permaneret. lotium quod tunc reseruatum erat, valdè tinctum erat, sed crudum. Cùm aliquis illi non responderet, ac clysterem admittere nollet, medicamentum leniens ac minorans propinaui in hunc modum. R. Diaprunis lenitiui seu simplicis ʒ j. diaca-

diacatholici ʒij. aquæ lactuæ viol. borag. ana ʒj. sy. viol. ex multiplici infus. ros. ana ʒß. misce, fiat haustus. Quo probè alius soluta est, prius fecibus duris mox etiam biliosis excrementis depositis. Die autem sequenti, cum venas amplas haberet, ac consuetus esset sanguinem mittere quotannis in Vere, & nunc in Vere essemus, interna brachij dextri vena pertusa sanguinem ad uncias octo fluere fecimus, & bene ferebat, qui etiam utcumq. biliosus erat. quare & hunc syrupum statim à venæ sectione ebibit. & aquæ hordei ʒiiij. sy. acetos. citri viol. ana ʒß. misce. Deinde ut post meridiem ac sub noctem cum valdè æstualet, & adhuc vigil permaneret, ut ex hoc sequenti iulebo subinde sumeret mandavi. & sy. viol. de end. acetosi simplicis ana ʒj. sy. pap. ʒß. aquar. viol. lactuæ acetosæ end. ana quad. j. aromatiscus cum ʒij.ß. specier. trionsand. & fiat iuleb. cum albo oui clarificatum. interim ex aqua hordei bibebat quantum volebat. Cibus illi erat hordeatum dilutum. Quarto die multa biliosa & liquida deieciat, & cum vrina iam crassior facta esset, & coctionis signa apparebant, licet ingens calor circa hypochondrium dextrum hepatis caliditatem arguens, ad refrenandam caliditatem hoc epithemate vti sumus. & aquar. end. cichorij acetosæ ana ʒiiij. aquæ ros. ʒij. acet. ʒj. flor. ros. rub. exsicc. santal. rub. ana ʒj. trionsand. ʒß. ramentorum eboris ʒj. fiat epithema. quo cum vsus esset, videbatur melius habere. Post meridiem hora quarta pomeridiana, & quando libebat, ex hoc iulebo sumebat ad maiorem refrigerationem. & aquæ lactuæ borag. ana lib. ß. oxizach. simplicis sy. de limonibus ana ʒj.ß. misce. ad refrigerationem & putredinem febris, egregiè faciebat.

Quinto die calor febrilis nondum sedabatur, imò subinde delirabat, & vigil permanebat: ideo cùm præcipua pars curationis consistat in somniferis & in extinguenda bile; hunc syr. vt ebiberet iussi. & syr. pap. ʒ j. β. aquæ lactucæ ʒ iiij. misce. capiebat sub noctem. Etiam tēpora hoc linimento inunximus. & vnguenti popul. ʒ β. ol. mandragoræ pap. ana ʒ ij. opij gr. ij. misce, fiat linimentum. & incepit melius dormire. Diē sexto ad alterationem & roborationem, vt ex hac mixtura vteretur mandavi. & conser. florum nymphææ rob. de ribes rob. cerasorum conseruæ viol. bugloss. ana ʒ β. species trionfand. ʒ β. cum sy. de succo acetosæ de succo buglossæ ana ʒ β. fiat mixtura. Sed oborta tussicula etiam hoc eclegma præscriptum est. & sy. viol. ʒ ij. diadrag. frig. in tab. ʒ j. vniantur simul & cum baculo liquiritiæ fumat ad libitum. Sub noctem multò vehementior calor febrilis eum affligere cœpit, dolor capitis auctus est, & rursus delirium adfuit, vigil permansit, & totam noctem, quæ septimum diem præcedebat, ægrè tulit, vrina tamen subsidente, & hyposthasim bonam habente, vnde crism laudabilem in septima futuram speravi. quare & cibum ante hoc tempus minuebam, tandem præcordium dextrum sine dolore intendebatur, spiritusque difficilis erat, caput pulsabat atque affectum distendebatur, & dolore exardescibat, faciesque tota, oculi præcipuè tum nares ac maxillæ plus æquo rubebant, visus quoque hebes factus est, vt obiectis splendoribus quasi eluderetur, collumque dolere æger affirmabat, auresque tinnientes obsurdescere cœperunt, vt me ratiocinantem paulo sonora voce vix intelligeret: oculi quoque illachrymare repentè visi sunt & rubescere, venas quoque in

tempo-

temporibus agitata pulsare percepimus, nares veluti prurientes scalpebat, & dolor totam faciem occupabat atque tempora. Cùm autem hæc diligenter animaduertissem, pulsūq. altum & vehementem & vndosum perciperem, cùm astantes timerent, sanguinis profluvium è naribus prædixi, atq. eo agrum deo adiuuante conualiturum. Coniecturam meam iuuabant anni tempus verum, febris ardens, sed in homine rustico, forti, crassiore, licet bilioso, interim & sanguineo, cùm & bili portio sanguinis calidi admixta esset. quæ euacuatio ardentibus febribus maximè utilis, ut superius ex Hippocrate ostensum est: & frequens esse solet his, qui sub præcordiis febres calidas & acutas inflammationesque maximè iecioris & lienis experiuntur. Ita septimo die decretorio coctionis signis in vrina præcedentibus, satis copiosè è naribus sanguis fluxit, astantibus, cùm nostram audissent prædictionem, valdè admirantibus; & ita à febre liberatus est, ac nocte subsequenti optimè dormiuit, & maximam alleviationem sensit. Tunc victum liberaliorem prius cōcessi, nempe panatam cereuisariam. Antea in quarto etiam prunatum poma cocta admiseram. Verum cùm adhuc parum tussiret, etiam pro calore, qui adhuc ex causo relicto vires deiecerat, ut ex his tabulis sumeret imperavi. *℞ specier. trionfand. ʒ ij. specier. diat. frig. ʒ j. β. dissol. in aqua fursuræ adiecto zach. albiss. q. f. fiat confectio in tabul. secundum artem. quibus & hic linctus addebatur. ℞ sy. viol. pap. ana ʒ j. β. gummi tragacach. albiss. macerati in aqua fursuræ vel vngulæ caballinæ ʒ ij. β. misce pro eclegmate. Pectus hoc vnguento inungebat. ℞ ol. viol. ʒ j. vng. pectoral. nostræ descript. ol. amigd. dulc. ana ʒ ij. misce.*

Cum minus adhuc dormiret ob tussim, tempora inungebat sub noctem oleo viol. nimpheæ simul mixtis. & utebatur sub noctem hordeato adiectis aliquot amigd. dul. se. 4. frig. maior. mundat. & semine pap. licet autem postea nono die bene se haberet, cum lotium adhuc parum tinctum esset, & ipse calidiusculus, ut hac decoct. sequenti vteretur iussi. & viol. cum floribus (nam tempus vernum erat) fumariz viridis bellidis minoris ana m. j. flor. borag. bugloss. nenuphar. ana p. j. fantali rub. 3 j. se. 4. frig. maior. & minor. ana 3 j. β. coquantur in aquæ lactucæ viol. end. ana q. s. pro lib. i. colaturæ, adde sy. viol. de end. pap. ana 3 j. misce. capiebat bis in die, & calor febrilis qui erat adhuc relictus omnino extinctus est. Pro ventriculo roborando & ad appetitum incitandum capiebat cochlear vnum sy. cithon. & de limonibus. & nono die perfectè sanus factus est.

S C H O L I A.

Cautio habenda in refrigerantibus & humectantibus.

REFRIGERANTIA tam intus quàm extra his conveniunt, quorum tamen cautio adhibenda est, ne iis utamur ante signa coctionis. ego loco aquæ gelidæ, quæ veteres utebantur, ex pane prius eloto abiectâq. priore aqua, aquam conficiebam, eamq. frequenter frigidissimam propinaui, idq. liberius in vigore & declinatione accessionis. aliqui etiam exterius cerato Galeni, hypochondria & thoracem inungunt, ex vna parte cera quatuor partibus rosacei simul liquatis, vase duplici comparatis & ubi refrigerit, in aquam frigidissimam demergunt, ac subigunt succo lactucæ vel sempercruii vel aliorum refrigerantium & humectantium. Si in thorace sit calor, loco rosacei violaceum sumatur, & aqua viol. lauentur in hypochondriis ex rosaceo & aqua rosacea. sunt quoque cataplasmata ex sa-

rina hordeacea subacta succo lactuca, cucurbita, cucumeris poligoni, plantaginis, capreolorum vitis & similium, folia lactuca, ramenta cucurbita, cucumeris manibus contretata plantis pedum admoveantur. Veteres vt dictum est thoraci & pectori hydraleo calente linteolum madefactum applicabant, alioqui lanam quatum manu capitur in aqua & olei rosacei vel violacei calefactis madefiant: exprimentur è sublimi in pectus, modicum quoque salis & acetici quidam adiungebant, & sic sudorem excitabant. At nunc ad epithemata confugimus vti & olim, quorum vsus erat in vigore accessionis, vt dictum est. Quae verò thoraci admoventur, quando in eo caloris acrimonia & siccitas est corrigenda, sunt ex decocto hordei vel 4. se. frigid. in aqua viol. vel bugloss. addita tertia parte ol. viol. vel amigd. dul. quae & hecicis, vt suo loco dicturi sumus, conueniunt; exempla verò antea quae hepati & cordi prosunt, Obser. xvi. praecedente dicta sunt. Conditae verò quae refrigerant & humectant, horum etiam delectus habendus, quae intro exhibentur. sic cordi conueniunt conserua ros. viol. nimphae bugloss. acetos. quibus pul. adiuici possunt diamar. frig. & de gemmis diarod. abb. trionf. diacimeron confectio alchermes & in magnis profluentis aqua ros. acetos. & corall. conser. ros. Si delirium, conser. nimphae, aqua eiusdem & lactuca. Si vigilia se. pap. capna pap. se. lactuca. Si calor, semen citri: & ita de aliis.

OBSERVATIO XXII. DE FEBRE

SATIS ARDENTE, SEPTIMO

die cum sudore soluta.

MVLIER biliosa, circiter annos quadraginta nata, tempore Autumni in febrem satis ardentem incidit. Haec inquieta erat, vix aliquando se in lecto continere poterat, bilem subinde euome-

bat puram, modò viridem, sitiebat, lingua aspera erat & valdè sicca, alius citatior, siticulosa, & dolore capitis admodum vehementi afficiebatur. Cùm autem venæ satis apparerent, in brachio dextro vena interna secta fuit, & sanguis biliosus ad vncias ferè quinque effluxit, & videbatur aliquo modo melius habere. Statim à sanguinis detractione hunc syrupum ebibit. R. sy. de agresta de granatis viol. ana \mathfrak{z} β . aquæ lactucæ nymphææ end. ana \mathfrak{z} j. misce. Cumque alius satis obediens esset, solliciti fuimus, ut sitim exstingueremus. lactucarum tenella germina condita & aqua gelida aspersa deuorabat: supra linguam continebat folia portulacæ, aut acetosæ, & hunc potum pro siti bibebat. R. aquæ cichorij end. viol. acetosæ vini granatorum ana \mathfrak{z} ij. misce. modò aquam hordei cui sy. de limonibus vel de acetos. citri immixtus erat. Quinto die cùm alius non satis flueret, ita eam purgauimus. R. cassiæ recenter tractæ \mathfrak{z} vj. pulpæ thamarind. extractæ cum aqua viol. \mathfrak{z} ij. sy. ros. solutiu \mathfrak{z} ij. aq. endiuicæ \mathfrak{z} iij. misce, fiat haustus. in aurora detur & desuper per horam dormiat: quo optimè egressit, & febris aliquo modo remissa fuit. vesperi verò febris vnà cum capitis dolore increbuit, idèd oxyrhodinum sequens parare iussi. R. aquar. ros. \mathfrak{z} iij. aquæ nenuptiaris \mathfrak{z} j. β . aceti ros. \mathfrak{z} j. ol. ros. ompharini \mathfrak{z} ij. misce, & panno lineo in eo intincto sincipiti temporibusque applicetur, sæpiusque innouetur, ne caliditate acquisita magis noceat quàm iuuat. eo autem dolor nonnihil mitigabatur. Die sexto sub noctem delirauit, & totam noctem malè tulit. Septimo verò die manè subinde delirium reuertebatur, & alius tunc nonnihil suppressa fuit, simul & vrina, quæ antea quarto die cōcocta spectabatur,

batur, partes quoque corporis calidiores nunc erant, & rigor occupauit, qui proprius ferè ardoribus esse solet, cum imminet crisis, quam & ipse expectabam per sudorem. nam pulsus vndosus & præmollis, qui tunc quoque aderat, sudorem pronuntiabant, cum & vapor calidus toto corpore dispergebatur, humida anni constitutione etiam existente. Talia enim sudorem prænuntiant: & ita ægra hæc septimo die decretorio, signis concoctionis in vrina præcedentibus, in copiosissimum sudorem incidit: à quo etiam febris penitus extirpata fuit, ac ipsa sanitati restituta.

SCHOLIA.

CRISIS in hac febre ardente (vt exemplis prius ostensum est) verna constitutione, aut calida, temperatis corporibus, & biliosis iis, qui nondum triginta annos superant, magis accidit per fluxum sanguinis narium: atque is quidem salutaris est, si die decretorio, quod & in reliquis excretionibus criticis commune est, fiat, signis concoctionis præcedentibus, si è directo fluit, & non stillat. Stillare enim pessimum, præsertim quarto die. Aliæ excretionēs maxime fiunt post annum trigesimum, siue per sudorem siue per vomitum. At sudoris propria signa iam obseruatione præcedente diximus, & antea quoque quæ sanguinem fluxurum prænuntiant. Fiunt autem crises sensibiles per excretionem septem modis. per fluxum sanguinis narium, per sudorem, per vomitum, cuius hæc signa sunt, horror inferiorum partium, frigus, pulsus durus, & inæqualis, mordax capitis dolor, tenebræ obiectæ oculis, ventriculi dolor, inconstantia labri inferioris, tenuis sputatio per alui fluxum. Hic pulsus occultatur, parusq; fit, intestina murmurant, aut mordicationem sentiunt: iam fluxum ventris futurum prænuntiabis: quibus si tormina circa ventrem &

Sensibilis excretio septem modis fit.

Vomitum præsignificat.

Alui fluxum indicantia.

Menstruo-
rum fluxum
præcedētia.

Quæ hæ-
morrhoides
fluētes præ-
cedant.

umbilicum fuerint, & bombi ventosi vltro erumpāt, signi-
ficatio euidentior erit; & si nulla signa propria præceden-
tium excretionum adfuerint. Fit etiam menstruorum eru-
ptio salutaris lumbis prægauratis, tensis & dolentibus. Si
etiam dolor & ardor circa sumen ventris ac pectinem, &
lumbos ventremq; inferiorem adfuerit & vrina nigra
cum hypostasi nigra spectetur, mensium profluvium ex-
spectato, multoq; certius si tempus instet. Per hæmorrhoi-
des, quæ si fluere consueuerunt, pruritusq; ani, tum tumo-
rum ac venarum ani inflatio adfuerint, harum quoque e-
ruptionem expectare poteris. Deinde per vrinam huius
autem profluvium aduentare colligemus, si reliquarum ex-
cretionum indicia absuerint, si alui suppressa est, nec mul-
to antea copiosam vrinam reddere cœpit ager. De signis
fluxionis sanguinis per nares & sudoris antea dicta sunt.
Diligenter genus excretionis notandum, & qua fieri via
debeat, ne quid à nobis tentetur, vnde natura impetus im-
pediri possit, cui potius suppetias ferre æquum est, si forte
præter imbecillitatē tardius moueatur, vt si fiat per vom-
itum, adiuuabimus leui vomitorio dando sy. acetosi simpli-
cis ℥j. aquæ hordei ℥ quatuor. Si per sudorem vel per vri-
nam, cum ℥ iij. aquæ hordeaceæ etulsi. se. 4. frig. maior
℥j. zach. ℥ iij. misce. & ita de aliis. quod non solum de
ardente febre, verum etiam de quacumque biliosa & con-
tinua intelligendum est.

OBSERVATIO XXIII. DE

CAUSO NON EXQUISITO.

MILES ille Gallus, qui mense Februario an-
no 1573. apud cereuisiarium, cui pro ædibus
cæmpana insigne erat, ardente febre non exquisita
corruptus, minus vrebatur: cui & sitis aderat non
tamen ita vehemens vt in legitimo causo. Hic enim
cū

cùm in Zelandia per totam hyemem perpeſſus eſſet multos labores, in hanc febrem inciderat, ad quem prius circa 14. diem accitus fui. debilis hic erat, multa liquida, bilioſa, ſimul & pituitoſa, muccoſa, poſtea & glutinoſa excernebat, lingua arida & ſubnigriuſcula erat. Cumque vires iam planè labefactæ eſſent, ſanguinem demittere non auſus fui. atque eodem die quo ad eum ingreſſus eram, bis iam aluum depoſuerat. præſcribo igitur alterantia quæ & putredinem compeſcerent. oxizach. ſimplicem ſyrupum de acetofitate citr. ſyr. viol. Et quia non dormiebat, dabam emulſorium ex hordeato cum ſe. pap. & tempora inungebam oleo. nympheæ & pap. adiecto exiguo vnguento populeo. Cùm etiam in pectore nonnihil doleret, hunc ſyrupum ſequentem propinaui. & ſyrupi capill. ven. (ſi leuem tuſſim non habuiſſet oximel accepiſſem) ſyr. pap. (ed quòd non dormiebat) ana ꝑ. aquar. vngulæ caballinæ ſcabioſæ borag. ana ꝑ. j. miſce. Verùm cùm aſtantes me inſcio vinum rubrum propinaſſent, & in cibo pultem cum vino & ouis dediſſent, peſſimè deinde habuit, lingua nigra atque aduſta euasiſt, vigil factus eſt & delirabat. Poſtea tamen incidit in copioſum ſudorem, ac præter mentem omnium 17. die à febre liberatus eſt.

S C H O L I A.

CAUſVS ſpurius, ſit quidem ex flaua bile, vt antea dictum eſt, ſed non ita ſincera, imò cum aliqua portione pituita admixta, ſubinde etiam à pituita ſaſa, & hac febris ardens notha ſub finem Autumni vel hyemis frequentius accidit, præſertim poſt multos & graues labores, poſt multas inadias, medicamenta calida & ſicca, ac alimenta, aliasq; denique cauſas, quæ humores etiam

Cauſus ſpurius.

frigidos accendere possunt. Propterea non solum hic miles, sed infiniti cum eo, qui in Zelandia per autumnum & hyemem perpessi essent multos labores & inadiam, in eiusmodi febres inciderunt, & plurimi ad sepulchrum demissi sunt: quemadmodum etiam Hispanis militibus euenit, ut ab aliis accepimus, in obsidione Harlemensi, qui populum etiam apud nos hac febre extincti sunt, atq. plures adhuc morituros existimo, ubi aer calidior euaserit, ex hyeme horrida perpeffa, resolutis tandem corporibus: ut contingere solet pomis congelatis, ubi enim cessauerit gelu, tunc prius corrumpuntur. Ceterum causus illegitimus dicitur, eo quod non ex bile sincera fiat, vel quod legitima symptomata non ita adsunt. adfert quidem sitim, sed non ita vehementem, & licet lingua appareat sicca & aspera, & sentiat etiam aliquando salsedinem, si humor salsuginosus sit, etiam excrementa magis sunt corrupta & nimis aliquando biliosa: magna tamen corporis adest perturbatio, capitisq. grauitas & dolor (quae omnia in hoc milite erant) conuulsio, ut in aliis vidimus, à quibus & mors urinae crassae & turbulenta. at sicut causus legitimus raro per abscessum soluitur, ita nothus interdum parotidibus & frequentius abscessu terminatur, infra quidem si sub diaphragmate materia contineatur: supra vero, si supra diaphragma constiterit. Causos vero hic ex bile salsa, deterior quam ex bile pura, non quidem ratione accidentium, sed quia diuturnior & difficilioris curae euadat: natura enim simul difficilem, saeuum & longum morbum non sustinet, cum prius deficiat. Ardentes igitur febres periculosissima sunt in aëre frigido, ut Gal. affirmauit *ix. method. cap. 9.* Quomodo ex causo commilitones, ut refert Iohannes Langius sub Duce Friderico Comite Palatino (in cuius castris ipse merebat) contra Mahometicae factionis imperatorem in bellum profecto in exercitu Romani Imperij infiniti mortui

Causus illegitimus cur
ita dictus.

Pronostica.

mortui sint, habetur prima epistolarum miscellanea, epistola quarta, in qua chirurgorum in curatione temeritas notatur, cum linguam videant nigram, quam & hodie inepti die bruyn appellant, illam curare satagunt, causa & substantia morbi neglecta, ita dum hac ipsa in castris febris ardens sauiat, etiam nunc plures apud nos quoque chirurgorum imperitia interempti sunt, quam hostis gladio. Qui cum causam morbi & necis in fusco linguae colore subsistere arbitrantur; foeda excogitant remedia, quibus linguam expoliant. Hic expresso de cancris succo, os patientis colluit: alter dissoluto equorum stercore, illius colatura linguam aegroti eluit. Taceo quod nefas esse ducunt, alio quam fusci aut rubei coloris panno, aut alio quam prunorum fusci coloris ligno, linguam abstergere: ac si specialis in coloris similitudine subsisteret sympathia. O stulti! quando accidens, neglecta illius & morbi causa, curare satagitis: umbram quoque corporis creta dealbare frustra laborabitis, & Aethiopem lotionem album reddere. Hac illorum temeritas sane eos prodit ignorare, quis sit in complicatis affectibus, quos Graeci διαδοσεις appellant, curationis methodus, & indicationum ordo & scopus: quorum primus à causa affectuum & morbi sumitur interna, quae sui ablationem per contrarium indicat. Constat autem morbum esse suorum symptomatum causam: lingua exsiccatur & nigrescit ex febre ardenti, nisi prius hanc causam extinxeris; nempe ablata febre, linguam à nigredine nunquam vindicaueris: quia non solum in causone, sed in quouis interno epatis erysipellate & inflammatione inscitur. Alter verò curationis scopus, eius sine quo non habet: sic nisi prius ablato phlegmone, vulnere inflammato frustra medeberis. Tertius verò curationis ordinum scopus vrgentium & accelerantium curamq; ad se attrahentium affectuum rationem habet: sic syncopis & lipothumia pri-

Der on-
gelerten
feldscherer
bhzeyne.

Primus cu-
rationis cau-
sonis sco-
pus.

Alter gene-
ralis curatio-
nis scopus.
Tertius sco-
pus.

mas curationis partes sibi despondent. Atqui cum lingua in censu, naturalium vitæ membrorum non sit eius discoloratio, nec causa eius sine quo non, vel vrgentis, rationem habere potest. Ideò causa caloris febrilis primò auferenda. Rectam methodum huius præter Arabes medicos Hippocrates lib. 3. epid. & 4. De ratione victus in morbis acutis explicat. Gal. in methodo, & eius simia Paulus Ægineta.

OBSERVATIO XXIII. DE FEBRE continua tertiana biliosa, in iuvene bilioso.

IVVENIS biliosus & admodum adustus, natus annos viginti sex, in principio æstatis, Iunio mense, in febrem continuam eamque biliosam incidit. Delphis hic decumbebat graviter quidem, & tertio quoque die febre magis affligente. Erat autem hæc febris tertiana continua. Huic autem caput gravissimè dolebat, oris ingētem amarorem sentiebat, lumborum dolorem vehementem ex nimio calore patiebatur. Cùm autem secundo die ad hunc accitus essem, statim in aurora hoc pharmacum minorans dedi. ℞. electuarij lenitivi ℥ j. syrupi ros. solutivi ℥ j. β. aq. endiviæ ℥ iij. β. fiat potus. quem ieiuno stomacho bibebat, quo postquam multa egressit, ita quoque multa biliosa, citrina & vitellos ouorum referencia per intervalla euomit. altero verò die, qui erat tertius dies ab initio morbi, cùm bilis tertio quoque die magis affligeret, dolor capitis tum febris ipsa vehementiora erant. quarto omnia remissiora, quamvis febris non intermitteretur. qua de re cùm melius illo die æger se haberet, & vrina cum crassitudine rubricaret, pulsusque magnus esset: excedebat autem longitudine & altitudine, profunditate, qua de re ex
ieco-

iecoraria vena sanguinis vncias ferè sex duabus in peluiculis fluere iussi, ex quibus sanguis primus corruptione affectus erat, secundus verò absque vlla aquositate serosa, rubicabat: vnde eodem die melius se habere dixit, febrisque minus intensa fuit, præsertim post venæ sectionem sudore superueniente. Interim hunc syrupum dedimus. & syrupi de ribes ζ j. aquæ endiuia acetosæ ana ζ ij. misce. lumbi autem qui dolebant vnguento rosaceo inungebantur, & accidentia supradicta cœperunt mitefcere, & calor febrilis tandem minuebatur, ita vt hic septimo die perfectè curatus fuerit. cibus huic erat panatella cum agresta. venit tunc mihi in mentem similis ferè historiarum Amati centur. 5. curat. 26. De febre biliosa continua; in sacerdote cui pharmacum minorans etiam ante venæ sectionem præbuit, quod magis etiam hic profuit quàm si vena prius secta fuisset.

S C H O L I A.

FEBRIS tertiana continua proportionata à medicis dicta, quantum ad eiusdem essentiam & curationem siue sit exquisita siue notha, eodem ferè modo fit, cognoscitur & curatur, vt tertiana intermittens. Ceterum quamquam intermittentes febres eas appellamus ex Galeno, quacumque ad sensibilem infebrecitationem seu (rectius dicam) ad febris vacuitatem perueniant, Græci ἀνυπόξια dicunt, vt lib. 2. De differ. feb. liquet cap. 2. Continuas vero, quæ ad iam dictam infebrecitationem; seu febris vacuitatem antequam ex toto soluatur, non desinunt, quamuis declinatio aliqua sensibilis appareat, quemadmodum ab eodem Galeno 2. De crisibus scriptum est cap. 6. cui sententia subscribit Paulus cap. 26. lib. 2. Intermittentes fiunt ab humore extra vasa. continua ab humor. intra vasa conclusæ.

Febris tertiana continua proportionata.

Intermittentes febres quæ.

Continuæ causa.

Continuæ
cur in infe-
bricitatio-
nem non
definiant.

Intermit-
tentes cur
definiant in
infebricitatio-
nem.

Causæ ter-
tiane conti-
nuæ.

Differentia
inter causon
& tertianam
continuam.

clusa. At nunc loquimur de continuis proportionatis (non conclusis continuis) quæ plures habent accessiones, quæ ad infebricitationem non perueniunt. quoniam qui earum causa est humor, non expurgatur, ut liquet lib. 2. De cris. Præterea cum humores sibi inuicem adhæreant, ac continui sint, suoq; contactu vicinos ad putredinem trahant, quando in venis continentur, priusquam desinat vna accessio, alteram incipere necesse est. In intermittentibus verò cum humor vehementer moueatur, dissemineturq; per singulas corporis partes, suo delationis impetu, per vomitum, urinas ac sudores sæpe expurgatur, interim verò insensibiliter in vaporem portio quedam digeritur, aut si crassus fuerit humor, per alui quoque deiectionem expurgatur, quamvis & tenuis etiam quandoque, & propterea sensibilem intermissionem habent, & priusquam accessio superuenerit, altera præcedens intermittit. Neque enim aded adhaerentes ac continui extra vasa humorēs sunt, quemadmodum si in eisdem continerentur. Cum itaque continuæ febres proportionatæ (de quibus nunc deinceps agemus) fiant vel ex bile, ut tertiana continua, vel ex pituita ut quotidiana continua, vel ex melancholia ut quartana continua. At nunc loquimur prius de tertiana continua. Hæc autem fit ex cholera seu bile putrefacta, in venis remotis à corde, & propter hoc à causo differt: nam in ardente febre ut dictum est, in venis admodum propinquis cordi putrescit bilis: unde etiam symptomata tertianæ continuæ debiliora sunt symptomatibus causonis: intensiora tamen & maligniora quam in tertiana intermittente. fit etiam aliquando à bile mista pituitæ, aut melancholiæ: sed tunc minus exquisita est. Et ita patet differentia inter causon & tertianam continuam: quia causos fit ob visceris alicuius inflammacionem, licet etiam fit citra inflammationem ex bile in venis prope cor putrefacta. Et si causos fit nothus, fit quidem ex pituita

pituita salsa, sed prope cor in venis quoque putrefacta. In continua verò tertiana siue bilis, siue pituita salsa in venis putrescat id quidem disitis à corde. Iam quoque accidentia causi fortiora, minusq; tertio die agri exacerbantur, & potius equaliter vri videntur. In tertiana continua motus tertio quoque die excandescit & manifestior fit remissio, & exacerbatur motus, nullo frigore aut rigore præhendens, nulloq; sudore insequente mitescens. Non tamen negamus quod aliquando incipiant cum leui quodam rigore, maxime si exquisita fuerint; aliquando etiam cum leui horrore, vbi nothæ fuerint, vt Caput de Vacco Medicus insignis dicebat, (dum Auicennam de febribus legeret, vt ex Adriano Teylingio Medico eius discipulo Cognato nostro accipimus) materia ipsa propulsa de venis magnis ad paruas seu remotas, sed hoc non est tertio quoque die: verum aliquando primâ vice, idq; rarius: & tunc etiam leuissimus est horror aut rigor. Nam si rigor postea appareat, & febris tertiana continua non deficiat neque mutetur in tertianam intermittentem, agro iam existente debili, tunc lethale erit, nisi subsequatur crisis præcedentibus signis cõtionis. Nam nos sæpissimè vidimus tertianas continuas sine paruo rigore incepisse. Si verò incipiant, vt doctissimus ille medicus dicebat, idem rigor erit exiguus nec effatu dignus, multoq; maior esse solet in febre intermittente. Præterea continua tertiana differt à syncho putrida, quæ fit à sanguine, & continuo augetur & diminuitur, aut in eodem statu manet, vt dictum est prius. Hæc autem tertio quoque insequitur motus bilis. Iuniores autem hac febre biliosa magis afficiuntur, bilis enim multa colligitur in his, & qui tenui victu, aut inedia vtuntur, sitq; in estate & in constitutionibus calidis & siccis, quandoque in otiosa vita, sed curis plena, tunc cacochymia biliosa dicitur. Breuiter easdem causas habet, quas causos, sed minus vehe-

Differentia
inter febrem
synochon
putridam &
tertianam
continuam.

Signa de-
monstrativa
tertianæ con-
tinuæ.

mentiores: vel easdem, quas febris tertiana intermittens, sed fortiores. Signa itaque quæ tertianam continuam consequuntur, sunt media inter causi signa & tertianæ intermittentis. Vel hæc ipsa habet eadem accidentia, quæ tertiana pura intermittens, verum magis intensiora: vel mitiora quàm causos legitimus habeat. Signa igitur quæ ab exeuntibus sumuntur, ut est vrina, hæc ipsa est subtilis, intensa rubedinis, vel subrubea, aut rubea, substantia tenuioris, egestiones quoque citrinæ biliosa, neque in ea apparet sudor, nisi in die critico. A substantialiter inherentibus, ut caliditas acuta mordaxq;. A qualitate mutata, ut facies citrina, oculi subrubicundi, lingua aspera ad nigredinem vel flavedinem tendens. Ab actione lasa, ut sitis intensa, quandoque etiam adsunt deliria, adest sapissime dolor capitis continuus, vigiliarum instantia, aliâq; vehementiora quæ in intermittentibus fieri assolent. At hæc clariora apparebunt exemplis sequentibus.

OBSERVATIO XXV. DE TERTIANA CONTINUA MALIGNA INTRA octo dies ægrum interficiente.

NICOLAUS Guilhelmus, vir consularis Delphius, annorum quinquaginta, alioqui robustus ac boni habitus, sanguineus & parum pituitosus; cùm hic per totam æstatem quotidie rus adiret ad mansionem quandam, quam non procul ab vrbe haberet, in qua apud agricolas suos plus æquo agriculturæ intentus, qui etiam impensè fructibus horariis delectabatur, ac quotidie iis utens, domum reuersus continua tertiana, eaque vehementiore circa decimum diem Septembris anno 1583. correptus est, atque statim materia adhuc existente cruda, put-

gationem

gationem vehementiorem suomet consilio, nempe electuarium de succo ros. paulò ampliore dosi, imprudenter tamen accepit, quo licet quinquies aluum deposuerit, febrem tamen per se satis malignam auxit. Altero die verò chirurgò ad se accito, qui etià vulcus annuum quod in crure habebat curabat, eodem tempore sanguinem sibi ex brachio satis copiosè detrahère iubet, & simul eodem die rursus purgationem eandem sumpsit, qua & aliis pliusquam satis soluta fuit. Verùm febris per se maligna, ita demum increbuit deiectis viribus, cum tanta siti ac capitis dolore vehementiore, vt subindè in delirium inciderit. Ad hunc tunc prius vocatus fui, quæ transacta cum mihi narrabantur, pessimè ægrum egisse admonui, atque in omnium medicorum illustrium regulas peccasse narrabam, quòd materia existente cruda statim medicamentum electiuè purgans accepisset, mox & die sequenti sibi sanguinem detrahère iussisse: verùm etià eodem die medicamentum purgatorium sumpsisse, naturæ ob hoc vim quoque intulisse, cum venæ sectio materiam ab interioribus ad exteriora trahat, purgatio verò è contrà ab exterioribus ad interiora deducat, præter id quod vires plurimum fuerint deiectæ, & febris supra modum aucta. Urina quam tunc emittebat cruda, alba, tenuis & clara exitebat, atque ita permanfit vsque in mortis horam, præcul dubio in febre continua eaque acuta & maligna mortem præfigens, de qua latius in scholiò dicturi sumus. Erat autem valde inquietus, & aded sitibundus vt sine ratione cereuistam cōtinuò ingurgitaret, calore circa præcordia infus permanente, ita vt sæpius cogeretur eandem euomere. Quare ad suum extinguendam

cum sub noctem accitus essem, & pro putredine febrili arcendam iuleb. sequens præscripsi, simul ad medicamentum maligni abstersionem, & decoctionis hordei communis in aqua pura decocti ℥ vj. syr. de limonibus ℥ ij. misce, fiat iuleb. pro duabus dosibus. Interim frontem & tempora ob insignem capitis dolorem sopiendum, & somnum inducendum oleo nenupharino & vnguento populeo ac rosaceo simul mixtis, vt inungeret mandavi. Pro siti quoque sumebat cerasa amarella condita, & lactucam conditam aqua frigida aspersam. At tertia quaque nocte cum peius semper haberet, & sitis eum magis affligeret mane sequentem hunc syrupum quoque propinaui. & decoctionis hordei mundati ℥ iij. syr. de limonibus oxizach. simplicis, sy. ex infus. ros. ana ℥ β. misce, fiat syrupus. Ceterum quinto die ab initio morbi cum tertius esset dies, quod aluum non deposuisset à purgatorio medicamēto ab ipsomet assumpto, quod licet egregiè purgauerat, nunc tamen aluus subsistebat: cum debilis esset, mannatis selectissimi ℥ j. β. in ℥ iij. aqua cichorij soluti dedimus. verum euomit. Et nocte subsequente adeò erat inquietus, vt decies sexies è lecto se mouerit, ac nescio quot congios cereuisiæ præter rationem ingurgitauerit, quem cum obiurgassem, quod in lecto sese non contineret, atque tantum cereuisiæ potum inhibuissem, eundem admonui vt nostris præceptis auscultaret, aliqui ei euenturum, quod nobili cuidam, quem istis diebus Goreomij curabam, contigit. Narrabam autem duos ibidem ægros me tractasse, nobilem quendam Chuenssem ex familia Quadiorum, & æconomum Comitis illustris de Hollach (cuius iussu eò quoque vocatus fueram) simili febre laborantes,

Nobilis

Nobilis, qui nostris monitis sese continere in lecto non vellet, inquietus, febre increfcente, mortem cum vita mutauit. At œconomus nostris præceptis obediens, breui conualuit. Quamobrem nisi se quietum teneret, idem illi euenturum prædixi. interim tantum cereuifiæ potum inhibui, atque vt eius loco iuleb sequens sumeret, imperaui. & aquæ hordei mundati puræ lib. j. sy. acetosi simplicis ℥ iij. syr. de limonibus ℥ j. misce. eo cum vsus esset videbatur inclinari ad sudorem, & paulò melius habere. Verùm febre sub noctem ingrauescente, rursus ex lecto sæpius surgebat, pedes hinc inde iactabat, denudabat, tegumenta non ferens, atq. ad cereuifiæ licet tenuem denuò ingurgitandam conuersus, pessimè deinde habuit, ac subinde delirare cœpit. glandem iniicere iubeo satis acutam, at alium non reddidit. Cumque octauo die ab initio morbi omnia peiora inuenirem, quo die etiam manè vuas crudas deuorasset, me infcio, febris valdè aucta est, vrina alba, cruda permanente. Cum verò clysterem humectantem, refrigerantem, alterantem, lenientemque in officina parari iusseram, verùm ad ægrum mox reuersus cum eum animaduertissem tendere ad mortem, clysterem iniicere nolui, nam eodem die nempe decimo septimo Septembris, membris externis refrigeratis, voce destituta, sub noctem circa septimam horam obiit.

S C H O L I A.

VTRVM hic sua incuria vel potius malignitate febris sit mortuus, aliquis dubitare posset? Auaritia tamen minimè factum est, quod in principio me non vocauerit, cum aliàs hominem, si quem alium, gratissimum ac liberalissimum expertus fuerim. Erat autem vir probus, ac

Vrina alba,
tenuis, clara
in deliranti-
bus in febr-
bus conti-
nuis acutis
vel atdenti-
bus lethalis.

Signa pro-
gnostica ter-
tiana con-
tinua.

honestus meiq, amantiſſimus, vt eius mortem nimis intem-
peſtiuam deplorem, cum & is acris deſenſor contra annu-
los meos exſtiterit. Duo interim ſigna lethalia hic ſpecta-
bantur: imprimis vrina clara, tenuis, cruda, permanens vſ-
que ad mortem, delirio accedente. Galenus (vti prius dixi-
mus Obſer. xv. huius libri) neminem delirantem talem
vrinam habentem vidit ſeruatum, neque ego in febre acuta
aliquem vidi ſanationem, quanquam hic aliàs (quod ſemel
tantum ſpectaui, interim quod quadraginta annis nunc
proxim exercuerim) pleuritide & febre continua labo-
rans, per totum decurſum morbi habens talem vrinam,
euaſit, à me laude diuina tunc curatus. at nunc eandem
vrinam ſemper reddens, exſtinctus eſt. Aliud ſignum le-
thale in eo erat vlcus annuū quod in crure habebat ſiccum
& liuidum, ſic dicente Hippocrate 1. lib. pradic. cap. 8.
pradic. 25. Vlcus ſiue antea exſtiterit, ſiue exiſtat in mor-
bo conſiderandum eſt. Si enim moriturus ager eſt, ante
mortem aut liuidum & ſiccum, aut pallidum & ſiccum
erit. Verum medici iuniores hic diligenter animaduer-
tant quod ſigna prognostica in hac febre tertiana conti-
nua eadem ſere ſint, quae de febribus acutis & cauſo di-
cta ſunt. Nam haec ipſa vt plurimum ſi exquiſita ſit, ſep-
timo ad mortem vel ſalutem tendit, ſi in quarta ſigna in-
diſteſtionis vel coctionis appareant: ſi retardentur 14. diem
vix haec febres tranſeunt, vel in ipſo terminantur, qui ter-
minus acutorum communis eſt. Omnis autem tertiana con-
tinua ob materiam furioſam & morbi velocitatem ſuſpe-
cta eſt (quemadmodum haec fuit) cum virtutem maxime
deiciat. Criſis itaque in hac, vt in ſyncho non ſuperat
diem 14. Et quoniam bilis diebus imparibus mouetur, die-
bus imparibus ſi criſis fiat, aut per alui deiectionem, aut
vrinas, aut ſudorem, bonum: ſi paribus, malum. Fluxus
ſanguinis narium copioſus, vel vomitus bilioſus, aut ſudor
calidus

calidus vniuersalis totius corporis, aut fluxus ventris cholericus, si superuenerint statim à principio tertiana continua, vel in aliqua die critica, quam præcessit iudicatiua, post signa digestionis perfecta, cum virtutis robore, & infirmi alleviatione, salubre: contrarium, lethale. Si remedia quaque die exhibita contulerint & accidentia fuerint remissa, salubre: contrarium, mortale. Lingua in hac febre cum multa asperitate nigra existens, febrem deterioiorem notat: sin alba, leuiorem: si citrina, medium inter vtrunque obtinet. Si conuulsio vel oris tortura superueniat, vel oculorum contorsio, lethale plerunque cum spasmi ex inaniitione fiat. Vrina in principio rubea vel citrina, subito alba euadens phrenitidem perniciosam præagit: ita alba & tenuis, extremam perniciem, vt in hoc nostro egro. Si ager quoque ab initio malè imaginetur, ac peruerse ratiocinetur, capitisq; dolore vehementiore afficiatur, bile ad cerebrum raptâ, phrenitidem futuram denunciat, nisi ilicò reppercutientibus circa cerebrum impediatur. Extrema si frigida, pectus venterq; incaluerint (vel vt alij ferunt) induruerint, lethale: hac enim magnam inflammationem notant, præcipuè si interiora vri videantur. Ictericia ante septimum plerunque hic lethalis, septimo 9. 11. 14. salubris. Stupor, alienatio, asthma, inquietudo iacendi ante coctionis signa, mortale. crisis enim symptomaticam & malignam notant. omne signum criticum veniens ante signa coctionis, malum semper, aut saltem timorem incutiens. Curatur autem vt intermittens, hinc aliqui vt Auienna, curationem continua aut omiserunt, aut pauca de ea scripserunt. iisdem enim auxiliis cedit, & differentia tantum est secundum maius & minus, & curatur eadem ratione qua ardens, hoc dempto, quod in tertiana continua minus frigidis vtamur, quam in ardente. Et sic generatim mittitur in hac sanguis, sed parcior, alteratur etiam

Curatio tertianæ continua.

corpus & symptomatis occurritur. Vel est similis curationi intermittentis, quemadmodum Auicenna testatur principio quartæ tract. 2. cap. 40. iis exceptis, quod plus infrigideamus, & plus digeramus, & magis solliciti simus in curatione continuæ: nam & quantitate & qualitate deterior est & magis periculosa, licet materia sit vnius speciei. Vtimur quoque in continua victu tenuiori ob virtutem magis oppressam, & rhas. iubet extinguere maximè calorem febrilem. Prouocauimus hîc etiam vrinam cum decocto hordei, & se. 4. frigid. maior, quæ etiam ad sudorem faciunt, & intendimus magis lenitioni ventris ob siccitatem & maiorem metum phrenitidos; & ante coctionem minus vtimur solutiuis ob virtutem debilem, & eò quòd malam impressionem relinquant, & nimis calefaciant. ideò Auicenna contentus erat clysteribus leuioribus. Minus quoque in hac conuenit vomitus quàm in intermittente: at magis vena sectio, quemadmodum exempla subsequents magis declarabunt. Eadem quoque, quæ de accidētibus corrigendis diximus de febre acuta, huc transferenda.

OBSERVATIO XXVI. DE TERTIANA CONTINUA

in viro Nobili bilioso.

IACOBVS Coppierus, vir nobilitate insignis, Dominus de Kalslagem, cùm annum ageret vigesimum quartum, vigesimo primo die Augusti, anno 1556. continua tertiana corripì cœpit, iuuenis ratæ texturæ, fatisque biliosus. Hic verò in Hagha Comitatus decumbebat, cui Antonius Harverus senex ille ac insignis medicus, honoratio publico à Senatoribus Hollandiæ condecoratus, medebatur. Cùm autem hîc, alioqui in praxi eximius, de vita huius
agro-

ægotantis desperaret, me Alcmaria (vbi tunc habitabam & praxim exercebam) in Haghām Comitibus euocarunt vxor atque eius amici. Decimo die quo decubuerat ad eum perueni, cū pessimè haberet. Medicus verò venæ sectionem ab initio prætermiserat, eò quòd vrina tincta quidem foret, verū minimè crassa. At de hac re latius in scholio subsequente. neque in principio aliquod leniens medicamentum exhibitum fuerat. Nunc verò statu imminente sectionem venæ omittendam esse nobis visum fuit. eaque de causa cum medico præsentē alterans iuleb quod sequitur vnā præscripsimus. ꝛ syrupi acetosi simplicis oxizach. simplicis ana ꝓj. ꝑ. syr. de cichor. cum rhabar. ꝓj. aquar. end. cichorij borag. ana ꝓiij. ꝑ. fiat iuleb. fūnebatter in die atque ter in nocte. Fiebat autem secundo quoque die, vt in aliis tertianis continuis exacerbatio. Verū ex iulebo præcedente plurimum sudauit atque habuit secessus copiosos, liquidos & biliosos. Præcedente verò die, qui erat nonus ab initio morbi, incidit in deliquium animi, ac symptomata grauiora, scilicet cephalalgiam, præcordiorum tensiones, medico tunc minus sperante, ita vt æger tunc sumpserit sacram synaxim, & testamentum, quasi hic emigraturus, conscripserit. Post illa symptomata cū ego aduentassē, incidit in somnum grauissimum, ita vt per totam noctem altè dormierit, sudore tandem rorido è toto corpore emanante. At die dominico manē cū ego ægrum accesseram, qui erat 10. dies ab initio morbi, vt dictum fuit, pulsus tunc erat fortis, magnus, plenus, & vndosus, sudorem criticum eumque vniuersalem futurum iudicabam: ideò ægrum quoque tum amicos bene sperare iuebam.

cum autem non diu post sudore præcedente, facies ægri valde ruberet, ac oculi rubicundi essent, deinde dolor in temporibus. pulsatilis, cum hypochondriorum tensione; pruritusque narium adessent, sanguinis è naribus profluvium futurum audacter prædicebam, cum & pulsus fortis, vndosus, & mollis responderet. Vix vna atque altera hora prægressa mox sanguis è naribus erumpebat: ita vt æger ex hoc prognostico, me non solum peritum suspiciebat, sed simul in arte exercitatum extollebat, ita vt me excellentem medicum apud astantes & eos qui illum inuisebant, prædicaret: & ita fiducia erga me confirmata est, quod sanitatem ope diuina facile sequeretur. His modis enim fides medico accedit, vt tirones apud Bertrutium legere possent cap. de informatione medici, in libello suo, quem Collectorium inscripsit. Interim dum hæc fiunt Antonius accedit, & quæ antea in ægro obseruasset, enarrat, quodque infrigidantia tum alterantia prius præscripserat. Verum sudorem illum nunc præsentem, tum sanguinis narium fluxum non decretorium, sed symptomaticum esse dicebat, cum hæc ipsa ante concoctionem euenissent, vrina nondum adhuc subsidente aut crassiore facta. & hinc potius ad perniciem ægri hæc apparere, quam ad eius salutem, aut morbum saltem longum fore & periculosum. Contra ego vrinæ iudicio solo non esse insistendum contende-
bam, licet vrina non omnino subsideret, ea ipsa erat tincta, neque alba, quamuis nondum planè crassa euaderet, cum materia biliosa etiam per secesum utcumque euacuaretur, ita vt multæ euacuationes ab ipsa natura fierent, & quamuis hæc quidem expulsio symptomatica esset, per viam signi quidem mala,

mala, eam ipsam tamen per viam causæ bonam fore iudicabam, cum materiam paratam ægritudinem facere, vel actu facientem minueret. Hinc quoque factum est, vt vndecimo die sanguis è naribus fluxerit, & vrina incepit crassescere, nobisque magnam spem salutis præbēs. Cum decimo die sanguis etiam emanabat, & vndecimo satis copiosè, & simul die ac nocte per intervalla varia, biliosa, ac satis tenuia excrementa deiiceret cum alleuiatione, vires debiliores aliquo modo redditæ sunt; victu paulò magis nutriente vsi sumus, primo quidem pomis prunis-que coctis, mox ad ius pulli accedentes, colaticia, agrestia vel succo arantiorum iniectis. post vndecimam diem etiam oua molliuscula concessimus, quæ in aqua infusa leuiter concreta erant. Interim electuariis roborantibus refrigerantibus utebamur, etiam conditis hunc in modum præscriptis. R. conseruæ borag. viol. ana ʒ β. conseruæ ros. ʒ ij. corticum citri conditi ʒ iij. rob. de ribes ʒ β. specier. diarod. abb. ʒ ij. manus Christi cum perlis ʒ β. syr. de ribes ʒ j. syr. de limonibus ʒ β. probè misceantur ad modum conditi. Decimo quarto die rursus è naribus sanguis fluere cœpit, cumque astantes metuerent, crism perfectam exspectabamus, cum vrinam valdè crassam etiam nunc meieret. quam cum Antonius Harwerus spectasset, non modò in meam sententiam ibat, morbum fore salutarem, sed etiam breuem. Nox enim quæ subsequatur decimum quartum diem præcedentibus multò leuior erat & conualescere cœpit post omnes illas euacuationes à natura factas. Ex hoc prognostico non solum gloriam apud multos adeptus sum, sed etiam pluribus nobilibus innotui. Fuitque æger sanitati restitutus præter

spem multorum, admodum liberalis: à quo viginti quatuor aureos non tantum accepi, verum etiam astrolabium insigne ex ære confectum mihi dono dedit, & quod magis gratum fuit, ab eo tempore mihi summus amicus existit.

SCHOLIA.

HIC diligenter notandum eiusmodi expulsioniones, (videlicet fluxus sanguinis narium copiosus, vomitus biliosus, ventrisq; proluuius biliosa, aut sudor calidus) licet fiant in principio vel ante coctionem, non semper indicare mortem; licet sint symptomaticæ: cum possent nonnunquam iuuare, quemadmodum huic nostro agro euenit, licet vrina non statim subsideret, nec perfectam coctionem indicaret: attamen cum natura multas euacuationes faceret agro bene ferente, & postea vrina quoque subsidente, sanitas tandem subsecuta est, præter medici licet exercitati & amicorum astantium opinionem. propterea, vnico vrina iudicio non semper fidendum est. Eo tempore mihi in mentem venit, quæ Gilbertus Anglicus cap. De accidentibus symptomaticis hunc in modum scripsit. Et quamuis accidentia symptomatica (inquit) interdum nocent aegritudinibus ipsis, & infirmum in maius periculum, & medicum in maiorem sollicitudinem ac timorem & angustiam & laborem inducant: qualia sunt cardiaca diaphoretica, sudor diaphoreticus, fluxus ventris & sanguinis, dolor capitis, singultus & syncopis, asperitas lingue, excoriatio tracheæ, vigiliarum instantia, & mēbrorum tremor, qui longè alius est à typo. Verum quamuis eiusmodi symptomata vel potius eiusmodi expulsio symptomatica per viam signi plerumque mala sit, per viam tamen cause sæpe bona existere solet, ed quòd materiam paratam aegritudinem facere, vel actu facientem minuat, & interdum eandem

eradicat

eradicat ex toto, vt quotidiano vsu experimur: & ita talem fluxum symptomaticum inhibere noluius. Neque fuit signum prognosticon malum, imò bonum, quia paulatim materia expulsa per diuersas & plures euacuationes, nequaquam excedentes, ager hic noster curatus est. Leonardus quoque Iacchinus medicus sanè doctus, scribens De crifibus, inquit, quæ ante concoctionem veniunt, quæ symptomatica dicuntur, aliquando iuuare possunt. Vt adolescens ille, de quo Galenus in lib. De præcognitione agit. & 1. epid. 3. Methon ille, profluuiio sanguinis sunt sanati, cum alter crudas notas in vrina haberet: alter verò etiam lethales: nam nigra minxit quarto diè. Quin & Anaxion vigesima leuatus est ex crisi, cum adhuc cōcocta non essent morbi causa. Sed & eodem lib. 3. citat mulierem quandam, quæ sudoribus iudicata est, quamuis vrina cruditatis haberent notas. Præterea quis negabit abscessum ad paralyfim in apoplexia esse vtilem? quo sæpe ager è portis inferi reducitur. Sic & qui in lethargo fiunt abscessus ad aures. at impossibile est, vt concocta materia fiant aded breui tempore. Quodd si symptomatica crises in lethali morbo possunt tempus mortis producere, vt 3. epid. in Pithionis historia notat Galenus: quantò magis in salubri possunt esse vtilis? Et Herephontem abscessus seruarunt, cum crudi adhuc essent humores. Sed quid aliunde exempla querimus, cum ipsi multos viderimus ritè iudicatos, non modò cum cruditatis, sed & cum lethalibus signis: id per abscessum: aliàs verò nunc excretionem, nunc sanguinem, nunc deiectionem leuatos magna vi morbi: postea morbi reliquias paulatim concoxisse, atque vtiliter vacuata fuere, quemadmodum & in hoc nostro agro contigit. In hac igitur varietate sententiarum, omisfis auctorum verbis ad rationes confugere oportet. Itaque humorum qui causa morbi sunt, alij in vna parte sunt collecti, ac quieti manent, donec con-

Supra Rhasem post caput 13. De conuulsione in Appendice.

Quando humores dicuntur furere.

coquan-

coquantur, alij rursus per corpus vagantur: quod furere Hippocrates dixit, id est, natura proritata instar animalis, cui irritata tument loca semine (vt ait ille) ad excernendum excitatur. Hoc autem fit dum validiores partes ad infirmiores propellunt, & quidem natura excretrix semper nititur à corpore abiicere: sed aliquando contumacia humoris nixum illum frustratur, quarto De vict. Vnde in partem seponit, quæ vel natura, vel ex accidente aliquo est imbecilla. Quod si forte fortuna accidat, vt vna ex precipuis sit, statim discrimen magnum agro imminet. At si contrà res habeat, vt ad ignobiliores materia tendat, vt in podagricis fieri consuevit, inopinata salus agro aduenit. Hac in lib. De constit. artis ad finem. Atque hinc fit, vt non prorsus certa sint præcognitiones salutis, aut mortis in acutis morbis. Quod si excernat è corpore, quid obstat sanitatem sequi, vt ex abscessu? Nihil igitur inconuenit, minari quosdam huiusmodi crisibus, licet id raro eueniat. Rara autem euentu, neque sub artis limite neque disciplina alicuius comprehenduntur. Hinc fit vt Hippoc. & Galenus huiusmodi crises abominentur, quod scilicet plerumque malum potius & damnum adferant. Nam 1. epid. 2. cruda, vel malos abscessus, vel recidiuam, vel crises difficiles & timorosas faciunt. At hic in nostro agro licet vrina erat cruda, interim tamen erat tincta, quæ mox etiam crassior facta est. cumq; secundo in nostro agro 11. diè, deinde iterum 14. sanguinis fluxus oboriebatur, vrina in 11. crassa & concocta existere, illud optimum signum fuit. Non erat igitur sanguis illi restringendus, neque sudor; cum motus natura spem aliquam salutis præbebat. nam symptomaticus fluxus fit constringendus nec ne, vide Gilbertum Anglicum cap. De accidentibus symptomaticis: nam eiusmodi euacuationibus peractis multos sanatos esse animaduertimus: nam hæc peculiarem vim habent vt plerumque sanentur.

Num symptomaticæ excretiones sint impedienda, quæ etiâ ad criticas referenda sunt.

2. epidim. Interim hic notandum, num magno impetu natura molietur motum, an lentè & vi multa. Imprimis præstat nihil iuuare, sed potius procurare ne symptomatis ager fatiscat: quæ multa inuehunt crises agonistitæ. quam prouidentiam habuit Galenus in adolescente illo, cum cucurbitulas ad inbibendam sanguinis profluvium secum tulit. Si lentè, iuuabimus vt Hippoc. fecit: qui Methoni cum sanguis proflueret, caput lauit: quo remedio profluvium excitauit. Quod nos setis porcinis aliquando fecimus in puella quæ variolas habebat, & sanguis non satis è varibus fluebat: eo modo quoque si abscessus ad ignobiliora membra vertatur, iuuandus erit. Cum igitur natura hic nobis indicauit sanguinem etiam admixtum fuisse bili, qui è naribus postea fluens sanitatem attulit, procul dubio vena sectio in principio hic conuenisset, præcipuè cum continua tertiana erat, quam medicus prætermisit, eò quòd vrina esset quidem rubra, non autem crassa in principio, iuxta Arabum quorundam decreta, qui alioqui in tertiana sanguinem non demunt. verum hic considerandum arbitror, quod in omnibus febribus humoralibus quintuplices communes sint materia, & quamuis de materia febris non sint, ea tamen febrem augent. Sunt igitur euacuandæ. Harum autem aliqua contingenter, & non semper adsunt; aliæ necessariò, & semper. Prima igitur materia est sanguis, copia venas replens, & meatus obstruens, qui (vt in febre tertiana) propriè febris materia non est, febrem tamen auget, & interdum materia febris tertiana, hoc est bili miscetur. Euacuatur hæc materia communis vena vel basilicæ sectione. Quod ad secundam materiam attinet sunt humores in ventriculo nauseam excitantes. Euacuantur verò aut vomitu, si laborans facile vomat, alioqui non cogendus: aut leniente assumpto pharmaco, puto cassia aut manna, præsertim cum in ipso ventriculo sentitur grauitas. Ad tertiam mate-

Materiæ cõ-
munes quin-
tuplices in
febribus hu-
moralibus,
quæ licet nõ
sunt de ma-
teria febris,
febrem ta-
men augent.

riam pertinent feces in intestinis, aut superfluitates in venis mesaraicis: enemate verò euacuantur. Ad quartam materiam referuntur, serosi & aquosi humores existentes in venis. Expelluntur autem in morbis à causa calida, ut in tertiana, emulsione quatuor seminum frigidorum maiorum: à causa verò frigida, stillatio liquore adianthi aut hordei & radiciis fœniculi decocto. Quinto ordine numerantur vaporosa materia ex humoribus ad superiores partes euaporantes: educuntur autem per poros cutis fricando, aut sudoribus, operimentis agrotantem tegendo, leuiter elicitis. At exemplum sequens hæc ipsa latius docebit.

OBSERVATIO XXVII. DE TERTIANA CONTINUA CVM VARIIS
accidentibus 14. die curata.

PVELLA annorum viginti, culinaria, macilentata, syrio ardente, tertiana continua vehementiore correpta est; cui & hæc symptomata aderant: fitis intolerabilis, vigiliæ perdurantes, capitis dolor insignis, linguæ nigredo, hypochondrium dextrum maximè incalebat, vermes similiter deieciebat. Ad hanc accitus, cum grauitatem quandam in ventriculo sentiret & in superioribus intestinis, leniens medicamentum præscripsi. & cassiæ recens extractæ ʒvj. diaprunis simplicis ʒβ. dissolue cum aq. end. borag. cich. ana ʒj. addendo syr. viol. ex infus. ros. ana ʒβ. misce, habuitque ex eo tres secessus. Ad materiæ communis educationem in intestinis contentæ, in febribus tertianis continuis etiam hoc enemate commodè uti poterimus. & folior. maluæ viol. lactuæ ana m.j. flor. nimpheæ albæ, viol. ana p.j. hord. mund. m. β. quatuor sc. frig. maior. ana ʒj. prun.

prun. damas. numero x. coquantur in aqua commu-
 ni pro ℥b.j. colaturæ addendo cass. recens extractæ
 ℥j. diapr. lenitiui zach. rub. ana ℥β. ol. viol. ℥iij. sa-
 tis ℥j. misce, fiat enema. Vomitus autem hic non
 prouocauimus, qui magis conuenit in febre inter-
 mittente, quàm in continua tertiana. Quamobrem
 die sequenti cùm vrina esset tincta, ac venæ utcunque
 plenæ essent, & calorem circa hypochondrium de-
 xtrum magis sentiret, ex basilica seu iecoraria vena
 brachij dextri sanguinem depromere iussimus ad
 vncias ferè quinque. Deinde syrupos digerentes ex-
 hibuimus. R. syr. acetosi simplicis oxizach. simplicis
 ana ℥j. β. aquar. acetosæ boraginis endiuia ana ℥ij.
 misce, & sumebat 11 vicibus. Die sexto illâ ita pur-
 gauimus. R. cassiæ recenter tractæ ℥vj. electuarij de
 succo ros. ℥ij. dissolue ℥iij. aquæ cichorij syr. ex in-
 fus. ros. ℥β. mis. fiat haustus. ex quo quinquies aluum
 deposuit. Septimo die vrina valdè crassa & concocta
 spectabatur, & ut aquositates biliosæ magis efflue-
 rent emulsionem quatuor sem. maiorum frig. propi-
 nauimus. postea etiam tegumentis leuiter sudorem
 proleclauimus. Verùm quò ad symptomata supra-
 dicta mitiganda, statim pro siti compescenda hordei
 decoctum dedimus cum syrupo de acetositate citri;
 deinde ut hoc cōdito vel simili sæpius vteretur man-
 dauimus. R. conseruæ viol. oxalidis, nimphææ, cau-
 liculorum lactuicæ conditorum ana ℥β. specier. diad.
 frig. in tabul. ℥ij. syr. de acetos. citri q. s. fiat condi-
 tum. Pro vigiliis cōtinuis, sub noctem capiebat hor-
 deata quibus semen papaueris albi pro emulsione
 adiecta erant. vel hunc syrupum subinde. R. syrupi
 pap. ℥j. β. aquæ lactuicæ ℥iij. misce. detur sub no-
 ctem. quidam his adiiciunt ℥j. pul. diamar. frig. vo-
 luntque

luntque eiusmodi corroborantia esse admiscenda ob narcotica. Ad capitis dolorem statim à venæ sectione ad oxyrhodinā deuenimus ex aqua ros. nimphea & aceto concinnata: & quia in æstate eramus, ea frigide applicuimus, alioqui in hyeme tepida applicamus. Ad nigredinem linguæ panni linei in hac mixtura inculcati linguæ vicissim apponebātur. & mucaginis psili extractæ cum aquæ lactucæ aut ros. aut maluæ lib. j. subinde verò linguam sola mucagine cotoneorum humectauimus. Ad calorem hepatis vniuersalibus iam dictis remediis præcedentibus, prius rosaceo vnguento, deinde & hoc linimento commodè vsi sumus. & cerati fantalini ℥ j. ol. nenuph. ros. ana ℥ ss. lauentur, accuratius cum aq. ros. deinde adiectis spicæ nardi subtilissimi triti gr. vij. misce ac regioni hepatis applicentur. Hic sacculus sequens etiam nobis frequenter utilis fuit. & florum ros. rubearum flor. nimpheæ viol. ana p. j. omnium fantalorum ℥ j. sc. acetosæ portulacæ cichor. ana ℥ ss. spicæ nardi ℥ j. insuantur in sindone rubra, & fingatur sacculus ad semilunæ speciem, qui aquæ ros. cichoreæ irrigatus hepati lepidè prius expressus apponatur, idque manè ante cibum. Hic tamen notandum quod in morbi progressu tutius sit cordi quàm hepati refrigerantia apponere: quoniam gibba pars hepatis venas multas habet, quas, metus est, vt ob frigiditatem obstruantur. Sequens verò maxime à nobis commendatur. & aquæ ros. lib. ss. aquæ acetosæ buglossæ ana ℥ iiij. omnium fantalorum vtriusque coralli ana ℥ j. ss. pul. diamarg. frig. ℥ j. fragmentorum lapid. communium pretios. ana ℥ j. croci (ad seruandum naturalem temporum partis) ℥ ss. vim odoriferi albī ℥ j. His commistis fiat epithema

thema cordi tepidè, si videatur intensus calor. quidam pro vino accipiunt acetum. Vinum magis conuenit ac aromaticum est. Pro vermibus vsi sumus linimentis ex aloë, oleo amigd. amar. absynthij succo portulacæ, puluer. cornu cerui vsi, exigua adiecta cera, vmbilicum eo inungendo. interim per os puluerem cornu cerui cum syr. de limonibus exhibendo, quemadmodum etiam vsi sumus in puella annorum 18. filia illius cereuisiarij, pro cuius ædibus cantharus quo vinum funditur pro insigni erat. quæ simili tertiana & iisdem accidentibus vnà cum vermibus & subinde fluxu ventris laborabat, hæc quoque præter spem multorum, quemadmodum supra dicta puella culinaria, decimo quarto die à febre tertiana continua liberata est.

S C H O L I A.

SCRIBIT Concoregius (cui Sauonarola ac alij practici egregij consentiunt) capite proprio, quod curatio tertiana continua proxima sit curationi tertiana intermittens: nam in hac etiam, inquit, primò incipiemus cum lenitione ventris, sicut in illa, & eodem modo cum cassia, manna. & cum clysteribus alterantibus quandoque & lenientibus, cum in hac febre excrementa plus exsiccantur. Procedimus insuper cum venæ sectione, si sanguis cum bile exsuperet. & licet sanguis sit frenum bilis, in continua tamen modica euacuatio, teste Sauonarola, non nocet: imò infrigidat calorem febrilem. Et licet Arabes suadeant ex sola vrina crassa rubra sanguinem esse detrahendum, ex tam fallaci coniectura malè consilium phlebotomie sumunt. Talis enim vrina etiam rubra aliquando infirmo hepate, vel rene, aut aliis de causis, non ex natura febris etiam contingere poterit. Præstat igitur & alia signa, quæ

Q

vena

vena sectionem indicant consulere, ut est magnitudo morbi & virium robur aut debilitas. Hac magis indicant phlebotomiam (ut alias demonstrauius in libello nostro De incerto vrinarum iudicio) non autem lotium. Propterea quoque in principio huius febris venæ sectionem non omittemus, si lotium fuerit tantum rubrum, tenue, & non crassum, ob quam causam in Obser. XXVI. precedente neglecta fuit, cuius vices postea profluuium sanguinis narium suppleuit. Vomitus minus ut diximus conuenit in tertiana continua, nisi nausea urgente, tunc quidem aqua tepida Zacharo adiecto, vel syrupo acetoso simplici leuiter prouocari posset. Vbi verò materia non turget, & concoctio expectari posset datur syrupi alterantes cum aquis stillatitiis, vel decoctis in hunc modum. R. endiuiæ scariolæ rostri porcini ana m. j. capill. ven. politrici lingua ceruina ana m. ss. flor. nimpheæ albæ, viol. ana p. j. se. 4. frig. maior. ana ʒ j. si portul. lactuca scariola ana ʒ j. prun. damas. numero xij. coquantur in aqua communi pro lib. j. colatura adde syr. acetosi simplicis oxizach. ana ʒ j. misce pro decocto. Si materia turget, dant medicamentum eradicans quamuis leue neque calidum, ut minus bilem exagitet. Si materia est multa, in principio exhibent medicamentum minuens propriam materiam, id est bilem, scilicet ex illis quæ tradita sunt de febre ardente, vel de tertiana intermittente dicetur, idq; pro morbi & virium ratione. Vbi verò concoctio expectari potest, iuuanda erit natura cum syrupis digerentibus iam dictis, ut ipsam coctionem celerius perficiat. Signis autem coctionis apparentibus, si natura nihil expellat, postridie exhibeatur solutiuum medicamentum leue, tamen idq; in die minoris exacerbationis, ut infusum rhubar. cum aqua end. vel decocto thamarind. vel aliud de febre ardente prius scriptum, vel quæ nos vsumus in febribus continuis tertianis precedentibus: interim succur-

Syrupi digerentes & alterantes.

Materia turgente, quid faciendum.

succurimus accidentibus, siti, vigiliis, capitis doloribus, nigredini lingua, calori hepatis, vt de febribus ardentibus similiter ostensum est. Ad vigilias confert etiam hac lotio brachiorum, crurium. R. folior. lactuca, salicis, cucurbita ana m.ij. flor. nenuph. ros. viol. ana m.j. calicum pap. albi cum se. numero ij. decoquantur in aqua & crura tepide tum brachia lauentur. Ceterum de his latius cap. proprio de symptomatis febrium dicetur. Antonius de Gradi cap. De febre tertiana continua, maximè verò pueris vermes in hac febre apparere scribit, pro quo accidente ad vermes necandos & febrilem calorem extinguendum emplastro vtitur ex ʒj. farinae bordet succi crassula minoris (quæ in pandecta pro vermiculari & semperuiua minori habetur) lib.ß. aceti albi ʒj. applicat autem vmbilico.

OBSERVAT. XXVIII. DE CONTINUA TERTIANA IN PRÆGNANTE.

CIRCA æquinoctium autumnale, aliquot continuæ febres tertianæ admodum periculosæ anno 1560. à Christo nato, oriebantur: quo tempore consiliarius ille Damianus de Droegendijck eadem febre decumbens obiit. Hoc ferè eodem tempore matrona nobilis de Druynen, annorum viginti septem, cum vndecim ferè septimanas grauida fuisset, febre tertiana continua in Hagha Comitum apud fratrem agens, videlicet 25. die Septembris corripit. Vtunque plethora afficiebatur, satisque robusta, multisque humoribus repleta, facie existente vtcumque rubicunda ac inflata, tum dolor capitis vehementior eam apprehendebat, ita vt subinde in paraphrenitidem incideret. Febris hæc erat continua, quemadmodum præsens, cum ad eam accitus

Q 2 essem,

esset, facile animaduerti: nam tertia quaque nocte exacerbationem habebat, cum vomitu quodam bilioso, cui pauca portio pituitæ admixta erat: quod tamen rarius in tertiana continua contingit, sed multo frequentius in tertiana intermittente. desinebat autem in remissionem quādam, at non in veram intermissionem: ita vt facile cognouerim hanc tertianam esse continuam. Cū vero post meridiem Delphis eō vocatus essem, omnium primo sequentem syrupum præscribo. & syrupi viol. oxizach. simplicis sy. de acetos. citri ana ʒ β. aquar. end. borag. cichorij ana ʒ j. misce. & sumpsit vnica vice. Pro potu quotidiano, vt vteretur simplici pituitana, iussi. Altero die qui erat 27. Septembris cū redirem & febris intenderetur, deinde in prægnante hæc periculosa esset, ne etiam abortum pateretur iuxta aph. Hipp. 30. lib. 5. Mulierem vtero gerentem capi (inquit) ab aliquo morbo acuto, lethale est. Quāmobrem ob calumniam vitandam, cū ego semper præsens esse non possem, de secundo medico qui in Hagha habitaret vocando, qui semper coram adesse posset, mentionem habui. & ita vocatus fuit Hugho Nieuenius medicus Haghanus, qui in vicinio ægrotae decumbentis habitabat. Cū verò præcedente nocte peius habuisset, atque medicamentum manē exhibendum esse prius proposueramus, cū intra tres dies secessum non habuisset, de pharmaco ventrem leniendo inter nos consuluimus. Nieuenius verò cassiam valde laudabat. ego verò in prægnante mannā præferebam, eō quod cassia à renibus potissimum vacuaret, vnde facilius abortus oboriri posset in prægnante, cuius ratione illustris ille Medicus Ludouicus de Leonibus Bononiæ, & Florentiola, præceptores Io-

res Iohannis Tiengij Medici Amstelrodami, qui eo tempore quo ipse Italiam accederem, mortui erant, nequaquam cassiam in pręgnantibus dandam consulebant. Idem & Elideus pręceptor meus Bononię, si quis alius in praxi exercitatissimus, sentiebat. Eaque de causa pręstantiorem medicinam in hoc casu non inueniri, quàm mannā ipsam, proponebam: & licet aliquo modo in bilem verteretur, cum aqua endiuia, vt melius refrigerādo feces educeret, dāremus. Alia autem pharmaca minus hęc conuenire dicebam, cūm pręgnans foret in principio, & nondum grāvida ad tertium mēsem progressa; propterea ex alio pharmaco existente fortiore facile abortiri posset, iuxta decretum Hippoc. qui iussit lib. 5. aphor. 29. grāvidas purgari debere, turgente materia à quarto mense vsque ad septimum, minus verò has: recentiores autem (inquit idem) & seniores vereri oportet; de qua re latius in scholio subsequenti. Cūm itaque quinque septimanę adhuc superessent, antequam ad quartum perueniret mensem: tutius esse duximus vt leuiori medicamento id pręstaremus. Et sic tandem communi consilio, medico nostris rationibus acquiescente ℥j. β. mannę selectissimę, in ℥ij. β. aquę endiuia, vt potio breuior esset, ne nauſcabunda euomeret, dedimus. Nam vomitus facillē abortum prouocat. Medicus pręsens libenter dosim ad ℥ij. auxisset, sed quia debiliior, sat fuit. quādo cum vxor mea charissima Eua Teylingia, deploratē inflammatione vteri laborans mense Iulio pręcedente accepisset, quatuor secessus habuit, corruptos atque biliosos, cum maxima alleniatione: eodem modo & hęc pręgnans, cūm hora tertia à prandio sumpsisset, ter biliosa eaque liquida, for-

tentia deiecit, vt se postea multò leuiorem diceret. Vigesimo septimo Septembris iterum vnà ad eam redeuntès cùm febris adhuc continuò affligeret, & plethora afficeretur, satisque carnosà foret, missione sanguinis assueta, facie rubicunda, venisque apparentibus, communi consilio, rationibus persuasa, sexto die ab initio morbi sectionem venæ admisit. Et in prægante extractæ sunt vnciæ quatuor (de qua re latius in scholio dicturi sumus) & bene tulit, vt deinde melius habere cœperit. Vigesimo octauo die Septembris cùm ad eam reuersi fueramus, qui erat septimus dies ab initio morbi, & facta est crisis per alui fluxum, cùm multa biliosa deiiceret, & quædam etiam euomuerit signis coctionis præcedentibus: octauo deinde die melius habuit, nec nono die febris vehemens fuit, & cùm in declinatione sudasset, amplius non febricitauit, & fuit perfectè sanata. Post exhibitam potionem ex manna bis adhuc cœpit syrupum præscriptum, & ad roborationem ac alterationem utebatur condito in superficie foliis auri obducto ex conserua viol. borag. manus Christi compositione cum perlis (vt vocant) corticibus citri, syrupo de acetos. citri adiectis. interim ad maiorem refrigerationem, lumbi tum hepar inungebantur vnguento rosaceo descript. mēsuē. Nono die sanitati omnino restituta fuit.

S C H O L I A.

Quando euacuatio debet præcedere venæ sectionem & quando subsequi debet.

QUOD autem in hac nobili muliere prius bilem eduxerimus cum manna, deinde ad venæ sectionem peruenerimus, id secundum canones medicorum illustrium factum est. Vult autem Arculanus suo tempore egregiè in praxi versatus, vbi sanguis aut bilis aut alius humor aqua-

liter

lier dominantur, vel sanguis aliis superet, vt curatio à vena sectione initiumumat, postea verò bilis euacuetur. Si verò sint permixti humores, ac apti sunt cum sanguine educi, à phlebotomia incipiendum erit: vbi verò sunt permixti, neque apti sunt cum sanguine vt educantur, ab euacuatione predominantis humoris cum pharmaco initium curationis aggrediendum est, deinde vena secanda. Et ita de quocunque humore cum sanguine peccante dicendum. Si verò alius humor cum bile abundet, ambo simul euacuandi, & ille magis qui dominatur. Si verò bilis aqualiter dominetur, ea ipsa magis euacuanda: hac enim magis suspecta & ceteris paribus euacuationi magis parata. Idem de aliis humoribus dicendum inuicem permixtis, semper enim is, qui magis dominatur ac digestus sit, & de quo plus timetur, magis est euacuandus. Hanc tamen rationem Montanus videtur refellere, qui etiam ex mente Galeni hanc ponit regulam, si fuerit dominium paucum humoris cum sanguine, sitq; illius parua substantia à natura sanguinis, debemus tunc mittere sanguinem, non tamen tantum, quatum si fuerit dominium multum sanguinis. Si autem multum discesserit à natura sanguinis, adhuc parcius: si verò plurimum, non debemus tunc sanguinem educere, sed euacuare. Itaque tres sunt conditiones, parum, multum, & plurimum, pro regula. Causam huius vide apud Montanum. Alia etiam regula est apud Galenum: vel humores sunt imprimis venis circa hepar in mesaraicis, quæ ventriculum, splenem, intestina circundant: tunc ante sanguinis missionem vacuandum est. & sic in fundo ventriculi vel in intestinis quoque euacuandum. si sunt in aliis venis commixti sanguine, & crudi, prius concocti & euacuati, demum sanguis mittendus est: si verò limosi, adusti, non est mittendus sanguis, & hac sermone lucidiore declarantur 5. meth. De Curatione catharri. Vbi enim limosi sunt

Supra Rhaf.
cap. De curat. cephalæ
ex bile.

In commeto
supra Rhaf.
cap. De dolore capitis
ex materia biliosa.

humores in venis, non est mittendus sanguis, sed prius euacuandi sunt, ut sanguis mundificetur. Alia plurima eaq, vtilissima de hac re vide apud Montanum lectione 4. supra Rhasem, & Langium medicum praestantissimum epist. 17. lib. 1. in qua & minoratua pharmaca auctoritate Alexandri Tralliani & Actuarii commendat. Idem cum humores essent in intestinis crudi, & venis mesaraicis, & tribus diebus sponte hac agra non deiecisset aluum, hac quidem ratione primò euacuauimus leuiter, deinde commode sanguinem detrahete iussimus. Et licet in praegnantibus admodum periculosa vtraque sit euacuatio, ita ut Hippoc. grauidas purgari turgente materia à quarto mense vsque ad septimum iusserit: minus verò has: recentiores & seniores vereri oportet: & cum tria sint tempora foetus, triplices quoque causas Gal. in comment. adducit, quod in principio facile abortum patiuntur ob teneritatem, sicuti fructus cum prius incipiunt, vel poma arboribus minus adherent, sed vento facile labuntur, in medio verò difficulter decidunt, in fine facile ob maturitatem. Et sic Hippocrates purgationes concedit in medio tempore, quia tunc fortiores, & sic minus sunt periculose. Non tamen prohibet aliis temporibus non posse fieri per lenientia. Et quamuis curatio in feb. acutis seu continuis praegnantibus sit difficilis & periculosa ut ex comment. Gal. liquet 3. lib. 1. Hippoc. De morbis vulgaribus, sunt tamen ipsa medicanda, ne moris nomine medicus accusetur. Primis quidem mensibus (ut ad longum docet Benedictus Faentinus praeceptor meus charissimus) ne vincula foetus rumpantur, ed quòd tenuia sint ex purgatione violenta, lenientia tamen conceduntur, qualia sunt manna thamarindi, pruna, rhabar. in propria substantia & non in infusione. Quarto, quinto, sexto & septimo mense minus est periculi, licet mitiora etiam tunc conueniant: in vl. imis tribus mensibus

Virum praegnantibus euacuatio & venae sectio conueniant.

Commento
suprà 1. aph.
lib. 4.

sibus, etiam lenientibus vti poterimus. Cum autem simpliciter Hippocrates dicit, sunt medicandæ, id quoque intelligendum est de sanguinis missione, interim cum quadam cautione, vt de purgatione dictum est. Et i. led aphor. 30. lib. 5. semper veritatem non habet. Mulierem vtero gerentem capi ab aliquo morbo acuto, lethale est: nam experientia comprobatur, quod aliquando, si rectè medicentur. At licet hoc ex natura morbi acuti contingat, vbi cogimur vti tenuiori dieta, vel ex sauitie morbi acuti & accidentium, atque tunc sit lethale: non tamen necessariò, verum magna ex parte, quæ ratione Hippocrates dixit lethale esse. Præterea quod Hippocrates pronuntiauerit, quod mulier vtero gerens sanguine misso ex vena abortit, & magis si fœtus sit maior, eò quod alimento destituitur fœtus, ob quam sanè causam victum tenuem non sine periculo observari aiunt. Ceterum sicut in breui abstinentia, dum reliqua consentiunt, nihil est periculi; itidem nec in parca sanguinis detractiōe, cum cetera suadent; nempe morbi magnitudo, facultas vicens, & ætas florens, sanguinem partiendo, vt Gal. suadet De curat. per sanguinis missionem cap. 12. intermediis temporibus prænantem nutriemus. Hoc modo præceptores mei Elidcus & Benedictus Fauentinus sectionem vena adhibebant, & Iacchinus ille doctissimus hunc aphorismum exponens, aut veteres de vena sectione intellexisse maiori, qua libram seu selibram extraherent, non autem paucam extractionem: nam sanguinem mittere, non secus atque vnumquodque aliud remedium, magnam plaris & minoris differentiam habet. Intellexerunt de ea qui nota digna sit, quam nimirum sanguinis missionem iure dicas. Illas enim ad eò parcas, imò exiguas detractiōes, quibus vulgo nostri medici vtuntur, ne scarificationis quidem nomine dignati forent, vti ex mensuris quas aliquando pro exemplo ponunt, conicere

Vtrum sanguinis missio conueniat in prægnantibus.

Iacchinus.

est. Quod verò hæc Galeni & veterum mens sit, inde conicipotest in libello De scarificatione. Inutile (inquit) est bis per annum venam secare: prohibere tamen qualemcumque sanguinis detractionem non decuit, qui eadem quoque die iterari venæ sectionem aliquando suadet. De integris igitur & effatu dignis vacuationibus necesse est dixisse. Si igitur ætas, & corporis habitus, victusq, qui præcessit, vnà & cali status consentiant, quis dubitabit obsecro, prægnanti sanguinem mittere? quanquam parcius id fiet. Sic nos profecto plurimas vidimus, multas quoque videre amici, vel pleuriti, vel pulmonia, vel angina, aliòve quopiam acuto morbo correptas, non modo abortum perpessus non esse, sed euidentissimam vtilitatem ex venæ sectione sensisse, non solum in mediis mensibus, in quibus Hippocrates fieri suadet, verum etiam in primis & vltimis. Sic mulieri Alcmariana, cui nomen Remula erat annorum viginti quatuor, cum sanguinea & robusta esset, anno 1549. mense Octobri cum saeuissima pleuritide laboraret in vltimo mense partus, hoc est, in principio nomi mensis, sanguinem ad vncias quatuor ex basilica vena eiusdem lateris, detrabere iussimus, & conualuit. Aliud exemplum continua tertiana in prægnante curata subiiciemus.

OBSERVATIO XXIX. DE CONTINUA TERTIANA GRAVISSIMA IN prægnante ex venæ sectione curata.

MARGARETA Adriani vxor illius Iodoci Gherardi cereuifiarij, qui libenter cum doctis, literatis & medicis potissimum versabatur, in ætate mulier vtcunque biliosa & valdè prolifera, prægnans, tertiana continua eaque grauissima cum capitis ingenti dolore correpta est. Hæc ipsa imprægnata

prægnata aliàs semper sanguinem sibi detrahi iussèrat, ne infantes (vti illa dicebat) nati postea scabiem incurrerent. Decumbebat autem hæc Delphis apud templum Nouum, atque ita ex febre vehementiore, dolore capitis tentabatur, vt delirium metueremus, quo in morbis acutis ipsa valdè obnoxia erat. Imprægnata septimum mensem nunc attigerat, cumque huic venæ sectionem vtilem esse proposuissem, quā ipsamet vltro expeteret, vulnerario medico accito vena communis secta fuit, atque ab ea extractæ sunt vnciæ sex, quo solo remedio adedò fuit alleniata, vt dolor capitis tum febris cessarint, atque sanitati probè restituta, duas gemellas robustas atque bene valentes post duos menses peperit.

S C H O L I A.

NOVI & alias quasdam mulieres prægnantes, præter hanc, quæ solita erant etiam in principio, nonnullas quoque in fine noni mensis, ne pueri eorum scabiosi nascerentur, sectionem venæ admittere, nullo morbo urgente, neque abortum passas. quam tamen opinionem ita mordicus (vt quidam chirurgi, qui sine discrimine in omnibus prægnantibus sanguinem detrahunt) tenere non oportet, cum in prægnante non sit facienda, præcipuè in principio & in vltimis mensibus, nisi febre acuta vel alio morbo graui urgente, ceterisq; indicationibus consentientibus. quibus quidem animaduersis commodè in hac, quemadmodum & in præcedente prægnante, sanguinem detrabere iussimus, quemadmodum præstantissimi hodie quoque medici faciunt, vt Amatus in muliere illa Vrbinatæ quadragenaria, secundo mense partus ex vena communi in febre continua sex vncias extrahere iussit, & in vxore propola ad vncias septem, & in alia in sexto mense causone correpta,

Centur. 5.
Curat. 27.

Centur. 1.
curat. 57.

Sanguinis
extractio
minus peti-
culosa pur-
gatione.

Gal. lib. 2. De
rat. vict. in
morb. acut.
& lib. De
curandi rat.
per sangui-
nis missionē.

repta, in qua primum vncias quinque, deinde ex iecoraria quinto die vncias sex sanguinis extraxit, & nono die ex basilica sinistri lateris rursus vncias sex & bis euacuavit cum manna & rhab. etiam in decimo quarto die decreto: cur hoc fecerit, ibidem rationem ponit. decimo nono die iterum inter annularem & minimum digitum tres sanguinis vncias demit & 27. die fuit curata. ita ut in totum viginti vncias sanguinis partitione facta ab ea extra- xerit, & bene tulit, & non abortiit, ac curata fuit. No- stra tamen Bataua mulieres, quæ molles sunt, vix illas to- ties repetitas sectiones ferrent: quamvis hæc missio sangui- nis auctoritate Galeni & etiam Abinzoaris minus pericu- losa primis mensibus quàm mediis aut ultimis. In omni ta- men tempore (ut Amatus ibidem annotavit) puerperæ vel dum prægnans est, fieri potest, cum hæc ipsa minus pericu- losa sit quàm purgatio, aut euacuatio quæ per pharmacum fit, modò tamen euacuandi modum annuadueramus, quia sanguinis facillima sit extractio, ut nulla aut parva in cor- pore sit commotio: si quæ tamen superuenit (fluente san- guine) ilicò cohiberi potest, ac veluti manu teneri, quæ in purgatione fieri non possunt. Et idè tutior est vena sectio medicamento solutiuo, quia statim reprimi posset, si synco- pe vel accidentia oboriantur: at medicamentum intro ex- hibitum oportet, ut vel operetur in materiam peccantem vel corpus ipsum: quamquam, si rem quæ extrahitur, ac à corpore deponitur, respexerimus, procul dubio sanguinis extractio periculosior est, cum sanguis animæ sedes & pe- dissequa, tanquam à natura thesaurus reconditus sit. Quæ de re Gal. lib. De sanit. tuenda 4. ubi vires plus iusto imbe- cilliores sunt, sanguinis missionem prorsus fugere præcipit, & aluum mediocri medicamento deiciendam mandat: at in parua quantitate, cum & ipsa posset reprimi. doctiores tamen sectionem minus periculosam statuunt, licet Petrus

Aponus

Aponus conciliator dictus contrarium sustineat. & ita in Diff. 66.
 priore matrona nobili hora 10. ante prandium, cum febris
 aliquo modo remitteretur, sanguinem detrahere manda-
 uimus, eodem modo & in altera: tempus enim remissionis Quo tem-
 pore fienda
 sit missio
 sanguinis.
 vel minoris afflictionis eligendum erat, neque conuenissent
 in die decretorio. in quarto mannam exhibuimus. in sexto
 venam secuinus, cum ab initio vocati essemus: quamvis Ga-
 lenus non numero dierum, sed vni virium robori in febr- 9. Method.
 bus attentus, non solum sexto septimove, seu etiam diebus
 sequentibus sanguinem mittit. Ita & Auicenna contra eos Lib. 1. sen. 4.
 qui dicebant non esse bonum post quartam diem sangui-
 nem demere, inquit etiam post 40. dies, modo vires ad-
 sint: quanquam prestat in principio id facere, antequam
 vires deficiant, pulsus semper inter secandum observato, Lib. De cu-
 randi ratio-
 ne per venae
 sectionem.
 iuxta decretum Galeni, iubentibus quoque ut statim à ve-
 na sectione non dormiant, licet medicus presens dum prio-
 rem mulierem tractarem apud probatos auctores se non
 legisse hoc testabatur, licet Galenus somnum inhibuerit in
 historia illa 9. meth. d. scripta. Ab Arnolde de Villa-Nova
 & Auicenna somnus quoque inhibetur. Somnus enim hu- Lib. De reg.
 sanitat. cap.
 37.
 mores intro rapit, vena sectio extra propellit, & ideo
 somnum prohibemus ne intro redeant. Vide rationem Ia-
 sonis Pratenfis medici Ziricei, cur non sit dormiendum à 37. Auic. cap.
 proprio De
 venae sectio-
 ne.
 venae sectione. Nieuenius existimabat à venae sectione vi-
 gilandum, quod in accessionibus dormire non licet. imò ne- Iason Pra-
 tensis de ce-
 rebri morb.
 que in accessionibus particularibus sanguis mittendus, ne- cap. 9. De
 curatione
 hemicra-
 niae.
 que dormiendum, neque cibus dandus, aut aliud quicquam
 faciendum ut aphor. 11. lib. 1. constat atque eadem ratio
 est, ut etiam declarabat Gal. aphor. 1. lib. 2. ut spiritus ac
 sanguis in quo calor habitat, ad exteriora retrahatur. &
 quamvis eadem sit causa, qua somnum à venae sectione
 prohibemus, quamvis in principio morbi vniuersalis fieri
 posset, nequaquam tamen in accessione particulari, & ideo

peſſimè faciunt chirurgi, qui in acceſſionibus februm, quemadmodum tonſores apud nos malè conſuevere, venam ſecant. Hac obiter de ſanguinis miſſione hîc dixiſſe nobis vtile viſum fuit.

OBSERVATIO XXX. DE QVADAM FEBRE TERTIANA CONTINUA nono die interficiente.

ANNO 1564. in Autumno, cùm ad Cornelium Zuzium Hollandiæ præſidē vigilantiffimum, ex podagra & chiragra laborantem in Hagham Comitatus accitus eſſem, vt eundem curarem: mox eodem tempore ex eiufdē ædibus Leydas euocatus ſum ad nobiliſſimum Dominum de Lockhorſt, qui in tertianam continuam eamque acutiſſimam inciderat, quem Leydanus Medicus tractabat. At cubiculum ægrotantis ingreſſus, in eo erat ignis luculentus, multa lignorum ſtruce incenſus, vnde locus in quo decumbebat æger calidiſſimus euaserat, ita vt per calorem inſignem reſolutus in ſyncopen inciderit; vir admodum macilentus, & ſi quis alter rariſſimæ texturæ & valdè bilioſus. lotium quod tunc reſervatum erat, inſigni rubedine tinctum ſpectabatur. Ignem ex cubiculo ſtatim amouendum iubeo, atque aqua inſperſa tum aceto ſolum refrigerari præcipio, cùm animaduertiſſem ægrotantem febre continua tertiana detineri. Medicus verò præſens cùm de ægri ſalute ſemper bene ſperaviſſet, primò lenitiuum exhibuerat, iulebos quoque, venæ ſectione neglecta. quartus erat dies, quo dominum acceſſeram; at cùm phrenitidem metuere ex ingenti dolore capitis, & calore immenſo refrigerantia alterantia & ſomni-

somnifera vnà præscribimus. Altero die qui erat quintus ab initio morbi, cùm phlebotomia esset prætermissa, communi consilio venam iecorariam in brachio sinistro tandem secare fecimus, sed quia paulò debilior, paucum sanguinem vt chirurgus extraheret mandauimus. Profuit quidem, licet inelius iuuasset, si ab initio vena secta fuisset in febre tam acuta. Post sanguinis detractionem sequente die nempe sexto melius habere visus est. At in septimo peius, ita vt delirauerit, & in aphras quoque lapsus sit, quibus accidentibus vires corruiebant. Pro victu hordeato utebamur, verùm parum etiã aliis remediis profecimus, ita vt ex signis malis tum vehementia morbi moriturum ægrum prædixerim, medico præsentem in contrarium tum ægro tum amicis salutem pollicente, licet pulsus singulis horis deficeret, viribus paulatim decrefcentibus, & febre magis augescente. octauo die omnia peiora erant: nono incidit in lipothymiam grauiorem, à qua cùm ad se rediisset, sacerdotibus reliquum curationis relictum esse amicis prædicebam, atque iis muniretur quæ demigraturis ab hoc seculo adhiberi solent, alio medico adhuc bene sperante. Sub noctem pessimè habere cœpit, ac eadem nocte obiit. Vnde ego ex prædictione honorem, alter medicus ignominiam habuit. Nihil itaque in morbis periculosis præstantius, quàm bene prædicere. Nam à vera prædictione si æger moriatur non minus gloria, quàm ex sanatione habetur. cùm omnes decumbentes curari non possint.

S C H O L I A.

QUAM sint necessaria medicorum prædictiones, docuit Hippocrates lib. 1. prædictionum, vt etiã nos aliàs ostendimus in libris nostris contra Empiricos, præter id quod

Ob tres cau-
sas viles
prædictio-
nes medico-
rum.

id quod agri parent propensius, ac medicus præsentiendo futura, de longinquo obuiam it, demum quod maxime eius famam conseruat, crimine vacat internecionis. Verum quod ad hanc febrem curandam attinebat, aliquis dubitare posset, cum medicus astans plus iusto seignor esset in sanguinis detractioe in febre tertiana acuta continua, in qua magis quam in intermittente, vt dictum est, ab initio conuenit, nunquid hæc febris magis aucta fuerit, vt postea minus curari potuerit? quin potius hæc ipsa fuit maligna vt mortem intulerit: ignis tamen luculentus in cubiculo agri minus conueniebat, quin potius aer frigidus & humectans, qualis in febribus continuis utilis esse censetur.

OBSERVATIO XXXI. DE TERTIANA CONTINVA NOTHA.

MONACHVS regularis Procurator in monasterio Heyloë, ab vrbe Alcmariana passibus aliquot distâte, annorum quinquaginta, anno 1548. in principio veris, in tertianam nothiam continuam lapsus est: tertio quoque die febris inualescebat, ad veram intermissionem non perueniens, quamuis minus acuta & vehemens esset. Ad hunc vocatus, post ventris lenitionem ex cassia, postea die minoris afflictionis eidem vt venæ sectio ex vena basilica in brachio dextro fieret, mandauimus, ad vncias sex, cum lotium rubrum esset & vtcumque crassum. Mox ob ingentem capitis dolorem, cum adhuc in morbi principio vniuersali essemus, sequens epitHEMA fronti actu frigide vel vix tepide applicari iussimus. *℞ aquar. bethonicæ equiset. end. plantaginis ana ʒj. β. ol. ros. ʒj. aceti optimi ʒ β. misce. & dolor capitis mitigabatur.* Deinde quatuor diebus continuis ad

nuis ad materiam digerendam biliosam & pituitosam hoc syrupo vfi sumus. & syrupi de end. \mathfrak{z} j. mellis rosati colati \mathfrak{z} β . aquar. bethonicae end. buglossae ana \mathfrak{z} j. misce pro vna dosi. quam singulis diebus capiebat. Post septimum diem ita eum purgauimus. & diaprunis simplicis \mathfrak{z} β . electuarij de succo ros. diaphoenici ana \mathfrak{z} ij. aquae bethonicae buglossae ana \mathfrak{z} ij. syr. de cichor. Nicoli cum rhab. mellis ros. colati ana \mathfrak{z} β . misce, fiat haustus. quo sexies multa biliosa, ac simul quaedam pituitosa excreuit, ita vt febris eum minus affligeret, quanquam nondum ab ea in totum euaserit, vrina adhuc magis subsidente. Postea verò etiam ex sequenti decocto bis in die utebatur. & endiuiae, cichorij, dentis leonis, bethonicae, agrimoniae, fumariae ana m. j. cardui benedicti m. β . florum cord. ana p. j. seminis anisi foeniculi ana \mathfrak{z} j. β . se. 4. frig. maior & minor. ana \mathfrak{z} β . prun. damasquar. β . hordei mund. m. j. iuiubar. sebesten recent. ana numero vij. omnia artis ratione coquantur in aqua communi pro lib. j. β . coletur, colaturae addantur mellis ros. colati syr. de end. sy. acetos. simplicis ana \mathfrak{z} j. adiiciatur zach. parum & aromatizetur cum \mathfrak{z} j. β . specier. diarod. abb. & fiat potio clara. Postremo cum hoc decoctum sumpsisset, denuò illum hoc modo purgauimus. & diacatholici \mathfrak{z} β . elect. de succo ros. diaphoenici ana \mathfrak{z} ij. aquae bethonicae cichorij, foeniculi ana \mathfrak{z} j. mellis ros. colati \mathfrak{z} j. misce, fiat potio, quae manè sumebatur, ex qua sexies vel septies aluum deposuit. Ad roborationem ventriculi sequenti electuario utebamur. & specier. aromatici rosati specier. diarod. abb. ana \mathfrak{z} β . dissolutis in aqua cichorij adiecta \mathfrak{z} j. β . zach. albissimi, fiant rotulae ponderantes \mathfrak{z} ij. quas omni manè sumebat. Tirones hic

animaduertant vt pro Θ j. specier. $\zeta\beta$. sacchari addatur in conficiendis tabul. quanquam medici quidam plus zach. addentes, inefficaciorem confectionem reddunt. Ceterum æger hic cum supradictis remediis vsus esset, post decimum septimum diem conualescere cœpit, & 20. perfecte à febre liberatus, deinde rectè valuit.

S C H O L I A.

MONACHVS hic homo pituitosus erat, at vsus vino calidiore apud amicos, plurimum bilis coaceruauit, hic in tertianam continuam, sed minus biliosam incidit; & ita hæc febris notha erat minusq. pura. hinc etiam diuturnior in viro pituitoso: & quia bilis magis superabat, licet continuo febricitans, tertio quoque die maiorem exacerbationem habuit. quæ exacerbatio à quibusdam in humoris naturam refertur: alij verò causas accessionum & exacerbationum ad motus siderum, & lune vim reuocant: alij in caca & occulta humorum proprietate causam ponunt: alij ob expultricis facultatis iritationem & humorum coaceruationem fieri volunt. Argenterius autem ad ordinem, quo humores corrumpuntur, vel in aliam permutantur naturam vel quantitatem vel qualitatem, causam refert. Ceterum quod ad hanc febrem tertianam attinet, licet bilem cum pituita mixtam haberet, iis ipsis existentibus in venis vnà cum sanguine bilioso, & vrina rubra existente, & cum tempus verum esset, & febris continua; vncias sex sanguinis misimus, & optimè profuit. deinde concocta materia bilem vnà cum pituita expurgauimus. post purgationem & magis in declinatione in decocto iterum praparante adiecinus radices magis apertiuas. quia in febribus tertianis continuis nothis magis aperiendum est, quam in puris, minusq. infrigidantibus viendum. Quæ

omnia

Causæ exacerbationis febrium.

Argenterius lib. 3. De caus. morb. cap. 6. & 7.

omnia iam dicta iuxta humorem praualentem medicus exercitatus contemperare debet. Cumq; de febribus continuis tertianis proportionatis atque biliosis satis sermonem habuerimus; nunc ad pituitosas continuas progrediamur.

OBSERVATIO XXXII. DE FEBRE QVOTIDIANA CONTINVA cum variis symptomatis.

HADRIANVS Toorneburchius, vir annorum sexaginta quatuor, alioqui temperatura naturali sanguinea, nunc verò, ratione ætatis, pituitosa. Hic verò in principio hiemis anno 1552. febre quotidiana continua corripì cœpit: quotidie enim sub noctem fiebat exacerbatio, quamuis ad infestiticationem perfectè non perueniret; licet febris vehemens non foret, minusque sentiebatur ob symptomata superuenientia eumq; magis infestantia, qualia erant dolor capitis, pectoris angustia, tussicula haud contemnenda, atq. catharrus. Cùm ita sex diebus laborasset, neque remedia adhiberet, sed paulo post vteretur, opera Alardi Coëltunij medicæ artis studiosi, qui nuper domum ex schola Louaniensi reuersus fuerat. Is cùm præscripsisset decocta, tum alia remedia in principio, postposuit venæ sectionem. Verùm vtrum hæc ipsa in hac febre quotidiana continua conueniat, latius in Scholiò Obser. xxxiii. agemus. Paulo post & ego ad hunc accitus sum, atque ex signis præsentibus quæ tunc aderāt, animaduerti illum febre quotidiana continua laborare, cum qua etiam symptomata non aspernanda adiuncta erant, nempe tussicula, vt diximus, & catharrus salus, qui & alia accidentia secum postea attulit, vt

mox dicemus. Cùm autem strictam haberet aluum, medicamentum materiam minorans statim præscripsi sequens. & cassiæ recens extractæ ℥j. pauco adiecto zaccharo fiat bolus. quo deuorato ter aluum satis copiosè deposuit. Pro catharro & tussi vehemētiore, vt linctum sumeret mandauī. & syrapi capill. ven. syr. de liq. ana ℥β. diad. frig. in tabul. ℥j. β. syr. pap. ad reprimendam salsedinem ℥β. misce. interim & saccharum ros. ex aqua ros. & perlis cum zach. confectum subinde etiam sumebat. At difficulter medicamenta in officinis parata homo sui cerebri admittebat. Quare ad materiæ præparationem loco syruporum hoc decocto simplici utebatur. & rad. cichorij fœniculi liq. rasæ ana ℥j. scabiosæ, hyssopi, bethonica, hordei mundati, ana m. j. vuar. pass. enucleat. ℥j. se. 4. frig. maior: ana ℥β. se. anisi ℥j. coquebantur hæc ipsa in aqua communi, & hanc colaturam loco iuleb. vel syrapi zach. dulcoratam capiebat, Cùm autem febris eum non relinqueret, symptomata tamen maiorem curationem exigebant, & idèd cùm minus posset dormire, tempora oleo pap. & mandragoræ simul mixtis vt inungeret præcipimus, & vt ad expectorationem ex syrupo de liq. frequenter vteretur, atque pectus sequenti linimento inungeret iussi. & vng. pectoralis ol. amigd. dul. ana ℥β. mis. Subinde & hoc electuario utebatur. & specier. diadrag. frig. trionsand. ana ℥j. specier. diareos simplicis ℥j. β. specier. diarod. abb. ℥β. dissolutis in aq. vngulæ caballinæ ℥ij. zach. albis. fiat confectio in tabulis. Ceterùm aliquot diebus intermissis, materia catharralis (febre quotidiana continua permanente, quæ minus sentiebatur) subito in gulam & linguæ radices è cerebro dilapsa est, cum

maximo

maximo eiusdem linguæ tumore & tanta inflatione, vt ilicò suffocari videretur. Pro quo accidente tollendo hoc gargarismo vsi sumus. & aquar. scabiosæ lib. j. β. aq. caprifolij ℥ j. mellis ros. colati ℥ ij. diamoronis ℥ β. cassiæ ex cannis tractæ ℥ iij. misce, & fiat gargarismus. quo maximum leuamem sentiebat, multa pituita ex ore defluente, quæ ferè in principio strangulationē induxerat. Tertio gargarismus idem paratus fuit, cum nocte dieque eo vti cogeretur. Libenter iterum leuem purgationem adhibuissim, at noluit admittere, cum ægrè quoque deglutiret. Gutturū exterius sequens molle cataplasma admouimus. & rad. althææ mundatæ ℥ j. β. florum chamomill. meliloti ana m. j. sc. althææ ℥ j. β. coquantur, in aqua ad mollitudinem, pistentur, addendo farinæ seminis lini scængræci ana ℥ β. ol. chamomill. amigd. dulc. butyri recentis ana q. s. ad cataplasmatidis consistentiam. Balano ex pul. specier. hieræ picræ sale & melle confecto, aluum irritauimus. Tandem gargarismo, materia crassa è gutture labente, os melius aperire potuit, & specillo linguam comprimente intus immisso, circa fauces inflammationem esse conspeximus, linguam similiter inflatam & aliquo modo inflammatam. pro quo symptomate depellendo, rursus gargarismum hunc præscripsimus. & aquæ plantag. lib. j. β. aquæ nūcum ℥ ij. diamoronis, mellis ros. colati ana ℥ j. β. misce. Interea etiam sequenti linctu utebatur. & syrupi de liquiritia ℥ ij. syr. violacei ℥ j. misce. Colluebat subinde os cum supradicto gargarismo, aquæ viol. ℥ iij. & semine cotoneorum ℥ j. adiectis, ad maiorem refrigerationem semen leuiter ebulliebat, in dicto gargarismo, eoque expresso, gargarissabat, at cum materia paulò crassior retineretur,

neretur, hæc subsequētia etiā adiecta fuere. & florū meliloti p. j. hordei communis \mathfrak{z} j. ficuum pinguium numero v. se. fœnigræci, lini cotoneorum ana \mathfrak{z} j. fiat decoctio in aqua communi ad lib. j. β . & præcedenti gargarismo adiiciantur. postmodum ficus fœnigr. semen lini reliquimus, \mathfrak{z} j β . seminis cotoneorum tantum imposita. In exacerbatione febris potus erat decoctum ex hordeo mundato liq. passulis, politrigo, capill. veneris. Ceterum cum aluum non probè deponeret, medicamentum leuiter purgans hoc modo propinauimus. & cassiæ mundatæ \mathfrak{z} β . diacatholici \mathfrak{z} ij. diaphœnici \mathfrak{z} j. β . dissolue cum \mathfrak{z} iiij. decoct. suprascripti. quo quatuor secessus habuit copiosos cum maxima alleviatione, & cessauit linguæ inflatio, tussicula leui adhuc perdurante. ad quam hoc lambituo tunc vsi sumus. & syr. capill. ven. de liq. viol. ana \mathfrak{z} j. zach. penidiorum \mathfrak{z} β . mis. In fine huius curationis, cum hæc febris raro sit, sine offensione ventriculi & partium naturalium, cum diu duret. Capiebat subinde ex tabulis infra scriptis. & specier. diarod. abb. \mathfrak{z} ij. specier. aromatici ros. \mathfrak{z} j. specier. trion sand. \mathfrak{z} β . dissolutis in aqua absynthij zach. albiss. \mathfrak{z} ij. & \mathfrak{z} ij. adiectis, fiat elect. in tabulis secundum artem. Exterius quoque stomachum inunximus oleo cotoneorum & mæceris simul mixtis. Et tandem symptomatis supradictis curatis, etiā febris eum reliquit. Fueruntque omnes aggritudinis dies viginti quatuor.

S C H O L I A.

DE lingua tumefacta hic nihil dicemus, cum potius illa declaranda ad particulares affectus reseruabimus, solummodo nunc dicturi de febre quotidiana continua

*tinua, qua ab aliis vocatur latica, barbaro nomine, à præ-
 cticis vulgaribus, quasi latens dicta: eò quòd hæc febris
 continua phlegmatica sit longioris spatij, & vniformis
 continuitatis, caloris febrilis, multum abscondita & la-
 tens: & idèò à barbaris latica dicitur. Quidam tamen vo-
 lunt (vt Sauonarola) quòd latica sit nomē Arabicum, idem
 sonans quod continua phlegmatica. At inter quotidianas
 continuas (vt Capo de Vacca docebat) quadam est exqui-
 sita, & inter has nonnullæ exquisitæ exactæ, aliæ verò no-
 thæ. Verùm illā, quæ ab eo vocatur latica seu latens exqui-
 sita, dicit fieri ex pituita insipida seu dulci putrescente in
 venis. Nothæ verò & non exactæ, ab acida pituita, seu à
 vitrea, seu à salsa: veluti est causos nothus, quam febrem
 ad continuam quotidianam notham etiam referre vide-
 tur. Quotidiana itaque continua sit ex pituita in venis pu-
 trefacta, & vt plurimum in hyemē, & in hominibus otio-
 sis, & in regionibus frigidis, locisq; humidioribus, & in
 his præcipuè qui vtuntur cibis viscosis & frigidis. Hæc, in-
 quam, omnia calorem naturalem coarctando impediunt,
 & ita augment materiam humidam viscosam in membris
 nutritiuis, atque venis: quæ vbi retēta sunt neque euentan-
 tur, neque tales materiæ euacuantur, putrescunt, atque fe-
 brem lentam continuam quotidianam inducūt. Quæ etiam
 senibus frequentior esse solet, ob calorem debilem natura-
 lem: propterea minus mirabimur, hunc senem in hyemē in
 quotidianam continuam incidisse. Ceterum cum humor pi-
 tuitosus in hac febre in venis putrescit, atque omni die æ-
 grum affligit secundum propriam naturam ipsius humoris,
 dicitur quidem continua ad differentiam interpolatæ, seu
 intermittētis. Et hæc ipsa continua sicuti interpolatæ di-
 uiditur in veram scilicet, quæ sit ex phlegmate naturali
 putrefacto; & in non veram siue notham, quæ prouenit ex
 phlegmate non naturali. Nothæ rursus diuisionem recipit*

Continua
febris quoti-
diana cur la-
tica à barba-
ris dicta sit.

Causæ.

Continua
quotidiana
vera & no-
tha.

secundum species phlegmatis non naturalis, vel ex phlegmate salso, vel vitrea & sic de aliis. Omnem humorem frigidum & humidum in corpore pituitam appellari scribit Gal. 2. De diff. febrium. Generatio autem pituitæ est ab infirmo calore, cibis pituitosis, intemperantia vita, otio, intempestivis exercitiis, ætate puerili, & senili, hyeme, constitutione calida humida. Tria eius genera à Galeno ferè statuuntur: à forti frigidityte, acida: à calore præter naturam, salsa: ubi verò leuiter calor affectus est, & exigua est frigiditytas, dulcis & fatua dicitur. Salsa, sitibundos; acida, famelicos; dulcis, somnolentos facit. Acida concoqui debet: salsa repurgari: dulcis & fatua, natura relinquenda sunt, quia faciliè in sanguinem conuertuntur. Fit aliquando ut pituitosus cibus non coquatur in ventriculo, quod inde generatur, cruditas est, non pituita, aut pituita cruda dicitur, quæ appetentiam tollit, inducit fastidia & pallorem. Humor qui à cerebro per nares emungitur, aut destillat in corpus, pituita non est, quemadmodum nec humor ille vitiosus & crudus, vnde pruritus, vlcerosus affectus, lepra, scabies, & alia huiusmodi. Salua ore contenta potius pituita est. Vniuersali nomine hæc omnia sub-pituita habentur. Frigidissima & humidissima pituita species, quæ vitrea appellatur, ouorum albumini persimilis, vel vitro fuso, vehementes dolores infert & quasi palo fixo impetentes, ubi loco calido, aut laxiori intestino impingitur, frigus infert, si immota est; si verò mouetur per sensibilia, rigorem, ut acida, commouet. Nam & acoris est particeps, vnde sub acidarum genere sunt, quæ quidem putrefactæ, si leuiter aliquem inuadant, vel ex parte, epialen inferunt. ubi verò magis putrescunt, præcedit rigor, & febris subsequitur. Alia dulcis rigorem non infert. Oportet ergo, cum de febre pituitosa agitur, diligenter animaduertere, in quo genere pituita febris incenditur. Nam ex eo

Tria genera
pituitæ à
Galeno sta-
tuuntur.

Pituita vi-
trea.

& cu-

& curandi ratio euariat, & presagium certius instituitur. Græci ferè (vt idem censebat Capo de Vacca) in genere de febre quotidiana scripserunt. Arabum familie eam plenius distinxerunt. Et ita quo ad differentias sunt eadem qua proponuntur in quotidiana intermittente tam exquisita, quàm notha. propterea quod ad continuam quotidianam attinet, licet ex iisdem causis proueniat, vt intermittens, & vtraque longa sit, hæc ipsa magis virtutem grauens & continuè affligit, licet sit lenta & occulta, vt hectica est, & cum tali continua afflictione corpus calefacit & exsiccat & arefacit, ob defectum digestionis, vnde etiam exercitati hesitant de eius essentia, vt hecticam esse putent. Differt tamen hæc ipsa ab ipsa hectica, cum in hectica sit pulsus durus, subtilis, strictus, & siccus: in latica verò vel continua quotidiana pulsus est mollis & latus. Hæctica quoque semper procedit eodem tenore, quamuis post assumptum cibum aliquialiter ager incalescat: in hac autem circa principium noctis siue cibum assumpserit seu non, sit exacerbatio, & circa mediam noctem sit maior inflammatio. In hectica quoque cutis est arida, rugosa, sicca, & aspera: in hac verò mollis, lenis, & minimè tensa. Quamobrem diligenter erit circumspiciendum, ne decipiamur interdum, sicuti plerique medici in praxi minus exercitati, & vulgares decipiuntur, qui interdum credunt esse febrem hecticam, & tamen est pituitosa, & procedunt cum refrigerantibus & humectantibus, & ægotantes deducunt ad hydropem. Præterea in latica ventriculus maximè afficitur, & dum cibis sumitur, opprimitur, atque symptomata ingrauescunt. Cause etiam præcedentes consideranda, nunquid in aëre calido ac sicco ager versatus fuerit, atque cibis calfacientibus & exsiccantibus vsus, numquid exercitium vehemens præcesserit, tum ira aliq, animi affectus exsiccantes, ex quibus hectica magis oritur.

Differentia
inter hecti-
cam & con-
tinuā quoti-
dianam.

Signa demon-
strati-
ua continuæ
quotidianæ.

Contra si æger moram traxerit in aëre frigido & cibis frigidioribus usus fuerit, ac in otio vitam consumpserit, ex istis tum aliis similibus signis colligendum erit, potius febrem esse pituitosam. Vbi igitur quotidiana inceperit continua, exacerbationis ordine circuituq, internoscetur: quia sine frigore aut horrore exacuitur, mitescitq, nullo sudore, & quotidie exacerbatur, & putredinis quidem nota adsunt, sed admodum obscuræ, neque pulsus ea celeritate, frequentia aut inequalitate digitos ferit, atque in aliis continuis. Neque urina equè flammea aut rubra est, ut in aliis febribus continuo affligentibus, etiamsi fortè crassior sit, neque tantum premit symptomatum sæuitia. Ad hæc laborantis habitus & natura, & victus antecedens, & qualis habeatur sanguis, ostendunt & qualis hinc nata sit febris. Est itaque hæc febris, primò absque frigore & interpolatione, potissimum verò hora phlegmatis, hoc est, circa occasum solis, magis affligens, facies magna ex parte est tumida, inflata, sitis exigua, aut nulla, nausea, destructio appetitus, vomitus pituitosus, pulsus parvus, mollis, tardus, & inequalis; & quandoque debilis, nonnunquam & fortis; exspiratio est maior inspiratione; systoles quoque est velocior diastole, lentè affligit cum pauca quiete, & immodica est eorum caliditas respectu februm continuarum biliosarum. Et signa eius sunt, signa interpolate seu intermittentis, præterquàm quòd horripilatio (ut barbari practici loquuntur) non est cum ea periodicè quemadmodum neque in aliis febribus continuis. Sed est velut similitudo horripilationis (ut dicebat Bertrutius professor quondam Bononiensis in suo collectorio) in corpore ex sua diminuta calfactione, & non est in ea sudor, nisi fortè apud statum cum sit crisis, sed est cum ea vomitus & solutio phlegmatica ante crisin, similiter & post crisin, aut statum. Et ita signa continuæ quotidianæ propria secun-
dum

dum Auicennam, etiā signa sunt periodica ex parte vrinae, egestionis, tactus, caloris, & eiusmodi. Et dicitur pro magna sui parte, quoniam haec non dimittit, nec falsam habet quietem, vt periodica. Vnde continuū affligit, magis circa occasum solis, vt dictum est, & differt à conclusa, quae vni-formiter egrum exagitat: quia haec declinat manifestè, & exacerbationem manifestam habet. Secundum signum est, quod in primis paroxysmis principij vniuersalis sunt rigor, frigus, horripilatio positivè: quia eo tempore materia est frigida, & cum mouetur communicat frigiditatem suam membris sensibilibus, verum in processu remittitur, cum materia iam magis accendatur & calefiat. Contrarium fit in periodica. Tertium signum est, quod typus in periodica est longior, quàm continua: in hac enim paruus est in principio & apparet quadam levis extremorum membrorum frigiditas, praecipue pedum & nasi & aurium, aliquando & digitorum, manuum extremitates frigescunt, sed minus quàm in periodica. Propterea dicebat Gilbertus, quod continua phlegmatica facit motum in horis phlegmatis, sine typo. Et Guilhelmus Placentinus etiam dixit, absque rigore aut horrore. est enim proprium continuarum non horrere. Signa itaque quae à substantialiter inhaerentibus sumuntur, sunt illa quae à caliditate capiuntur, quae si tangitur, rorida est. Ab actione laesa, vt pulsus tardus, inaequalis, mollis, laxus, sitis exigua, aut nulla, nisi ex phlegmate falso fuerit. à qualitate mutata, cutis (vti diximus) mollis est, & facies tumida. Ab accidentibus capitis grauitas adest, stupor & similia: sicut garrulitas est signum bilis, sic taciturnitas melancholiae, & stupor pituitae. Et ita de aliis signis ratiocinandum erit, vt latius de febre intermittente dicetur. & quemadmodum haec ex naturali phlegmate proueniunt, ita à non naturali ex speciebus pituitae similiter diligenter colligenda erunt, qualia de intermittentibus

Signa prognostica
quotidianæ
continuz.

tentibus referentur. Hac eadem maximè ad signa prognostica faciunt, quanquam continua ceteris paribus periculiosior est intermittente, & præcipuè illa qua ex salsa pituita fit, quàm qua ex bile; non ratione accidentium semper, sed quia longior & difficilioris curationis: præterea vrina in febre quotidiana continua seu latica, subtilis in substantia, pauca in quantitate, in principio cum aliis malis signis, vt alienatione, vigiliis, debilitate appetitus, difficili respiratione cum virtute debili, mortem propinquam significat. Si autem ex subtili crassior, & multa euadat in statu, vel paulo antè, cum bonis aliis signis, salutem decernit. Verùm vrina ampullosa, turbulenta, confusa in hac febre subinde lethargum aut carum minatur, præsertim si æger valdè somnolentus fuerit. Soler enim in augmento in hac febre lethargus, teste Rhase, euenire; quemadmodum nos ter in praxi obseruauimus. Quod idem Bertrutius de vrinis ampullosis, turbulentis annotauit, in somnolentis præcipuè, si circa caput frigidi sint, idèò subito succurrendum ait ligationibus extremorum, fortibus frictionibus, balanis & clysteribus acutis, ad somnum inhibendum donec materia auertatur. vrina igitur hic diligenter inspicienda, qua si conturbata appareant instar subiugali, capitis dolor tunc adest vel aderit: quibus etiam sedimina veluti farina crassior, febrem diuturniorem significant. Si quantitas vrina maior solito, ac crassior, si frigoris verò diminutio, & caloris augmentum, accessionisq; anticipatio, materiam fore concoctam arguant, & per consequens eiusdem euacuationem, febremq; citius terminaturam notant. Est autem febris hac admodum diuturna, ita vt quibusdam ante quadragesimum diem non finiat: Extenditur aliquando ad sexaginta dies, nisi materia exigua, pluresue euacuationes spontaneæ febrem breuiorem reddant, & idèò eius principium durat frequenter vsq; in vigesimum diem, sæpe

tota febris ad 64. dies extenditur, aliquando ad sex menses agrum fatigat. Solent autem eiusmodi febres diuturnæ seu chronica, continua phlegmatica, quemadmodum & quartana continua (licet valdè rariores sint) magna ex parte cum resolutione terminari, aut euacuatur in eis paulatim materia vnaquaque die critica per fluxum ventris, vomitum aut sudorem, non vna quidem expulsionem, sed per vices. Vomitus quoque & alui profluuium vt plurimum accidunt à principio, in fine verò post coctionem sudor. In omni febre chronica, seu diuturna continua; si virtus fuerit debilis statim ab initio, vel appetitus deiectio adsit, lethale: quoniam deficiet in via antequam ad statum perueniat. Et ideo materia existente crassa, cruda, viscosa, tempore admodum frigido & humido, ætate & temperatura pituitosis, paroxysmo longo, nullo aut paucio sudore apparente, stomacho debili, appetitu prostrato, somno profundo, virtute prolapsa, quæ si adfuerint, agrum perituum denuntiant: opposita salutem significant: mediocria verò, medio modo se habent. Potest autem hæc febris continua quotidiana per se incipere, vel alteri succedere, vt euenit mulieri quæ ex tertiana continua licet notha, in continuam quotidianam incidit, quæ etiam postea ad hydrophem ascitum peruenit, quam deinde mors subsequuta est: quamuis frequentius in hypofarcham transmutetur, vt Rhases prædixit, præcipuè si videamus corruptionem formæ, vt exemplo sequenti manifestius euadet.

OBSERVATIO XXXIII. DE FEBRE QUOTIDIANA CONTINUA in hydropem transmutata.

FILIA cereuisiarij illius, qui propè portam Haghnam Delphis habitabat, annorum septem nata, febre continua quotidiana cum aliquot diebus labo-

laborasset, ac remedia quædam ad rem minimè facientia frustra tentata essent. Cùm ad eandem acciti essemus in fine Septembris, tempore humido ac frigido existente, colorem faciei cùm animaduertere-
mus liuescere, ac palpebras intumescere, pedesque circa talos in tumorem attolli, ventre valdè prominente & ad tactum renitente, hydropem & propriè hypofarcham futuram prædiximus, nisi ilicò remediis ad hydropem conferentibus vteremur. præterea & de vermibus suspicionem habuimus, cùm puellula fructibus horariis valdè crudis, tum vuis non satis maturis antea in copia vsa fuerat. Huic cùm aluum non deponeret, vt ex hoc sequenti syrupo longo cochlear vnum atq; alterum sumeret mandauimus. & rad. ireos ebul. ana ʒ iij. agrimonie cuscute bethonicae ceterach. ana m.ʒ. sc. anisi ʒ j. ʒ. carthami contusi ʒ iij. folior. sene ʒ vj. polipod. querc. ʒ ʒ. vuar. pass. enucleat. ʒ j. liquiritie rasæ ʒ iij. fiat decoctio in aqua communi pro ʒ viij. colaturæ adde syrupi de eupatorio de cichor. nicolai cum rhabarb. ana ʒ j. zach. q. s. pro sapore delectabiliore, fiat apozema ad modum syrupi longi. ex quo omni manè cùm accepisset cochlear vnum atque alterum, aluum egregiè deposuit, aquosa & pituitosa & quædam biliosa corrupta, vnà cum vermibus deiecit. atque ventre hoc sequente vnguento inuncto, miraculi instar, conualluit, vt aliis remediis vti opus non fuit. & succi ebuli sambuci ana ʒ j. vng. agrippæ ʒ ij. coquantur ad consumptionem succi & fiat linimentum pro ventre.

S C H O L I A.

S O I E T autem stomachus in hac febre plurimum debilitari, cùm sit lacuna phlegmatis, & ad huius debilitatem, mox sequitur hepatis debilitas & obstructio, hinc infirmi

firmi cachexiam primò incurrūt, deinde ad hydropem perueniunt. Præterea cū in hac febre continua phlegma putrefactum quandoque aduratur, & in melancholicam materiam conuertatur, quæ ad splenem perueniens dolorem eidem infert & inflationem, quandoque etiam duritiem & deinde aliquando quartanam, vti euenit alteri mulieri Delphensi, quæ tamen à me curata fuit magna cum molestia. Si autem paroxysmus incipit cum multis oscitationibus, & stupore quodam (vt quondam Typographo Delphis accidit) ac somni profunditate, faciemq; tumidam decumbens habuerit cum quodam luore, facillimè in carum vel subeth incidet æger, nisi statim medicus remediis aptis succurrat. Permutatur hæc quoque febris in hecticam, vel cum eadem quandoque commiscetur: quare si facies pallida, citrina, macilenta, oculi concavi euadant, cutisq; veluti corium siccum, tendatur, & arida fiat, in hecticam transire, vel transisse constat (quemadmodum contigit mulieri nobili, à qua etiam extincta est) vel hecticam cum quotidiana continua mixtam esse, vt de febribus compositis exemplum adferemus, si Deus nos superstites faciat: omnis enim febris chronica perdurans, hecticam tandem inducit, si dispositio materiam vicerit: si super dispositionem dominetur materia, ad hydropem conuertitur. Iam etiam in febre continua quotidiana, quemadmodum & in aliis, si limositates in dentibus fiant, febrem diuturniorem ac fortiozem præsagiunt. Dentium autem & lingue mucositas, materiam in stomacho plurimam, & viscosam coaceruatam esse notat. In quacumque etiam febre continua quotidiana sudor citius magisq; copiosè apparuerit, ceteris paribus citius terminatur: signum enim est quod materia sit obediens resolutioni, quodq; non adsit magna meatuum obstructio, vel constrictio. Hæc de signis prognosticis sufficiunt, reliqua ab intermittentibus mutanda,

Febris continua quotidiana in quos morbos facile conuertatur.

*Hippo. lib. 4.
aphor. 53.*

Curatio cō-
tinua quoti-
diana.

tuanda, quæ suo loco dicentur. interim de curatione febris
continuae quotidiana etiam hæc addamus, quæ maximam
quoque similitudinem habet cum curatione febris quoti-
dianæ intermittentis, quo ad remedia & victus rationem:
in hoc tamen differens, secundum Auicennam, quod victus
debeat esse tenuior, quàm in interpolata: interea tamen
non multum subtilis ac tenuis, eò quòd longior reliquis con-
tinuis existat. Secundò minus calida conferunt in conti-
nua. Et idè si caput sit debile, vel consuetus sit æger in-
currere dolores capitis, aut morbos capitis, à vino abstinere
debet, atque eius loco Auicenna exhibet aquam mellis.
Quod ad digestionem attinet, alterationem, ventrisq; le-
nitionem, à debili remedio ad fortius procedit idem Aui-
cenna: vt à syrupo acetoso simplici, ad compositum, cum
aquis aperitiuis, prius debilibus ad magis incidentes. Et
cum videt ægritudinem minui, auget victus rationem. cibi
quoque & carnes sunt alterandi cum rebus acidis. Et quò
ad euacuationes, & ad ea quæ vrinam & sudores prouo-
cant, à debilioribus idem progreditur ad fortiora. Vt au-
tem magis particularius procedamus, in hac itaque febre,
cum humor putrescit intra venas, victus ratio in hac sit
tenuior quàm in intermittente, minusq; ad calidum & sic-
cum inclinans, neque vino, neque odoramentis vtatur æ-
ger: quamuis debilibus lymphatum, si diutius duret, con-
cedemus, & melius post statum, modò capitis dolores
abfuerint. cibus exhibeatur, quæ tempore minus æger
affligitur: id quidem tempus accuratè obseruandum.
Materia itaque communis eductio, tum etiam mate-
ria propria diminutio, concoctio, eradicatio, fiant vt de
febre intermittente tradetur; aucta in syrupis concoquen-
tibus syrupi intybi satiui latioris quantitate. In conditiis
quoque specier. diarod. abb. & confer. rosaceæ quantitas
augeatur. Sed præ omnibus obseruandum, vt æger victu
roborante

roborante vtatur, antequam vires labantur ob longitudinem morbi, deinde vt stomachus confortetur, ne is deficiat atque appetitus pereat. Nam abstinencia, vel potus postpositio, mortem infert, vt Antonius ille Gradus cap. proprio optimè dicebat. praterea diligenter delectum habere oportet in remediis, quæ materiam digerunt & euacuant, & quæ roborant: omnia hæc immutanda iuxta speciem pituitæ, quæ hanc febrem intulerit, quæ, inquam, lucidiora euadent ex iis quæ dicuntur de febribus pituitosis intermittentibus. Si igitur hecticam metuamus, cum iis quoque sunt componenda quæ hectica simul resistent. Si hydropem, carum vel lethargum timemus, etiam iis resistere maximè oportet, quæ illos affectus tollant antequam eueniant.

Quod si autem in principio vocemur, tunc etiam circumspiciendum, num venæ sectio conueniat, cum respectu solius materie pituitosa (vt de febribus intermittentibus pituitosis latius explicabimus) nequaquam conuenire videatur: tamen vt absolute cum auctoribus probatis dicamus, plus expedit in continua, quàm in intermittente: quia materia in venis existit, & talis erat canon Auic. cap. De curatione febris continuæ quartanæ. Magis quoque prodest iuxta Sauonarolam, si febris sit ex phlegmate dulci, in qua magis consulitur, reliquis indicationibus ad sectionem venæ requisitis consentientibus. Rogerius non solum in hac, sed etiã in ea quæ sit à phlegmate salso, similiter commendat sanguine redundante, ac magis in corpore carnosio & pleno. Sic & Guilhelmus Placentinus practicus egregius, vt alij omnes, cum materia intra venas existat, sanguinis detractionem laudant. Quibus & accedit auctoritas Galeni 11. method. cap. 15. sic dicente: optimum est, venam incidere, non solum in synochis, sed etiam in aliis febribus, quæ ex humorum putredine sunt. Nam si in periodicis id faciunt, quid in iis agendum cum materia intra venas

Venæ sectio.

S consistat.

consistat. Fuit & hac sententia Oribasij. Sed hic videndum num & vires consentiant. quare in priore agro nempe sene, cum tardius vocaremur, & debiliior esset eo tempore; vena secta non fuit: neque in hac secunda agra, ubi & atas & vires non admittebant, licet in sene bona temperatura ab initio recte conuenisset, quemadmodum & in aliis, quibus plethora aderat, frequenter commodè venam in similibus secare iussimus. Vbi igitur in principio acciti fuerimus, si aluus non respondeat, hoc vel simili pharmaco minorante aut leniente vti possumus. R. elect. lenitiui vel cassia recens extracta ℥j. elect. Ind. ℥j. fiat bolus cum Zach. vel dissoluatur cum ℥iij. decoctionis communis. & detur hora minoris afflictionis. Vel si pituita multa, ut saepius fieri solet, in intestinis habeat, ante venæ sectionem vel statim post, conuenit clysterem iniicere, cui emolliendi & detergendi vis insit. ut hoc modo. R. malua, mercurialis, parietaria, bethæ ana m. j. caulium rubr. m. s. pasul. enucleatarum, ficuum ana paria xij. se. anisi fœniculi ana ℥j. β. florum chamomill. hordei integri ana p. j. fiat decoctio in aqua communi pro lib. j. in qua colatura dissol. mellis rosati colati, sacchari rubei ana ℥j. β. cassia pro clysteribus ℥β. succi bethæ ℥j. salis communis ℥j. β. ol. chamomill. ℥iij. misce, fiat clyster: qui primò iniici potest. At progressu temporis, sunt qui addant aliquid agarici vel medullæ seminis carthami, si aluus nimis astricta est, etiam ℥ij. diaphœnici, quod vacuationi pituita aptius sit, relinquendo benedictam, vel hyeram picram, cum hac plus aequo calfaciant. Circa statum cautius est agendum, præsertim si suspiciū est, de alui profluuiō, quo febris hæc non raro soluitur: tunc igitur cauendum ab acri clysteri post medicamentum minorans, & venæ sectionem (ubi conueniat, conuenit autem magis, ut dictum est, in continuis) humor coquendus est moderatè detergentibus, incipientibus

Pharmacum
minorans.

Enema.

Humoris
concoctio.

dentibus & aperientibus: & quia magna putredo subest, unde calor plurimum augetur, vtendum refrigerantibus. Detergunt mel rosaceum hydromel. incidunt & aperiunt oximel simplex & compositum, syrupus acetosus, simplex, de bizantiis, & syrupus capill. ven. His admiscetur cum magnus est calor, syrupus endiuia simplex & compositus. Ante vsum syruporum materia est minuenda, duobus à pblebotomia diebus interiectis. vel primo vt dictum est adhibeantur clysteres. Deinde cum soleat hæc febris esse Purgatio. longior, non statim à pblebotomia purgatio conuenit, ne continuis motibus subitò & repente factis, nimium humores agitentur. Potest autem pro purgatione in decocto ad pituitam parato, vel catholicum, vel aliquid diaphœnici misceri. Vel detur ℥j. diacatholici, diaphœnici ℥j. vel ij. aut indi maioris. Vel fiat decoctum quod pituitam præparet & simul euacuet addendo aliquid agarici. Catholicum quoque licet ducenda bili proprium sit, vt Rondeletius sentiebat, mixto cum decocto aliquo tenuante & incidente pituitam quoque purgat. Veteres post oximel simplex & compositam cum aquis ad pituitam destinatis, vel huic febris magis propriis, turpetho utebantur, deinde stomachum roborabant cum diarod. abbatis. Deinde decoctum hyssopi, fœniculi, & ruarum passularum dabant. Syrupus autem rosaceus solutius hic per se inutilis est, sed cum infusione aut decocto agarici vel seminis carthami, anisi, vel foliorum senæ, vel fœniculi, pituitam purgat. Idem præstat, si cum syrupo aperiente misceatur. Vt R. syrupi rosacei solutiui, vel laxatiui ℥ij. syrupi de bizantiis ℥j. misce. Hæc verò medicamenta quanquam maximè conueniant in quotidiana intermittente, tamen & horum vsus est aliquis in continua. Et quia hæc febris longior est, ego vti soleo decoctis longioribus, quæ & materiam præparent & paulatim educant. Oportet enim sapius di-

gerere & euacuare, semper habendo respectum tam ad calorem febrilem, quam ad materiam peccantem. Et quia in hac febre ventriculus, intestina, & vena mesaraica copiam pituitosi excrementi congerunt, quod repurgari debet, tum ut natura ad vincendum morbum expeditior sit, tum ne excrementum vi medicamentorum in venas retrahatur, & inde obstructions augeantur. Ceterum primis diebus magis detergentibus utemur, deinde aperientibus, & rursum in declinatione detergentibus, vel his tunc medicamentum purgans datur, ut dissecta materia & praparata vacuetur. Detergentia quae sunt in vius ductuum, & si quid vim actionemque medicamentorum effugerit, detergent. Aperientia pituitam crassam, quae in venis est, tequant & incidunt atque sudores eliciunt. Ad detergentium Rondeletius hoc utitur. R. mellis ros. colati vel mellis violacei ℥ ij. Syrupi capill. ven. ℥ β. aquae hordei graminis vel asparagi ℥ iij. fiat iuleb. Ad incidendum. R. Syrupi acetosi simplicis vel de bizantiis vel oximellis simplicis ℥ ij. cum aqua graminis primum, deinde cum aqua apij petros. ℥ iij. vel vi. fiat iuleb. Si calor magnus est, praedictis Syrupis admisceantur Syrupi endiuvia simplicis, & aquae refrigerantes. ut hoc modo. R. oximellis simplicis ℥ j. β. syr. de endiuvia simplici ℥ β. aquae graminis, endiuvia, cichorea ana ℥ ij. fiat iuleb. Vbi concocta est materia, saepe vi natura morbus vincitur, & ut plurimum copiosioribus sudoribus, vel fluxu ventris soluitur, qui nec concoquentibus, nec soluentibus vinci potest. Si autem non solvatur, tunc denudanda est purgatio, aut decoctum longum purgans. Quidam in fine dant pilulas alephanginas, quas reualescentibus, ut maturius resiciantur exhibent, addendo aliqua refrigerantia, quae caliditatem aromatum resrenare possent. At euacuatio phlegmazogis perficitur, ut in quotidiana intermittente, sed minus calidis. Deinde stomachus corro-

corroborandus, ac membra nutritiua, eo modo, quo in intermittente fieri solet, modo frigidis, modo stypticis, prout materia postularit, vel ipsa dispositio. In fine quoque urina prouocanda, sed non ita calidis, vt in intermittente. Si etiam adsit vomitus, iuuandus est cum leuioribus remediis. Interim accidentibus precipue erit succurrendum. Si enim lethargus timeatur, cerebrum statim à principio corroborare oportet stypticis, & temperate calefacientibus, & humores auertendi sunt cum clysteribus, glandibus, frictionibus. eodem modo de caro imminente: qua ex propriis locis sunt colligenda. Si metus sit de cachexia, vel hydropse, iisdem affectibus tempore succurrendum, modo frigidis, modo calidis, prout febris & dispositio indicent. Propterea tirones (vt antea admonuimus) circumspecti esse debent in curatione huius febris, quemadmodum & aliarum quæ diurnæ sunt, cum facile cachexiam adferant, à qua enascentes morbi inuitabiles sunt, vtputa aqua intercus, aut phthisis, aut eliquatio. Nam in eiusmodi febribus diurnis, sicuti in omnibus longinquis morbis (vt rectè dicebat Aretæus Cappadox medicus antiquissimus) dilatio medelæ mala est: nam ob cunctationem in vitiis insanabilia prolambuntur. Inflatio sanè ita habet, vt non facile recedat, si semel inuasit: at si diutius protrahitur, temporis spatio vires acquirit: & nonnunquam euenit vt commoriatur. Exiguos quoque morbos maiores excipiant: cumq; priores discrimine vacarent, eorum soboles perniciose exoritur. Itaque nullo pacto egrotum silere conuenit, ne morbus deprehendatur, erubescens, neque aufugere vim curationis metuentem, neque medicum pigrum esse ignauumq; oportet: vtrumque enim non morbum insanabilem efficiendum consentit. Nonnulli autem sunt egroti, qui præsentium, nec non & futurorum ignoratione ad finem vsque cum morbo degunt. Nam plerique neque pereunt, neque

Procemio
cap. 1. De
morborum
diurnorum
cura-
tione.

futuram mortem suspicantur: quocirca neque se medici fidei committunt. Horum probatio ex quartana continua colligitur, de qua nunc sermonem instituemus.

OBSERVATIO XXXIII. DE FEBRE QUARTANA CONTINUA.

THEODORVS de Wael, vir Nobilis, Ambacherus in Heyloë, vñum & sexagesimum annum agens, anno 1550. die 26. Nouembris, cum alicui ecclesiasticum beneficium in animo distribuere proposuerat, fortè socrus eius praueniens, in alterum præter eius mentem contulit, vnde melancholicus factus, alioqui vir constans & hilaris, in febrem quartanam continuam incidit, in fine autumnus melancholico humore magis vigente. Hæc vero signa illi aderant, vigiliæ, somnia terribilia, linguæ asperitas & liccitas, ventris constipatio insignis. Inceperat autem febris sine rigore, & sine horrore, calorque lentus apparebat, licet continuus, quarto tamen die aliquo modo inualefcens, pulsus ab initio tardus, in statu paulò velocior. Urina primis diebus citrina, postea nigrior euasit, continuam quartanam licet febrem valde lentam, & obscuram esse intelleximus. Ad hunc vñ cum Iohanne Gallo medico Harlemensi acciti, ad castellum Colsterium dictum, in quo decumbebat, lenitium sequens præscripsimus. ꝛ diacatholiconis ꝓvj. confectiois hammech. ꝓ ij. diaprunis simplicis ꝓ j. ꝑ. aquæ borag. ꝓ iij. syrupi viol. ꝓ j. misce, fiat haustus. & detur in aurora ieiuno stomacho, quo aluus optimè respondit. altero die etiam minoris exacerbationis venam lienarem in brachio sinistro secare fecimus, & sanguinis

guinis vncias sex fluere, qui sanguis vtcunque niger & crassus erat. Iuleb. deinde quoque ebibit. & syrupi viol. de end. ana \mathfrak{z} j. syr. capill. ven. de epithymo ana \mathfrak{z} β . aquar. fumarie, buglossæ, borag. ana \mathfrak{z} iij. misce & singulis diebus in aurora ad tres dies bibat. Rursus die minoris exacerbationis purgationem sequentem propinauimus. & diacathol. \mathfrak{z} vj. confectionis hamech. diaphiniconis (ob pituitam admixtam hieme instante in sene) ana \mathfrak{z} j. agarici trocisc. \mathfrak{z} j. aquæ vngulæ caballinæ (quia parum tussiebat) aquæ bethonicæ (ob capitis dolorem, qui aderat) aquæ borag. ana \mathfrak{z} j. misce. ter multa excrementa partim pituitosa partim melancholica deposuit. postea ex iulebo sequenti bis in die capiebat. & syr. capill. ven. syr. viol. mellis ros. colati ana \mathfrak{z} j. syr. de end. è stechad. ana \mathfrak{z} β . aquar. vngulæ caballinæ. fœniculi, bethonicæ ana \mathfrak{z} iij. aquæ fumarie, borag. ana \mathfrak{z} j. β . misce & cinnamomo exiguo adiecto fiat ad modum clareti. Postea nullo modo excreuit nisi solutius medicamenti assumptis. vnde hoc enema iniectum fuit. & folior. viol. maluæ parietariæ, fumarie, bugloss. mercurialis ana m. j. folliculorum sen. \mathfrak{z} vj. prunor. damas. numero xv. vuar. pass. enucle. \mathfrak{z} j. florum chamomill. p. j. sem. anisi \mathfrak{z} j. se. 4. frig. maior. ana \mathfrak{z} j. β . coquantur in sero lactis. & huius colaturæ accipe lib. j. addendo cassiæ mund. pro clysteribus \mathfrak{z} j. diacathol. \mathfrak{z} β . ol. amigd. dulc. viol. ana \mathfrak{z} j. β . salis communis \mathfrak{z} j. β . misce. ab eo iniecto bis aluum deposuit interim utebatur decoctis melancholiam preparantibus & euacuantibus, adiectis foliis sen. epithymo & similibus, quibus & syrupi de pomis, de epithymo postea addebantur. mox & conditis ex conser. viol. borag. bugloss. nimpheæ

pheæ speciebus diad. frig. & diamarag. frig. adiec-
 ctis. Præterea cum ob varias imaginationes melan-
 cholicas subtristes dormire non posset, id quod se-
 quitur sub noctem exhibuimus. ℞ syr. pap. ℥ j. syr.
 viol. nimpheæ ana ℥ ij. aquæ lactucæ ℥ ij. aq. nim-
 pheæ borag. ana ℥ β. misce. Denuò ad decocta lon-
 ga & simul purgantia devenimus, post sex septima-
 nas febre eundem relinquentē, ita tamen ut totus
 melancholicus manserit: ad quam melancholiam
 depellendam, cum alius ei perpetuò sicca & stricta
 maneret, multa machinati sumus; modò clysteres,
 modò decocta longa & purgantia, modò condita,
 pastasque regales dictas, cum vires morbi longitu-
 dine succumberent, & alia innumera remedia ad
 melancholiam destinata, & tandem etiam hanc
 confectionem magistralem in officina vna parari
 mandavimus. ℞ flor. borag. anthos ana m. j. conser-
 uæ florum viol. borag. anthos ana ℥ j. β. rad. buglossæ
 optimè mundatæ quar. j. croci ℥ iiij. syr. lactificantis
 gal. ℥ j. foliorum auri purissimi foliorum argenti
 non fictitij ana numero ij. miuæ cotoneorum ℥ iiij.
 vini albi odoriferi antiquissimi, lib. iiij. stent infusa,
 prius bene pista ac commixta, per diem naturalem
 & mittantur in fimum equinum per vij. dies: de-
 mum coquantur in duplici vase aut balneo maris,
 per horas quatuor vel plures: postea diligentissimè
 colentur per laneum pannum, atque vsui in vitrea
 ampulla seruetur. Ex eo manè dimidium cochlear
 aliquando sumebat, cum liber à febre esset, & non
 amplius rediret. in eodem statu melancholicus per-
 manens vino buglossato, ex radice in eo contusa, ali-
 quando utebatur, assumptis subinde tribus pilulis
 ex massa sequenti paratis, ad melancholiam confir-
 matam

matam extirpandam. & hyeræ picræ epithymi ana
 ʒ ij. lapidis lazuli præparati, agar. elect. ana ʒ j. scam-
 moniæ ʒ ʒ. cariophil. gr. x. diligenter omnia teran-
 tur quàm subtilissimè & cum syr. cotoneorum &
 corticibus citri, fiat massa pilularum. Etiam hac de-
 stillatione vsi sumus, à leonello multimorba appel-
 lata, cùm eam expertus fuerit, in omnibus morbis
 melancholicis, in palpitatione cordis, ac in mala in-
 temperie ventriculi & capitis. & flor. anthos borag.
 rad. bugloss. an. ʒ iiij. croci ʒ j. miuæ cidoniorum
 trientem, vini albi meraci limpidi bene defecati &
 optimi lib. ij. misce & stent simul infusa, prius pista,
 per diem naturalem; deinde mittantur in fimo per
 semimentem, in vase vitreo, bene ocluso; deinde
 destillentur per alembicum duabus vel tribus vici-
 bus. seruetur in argentea lagenula. dosis ʒ j. febrici-
 tantibus nullo modo danda, at nobilis hic non am-
 plius febricitabat, quæ illum nunc per mensem reli-
 querat, licet adhuc adeò melancholia obrueretur, vt
 cibum amplius nec potum sumere vellet, nisi preci-
 bus ad hoc inductus. Et cùm non dormiret, ad som-
 num conciliandum id quod sequitur præscriptum
 est. & croci, opij, myrrhæ, hyosciami albi, corticum
 mandrag. ana ʒ j. conficiantur cum succo lactucæ
 troisci secundum artem. vno dissoluto; vbi opus
 erat in lacte muliebri aut oui albumine, tempora sub
 noctem inungebantur. fiebant quoque lotiones pe-
 dum ad diuersionem & somnum incitandum. & flo-
 rum cordial. melilori ana m. iiij. mellissæ, fumiterræ,
 bethonica ana m. j. calicum pap. vnà cum semine
 numero v. se. anethi ʒ iiij. coquantur in aqua com-
 muni pro lib. v. Verùm aucta melancholia in sene,
 magis magisque impos mentis factus est, neque

amplius mihi, aut Gallo medico obsequi voluit. ita ut fucis, eo ignorante, homini inter curandum imponere coacti simus, cum nulla remedia amplius admitteret, impositis simplicibus laxantibus in cerevisia, epithymo, sene, & polipodio, ac similibus, levi facta ebullitione, qua utebatur ad aluum laxandam, tandem percepit in cerevisia sua quam quotidie ita laxantem bibebat, dolum subesse, ut ab omnibus cogebamur remediis desistere. Deinde suo more vivens intra duodecim septimanas & tres dies aluum non excrevit, quod ipse vix crederem, nisi vidissem: quam historiam cum aliquando Antonio Harvero medico Haghanensi insigni narraissem, inquit ille, Hac in re tibi non haberem fidem, nisi veracem te cognoscerem. At agrotus hic, quod dictum mirabile fuit, vxor eius matrona nobilissima, mihi scripsit, quod tertio die Aprilis secessum per se habuisset, cui cum rescriberem ut illius rationem haberet, eundem mox conualiturum vel moriturum esse, & 25. die Aprilis mortuus est, cum tribus mensibus & tribus diebus aluum non deposuisset, neque ante à 26. die Novembris usque in tertium Aprilis nunquam sponte aluum deiecerat, nisi clysteribus, decoctis lenientibus, lenitiuis & purgantibus medicamentis adiutus. At lotium eius per totum morbi decursum erat turbulentum, crassum tamquam feces aliquando inhæssent.

S C H O L I A.

Puella Spirensis triennalem inediam sustinuit.

IOHANNES Langius Medicus ille doctissimus refert, lib. 2. epist. 27. Puellam Spirensis, triennalem inediam sustinuisse, & nihil excrementorum eo tempore nec per aluum nec vesicam excrevisse. At noster agrotus hic melancholicus licet à quartana continuè restitutus, melancholia illi

illi adhaesit. Postea à medicamentis abstinens, tribus mensibus & tribus diebus ne tamillum per aluum excreuit, per vesicam tamen pauca, crassa, eaq; nigra minxit. Eo autem tempore, poma quidem assata, & prima cocta comedu, alium cibum sicciorum abhorrebat: postremo autem vix bibebat, nisi cerevisiam consuetam, metuebat ne famuli illum deciperent, cum prius clam, nostro iussu, medicamenta laxantia in cerevisia decocta forent. Narrat Nicolaus Florentinus, se vidisse filiam M. Sacchi de Scarperia, ab ipsa die qua concepisset, vsque ad 45. diem per aluum nihil excreuisse, neque medicamentis lenientibus, neque violentis, neque clysteribus quumvis acutis, neque emplastris, vnctionibus, neque solutiuis, cum tamen multum comederit, biberit, & veluti sana permanferit, & tandem tempore debito pepererit filiam. Rhases quoque vidit mulierem quandam paralyticam, cuius venter constipatus erat per mensem vnum, quamvis venter sanorum non constipetur per quinque dies, sed emittitur de eis substantia sicca. Medicus tamen senior Delphius, qui ad templum nouum habitabat, vr mihi retulit probus sane, qui nisi octauo vel septimo quoque die prius aluum deponebat, hic tamen ex leui apoplexia in paralyfim incidens, à qua mediocriter curatus, senex tamen postea subito obiit. Impossibile tamen est (teste Auic.) ventrem diu constipari, quin infletur, & magnificetur, & non diu post interfici. Hic tamen nobilis ex longa fecium retentione non habuit ventrem inflatum, nec subito mortuus est, sed post tres menses, & tres dies, cum feces restricta sponte exonerabantur: tunc prius mortuus est. Cum hunc casum Hughoni Nieuenio medico Haghano narrarem, referebat se agrotum habuisse qui per sex menses aluum non deposuerat, nisi globulo plumbeo rotundo deglutito suo pondere dilabente tandem aluum solutam esse, globulo vna cum fecibus exeunte, & ita agrum

prater

Historia mirabilis De stypticitato ventris. Sermone 5. cap. 37. De cura stypticitatis ventris.

Cap. De cholica.

Causæ quar-
tanæ conti-
nuæ.

præter opinionem conualuisse, quod ego vix crediderim: verum istis omisissis ad quartanam continuam redeamus, quæ rarò per se incipit cum potius consequitur alias febres continuas & propriè acutâs: magna ex parte sit à sanguine melancholico, vel infecto multa melancholia in massa sanguinis relicta ob lienem infirmum vel obstructum. Hac autem si sola quantitate peccat, icterum nigrum, si putrescat, febrem inducit. At hæc melancholia augetur ingestis cibis crassioribus, melancholicis, metu, tristitia longa præcedente, solitudine, tempore autumnii, in senibus, ut in hoc nobili viro euenit. Et quamuis quartana continua admodum rarò cõtingat, ut omnes referunt auctores; hæc ipsa tamen ex humore melancholico coarctato & putrefacto intra venas contingere potest, differtq; ab intermittente, licet ab eadem materia fiat: in continua non sit interpolatio, neque siigus, horror, aut horripilatio, verum de quarto in quartum diem magis exacerbatur; licet non omnino intermittat, sed duobus diebus sese remittat, non tamen omnino sine febre: quia continua secundum humoris propriam naturam, & sit quemadmodum intermittens à melancholia naturali vel non naturali intra vasa putrescente. Eadem causa in vtriusq; locum habent secundum magis & minus valentiores fuerint, ita & signa, præterquam quod in continuis non fiat horror, aut siigus: quamuis in eius principio aliquando retracto calore apparet in extremitatibus frigus, quod tamen est absque rigore, & exacerbatur de quarto in quartum diem: (ut dictum est) tepescit in aliis diebus, habetq; 24. horas in summo labore, & 48. in falsa quiete. Reliqua cum proportionem respondent: pulsus quidem initio parvus, tardus, & occultus, postea magnus, plenus, & celerior quàm in intermittente, & in statu magis intenditur. Calor febrilis primò lentus, mox continuus, sitis adest vehementior, subinde lingua asperior cum siccitate

Signa conti-
nuæ quarta-
næ.

tate. Sed hæc omnia variantur iuxta speciem melancholice. à naturali, si victus præcesserit melancholicus, regio sit frigida & sicca, tempus autumnale, etas senilis. à sanguinea melancholia, vt habitus crassus, bona constitutio corporis, victus sanguinem generans, oris dulcedo, sitis modica, somnus grauior, aër, tempus anni, regio, hæc inquam ad calidum & humidum inclinãtia, pulsus precedenti latior, vrina rufa, vel subrufa cum obscuritate quadam & crassitie, æger minimè iracundus. à biliosa verò melancholia, febris biliosa præcedens, victus ratio adurens, horror, sitis, sudor, vigilia calor, furorq̃, eruntq̃ symptomata intensiora, quibus accedit regio, tempus anni, aër ad calidum & siccum inclinantia, temperies biliosa, vrina intensa, citrina, rufa subrufa, tenuis, pulsus velocior. idem de melancholia pituitosa coniectandum, si hæc adierunt, temperatura pituitosa, febris phlegmatica præcedens, tempusq̃ anni, regio, aër, & reliqua omnia frigida, victus frigidus præcedens, æger dum incipit incallescere iterum frigidior euadens, & ob materie viscositatem paroxysmi longiores fiunt, sudorq̃ tardior est, & variatio quidem in pulsu cum quadam molitie aderit, vrina crassior, minus intensa, sitis exigua, somnus grauis. Ex quibus dictis facilè speciem quartana colligemus, cuius causa curatio etiam varianda erit.

OBSERVATIO XXXV. DE

CONTINVA QVARTANA,

vnà cum tabe & hectica.

CVM autem quartana continua lentum habeat calorem, vehementer tamen corpori profundè insertum, quemadmodum & hectica, quare maximè cauendum ne in eam transmutetur, si in eam non transierit, quamuis quartana continua multò periculosior,

loſior ſemper ſit intermittente, vt plurimum ſit ſalubris, modò apud ægrum, neque medicum, aut aſtantes error committatur. Solet quandoque cum hectica commiſceri, ita vt quarto die videatur hectica febris præter conſuetudinem exacerbari. quamvis hoc rariffimè contingit, & ſi eueniat, plerumque tunc lethalis eſt. hoc nos aliquando vnà cum Henrico Vergrico medico Haghano doctiſſimo in proba matrona, vxore Iohannis Pynſon, obſeruauimus, quæ in ædibus Domini de Waſſenars in Hagha Comitis decumbebat; quæ cum per aliquot menſes decubiſſet tandem vera tabe, pulmoneque exulcerato è vita diſceſſit. cui & hectica febris aderat, quæ quarto die ingraueſcere ſolebat, etiam ſumpto cibo ob hecticam mixtam cum febre continua quartana. Verùm poſtea hectica magis quartanam ſuperante, amplius quarto die non exacerbabatur, verùm lentè continuò affligente præcipuè ab aſſumpto cibo, in magna copia pus quotidie exſpuente, atque hectica longo tempore ſola ingraueſcente, tandem poſt multa & varia remedia adhibita fruſtra, macie extremè conſumpta periit.

S C H O L I A.

Prognoflica
continuae
quartanae.

CONTINVAE quartanae minus tute intermittentibus, imò maxime periculofae: cum enim iſtae febres pendeant ex humore frigido & ſicco, ex humore ſatis naturæ aduerſante, quotieſcunque aliqua ex parte hic ſuccus inſrà incipiat, ilicò extra venas propellitur, non aliam ob cauſam quàm propter inimicitiam quæ eſt inter humorem & naturam, quæ calido & humido conſeruatur; cui hic ſiccus valdè aduerſatur: & propterea optimè dixit Galenus 2. De diff. feb. cap. 2. vbi materia in venis retineatur, non

non fit citra periculum agri: non tamen semper est lethalis, interim valde periculosa, neque tuta, quanquam eadem signa prognostica habeat, qua intermittens, huc transferri possunt. At videbimus sapius quartanas intermittentes, continuas rarissime, qua etiam ceteris paribus (vt iam dictum est) intermittentibus deteriores sunt, quamuis citius terminantur, licet teste Arnolde de Villa-Nova multoties in quadragesimum diem extenduntur, neque tunc tenuiori dieta insistendum, cum sit agritudo chronica. Si ad hecticam inclinet, maxime necem infert, vt nunc ostendimus. Ex istis iam dictis constat indicationes curandi easdem esse cum intermittentibus, quanquam in continua minus expleri possent, neque tam facile salutem predicemus, quamuis non semper sit lethalis. Præterea licet hac magnam similitudinem curationis habeat cum intermittente, ab huius tamen curatione nonnihil variatur. nam hac qua continua est, multo diligentius curanda erit, respectu etiam diuersitatum, qua in materia melancholica esse possunt, vt in Scholio præcedente latius ostendimus. Secundò, quia virtutem magis ledit & prostermit. Tertiò, cum causa eius antecedens & coniuncta sit in venis ipsis, & ceteris paribus, sanguis quoque in ea magis ebullit. Differt quoque curatione ex parte diætæ: qua in continua tenuior esse debet, nam hac breuior intermittente, & quo ad symptomata, vehementior, & virtutem plus grauans quam intermittens. idè non tam citò carnes dabimus in continua vt intermittente: quia intermittens posset habere multas crises: continua tantum vnâ, cum materia sit in venis stimulans virtutem, & idè quo ad statum attinet, oportet diuersimodè victum instituere. in hac quoque frigidiora magis, minus verò calida administrabimus, exempli causa, si vino vtendum, magis limphandum quam in intermittente: imò saepe etiam in totum à vino cogimur abstinere, & sic

Curatio continua quartanæ.

carnes

carnes cum frigidis appropriatis alterabimus. eodem modo coniectandum de aliis rebus naturalibus ad frigidum magis inclinantibus. Præterea quo ad alia remedia, ex parte lenitionis ventris, digestionis, euacuationis (vt summam rem complectamur) conueniunt in continua lenitiua magis lenia, quàm acuta, ita & de clysteribus & glandibus sentiendum. De digerentibus verò à debilioribus ad fortiora solent auctores procedere, verbi gratia, à syrupo acetoso in materia biliosa, ad oximel. primo addendo se. frig. aperitiua, postea calida ac radices aperitiuas, insdem addentes quæ melancholiam respiciunt, vt epithymum. ita & euacuantia debiliora esse debent quàm in intermittente, alterantia quoque & roborantia frigidiora, vel remissa calida, & magis in continua humectationi studendum. In hac quoque non minus quàm in aliis continuis febribus conuenit sanguinis detractio, aluo prius subducta. Hanc enim necessariam dicebat Auic. cum sanguis feruescens communiter melancholie commixtus sit, & per phlebotomiam tractioni paratior fiat, & cum materia sit in venis, statim ab initio vena secanda: quia minus inducias dat hac febris. si reliqua indicia mittendi sanguinis adsint, sanguis ab initio mitti potest, superfluitatibus communibus primò per glandem aut clysterem eductis, aut potione aliqua leniente. præstantiores medici hic eligunt venam sinistri brachij lienarem, quæ magis consentit lieni, cum hic maxima pars materia collecta sit: alij verò ex saluatella sinistra manus: mulieribus autem ex saphena, modò non sint grauidæ, & menses restricti sint, ac causam præbeant melancholici humoris. Missò sanguine, duobus aut tribus diebus interpositis, cum hac febris in multos dies extenditur, neque perinde acuta est vt reliquæ continuæ, dandum est aliquod medicamentum leniens, vt cassia, catholicon cum decocto mercurialis, vel sero lactis, vel decocto passul. polipod.

Vena sectio.

Medicamentum leniens.

polipod. senne & aliis humorem melancholicum respicientibus, ratione semper habita ad speciem melancholiae, quae febrem infert. Ad alterandum verò & concoquendum valent syrupi humectantes leniter & refrigerantes, vel temperati in calido & frigido. Refrigerant & humectant syr. viol. lactucae, portulacae. Temperati sunt syr. de borag. de buglossa. Vtimum praterea syrupo de fumaria simplici, vel de acetos. citri si magnus est ardor. Addimus & aquas eiusdem facultatis, vt viol. portulacae, cucurbitae, bugloss. borag. & in biliosis naturis, cicoreae, end. Si ex adusta bile generata est melancholia, conuenit syr. de end. simplex, & compositus. Sed compositis non est vtendum ante humorem ex parte coctum. Aboali filius primò dabit syr. acetosum, deinde oximel simplex cum aq. end. scariolae, buglossae, vel cum earundem herbarum decocto, additis seminibus cucurbitae, melonis, & similibus. Solutiua sint primò lenia, ex castia, catholico, sene, postea adiecta confectioe hamech. vel dentur decocta simul praparatia & euacuantia melancholiam, ex curatione quartana intermittentis collecta, tamen minus calida, vt dictum est, humectantia non negligendo, quae, siccitatem melancholiae contemperant. Si ventrem mouere non velimus, sed tantum alterare, & digerere, abstinebimus potius tunc à syrupis laxantibus, quorum vis tunc obtunditur, & si ventrem non mouent, plus efficiunt quàm prosunt. At postea cum hac febris diuturnior sit, post euacuationes aliquas factas, possumus tunc vii magis laxantibus & syrupis compositis, vt de fumo-terra, de pomis, de epithymo tales quoque magis purgant post iniectum clysterem. & vbi alius restricta est, quarto quoque die repetere oportet. Non desunt qui etiam hic vtuntur vng. & emplastris solutiuis supra ventrem & umbilicum, quorum copiam habes apud Villo-Nouanum cap. proprio De feb. continua quartana. Id quoque memoria

Syrupi alterantes & coquentes.

Arnoldus de Villa-Noua, lib. 4. breuiarij cap. 31 De feb. quartana.

commendandum ut à mitioribus, ad fortiora deueniamus ob materiam melancholicam educationi rebellem, & si cum bile misceatur, quæ facilius educitur, neque tunc adeò fortibus utemur. Guainerius post vniuersales euacuationes materia quoque prius cocta prouocat hæmorrhoides, cum hac materia commodè per illas vias repurgetur. idem præstat sanguisuga circa anum apposta sanguine fecali, à venis hæmorrhoidalibus extracto, vel per menses in mulieribus si astricti sint, modò non sint macilentæ, nec hectica laborent, in quibus hic sanguis consumptus est. Alij autem in fine calidioribus procedunt urinam & sudorem elicientibus, quæ tamen remissè calida esse debent, respectu eorum, quæ in febre intermittente adhibeantur. Exempli gratia, pro hac febre extirpanda in fine aut declinatione, si demus in febre intermittente ʒj. theriacæ, hic dabitur ʒj. aut ʒj. ꝑ. & ita de alijs. Sed & hoc notatu dignum erit. cum hac febris continua adeò grauis est & periculosa, ut agri vix mortem euadant, idèd magna diligentia adhibenda in conseruandis ac fouendis viribus, ut vino exiguo, atque diluto restaurantibus & conditis ex conf. bugloss. borag. viol. cap. ven. corticibus citri, pul. diamarg. frig. de gemmis, vel potionibus cordialibus, ex confectiõne alchermes, aq. viol. borag. syr. viol. adiectis. Si vigilia vrgeant, syrup. nymphæ pap. vtendum. Cibus ut dictum est, hic sit parcior, vel saltem mediocris, neque condiatur calidis, ut in intermittente, neque salsis, aut vino in hac audacter vtendum. Postquam omnes nunc continuas proportionatas febres absoluerimus, nunc ad symptomaticas quasdam dictas explicandas accedamus, quæ etiam continue sunt.

Condita.

OBSER-

OBSERVATIO XXXVI. DE

FEBRE LIPYRIA LETHALI.

PVELLA Delphia annos 22. nata, robusta, cere-
 uisarij famula, die 26. Octobris anno 1562. à
 meridie subito febre correpta fuit. Huic autè mem-
 bra extrema frigebant, interiora verò urebantur, dol-
 lor in eodem loco non diu persistens, primò sini-
 strum humerum occupauit, mox ad scapulam, dein-
 de ad latus peruenit ac tandem ad ventrem inferio-
 rem, & præcordia inuasit. Ad hanc sub noctem vo-
 catus fui, & repperi eam valdè sitibundam esse, licet
 lingua adeò arida non foret, erantque omnia mem-
 bra externa hominis demortui instar exsanguia, ac
 frigida, intus autem ex calore suffocabatur, ac per-
 petuò bibebar sine intermissione. Cùm autem nobis
 narrasset principium huius mali, ilicò materiam ve-
 nenosam esse ac furiosam, & turgentem iudicabam,
 cum subito ex sinistro humero, mox ad scapulam
 demum ad sinistrum hypochondrium (vnde astan-
 tes primò pleuritidem esse iudicabant) descenderat,
 deinde ad stomachum, præcordia, & inferiorem
 ventrem, vbi malum hæsit. Pulsus huic concidebat,
 & parvus erat, quid multis? lipyriam ego febrem, ex
 genere ardentium perniciosarum, & quasi pestilen-
 tium ex materia venenosa esse iudicabam; frigore
 enim in extremis membris ita permanente, eam fe-
 brem statim lethalem esse pronuntiaui, iuxta aphor.
 48. Hippoc. lib. 4. In febribus non intermittenti-
 bus, si partes exteriores frigidae, interiores vruntur,
 & sitim habeat, lethale est. Hæc omnia iam dicta in
 hac puella erant. Cùm igitur materia venenosa, tur-
 gens, mobilisque esset, de vna parte in aliam cum

maxima angustia in ventre & stomacho: ilicò ob sitim dedi cyathum vnum ptisanæ ex hordeo mundato & glycyrriza confectæ, scilicet z iij. syr. ex infus. ros. & de cichor. Nicoli cum rhabar. ana $\text{z } \beta$. Valet enim hic syrupus Nicoli, contra omnem materiam venenosam tam in alterando quàm in mundificando, etiam in febre pestilenti, vt annotauit Valerius Cordus. Ceterùm cum materia versus ventrem inferiorem reperet, vt glâdem iniicerent astantes mandauì, qua alius soluta scuibalas duras excreuit, nonnulla quoque euomente, ptisanam tamen supradictam cum syrupis retinente. Manè cum rediissem, erat in eodem statu, & noctem insomnem egerat ex dolore præcordiorum ac ventris, ita intestina lancinante, vt ea ex materia venenosa perforari viderentur. leniens itaque medicamentum præscribo, cum eò ducere oportet, quò natura vergat, vt senex noster Hippocrates docuit, cum etiam materia turgente in principio magis conueniat euacuatio, venæ sectione in lipyria minus conueniente, pulsu concidente ac debili existente. etsi venæ sectio conuenisset, materia communis prius educenda erat, ideò lenitiuum medicamentum exhibui, cum solutiu in lipyria nequaquam conueniant. & folior. sene z ij. bulliant in decoct. communi, & huius colaturæ accipe z iij. cassiæ recens tractæ z ij. diaprunis simplicis $\text{z j. } \beta$. syrupi borag. (ob debilitatem) $\text{z } \beta$. misce. At post horam euomuit totum cum modica bilis portione, quamuis a meridie cum rediissem semel induratas feces ac scuibalas deiecerat. Clysterem non audebam immittere, cum ilicò omnia in peius vergent, dolore stomachum & ventrem magis magisque infestante, quanquam reppererim stomachum seu ventri-

ventriculū (quem exterius tangebam) moderatē calidū, pulsationem non sentiebam, qualis inflammationis propria nota est. membra tamen externa manebant frigida, & calor internus extirebat puellam, vt impensē biberet cereuisiam frigidā: quæ tamen maximē nocet, cū & alij ex vehementi siti laborantes, valdē bibentes perierint, vt Gal. 4. De accidente & morbo cap. 7. obseruauit: vnde & potum illum cereuisiæ valdē frigidū inhibui. Nam meminī ex eiusmodi frequenti potu frigido, alios quoque subitō extinctos esse. Vehementi enim siti laborantes, quatuor accidentium periculū à potione subire solent. Vnum & quidem primum vomitus est. Alterum velox per alium excretio, aut fluore aut intestinorū leuitate facilē corripuntur. Tertium quod potus sæpenumero diutius quā par est, in ventriculo manet. Quartum, diabetem, siue dipsacōn, siue vrinæ fluorem inducit. Cū igitur potus in stomacho permanens & circa præcordia hærens, maiorem angustiam inferret, vel vomitu continuo expelleretur, viresque magis delicerentur, sitim nullo modo extinguens, illum frigidum potum quantum potui inhibui. Lotium autem huius non vidi, cū ab initio morbi vrinam non reddidisset. Et quamuis hæc siti æstualet, lingua minimē sicca spectabatur, quod mirum quidem videri posset, nisi ex continuo potu fuisset humectata, sitim tamen in ventriculo vrente non extinguente. Præsanam loco cereuisiæ pro siti bibendam concessi, cum hæc melius descenderit. Interim mandauī tam pro materia venenosa quā siti, vt cochlear vnum aliquando sumeret ex syrupis de limonibus & acetositate citri simul mixtis: sed immorigera per totam noctem sequētem auidē cereui-

siam bibit, ac tandem continuò ferè vomuit biliosa, æruginea, dolore æquè hærente circa præcordia, & sic tota nocte vomitu, ac cerevisiæ potu fatigata, mane hora quinta aluus quoque per se adeò soluta est, vt bilem sinceram continuò excreuerit, vomitu cessante, at aluo semper citatiore permanente. & cum à potu cerevisiæ frigida abstinere minimè vellet, postremò crudam cerevisiam per ventrem exonerauit. Summo manè rursus me vocarūt, at extremis membris frigidè persistentibus; cumque pulsū manu ad carpum iniecta non sentirem, quique subinde concidebat, & sese intermittebat, mortem instare prædixi, curamque sacerdotibus esse relictam. cerevisiario verò tum vxori vrgentibus quid morbi esset, cum respondissem ex genere pestilentium febrium esse, nempe lipyriam, eamque lethalem, puellam ilicò ab ædibus ablegandam censebant, me dehortante minimè in moribunda consultum esse, si ad ædes maternas vel vicinos transferrent, ob fluxum vehementiorem inter manus deferentium facile expirare posse, cum in cubiculum inferius à superiori transferebatur animi deliquium incurtebat, ita vt animam agere videbatur, nisi illam extremè frigentem & exsanguem apud ignem eo tempore collocassem, vt calor ad exteriora subito deduceretur. Nam pedes manusque exsanguia erant, nec vllō modo calefcere potuere, cum ex illo motu aluum deponeret rursus. Vnde imperaui vt partes superiores fricarent ad spirituum & caloris reuocationem. In alui enim & vteri ac infernarum partium magnis fluxionibus, extremitates superiores ligandæ sunt & fricandæ, tum brachia ac manus, vbi deorsum humoris fertur impetus, vt in hæmorrhoidum quoque & vteri

uteri ac alui fluxionibus ad humoris reuocationem. vbi verò vomitus est vel sanguinis narium profluuium vehemens, tum pedes ac inferiora fricari debent, aut fœmora ligari. Frictio autem manuum conueniebat etiam si istud deliquium animi ex inflammatione aliqua internarum partium quoque originem habuisset. Solent enim subinde viscerum internarum partium inflammationes, malignas febres excitare, vt in febre lipyria, in quibus per accessionum initia, & post etiam externæ partes, ita refrigerantur, intrò reuocato calore, & sanguine, vt in scholio sequenti latius declarabimus, vt anima plerumque deficiat: quod cum accidit, fricandæ, calfaciendæ ac vinculis stringendæ sunt extremæ partes, vt foras resiliant spiritus & humores: insuper & vigiliæ sunt imperandæ, quæ calorem & sanguinem ad exteriora reuocando febrem ac inflammationem augeri prohibent. Cibus potusque in totum denegantur, ne materiam augendæ inflammationi suggerant. Optimum autem, in his quid futurum sit prænosse, & commemorata remedia ante febris accessionem efficere. At nostra hæc ægrota ex calore ignis & frictionibus, ex puppula aromate, nuce myristica, cariophyllis infarta, vinoque immersa, pro odorato naribus admota, ad se paulatim rediit. Verum postea me tamen dissuadente in viciniam translata, vix sacramentis à sacerdotibus adhibitis paulo post expirauit, ex febre lipyria ante tertium diem completum. Ad necem violentam tum subitanæam maximè iuasse puto continuam illam cereuisiæ frigidæ ingurgitationem, & propterea Aëtium in curatione lipyricæ rectè dixisse puto, multum potum eumque frigidum in eiusmodi febribus perniciosi-

plurimum nocere: ita memini cùm adhuc Alcmariæ praxim exercerem Theodorum Iohannem Gheertrudis Bartholdi cognatæ meæ maritum, in platea Aggere dicta commorantem, subitò febre enecatam fuisse, cum impèsè sitiret, ac præter rationem cereuiſiam recentem frigidamque bibisset, qui secundo die vix morbo apparente ita extinctus est, cùm nocte præcedente nescio quot congios cereuiſiæ ingurgitasset: illoque mortuo corpus liuidum & plumbeum spectabatur, ita vt à multis peste absumptus æstimaretur. Verisimile autem fuit hunc similiter ex febre lipyria lethali è vita discessisse.

S C H O L I A.

Lipyria Arabum.

QUÆ sit febris lipyria non satis inter medicos conuenit, cum & Arabes lipyriam quoque esse volunt ex phlegmate vitreo, quam isti sicuti & hepialam de genere quotidianarum intermittentium esse prædicant, vt latius dicturi sumus libro sequenti de febribus intermittentibus.

Lipyria Græcorum.

at nunc sermo noster est de lipyria febre Græcorum, quæ ad continuam refertur malignam & symptomaticam. Galenus eam in eo genere reponit, in quo propter magnitudinem interna inflammationis, & malignitatem humorum interna ardent, extrema refrigerantur, id quod in medijs corporis inflammationibus contingit. Nam internus calor, ad instar cucurbitulæ calorem externarum partium intro attrahit. Et sic lipyria est, ea febris, in qua extrema & superficies refrigerantur, vritur profundum, excretiones detinentur, aspera sitientibus lingua est, pulsus parvus atque obscurus: quasi calor intro se receperit, & est ardentium febrium perniciosum genus. Et ob hoc animaduersione dignum dicebat Gal. nunquid huiusmodi casus possint fieri in feb. intermittente, vt partes exteriores sint frigida, interio-

Finitionibus Galeni adscriptis.

Notæ.
Galenus De inæquali in-
tèperie ca. 8.
comment.
4. aphor. 48.

interiores verò vrantur : quod se nunquam vidisse, animo concepiſſe. nam id ſolummodo in febris, qua cauſones ab incendio nominantur, pernicioſis, maligniſſimis, veluti lipyrius euenire affirmat, nullamq; febrem aliam vrere cute refrigerata. Cauſa verò huius talis exiſtit : quando aliqua fortis inflammatio in corporis parte profundiori, vel eryſipelas euenierit: totus ex toto corpore ſanguis ad locum trahitur patiētem, atque aded vruntur profunda, cutis autem refrigeratur, vt ſit in principiis acceſſionum. Aëtius lipyriam vocat qua ſequitur eryſipelas ventriculi. Et ita conſtat hanc febrem eſſe ſymptomaticam, vt Leononus quoque annotauit, eò quòd ſequatur internas inflammations: qua cum corde vel vicinitate, vel conſenſu per arterias putrem ſumum communicare poſſunt: veluti pleuritis, phrenitis, peripneumonia, cynancho, & iecoris aut lienis inflammatio. Febres lipyriæ ſunt pituitoſa, maligna, & lethales. Verùm Arabes longè ab hac diuerſam febrem lipyriam faciunt, vt paulo antè diximus, atque cauſam in pituitam craſſam & viſcidam, aut in eiufmodi bilem collectam in primis venis & calorem vnà cum vaporibus ſuffocantem coniiciunt, ne videlicet calor diſpergatur in corpus, cauſam faciunt huius febris. Alia quoque parum veriſimilia de hac febre prodiderunt. Ceterùm lipyria Græcorum, de qua nunc tractamus, primùm quidem phlebotomia (quamuis Aëtius de ea mentionem non facit) vt optimè etiam Holerius imperat, curatur. Verùm in noſtra agra ob vomitus illos crebros, & ſeceſſus continuos eo tempore ſectionem vena aggredi non fuimus auſi tum ob vires deiectas & animi deliquium. Poſt vena ſectionem modò conueniat, uſu refrigerantium maximè curatur, eodem Aëtio auctore, qui neq. vena ſectionis meminit, vt & Leononus, & alij quidam auctores. Iuxta Donatum eadem eſt huius febris vt ardentis dignotio, prognosticum, & curatio, particula-

Cauſa.

Lib. 5. cap. 88

Præſagia.

Curatio.

Cibus.

Potus.

Balneum.

Quæ forinsecus applicantur.

Historia Aëtij de lypyria feb. lib. 5. cap. 88.

ribus tamen indicationibus desumptis, tum ab inflammatione, quæ cum putredine copulata est, seu erysipelate in his febribus, tum etiam à parte affecta, in qua talis genita est inflammatio, seu erysipelas. Admonet contra Neapolitanos medicos in hac febre abstinendum esse ab illa confectione à mesue Alchermes dicta. Particularius verò curatur per frigidorum & humidorum intus assumptionem, & forinsecus appositionem. Cibus verò sit, cremor ptisana, cucurbita, pepones, endivia, lactuca pura frigida elota: atque sic quidem acceptæ optimæ sunt: si verò opus fuerit aliquando ad preces agrorum, insinuatatem ipsarum mitigare, acetum multa aqua frigida admixtum ad intinctum concedemus. Ante vigorem frigida non est danda, nisi ab agrote cogamur, cui mos sit frigidam bibere, & qui suum non ferat. In vigore autem frigida contentiosa vtendum (sic autem appellare solemus cum semel frigidissimam & multam damus.) Balneum non ratione febris, sed ipsius inflammationis denegatur. Forinsecus ipsæ lactucæ succus aptus est, imò etiam semperuiui, intybi, portulacæ, atriplicis, solani, plantaginis, ac vuarum acerbarum cum pane sicco trito & modico rosaceo, & his quæ similiter resicant. R. succi semperuiui, plantaginis, portulacæ, vuar. acerbarum ana p. æ. farina hordei q. s. ad faciendum cataplasma liquidissimum, misce; idq; duplici linteolo infartum præcordiis impone, ibiq; immorari sinito donec tepidum factum fuerit. postea tolle, ac alterum appone, sicq; vicissim, donec æger sentiat profunditatem quodammodo refrigeratam & à sui liberetur. Hæc post venæ sectionem ab Holerio commendantur. Si verò erysipelas phlegmonodes circa præcordia fuerit, etiam oleum ompharinum & rosaceum admiscere poteris. Aëtius casum narrat notatū dignum in lypyria febre, quem hic vtilem apponendum censemus. Viferam (inquit) olim mulierem voce intercepta

cepta

cepta supinam solo recubantem, pulsu formicarum motum imitante, manibus pedibusq; algefactis. Putavi morbum hunc esse calidum: nam præter eas perniciosissimas notas, deprehendi quoque anhelitum crebriorem, insignis anxietatis & calidioris agritudinis ilia aut thoraces obsidentis indicium. ferebatur ab aliquo astantium, audiuisse se exclamantem mulierem stomachum sibi incendio torqueri, gelidâq; potandâ ingenti desiderio tabescere, vnde & pauiienti frigiditatem iacens attrectando quæritabat. Hinc ego capta fiducia frigida cochleare bis ac ter in os violentè iniiciens percepi aquam sensim labiis arentibus attrahi, atque inde colligens ob igneum in ventriculo inherentem affectum, frigidam planè appeti, ilicò vberius propinaui: confestim oculis annuere, indicare ita fieri oportere. Tunc ego diacodium cum cuidio vino frigida diluto in os infudi, nec multo postea cum iam sensim mustaret, plusculum potus exhibui vini suavis pro cuidio frigida mixto, illeniq; os ventriculi sedo & lactuca cum pane trito & rosaceo, frigentiaq; applicaui ob morbi caliditatem, & quoddâ æstas adesset, donec agra frigiditatem perciperet. Hæc de febre lipyria Græcorum, nunc de febre typhode dicta huic non dissimili exemplum adiiciamus.

OBSERVATIO XXXVII.

DE FEBRE TYPHODE.

IVVENIS Leydanus filius Iohannis Rossemij lationis, malo viuendi genere tum victu pessimo vsus, tum vino liberaliore, cumque in publicis ludis diaboli laruati personam ageret, hinc inde cursitando incaluit, multoque magis cum copiosè claretum (vinum Hippocraticum vulgo vocât) ingurgitasset, canicula vrente, anno 1562. in febrem ardentem,

mox

mox in typhodem febrem dictam, hepate erysipellate infecto, incidit. Eo tempore ad hunc accitus fuit quidam pharmacopæus, qui medicinam exercebat cum multorum admiratione, eorum tamen qui stultè apothecarios pro medicis habent, quibus satis est ut officinam bene instruant. Hic autem cum parum tritus in curatione febris at dentis esset, ac paulò negligentior, eundem subinde tantum inuisendo & tandem febre crescente & fortè non probis adhibitis remediis, febris illa non bene curata fuit, imò in hepatis apostema transiit. Febre quidem non desinente, licet malum protractum sit ad sex septimanas, tunc prius pater huius ægri decumbentis me vocavit, apostemate iocinoris iam confirmato, quod secundum omnes medicos illustres, incurabile est. Cumque ad eum peruenissem, iam inacie consumptus erat ex nimio & intolerabili dolore hypochondrij dextri, quem statim ab initio mali perpeffus erat. repperi tumorem, qui exterius se manifestabat, quem pharmacopæus medicinam factitans, ne attigerat quidem, ut æger tunc mihi narrabat, tantum abest ut eum animaduerterit, qui sic ægrum hactenus enormi dolore conflictatum & incuratum ad tempus reliquerat, quamvis videret miserum ægotantem in dies vehementiore dolore pessum iri. Lingua autem huic cum ad eum primò venissem, erat sicca, aspera, arida, & nigra, sitis vehementior illum urgebat, erantque hæc omnia tum calor febrilis (ut ex sermone ægri intelligebam) ab initio morbi vehementissima, & adeò sæuissima, ut sese præ calore continere non posset, ita ut non dubitandum fuerit ex omnibus signis quæ adfuisse narrabat æger, hanc febrem typhodem fuisse, quamvis sex septimanis

nunc

nunc præteritis febris magis lenta foret, ob erysipelas vel inflammationem iocinoris malè ab initio à pharmacopola, non autem medico curatam. Cùm autem malum hoc incurabile esse animaduertentem, neque aliquis medicus doctus ægrotanti perpetuò adesset, Hubertum eius vrbis medicum vnà vocari iussi, cùm diu apud ægrum permanere non poteram. Comuni itaque consilio, formenta, emplastra molliciantia, interim & hepatis robur addentia, doloremque mitigantia, vt fieri debebat, adhibuimus. Quarto autè die nostræ vocationis, postquàm duos fere menses decubuisset (prius vocatus cum extremè laboraret) sub inferioribus costis, è regione hepatis, percepimus maturum esse apostema, quod scalpello exterius statim aperiendum esse proposuimus, vt si fortè illud ipsum in velamine hepatis esset, æger liberari posset, si verò in hepatis substantia esset, impossibile, vt tunc curari possit. At cùm valdè debilis æger existeret, ne inter manus chirurgi periret, dum fieret apertio, tutius esse sentiebat Hubertus id per ruptorium quàm incisionem fieri, quanquam citius per scalpellum aperiretur absque minore dolore, licet ob vulgi tamen calumniam eius opinionem pro hoc tempore secuti sumus. Accito igitur chirurgo, ruptorium ex capitello impositum est descriptione Montani consultatione 13. quod intra duas horas escharam absque dolore faciebat. componitur autem ex cinere ficinum aut quercuum aut sarmentorum, fabarum & sit ad spissitudinem coctum lixiuium, quod exsiccatum, additur. deinde calx viua. Quanquam optimam faceret operationem & escharam, tamen cùm protraheretur tempus antequam ea excideret, propterea vt iuuenem citius à dolore, &

copia puris liberaremus, potius abscessum adhuc scalpello aperiendum esse duximus, facto tamen prius prognostico, quod æger moreretur, si apostema in substantia hepatis consisteret, ne etiam nos negligentiae incusarent, quod minus citò aperuissemus, cuius causa æger mortē incurrisset. Scalpello dextrè leuiterque abscessus per chirurgum apertus est. Primò quidem effluxit quasi pus album, sed non valdè copiosum, neque dolor mitigatus est, quod pessimum erat signum, coque peius cum altero die subsequenti, etiam per inferiora excreuerit purulenta, putida, corrupta, malè olentia atque foetida, quæ decernebant apostema ad substantiam hepatis peruenisse. Tertio die post apertionem (præhabita prædictione ex Hippocrate, si instar amurcæ pus excerneret, malum lethale esse) æger mortuus est. Curatio enim apostematis hepatis vana & cassa est, nam totum corpus cum eo ruat necesse est, cum sit membrum principale & organum sanguificationis. Propterea cum ægrum in tali statu inuenissemus, mortem prædiximus, ita ut non solum tuti à calumniis fuerimus, verum etiam magnum honorem ex illo prognostico apud multos consecuti simus.

SCHOLIA.

DE inflammatione hepatis seu apostemate datius a genus, cum de morbis particularibus sermonem habituri sumus, at nunc de febre typhode, qua iuuenis hic prius laborauit, dicamus. Erat autem hac febris, sicuti superior symptomatica. omnis enim symptomatica (ut dictum est prius) in genere continuarum est. Neque vnquam visa est intermittens. Huius proxima materia continens causa non in venis est maioribus, sed in parte aliqua piam, è qua

Omnis febris symptomatica continua est.

aut putredinis quiddam, aut rēter putridusq; vapor in cor obrepit. Eius quidem genera multa. vnum inflammationes sequitur, quod & ipsum est multiplex. Cum enim aut externa, aut distans est inflammatio, non nisi ephemera febris accenditur, quod solus calor in partium continuatione in cor euadat. At si partium interiorum maximeq; principum & cordi vicinarum, vel phlegmone, vel erysipelas est, sanguis biliosus putrescens aut illis in cor subit, aut tetrum putremq; de se vaporem in ipsum emittit, è quo per arterias fuso, putrida fit febris. Sic à phrenitide, ab angina, peripneumonia, phrifi, pleuritide, hepatide, splenitide, & à nephritide, febris fit phlegmonodes. Ab erysipellate typhodes, ea quoque grauior, quò pars affecta nobilior cordiq; vicinior fuerit. Aëtius verò febres symptomaticas, quæ fiunt in visceribus, ex erysipellate hoc modo distinguit. Si erysipelas fuerit in ventriculo, febris quæ inde incenditur, dicitur lipyria, de qua paulo antè diximus. Si in hepate, typhodes. Si verò in pulmone erysipelas consistit, tunc appellatur crymodes febris. Nonnunquam tamen inflammatio, quæ febris symptomatica origo est, per initia quasi inuoluta iacet, at febris eius symptomatica admodum conspicua est: vtraque acuta est, & putredinis notas exhibet, sed symptomatica nullis statim periodis exacuitur, vrina nullum putredinis indicium habent, nisi ex affecta sede, putredo forsā obrepat in venas: si non statim initio, mox tamen inflammata sedis indicia proferent raro vel septimo, vel quartodecimo aliisue decretoriis iudicio soluitur. In primaria febre continua hisce contraria apparent omnia. Alterum febris symptomatica genus multo obscurius est eam febre continente. Fernelius lentam appellat. Oritur enim non è visceris partisue cuiusque inflammatione, sed è latente obstructione & putredine, quæ visceri contumaciter inherefcit impactaq; est, adèd vt & ipsa

modi
modi
modi
modi
modi

Febris Phlegmonodes.

Lipyria.

Typhodes
Aëtius lib. 5.
cap. 88.
Febris crymodes.

modi
modi
modi
modi
modi

Febris symptomatologica, quæ lenta & simplex est.

ipsa visceris substantia plerumque labefactetur. Putredinis portio nonnunquam in venas effusa sanguini permiscetur. Hac motus præ se fert symptomatologica eius quæ aut phlegmonodes, aut typhodes appellatur. Distinguitur autem quod omnium putridarum est mitissima. ager nullo gravi symptomate premitur, sæpe nec se agrotare putat. Putredinis tamen nota interdum elucet in urinis: pulsus frequens, celer, & inæqualis, non tamen magnus, aut vehemens, vires imbecillæ & languidæ collabuntur, ut ne progredi ager possit: corporis moles, etiam si alimentum sumitur, sensim liquefcit. Diuturna etiam hæc febris est, quæ reliquarum continuarum terminos prætergreditur, nec vigesimo, nec interdum quadragesimo soluitur. Huius cum suspicio est, fomes querendus, omnesque corporis partes animo sensuque, lustrandæ sunt, dum signis conspicuum sit, in quas parte consistat, sæpe in ventriculo, aut in iecore, aut liene, mesenterio, nonnunquam in pulmonibus cuiusvis humoris seminalis putredo cumulata hanc excitat. Sedulo igitur observanda sunt hypochondria & hypogastrium, num in his tumoris sensus cuiusdam insit. Huius febris exemplum vidimus in nauta Delphio, qui tandem circa orificium ventriculi in furcula, postea descendente, in musculus ventris passus est abscessum, qui apertus fuit & tandem post multos dolores & labores curatus fuit, quamvis postea recidivam incurrens, in lienteriam incidit, ex qua mortuus est. Sæpe etiam vel in cachexia, vel in fœdis virginum coloribus, serosa pituita, levis putredo illam protulit. & hæc quidem lenta simplex appellatur. Altera est lenta periculiosior, quæ non solum ex impacti humoris, verum etiam ex visceris cui insidet, corruptione putredineque, emergit. Iecoris, pulmonis, cerebri, ac lienis, interdum etiam renis, distantium partium corruptela, simplexque putredo, tametsi nullo putri humore comitatur, quoniam tamen expiratione gravi cor
asiduo

Lenta symptomatologica non simplex, sed periculiosior.

afiduo laceſſit, continuam febrem non aliter quàm putridus humor ſuſcitatur: eamq̃, ſymptomaticam ac omnino lentam: hanc plerique rerum affinitate ducti, hecticam dixerunt, iſdem notis ſe prodiit atque nunc expoſita. Internoscitur autem, quòd ſenſim editur, multoq̃ tempore procedit: aliis ſerè morbis ſuccedit, vt hæc febris de qua nunc agimus, à typhode vera, ſcilicet ab eryſipelate: nihil vel minimum euacuatione miteſcit, nullis cedit remediis, ſed iis ſape exaſperatur, ſenſum ac plerumq̃ ſine ſenſu hominem extenuat & marcore conſicit. quemadmodum etiam euenit genero illius Iohannis Potlerdi apud Delphos Geometra inſignis amici noſtri familiaris, qui ex abſceſſu hepatis, licet exterius ſcalpello aperto, ſubſtantia eiſdem putrefacta amurcam per vulnus reddente, tandem conſumptus obiit. Idem euenire poteſt in pulmone exulcerato, quemadmodum agro decumbenti longo tempore in noſocomio Delphenſi contigit, qui vulneratus in pulmone, eoq̃ tandem putrefacto, ex tali febre contabuit, licet ex manibus chirurgorum fractus, ab Empirico illo gibboſo, qui ei ſanitatē pollicebatur (vt impoſtores ſolent) non diu ſuperſtes manſit, cumq̃, ſectio poſt eius obitum facile cauſam mortis aperuiſſet, media pars pulmonis conſumpta ac purè ſoluta ſpectabatur. At in altero vulnerato antea in eodem noſocomio, qui vltra annum cum dimidio ibidem decubuerat, in ſectiōe ipſa tota ſubſtantia pulmonis adeò cum pure longo tempore excreta videbatur, vt cor denudatum ſine pulmone (dictu mirum) ſpectaretur. Hoc genus febris qua phtiſim comitatur, inter hecticam minimè recēſet Ferneliuſ, ſed putridam ait eſſe ex putreſcente pulmonum ſubſtantia, neque enim neceſſe eſt, inquit, putridam omnem in humore conſtitui. Verum hæc febris qua noſter iuuenis in principio laborare viſus eſt, de qua nunc ſermonem habemus, erat verò typhodes, quamuis poſtea in lentam illam

Curatio typhodis & crymodis.

febrem transierit, ex iecoris substantia putrefacta tandem & ulcerata, & sic paulatim, ut alij iam supradicta, extenuatus est non aliter, quam in iis fieri solet quibus pulmonis substantia putrescit. At typhodes quæ ex hepatis erysipelate fit, sicut & crymodes ex pulmonis erysipelate (teste Aëtio) quo ad curationem attinet, indigent eduliis, potionibus, & extrinsecus linimentis refrigerantibus & humectantibus, & vigente morbo frigida potio strenuè ingerenda est, tum iis utendum, qualia de febris lityria curatione enarrauimus. Cumq; & huius febris curationem Aëtius describat lib. 5. cap. 88. ad illum locum lectorem relegamus, cum non opus sit eadem hic interserere. Nam & febres ex inflammatione viscerum curantur indicatione sumpta à febribus ipsis, tum à sede affecta, quæ in propriis locis describuntur: sic in febre pleuritica videndum quomodo pleuritis curetur, & ita de aliis viscerum inflammationibus. Hæc de febribus symptomaticis, quæ etiam continuæ sunt dictæ, sufficiant, quibus & alias continuas malignas quæ subsequantur adiungemus: ut omnis tractatio particularis de febribus continuis hoc libro finiatur.

OBSERVAT. XXXVIII. DE FEBRE

QUÆ ASSODES GRÆCIS DICITUR.

VIDVA illa, quæ in platea Vaccea Delphis habitabat, cuius maritus in stagno seu lacu Harlemensi (cui tamen ob latitudinem mare quoque nomen est) in naui vel potius cymba, tempestate oboriente, aqua obrutus perierat: hæc ipsa nata circiter annos quadraginta in fine mensis Iulij anno 1566. canicula adhuc æstuante, febre Assode correpta est, ita angebatur, ut in lecto manere non posset, neque ullam decubitus figuram seruare, omnia fastidiebat, hypo-

hypochondria maximè intendebantur, sitiebat, vigilabat. Ad hanc tertio die accitus, animaduerti membra externa frigida esse, quodque præ angustia sese iactaret, neque in vno consistere loco posset, valida siti premente: tandem tum infrà tum suprà multà biliosa, & simul acria deiecit, bilem quoque prassinam cum crasso humore mixtam: quæ in syncopen prolapsa cum intensissimo stomachi dolore ac lancinatione, & hypochondriorum tensione, vt iam animam exspirare videretur. Ex his omnibus quidem signis percepi febrem continuam esse eamque periculosam, quæ Græcis Assodes dicitur. circa stomachum se exuri clamabat. Cùm autem plurima suprà infraque deieceret (vt dictum est) exhibui decoctum hordei communis cum oxizacch. quo potu maximè delectabatur, qui egregiè non modò iuuabat, verùm, etiam sitim extinguebat: mox & continuo lambendum dedi rob. de ribes in quo tabellæ manus Christi dictæ immixtæ erant. Stomachum verò inunxi oleo cidoniorum. Post quartum diem fluxus mitior factus est, & calor febrilis tum sitis minorbatur. tenuissima vtebar diætâ. Potus erat aqua hordei, cum oxizacch. Postea pro cibo solo hordeato vsi sumus. Septimo verò die cùm antea ab omnibus pro deplorata haberetur, probè curata fuit.

S C H O L I A.

HIPPOCRATES loquens de istis febribus malignis
 4. De vict. rat. in morb. acutis. dicit, quibus febres
 graues & implacidae sunt, & hypochondria contendunt,
 iacentesq; ægri se continere non possunt, atque extrema
 frigesunt, absolutissima diligentia tum custodia indigent,
 eosq; ita degere oportet, vt nihil præter aquosum oximel.

Hippocra-
tes.

αἰσώδης fe-
bries.

Causa.

Notiz.

Præfagia.

Curatio.

attingant, sorbitionem non dabis, donec sese malum remiserit, & vrina matura fuerint. Galenus supra hunc textum in commento, Hippocrates, inquit, αἰσώδης febres appellat, in quibus agri αἰσώδεις, id est, grauiter afficiuntur, atque implacide molesteq; se habent, difficilis autem tolerantia, atque implaciditas sequitur interdum febrem immobilem & æstuosam, sæpius quoque & stomachi malitiam, id est, os ventriculi infestans. Est autem materia huius, vt ex eodem commento constat, humor crassus aliqui acris & biliosus, tunicis stomachi imbibitus. Fit quoque ex ardore (vt Holerius doctissimus annotauit) licet ex dolore interiori, aliqui grauiore quadam accidentia eius febris esse possunt. Cognoscemus autem hanc febrem ex eo, quod perpetuò iactantur agri, nec vllam seruant figuram decubitus, omnia quoque fastidiunt, (vt dictum est) hypochondria contenduntur, sitiunt, vigilant, aut in leui somno delirant. Pesimum hoc genus febrium est, in quo celeriter pulsus concidunt, & occasio præripitur maiorum remedium, ideo rectè Hippocrates dixit, diligentia maiore opus esse: hinc postea quoque sæpe mortem inferens. Coniectura autem colligere oportet ex vrinis quidnam futurum sit, nempe crassiores, pallidiores, meliores: tenuiores verò, & nigriores, perniciose magis. Quod ad curationem attinet: Hippocrates diluto oximeli vititur non sine causa, (teste Galeno) vtpote cum crassos humores glutinososq; incidat absque calore vehementi: diluto verò, vt melius transeat. Holerius eius loco vititur, syrupo acetoso. & nos rectè oxizach. cum biliosus humor existat, & calor acrior adsit. Holerius etiam diluto absynthij & hordeato ex hordeo integro. Nos autem ob fluxum crebriorem in hac agra & ob vomitum hordeato vsi sumus, ex hordeo mundato, amigdalæ dulcibus depilatis pistisq;, adiectis instar emulsorij, loco cibi: aliqui victus incidens & refrigerans esse debet:

debet: propterea etiam citria mala per taleolos incisa, amotis corticibus exterioribus saccharoq; aspersa concessimus, tam pro siti, quàm pro putredine febris & materia incisione. Hippocrates tenuissimè nutriendum esse precipit, siquidem vires permittant: neque sorbitiones admittit, antequam vrina maturentur, & malum remittatur. Purgatio, quamvis de ea non sit mentio apud Hippocratem, debet esse levis ex rhabar. sed in nostra ob fluxum minus conueniebat. Iuxta Hippocratem quoque eger iaceat in conclavi obscuro, lecto quidem molli, nec minimè se iactare aut proiicere debet; diutiusq; positum sustinendo. Hæc, inquit Galenus in commento, maturatoria auxilia sunt, quæq; angorem & molestiam tollunt, coctionem iuuant, & vires conseruat. eaq; de causa in conclavi nostra egrotantis, vitreis fenestris velamen apponi iussi. quæ simul ad somnum conciliandum iuuabant. Deinde Hippocrates ad topica remedia veniens, hypochondrium semine lini illinit, tepido quidem ex aqua & oleo cocto. Hoc molli, teste Galeno, nec manifestè calfacit: quæ maximè expostulat omnis phlegmone, cum & hæc maturent & per halitum digerant. Idem præstat hydraleon in quo semen lini, althea, incoctum sit. farina quoque hordeacea ex eodem hydraleo instar cataplasmatibus subacta & hypochondriis imposta. Verùm nos in nostra ægra ob vomitum & fluxum ad maiorem roborationem stomachum oleo cotoneorum inunximus, & tandem aliis enumeratis remediis in obseruatione præcedente, sana euasit.

Topica.

OBSERVATIO XXXIX. DE FEBRE CARDIACA DICTA.

VIR annorum triginta, baiulus, raræ constitutionis ac biliosus, cum valde æstuarer ac febriret, in syncopen lapsus est. Hic autem decumbebat

in Aggere nouo longo (ita enim plateæ nomen erat) Delphis, canicula seu syrio etiam ardente. Ad hunc vnâ cum pharmacopæo deductus (nam vxor huius ægri nutritrix pharmacopæi erat) inueni eundem valdè æstuantem cum spiratione admodum crebra & frequenti: cogebatur rectè sedere non aliter quàm asthmatici solent, & cum semel sputum cruentum expectorauerat, vt mihi tunc narrabatur, prima fronte suspicabar peripneumoniam adesse, sed me præsentē nequaquam, cum neque tussis vlla adfuerit. Sed animaduerti circa cor ipsum maximè dolere, cuius causa facilè etiam syncopen incurreret, & cum æstus vehemens adesset, certis rationibus adductus fui hanc febrem illam esse, quæ à medicis cardiaca dicitur, de qua etiam Holerius obiter mentionem fecit. idèò ilicò sanguinem detrahēre iubeo, sed parcius, aërem quoque frigidiorē, tum victum humectantē ac refrigerantē adhibeo: cor autem conforto cum syrupo de limonibus, de acetos. citri & tabulis manus Christi perlatis. Cumque ei aluus facilè ex syrupo violaceo, tum rosaceo solutio moueretur, alia lenitiua: neque alia pharimaca præscripsimus. Cor iulebis alterantibus refocillauimus, & post quartum diem statim post missionem sanguinis conualescere cœpit, vt in septimo omnino à febre hac maligna liberatus fuerit.

S C H O L I A.

Febris cardiaca grauis & periculosa.

NON minus grauis est & periculosa febris cardiaca, quemadmodum & affodes supradicta. In hac vehemens æstus est, facies rubet, magnus est cordis saltus, exigua frequensq; spiratio, residere volunt vt pulmonarij, dolitant in regione cordis: inclinante morbo, sudor tenuis fit, fri-

fit frigidus aliquando, ex qua syncope & mors, vti puellæ euenit quæ ad templum nouum decumbebat. alioqui vapor calidus per cutem exit, quod medicum fallit, nisi & manum adhibeat ori, hinc enim spiritus frigidus, ex his mors. Initio sanguis detrahendus, quod Holerius quoque suadet, Curatio. aër frigidus imbibendus, flabello quoque ager ventilandus. Victus refrigerans & humectans præscribendus, deinde minimè illa omittenda quæ ad syncopen valent, & quæ in febre syncopali ex materia calidiore prosunt, de qua latius paulo post agemus. Epithemata verò hic quoque locum habent, cordi admota ex aqua viol. nenuph. borag. mellissæ, santalis adiectis, & croci momento. Syrupi etiam hic prosunt de limonibus de acetos. citri, de acetos. nenupharis, viol. pap. acetosus simplex: ex quibus iulebi syrupi adiectis aquis cordialibus parari possent. Huc etiam spectant condita cordialia, refrigerantia, alterantia, & cor confirmantia, quæ variis modis ex suprascriptis tam febribus acutis quàm ardentibus in vsum reuocanda sunt. Loco lucido immorari debent, suauis aura perflato, vel naturaliter alterato, vt de causonè aliàs diximus. Decubitus quoque sit altior, vt melius spirare possint.

OBSERVATIO XL. DE

FEBRE COLLIQVANTE.

GVILHELMVS Mellissæus Delphius, vir annorum sexaginta sex, qui circa fossam aqueam ad portam habitabat, qua ad Mosæ regionem itur, in febrem colliquantem incidit, cui deiectiones alui rufæ, crassiusculæ, fœtidæ, & valdè pingues, viscosæ, atque biliosæ, tum spumosæ erant: similiter & vrinæ spumosæ atque biliosæ spectabantur: facies huic conciderat, vt hominem vix agnoscerem, quem

antea familiariter cognoueram. Dedimus huic rob. de ribes, cum miua cithoniorum dicta: & quia metuebamus exulcerationem intestinorum, remediis ad dysenteriam valentibus vfi sumus. Post lotiua remedia, conseruam rosaceam cum zaccharo manus Christi perlato, syrupo de portulaca, & cidoniorum præscripsimus. Pro stomacho quoque & ventre linimenta constringentia & simul roborantia. Cibus huic hordeatum erat, cum emulsione amigdalorum dulcium, prius corticibus ablati, etiam oxigala. Et represso calore febrili, fluxus in senec extremè laborante desiit, & præter omnium astantium opinionem breui admodum conualuit.

S C H O L I A.

Febres colli-
quantes cur
pessimæ atq.
malignæ.

FEBRES colliquantes pessima, & valdè maligne sunt, in quibus substantia corporis multis modis diffluit, idq; aliquando paulatim, vt in marasmo, & febribus hæcticis (sicuti contigit M. Adriano Leonino, Leydio, viro doctissimo, quondam Delphio Pensionario.) Nonnunquam verò statim initio morbi substantia corporis dissoluitur, carnosumq; genus pingue & solidum. Ita vt aliquando effluxus substantiæ fiat per insensibilem transpirationem, idq; dupliciter, vt nunc diximus, vel paulatim, vt in febribus quæ marasmodos & hæcticas nominantur: aliàs verò breuissimo tempore, quemadmodum vxori Domini de Oosterwijck in Hagha Comitatus euenit. Hac ipsa licet antea ventris fluxu laboraret, quem non magnificiens, tandem nullis adhibitis remediis in febrem colliquantem eamq; lethalem incidit: ad quam Doctor Hugo Nieuenius medicus Haghanus primo vocatus est, deinde me, tum Cornelium Leydium Delphium medicum & collegam meum vnâ statim quoque vocarunt maritus atque amici astantes;

astantes; verum cum febrem hanc colliquantem nullo modo extinguere possemus, neque fluxum clysteribus refrigerantibus deinde etiam restringentibus ad dysenteriam aptis compescere, quarto die ilicò mortua est. Febris hac colliquans adeò saua fuit & atrox, vt non solum per insensibilem transpirationem, sed etiam per manifestam excretionem totum corpus resoluerit, & breuissimo tempore colliquando substantiam ipsam, matronam hanc probam, mox interfecerit. Tam atrox & maligna est aliquando hac febris, vt hominem ilicò ad sepulcrum demittat. Cuius quidem febris etiam hac signa sunt. Nares acuta, oculi concavi, collapsa tempora, & alia in initio praedictionum Hippocratis enarrata. Sed longè periculum maius est, si id

derepentè sit, ardore febris, & igneo calore, qui quidem substantiam corporis resoluunt in fumos, frugi quoque spiritum & naturalem per poros excludunt. Minus periculum est, cum ex vigilia, insigni purgatione, inedia, rebusq; eiusmodi colliquatio facta est, eaq; breui tempore reparari potest. Ex mœstitia & grauioribus animi curis idem contingit, sed ea colliquatio non ita celeriter instaurari potest. Propriè tamen colliquans febris appellatur, in qua feruidus malignusq; calor est, qui non solum per insensibilem transpirationem, sed per manifestam quoque (vt paulo antè diximus) excretionem exsoluit corpus, quemadmodum in hoc nostro (de quo nunc agimus) agro erat. In hac deiectionis alui rufa, crassiuscula, foetida, aliquando pingues & viscosa, biliosa, quibus & spuma insidet, qua feruorem indicat: vrina verò similes. Aliquando morte instante, tenuis sudor, syncope, & tandem mors. Vbi igitur in febre acutissima, statim ab initio ex facie illa mortifera iam dicta colliquationem intelligas, maioribus remediis omnino abstinendum est, vt effluxum illum prohibeas, &

causas syncopis anteuertas. In his febribus virtus languida

Signa febris colliquantis.

Praesagia.

Curatio.

ferè est, quæ maiora remedia non admittit. Vbi enim videris alui excrementa rufa, grauiter olentia, spumosa, virèſque languidas, non solum maioribus remediis abſtinentum, verum etiam syrupis mellitisq; rebus nisi eiusmodi syrupi plurimum diluantur. Hippocrates mulſa interdicit, quæ tantum octauam partem mellis recipit. Et Gal. commento 3. de vict. morb. acut. cum ex mulſa epota vel abſque ipſa quis ſpumosa ſimul & bilioſa deiecerit, febrem ſciueris eſſe, inquit, quæ liquefaciat & ad tabem perducat, propterea ab uſu mulſæ abſtineto, atque ad piſſana cremorem deuenito. Duo Hippocrates remedia annotat, piſſana cremorem, & aquam frigidam. Nos & hordeato vti poſſumus, lactuca, portulaca, & in ſumma rebus quæ humectant & inſrigidant. Aquæ frigida tempus eſt, cum res melius habere cœpit, & excrementa magis cocta ſunt, quanquam & ante hoc tempus licebit vti frigida, ſi quidem ager vehementer appetit, vehementer ſitit, & aſſuetus eſt potui frigida. Nos eius loco aquam endiuia vel aquam coctam damus cum paucō ſyrupo de agreſta, deribes, qui admodum delicatus eſt. Holerius verò cum ab aqua frigida metus eſt, refringi ipſam iubet decima parte vel octaua ſacchari communis, vel violati, alioqui eadem menſura, ſyrupi violati de pap. de nenuphare, de acetosa, de agreſta, de limonibus, de acetofitate citri, & aliis eiusmodi exhibere poſſumus. Sic & epithemata, illitiones & hypochondriis & thoraci conueniunt, quæ refrigerant, humectant, leuiter adſtringunt ex aqua roſacea, aceti momento, oleo roſaceo, ſantalidis. Aegri conſtitui debent loco aura frigida perſlato, ſi valdè æſtuant. atque etiam aliquando ſtabelleo ventulum facere oportet. Et quia aliquando acrimonia excrementorum inſteſtina exulcerari ſolent, clyſteribus vtendum erit, quæ refrigerant, humectant, leniunt, quorum compoſitio ex cap. de dyſſenteria petenda.

Si fluxus

si fluxus inualeant, viresq; deiciantur, paulatim hunc ipsum reprimere oportet. Aëtius scribens de colliquante febre ex mente Philagrii medici antiquissimi, occurrit huic febri rebus exstinguentibus calorem. Adhibet cataplasmata, & epithemata refrigerantia, thoraci quoque & hypochondriis, & alimenta prabet quæ infrigident & humectent, atque ea deinceps valere dicit, quæ de febribus ardentibus scribuntur, quæ ipse ex iis quæ de causo diximus superius colligere potes.

Lib. 5. cap. 89.

OBSERVATIO XLI. DE FEBRE syncopali continua à bilioso humore.

IVVENIS studiosus & litteratus, annorum octo-
decim, valdè macilentus, aridus, raræ constitutio-
nis, atque biliosus, facie admodum pallida & exte-
nuata, in febrem acutissimam (cùm Alcmariæ idem
Iuuenis adhuc scholarem ageret) incidit, cum syn-
copi grauissima, maximè in ipsis febris exacerbatio-
ne. Faciem aqua rosacea lauimus, & vinum ad odo-
randum pro syncope leuanda naribus adhibuimus.
Manus Christi confectionem cum rob. de ribes, sy-
rupo de limonibus, aliaque bilem refrenantia, & ad
syncopem facientia administrauimus. Sed cùm cho-
leram prassinam æruginosamque in maxima copia
euomisset, ex qua demum syncope exorta, & tan-
dem extrema frigerent, sudorque frigidus vndique
emanarit, quarto die (præhabito tamen prognosti-
co) hic obiit.

SCHOLIA.

HÆC erat illa febris syncopalis grauissima, à bilioso
humore, quam Arabes syncopalem minutam vo-
cant. Est & alia syncopalis ab illis humoralis dicta ab hu-
more

Febris syn-
copalis mi-
nuta, cur ita
dicta.

Febris syn-
copalis cur
ita dicta. &
cur etiam a-
cuta voca-
tur.

Febris syn-
copalis mi-
nuta modo
cōtinua, mo-
do intermit-
tens est.

Secundum
mētem Ga-
len. hæc ipsa
febris magis
continua est.

Causa.

more nempe pituitoso, de qua sequenti libro de febribus
intermittentibus agemus. Nunc verò de biliosa tantum
dicamus ex Arabum decretis, cum ipsi hanc diligenter in-
sequentes Auicennam descripserint. Dicitur autem synco-
palis minuta, ut eam distinguerent à repletionali, quam à
barbaris neotericis humoralem appellari diximus, & idèd
etiam minutam vocant, ed quòd paucam materiam conti-
neat eamq^{ue} valde venenatam. Etiam hæc ipsa febris ad-
modum acuta, cum velocitate eueniens, cum syncope, &
casu virtutis, & idèd syncopalis ab accidente concomitan-
te dicitur. Etiam acuta appellatur ob sevitiā acciden-
tium, deinde quòd hæc ipsa admodum brevis est, & citissi-
mè terminetur, ut subinde virtus non sufficiat vsque ad
quartum diem. Ea ipsa quoque duplex est, vel intermit-
tens, vel continua. Curtius tamen eam posuit sub febre
continua, inquiens, Syncopalis minuta est febris, quæ fit ex
humoribus tenuibus, qui facile exhalant, maximè si reten-
trix facultas sit debilis, & expulsiva fortis, & pori lati, sic
quòd resoluatur virtus & in syncopen incidat ut 12. meth.
cap. 6. Est autem dicente Curtio febris continua, quia ali-
ter non esset exitiosa, aduenit etati & temperatura & re-
gioni calidis, & siccis & regimini simili ut 10. method.
cap. 3. videre est in illo iuvene, qui laborabat hac ægritu-
dine, quemadmodum & Gal. quoque testatur 12. meth.
cap. 6. Fit itaque hæc febris à bile supra modum tenui &
venenata, in corpore iuuenili, macilento, rara textura, &
valde bilioso, magna ex parte ex cholera prasina & aru-
ginosa, ex qua fit syncopis, etiam ut alij volunt ob inflam-
mationem alicuius visceris. Talis autem febris grassatur
magis tempore æstivo aut autumnali, quod fit ob tenuem
humorem biliosum, ut liquet ex 12. meth. cap. 6. A sangui-
ne enim nec ab aliis humoribus non potest fieri per se, sed
ex cholera sicut colligere possumus 1. prognost. 10. & 11.

Addit

Addit Auicenna, vt dictum est prius, ex materia venenosa. Eius signa sunt in locis citatis posita, interea & nasus Signa. fit acutus, oculi caui & alia quæ Hippocr. de facie scripsit 1. prog. 8. 9. & 10. siue multum excernant, siue vigilent, siue tristentur, siue non citò nutriantur. Si in principio talis febris apparet, huius febris est signum: verum vbi cum aliis signis appareat, minus periculum est, vt 12. meth. cap. 6. & 1. prognosticorum Hippocrates docuit. Syncopis autem in hac febre fit tempore maioris resolutionis, & idèd in statu: & hanc etiam ob causam differt à syncopali humerosa, quam alij sub intermittente ponunt, quæ tertio quoque die paroxysmum facit, & ad quietem perfectam venit, in cuius principio paroxysmi sæpius fit syncopis. At in continua, de qua nunc agimus, quæ tertio die exacerbationem habet, in qua exacerbatione etiam fit syncopis præcipuè, ad quietem non peruenit. Facile autem cognoscuntur ob syncopen & accidentia, quæ bilis inferre solet. Præfagia. Pleurumque lethalis est, & vix ad quartum paroxysmum peruenit, quin iugulet agrum. Ipsa tamen continua ceteris paribus intermittente periculosior est, vt ferè semper lethalis sit, & raro quartum diem attingat vel superet. Idèd vtræque hac febris diligenter curanda, & curationes auctores vno modo absoluunt. Curatio. quanquam huius curatio, si continua sit, procul dubio valdè est periculosa, cum humoralis opponatur; vnde & opposita quoque exigit remedia. Si ergo in ea virtus sit debilis, & sit apostema in membris interioribus, iam salus est desperata. Quod si non sit apostema, vel actu est syncope, vel non. Si est, oportet dare cibum scilicet panem infusum in vino, sicut fecit Galenus in illo iuvene 10. meth. cap. 3. Quod si non sit syncope, videndum an possimus curare causam, & prauidere ne sequantur symptomata, & erit optima curatio, modò non sit aliud symptoma quod impediat. Si igitur sit virtus debilis, cibarius

binus saepe ter vel quater, sed parum vnica vice dando. Si virtus fortis, rarius & plus dabimus, & tunc licebit aliquo modo lenire ventrem cum cassia vel manna. Sic igitur procedendo omni diligentia studebimus vti cibis & medicinis densantibus corpus, & applicando exterius olea astringentia, virtute vigorata, humoribus incrassatis, & corpore densato, tunc educere concedetur materiam biliosam, cum iis quae etiam membra roborent, vt est rhabarbarum, vel mirobalanis citrinis. Postea vtemur quae membra magis corroborent. In declinatione autem cum non amplius sit timor de syncope, Curtius leuem frictionem admittebat. Ceterum vt auctorum dicta de curatione huius febris in certum progrediendi modum contrahamus, curabimus imprimis vt aer sit frigidus & humidus arte vel natura: non desunt qui & astringentem aerem laudant, ne substantia diffluat, aut spiritus euaporentur. Cibi erunt restaurantes, vt panis infusus in succo granatorum, vitella ouorum cum omphacio, panata, seu panis in minutissimas partes seu scobem redactus cum iure pulli, exiguo saccharo addito, & cum succo limonum alteratus: sorbitio ex halica, hordei cremor, cum succo malorum punicorum, fructus austeri, testiculi gallorum, ius stillaticium ex carnibus pulli, irrigatis aqua rosacea, acetosa, buglossa, succo arantiorum, granatorum acetosorum vel mizorum vt vocant, aliq, iura restaurantia. Carpes pullorum, hedorum, phasianorum, perdicion cum eiusmodi succis acidis alterata. Pisces quoque carnes duras habentes conceduntur. Inter olera, lactuca, portulaca; inter fructus, pruna. Potus sit vinum aquosum non vetustum nec acerbum. nec est timendum de vini exhibitione propter calorem febrilem, vt vult Auic. 11. 3 ij. cap. de syncope. Vel si viscerum timeatur inflammatio, vtatur aq. hordei cum iulebo rosato, aut syrupo de limonibus, de acetos. citri. Cibum su-

Aër.

Cibus.

Potus.

mat paulò ante paroxysmum si febris intermittat, si non, aliquando ob syncopen in exacerbatione dare cogimur: aliàs præstabit dare tempore remissionis. Non fiat motio, sed quies adhibeatur, neque hic fiant frictiones, vt in alia syncopali humoralis. In digitis tamen vt spiritus qui sunt sepulti in corde in syncope, trahantur ad exteriora, iuxta Nicolũ conceduntur, sed alia ratione quàm in febre humorosa. Curtius verò, vt dictum est, in declinatione febris admittebat frictionem. Somnus in actu syncopis, non conuenit, tamen vigilia superflua vitanda. Hic somnus in hac febre maximè laudatur, quia in ipso non fit tanta commotio, sicuti in vigilia, omnibus enim modis ager quietus esse debet: idè vitabimus maximè vigiliam & motum. Neque hic inanitio locum habet, neque nimia repletio, cibus itaque est partiendus, vt dictum est, pluribus vicibus; & in actu syncopis propter accidens molestum & seuum subito vires deiciendo interficiens admittitur cibus, nempe panis buccella macerata cum vino, statim enim releuat agrum iuxta Galenum, vt dictum est. Quod ad animi accidentia attinebat, vitabit iram febricitans, & moderatè gaudebit. Extra pastum potus esse poterit aqua hordei cum iulebo rosaceo satis diluta. Quod autem ad medicamenta pertinet, si aluum non deiciat infirmus (solet enim sæpius in hac febre nimis lubrica esse) confert lenitio ventris, sed admodum leuis, atque materierum fecaliumeductio cum enemate emolliente, aut balanis tantum, vbi virtus debilis est. Sic communes glandes ab auctoribus probantur, cum minus debilitent, teste Galenò 3. reg. acut. commento ultimo: Et custodiendus est ager ab omni euacuatione præter lenitionem & vomitum. Vnde vomitus hic iuuat (modo non excedat) quia bilis ex se mobilis est, & subtilis: qui sola aqua calida iuxta Serapionem vel syrupo acetoso simplicis iritatur. Ex leniente medicamento confert diapru-

Quies.
Frictio.

Somnus.

Inanitio.

Animi acci-
dentia.

Medicamen-
ta lenissima
tantum ad-
hibenda.

Vomitum.

Leniens.

num simplex absque scammonio, cassia vel manna. Vel hoc modo. R. pruno. damas. numero x. iuiubarum numero vii. vuar. pass. enucleat. ℥ss. thamarind. ℥j. coquantur in sufficienti quantitate aqua, & huius iuris decocti accipe ℥ij. manna ℥x. aut cassia ℥j. syr. acetosif. citri ℥ss. detur ij. horis ante cibum, vel vna hora si inediam sustinere non possit. Vel sequens enema iniiciatur. R. malua viol. althea,

Enema.

betha ana m. j. mercurialis m. ss. prun. damas. xij. folior. lactuca m. ss. coquantur à s. q. aqua ad tertias. huius iuris decocti. R. lib. j. cass. rec. tracta ℥j. zach. rub. ℥ss. vel j. ol. viol. ℥ij. misce. Interim & hoc notandum, si materia non fuerit multum furiosa, & inflammata, ita vt febris inducias det, tunc auctores iubent vt syrupi ad bilem praes-

Syrupi.

nam maximè valentes exhibeantur, quales in pestilentibus febribus dari solent adiectis aromate & stomachicis atque cordialibus frigidis humidisq. & aliquando etiam siccis. Alij ad causa abscissionem medicamentis leuibus, frigidis, stypticis & membra roborantibus commodè vtuntur: vt est succus granatorum expressus cum pulpis suis, thamarind. rhabarb. mycabolani citrini. At praestat prius digerere, modò agritudo moram patiatur cum syr. de acetos. citri, oxizach. simplici, acetoso simplici, de succo acetoso, cum aquis appropriatis, vt cicchor. end. & similibus. Postea leui vtendum purgatiuncula ex rhabar. myrabol. citrini cum decocto prunor. thamarind. sebesten. iuiubar, cum herbis nempe acetos. capill. ven. vel cassia aut manna cum decocto simili evitando semper scamnoneata. Ceterum cum praecipua pars curationis huius febris ob syncopen consistat in prohibitione fluxus materiae biliosa ad ventriculum, cuius causa ager frequenter syncopen incurrit, eandem intentionem perficiunt auctores (vt dictum est) pane infuso in succo granatorum acetosorum aut murrorum, vel arantij succo, eoq. pane prius esse, vt Blasius Astrucius à

Leuis purgatio.

Prohibitio fluxus biliosi.

rius in suo libello De febribus cōsultat: quam buccellam panis in principio paroxysmi vel ante paroxysmum dabimus. ita & post medicamenta lenientia roborabimus principes Roborantia. partes, vt materia praua resistan & febris: quam intentionem absoluemus tam internis quàm externis medicamentis admotis. Interius quidem confectiōe trionsandali. Zach. rosaceo, conditis, tabulisq; roborantibus refrigerantibus, de quibus in febribus ardentibus tum biliosis satis superq; dictum est. Exterius adhibentur epithemata, cordialia frigida & humida, modò tussis pectorisq; angustia non prohibeant, tunc etiam sicca conueniunt, vt sacculi cordiales. Epithema tale esse poterit. R. aquar. ros. ℥ viij. Epithema. aq. acetos, nymphae bugloss. ana ℥ iij. santalorum omnium coralli vtriusque ana ℥ j. β. croci ℥ β. aceti vel eius loco vini albi optimi ℥ β. caphura gr. iij. fiat epithema. eoque etiam testiculos madefacere possumus. Sacculus. ita paretur. R. flor. nymphae ros. rub. viol. ana ℥ ij. santal. omnium ana ℥ β. coriand. labrusca se. acetosa ana ℥ ij. osis de corde cerui ℥ j. margar. nouar. ℥ β. caphura gr. iij. pulueriscentur omnia mediocriter, & ponantur in sacculo sericeo rubro, qui cordi sub mamilla sinistra applicetur. Reliqua de peste dicenda hic conueniunt. Hepati quoque, renibus, spina dorsi, frigida humidaq; vnguenta Vnguenta. admouenda. rosaceum infrigidans Galeni. Guilhelmus cap. proprio, camisiam in aqua rosacea infusam cum santalis induere iubet, si sudor superfluat, & syncope superueniat, quem & Alexander inhibendum esse ait. Existimarem quidem ita lotam & deinde exsiccata sufficere, & non humidam induere, ob calumniam vulgariū. De hoc symptomate plura videas apud auctores de curatione febrium acutarum. Ita etiam Sauonarola de correctione accidentium huius febris lectorem remittit ad ea quae scripta sunt de febribus acutis. Verum præcipue syncopi occurrendum.

Sawonarola.

dum. Propterea admonet idem Sawonarola, ut tempore syn-
 copis paratum habeamus aliquod epithema cordiale, vel
 sacculum, micam panis infusam in succo granatorum (ut
 dictum est) acidorum, aut agresta, vel arantiorum, vel
 cotoneorum, aut in vino aromatico cum aqua rosacea lym-
 phato, vel succo acetosa: Et ubi virtus deiecta est, saepe ex-
 hibere aquam carnis sublimatam; aut ius alteratum cum
 succis praedictis frigidis, aut cum santalis. Confert etiam
 confectio manus Christi dicta, vel hoc conditum. R. con-

Conditum.

serua ros. borag. ana ʒj. corticum citri conditi ʒj. frag.
 omnium lapidum pretiosorum margarit. ana ʒβ. scobis
 auri & argenti ana ʒβ. zach. q. s. fiat conditum. vel
 R. pul. diamarg. frig. ʒij. coralli rub. ʒj. compos. al-
 chermes composit. de hyacintho ana ʒβ. syr. de acetos. ci-
 tri ʒj. aqua acetosa bugloss. ana ʒj. β. mis. fiat potio. de-

Potio corre-
ficiens.

tur tempore syncopis. Facies aqua ros. buglossa acetos.
 aspergatur, trionsand. adiectis cum musco & camphora,
 modo non sit mulier suffocationi uteri obnoxia. admovean-
 tur odorifera frigida, ut tempore pestis fieri solet. Sauona-
 rola etiam frictiones leues in paroxysmis tam in pedibus
 quam manibus concedit cum rebus odoriferis, & alio tem-
 pore ad somnum inducendum. At leues esse debent, fortes
 inflammant, caloremq; augent, & bilem mouent in princi-
 pio ut virtus excitetur: verum ea excitata, dimittenda, &
 tunc potius febris ratio habenda iuxta tempora eiusdem,
 & roborationi virtutis incumbendum cum electuariis &
 confectionibus cordialibus ac alterationi caliditatis febrili-
 lis, cum alterantibus frigidis. Verum si videris infirmum
 deficere spirituum subtilitate & humorum, qui resolun-
 tur a caliditate febrili, tunc studeas, inquit incrassationi
 eorundem, refrigerantibus, flabellis, irrorationibus, etiam
 circa testiculos & mulierum pudibunda: est enim hic mo-
 dus magna refrigerationis. & iuxta eundem pulpa cra-

rum it-

rum irroranda aqua rosacea exiguo vino aromatico adiecto ad spirituum & virtutis renouationem: quin imò virtutem roborabimus etiam cibus in principio paroxysmi & augmento vel statu, si syncope agri obruantur, aut si easum virtutis metuamus, semper euitando fortiores euacuationes, vt dictum est.

OBSERVATIO XLII.

DE FEBRE ELODE.

AGRICOLA in Scoënrelo, pago ita dicto, prope portum Delphium, annorum 40. anno 1566. mense Maio, cùm malè haberet, in febrem elodem incidit, atque hic duobus ferè mensibus in perpetuo sudore erat. Postea ad hecticam peruenit, neque vllis remediis vsus est, nisi in fine cùm morbus iam confirmatus foret, ita vt tunc commodis remediis morbus tolli non posset. Cùm iam ad extremum laboraret, atque in hecticam diuturnam lapsus esset, ac aphtas incurrisset, tunc primum in fine morbi ad ægrum deploratum accitus sum. Verùm cum vtilibus remediis tunc nihil proficerem, præhabito prognostico, tandem & hic mortuus est.

S C H O L I A.

ELODES febris dicitur, in qua humida dispositione Elodes febris. corpus resoluitur perpetuo madore ac sudore. Sed hac tamen febris apud veteres (de qua pauci scripserunt) longè alia est ab ea, qua sudorifera Anglicana dicta fuit, de qua tractabimus cùm de febre pestilenti tum peste dicturi sumus. Verùm hac ipsa elodes à veteribus dicta, multò longior ac diuturnior existit, quemadmodum & typhodes de qua paulò ante mentionem fecimus. Vbi-
cunque enim sudores diu permanent, corpus resolui necesse
X 2 est.

est. Ceterum cum sudores sicuti, & syncope, symptomata quadam febris existant; de iis plenius dicemus suo loco, videlicet septimo libro cum de symptomatibus febrium agemus. Quamobrem cum tractatum omnem de febribus continuis absoluerimus & de putridis continuis: Nunc ad putridas intermittentes progrediamur, huic secundo libro finem imponentes.

F I N I S.

ERRATA ADHVC CORRI- GENDA LIB. I.

Pag. 70. lin. 8. sunt, lege fuit. Pag. 90. lin. 4. § ij. lege § j. p. 113. l. 29. translatus, lege transactis. pag. 116. lin. 13. iubilati, lege petlati. pag. 119. lin. 29. incubz, lege iniubar.

LIBRI II. ERRATA SIC CORRIGITO.

Pag. 124. lin. 19. decoct. lege decoct. pag. 136. lin. 15. malis, lege mitis. pag. 136. lin. 20. somnus, lege sciamus. pag. 138. lin. 17. adesse, lege adesset. pag. 141. lin. 10. tumor, lege timor. pag. 143. lin. 18. natalis, lege immutatis. pag. 149. lin. 1. solutis, lege solidis. pag. 151. lin. 17. § fs. leg. § ij. pag. 175. lin. 15. vitos, leg. vires. pag. 183. lin. 20. duobus, leg. duabus. pag. 89. lin. 1. hic, lege his. pag. 193. lin. 16. huic, lege hunc. lin. 17. decumbenti, lege decumbentem. pag. 209. lin. 16. aromatiseus, lege aromatiseetur. pag. 211. linea 27. & 30. fursurz, lege fatfatz. pag. 236. lin. 16. minati, lege iuuari. pag. 239. lin. 4. satis, lege salis. pag. 240. lin. 22. lepidz, lege tepide. lin. penult. tempozum, lege temperiem. pag. 242. lin. 17. si, lege se. pag. 250. lin. 4. decuit, lege docuit. pag. 261. linea 29. syr. viol. § j. lege § j. pag. 283. lin. 4. prima, lege prona. pag. 297. lin. 15. cynancho, lege cynanche. pag. 297. lin. 16. pituitosz, lege pernitiost. pag. 305. lin. 17. potterdi, lege potterdi. lin. 19. fractus, lege tractus. pag. 320. lin. 9. a, lege in. & lin. ultima esse, lege alio.

OBSER-

OBSERVATIONES MEDICINALES SECUNDUM ORDINEM, QUÆ IN HOC PRIMO LIBRO CONTINENTVR.

OBSER. I. De febre ephemera.	Pag. 21
II. De febre ephemera ex motu vehementiore.	27
III. De febre ephemera seu diaria ex vigilia oborta.	31
IIII. De ephemera ex æstu solis.	36
V. De ephemera ex sollicitudine cum ventris constipatione.	41
VI. De diaria seu ephemera in puerpera cum dextræ mammillæ phlegmone.	45
VII. De diaria seu ephemera mutata in hecticâ lethali.	51
VIII. De ephemera seu diaria ex frigore condensante poros cutis orta.	54
IX. De ephemera seu diaria febre plurium dierum.	57
X. De febre synocho non putri.	61
XI. De synocho non putri à barbaris synocha inflata dicta.	64
XII. De febre continente citra putredinem, vel synocho non putri, quæ tandem in synochum putrem nō solum conuerfa est, sed etiam in anginam periculosam transmutata.	68
XIII. De synocho non putrida, in qua metus erat, quòd in putridam commutaretur.	75
XIIII. De febre sanguinea seu synochorum putredine.	83
XV. De febre continente, seu synocho putri.	88
XVI. De synocho putri lethali in pleuritidem deinde in pulmoniam conuersa.	94
XVII. De febre continente seu synocho putri, cui exanthemata concomitabantur.	95
XVIII. De iuvene carnoso sanguineo, in Vere synocho putri seu continente febre laborante.	102
XIX. De puella à febre synocho putrida continente per fluxum sanguinis narium curata.	108
XX. De muliere sanguinea febre synocho putri correpta, quæ mensium fluore defuit.	109
XXI. De puero septem annorum, ex febre synocho putri	

quarto die obeunte.

xxi. De febre putrida continente vel sanguinea, septimo die fluxu sanguinis narium terminata. 123

xxii. De syncho putri seu continente cum variis accidentibus. 115

IN LIBRO SECVNDO. 117

o b s e r. i. De febre continua in iuvene bilioso quamvis robusto. 124

ii. De febre putrida continua ex calida vini potatione oborta. 127

iii. De febre putrida continua lethali in homine pituitoso. 130

iiii. De febre quadam putrida cum gutturis inflammatione, quæ 24. horas tantum durauit. 132

v. De febre acuta continua putrida. 137

vi. De febre continua biliosa & acuta, ac lethali. 144

vii. De putrida febre maligna continua cum vermibus. 150

viii. De febre acuta continua decimoquarto die per fluxum sanguinis narium terminata. 158

ix. De febre continua biliosa acuta cum aphthis. 162

x. De febre putrida continua quamvis lenta, cum alui retentione. 168

xi. De febre putrida continua lenta cum humorum crassitie. 172

xii. De febre, solo minorante pharmaco expulsa. 173

xiii. De febre continua cum fluxu symptomatiko. 174

xiiii. De febre continua biliosa, quæ à Galeno tertio phasis dicitur. 175

xv. De febre ardente lethali. 178

xvi. De febre ardente septimo die per fluxum sanguinis narium terminata. 182

xvii. De febre ardenti, cum urina tenui, pauca, nigra, mortem inferente. 186

xviii. De febre ardente paribus diebus exacerbationem habente, lethali. 190

xix. De quodam febre ardentissima correpto, qui voce clangosa moriebatur. 193

xx. De iuvene bilioso febre ardente exquisita laborante. 198

xxi. 198

xxi. De caſo exquiſito, per fluxum ſanguinis narium deſinente.	208
xxii. De febre ſatis ardente, ſeptimo die cum ſudore ſoluta.	213
xxiii. De caſo non exquiſito.	216
xxiiii. De febre continua tertiana bilioſa in iuvene bilioſo.	220
xxv. De tertiana continua maligna, intra octo dies ægrum interficiente.	224
xxvi. De tertiana continua in viro nobili bilioſo.	230
xxvii. De tertiana continua cum variis accidentibus, decimo quarto die terminata.	238
xxviii. De continua tertiana in prægnante.	243
xxix. De continua tertiana grauiffima in prægnante ex venæ ſectione curata.	250
xxx. De quadam febre tertiana continua nono die interficiente.	254
xxxi. De tertiana continua notha.	256
xxxii. De febre quotidiana continua cum variis ſymptomatis.	259
xxxiii. De febre quotidiana continua in hydropen tranſmutata.	268
xxxiiii. De febre quattana continua.	278
xxxv. De continua quartana, vnâ cum tabe & hæctica.	285
xxxvi. De febre lipyria lethali.	291
xxxvii. De febre typhode.	299
xxxviii. De febre quæ affodes Græcis dicitur.	306
xxxix. De febre cardiaca dicta.	309
xl. De febre colliquante.	311
xli. De febre ſyncopali continua à bilioſo humore.	315
xlii. De febre elode.	323

FINIS.